



51302

I

Gram 70

XIV h. 24.
16. 11. 26.





DE AR
RHETOR.

LIBRI QVINQ.

LECTISSIMIS VETERUM
AUCTORUM ÆTATIS AUREÆ,
PERPETUISQUE EXEMPLIS ILLUSTRATIS

AUCTORE

D. DOMINICO DE COLONIA

SOCIETATIS JESU

PRESBYTERO



LUBLINI



Typis Collegii Soc. JESU Ann.

MDCCLIV.

57202

~~Handwritten text, possibly a title or address, heavily crossed out with scribbles.~~

~~Handwritten text, possibly a name or location, heavily crossed out with scribbles.~~

Hic liber quatuor
testis est Deus
qui illius genuit
hoc nomen epita
sephus natus
vocat

~~Handwritten text at the bottom of the page, partially obscured by a tear.~~



AUCTOR LECTORI

Preceptis paucis brevibusque, exem-
plis vero bene multis constat hæc Ars
Rhetorica: Præcepta hausimus ex vetu-
stissimis Græcorum Latinorumque Rhe-
torum fontibus; Aristotelem dico, Cice-
ronem, Quintilianum, Demetrium Pha-
lereum, Hermogenem, atque Longinum.
Exempla, quæ lectissima sunt perpetua-
que, summò studio, singulorumque diligen-
tia selegimus ferè ex elegantissimis a-
tis aureæ Scriptoribus. Atque hoc ex-
quisito veterum exemplorum delectu, co-
piæque, nostrum hunc qualemcumque la-
borem speramus posse commendari, si cæ-
tera omnia desunt; illumque etiam poru-
ribus, & urbanis hominibus nec inu-
lem, nec injucundum, hoc saltem vo-
ne, fore confidimus.

OI RIFORMATORI

Dello Studio di Padova

AVendo veduto per la Fede di revisione, ed approvazione del P. F. Tommaso Maria Gennari Inquisitore, nel Libro intitolato: *De Arte Rhetorica Libri quinque. Auctore P. Dominico Decolonia Societatis JESU*, non esservi cosa alcuna contro la Santa Fede Cattolica, e parimente per attestato del Segretario nostro, niente contro Principi. e buoni costumi, concediamo licenza, che possa essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 10. Febbraro 1731. M. V.

(Carlo Ruzini Kav. Proc. Rif.

(Zan Piero Pasqualigo Rif.

Agostino Gadaldini Segr.

ELE-



ELEMENTA RHETORICÆ.

CAPUT PRIMUM De Fabula.

Quid est Fabula?

R. est Oratio falsa veritatem effingens.
Falis est apud Horatium (a) elegantissima illa Fabella equi, hominis opem adversus cervum implorantis.

Cervus equū, pugna melior, comūnibz herbis. Pellebat; donec minor in certamine longo Imploravit opes hominis, frænumque recepit. Sed postquam victor (b) violens, discessit ab-
hoste,

Non equitem dorso, non frænum depulit ore.
Vide quàm solerter Horatius sub illis Fabulæ involucris, & quasi integumentis, verum ac re

(a) Epist. 10. Lib. 1.

(b) Violens pro violentus, vox parum grata.

ut nos doceat; & nos repente à levi illa in speciem narratiuncula, ad veritatem traducat, tribus illis qui sequuntur versibus;

Sic qui pauperiem veritus, potiore metallis
Libertate caret, dominum vehet improbus,
arque

Serviet æternum, quia parvò nesciet uti.?

§. I. De variis Fabularum generibus.

Quot sunt genera Fabularum?

Res. Tria numerantur ab Aphthonio, & à Theone Sophista, qui Rhetoricas exercitationes seu progymnasmata (sic enim appellant) Tyronibus admodum utilia, nobis scripto reliquere. Tria igitur statuunt genera Fabularum. Aliæ sunt Rationales, aliæ Morales, aliæ Mixtæ.

§. II. De Fabula rationali, sive Parabola.

Quid est Fabula Rationalis, seu Parabola?

Res. Fabulæ Rationales sunt illæ, quibus ad mores instruendos, fingitur ab homine dictum, vel factum quidpiam, quod tamen re ipsa neque dictum fuit, neque factum, sed tamen dici, vel fieri omnino potuit. Hujusmodi sunt Divinæ illa Parabolæ de Virginibus decem, de Divite & Inope, de Filio Prodigio, aliæque, quibus Christus Dominus Apostolos, & circumfusam plebem ad omnem virtutem erudiebat: (a) *Sinè Parabolis non loquebatur eis*, inquit Sacra

Pagina;

(a) *Matth. 13.*

Pagina; tum ut se ad rudem populi captum accommodaret, tum etiam imprimis, ut serviret Palæstinorū moribus, ac consuetudini, apud quos nimirum hujusmodi Parabolæ majorem in modum erant usitatae, & unde in reliquas Orientis partes dimanarunt.

Rationales id genus Fabulas, seu Parabolas circiter duodecim habes in aureolo Phædri libello. Exemplum esto hæc, quam hîc offero.

Æsopus, & petulans.

(a) Æsopo quidam petulans lapidem impegerat, (dedit.

Tanto: (b) inquit, melior; assem deinde illi sic profecutus: plûs non habeo mehercule: Sed unde accipere possis, monstrabo tibi. Venit ecce dives, & potens: huic similiter Impinge lapidem, & dignum accipies præmiū, Persuasus ille fecit, quod monitus fuit, Sed spes fefellit impudentem audaciam; Comprehensus neque pœnas persolvit cruce.

§. III. De Fabula Morali, sive Apologo.

Quid est Fabula Moralis, seu Apologus?

R. Est illa, quæ belluarum mores, & indolem exprimit ad mores hominū informandos. Morales hujusmodi Fabulæ dicuntur *Æsopicae*; non quod Æsopum auctorem habeant, ut vulgus existimat, cùm longissimè ante Æsopi

A 4.

tempora

(a) Lib. 3. Fab. 5. (b) Inquit Æsopus.

4
8 tempora (a) ab Homero, (b) & Hesiodo fuerint usurpata; sed quòd valdè fuerint in deliciis Æsopo, qui illas admodum ingeniosè tractavit. Interdum etiam non solùm fera, sed arbores quoque, & plantæ, mallej, incudes, aliæque res hujusmodi, loquentes inducuntur. Exquisitissimū Fabulæ Moralis exemplum habes in hoc Phædri Apologo:

Rana rupta, & Bos.

Inops, potentem dum vult imitari, perit.
In prato quodam Rana conspexit bovem;
Et tacta invidiâ tantæ magnitudinis,
Rugosam inflavit pellem; tum natos suos
Interrogavit, an bove esset latior?
Illi negârunt rursus intendit cutem
Majore nisu; & similî quæsit modò,
Quis major esset? illi dixerunt: bovem.
Novissimè indignata, dum vult validiùs
Inflare sese, rupto jacuit corpore.

Quantoque valeat hic Apologus ad nostros mores emendandos, satis liquet ex primo versiculo:

Inops, potentem dum vult imitari, perit.

Quæpropter vir aut quis comparandus Julius Cæsar Scaliger ait in sua Pœtica, Apologū sic appellari quasi *apo logoy logon* quasi si aliud

(a) Æsopus floruit annò 185. à Roma condita.

(b) Homerus Pœtarum Græcorum princeps vixit mille circiter annis ante Christum.

aliud palam, & apertè dicat, aliud clam innuat, doceatque, quemadmodum Allegoria.

Quid interest inter Apologum, & parabolam?

R. Hoc interest, quòd Apologus sit earum rerum, quæ fieri omnino nequeunt; neque enim belluæ loqui possunt; Parabola verò est earum rerum, quæ si reipta non sunt, esse certè quidem potuerunt.

§. IV. De Fabula Mixta.

Quid est Fabula Mixta?

R. Est ea, quæ ex Rationalis, & Moralis admixtione componitur, seu in qua homines cū brutis sermocinari finguntur. Eximium Fabulæ Mixtæ exemplum reperies apud Justinum, Historiarum libro XLIII. cap. IV. Hanc opportunè adhibuit Regulus quidam ad concitandos veterum Gallorum animos contra Massilienses, qui ex Asia nuper in Ligurum regionem advecti, locique amœnitate capti, condendæ urbis locum ab incolis precariò impetraverant.

Canis, & Pastor. Fabula Mixta.

Canis aliquando partu gravida locum à Pastore precariò petit, in quo pareret: quò obtentò, iteratò petit, ut sibi educare eodem in loco catulos liceret. Ad extremum adultis catulis, sulca domesticò præsidio proprietatem loci sibi vindicavit. Non aliter Massilienses, qui nunc inquilini videantur, quandoque dominos regionum futuros.

Quantum

Quantum porro valuerit hæc Fabula, continuo subiungit Justinus: *Hic, inquit, incitatus Rex insidias Massiliensibus struxit.*

§. V. De legibus, & artificio Fabulæ.

Quanam est prima, ac præcipua Fabulæ lex?
R. Prima hæc est lex, ut Fabula quælibet adjunctam habeat suam interpretationem, quam moralis illius sensus breviter explicetur: quam interpretationem quasi Fabulæ animam ausim appellare. Hæc interpretatio, si ponatur post Fabulam, vocatur *Apomythion*, sive *Affabulatio*, si verò ponatur initio, vocatur *Promythion* quasi *Prefabulatio*, si ita loqui fas esset. Ceterum initio ponas, an sine, non refert maxime opere.

Quanam est altera lex Fabulæ?

R. Secunda lex hæc est, ut Fabulæ narratio sit perspicua, probabilis, brevis, & jucunda. Verum de illis quatuor narrationis cum Fabulose, tum Historicæ virtutibus. itemque de Figuris, quibus utraque potest illuminari, capite subsequenti dicturi sumus.

Quomodonam probabilis reddi potest, veroque similis Fabula, quæ nimirum ficta semper res est, & commentitia, ac per se pè etiam incredibilis, fideique prorsus absona, quales sunt Apologi, qui belluis humanum sermonem affingunt?

R. Fabulæ quantumvis fictitiæ, quamdam tamen inesse probabilitatem, ac verisimilitudinem si sua cuilibet animanti seruetur indoles, ac suum inge-

um ingenium: si Vulpem facias versipellem & subdolam; Lupum rapacem & truculentum; Agnum mitem & simplicem; ac cæteræ demū bellæ germanis propriisque suis coloribus depingantur. Hinc sapientes monet Horatius in arte Pœtica; Pœtæ mendacia ad veritatem accedere omnino debere:

Ficta voluptatis causâ sunt proxima veris.

Et alio loco eiusdem Poeticæ:

Atque ita mentitur, si veris falsa remiscet.

Primo nè medium, medio nè discrepet imū.

§. VI. De utilitate Fabulæ.

Quanam est utilitas Fabulæ?

R. Mirabiles quosdam usus habet Fabula, si in loco, ac tempore adhibeatur, ut par est. Primò enim mirum in modum valet ad exhilarandos, recreandosque auditorum animos, & ad conciliandam attentionem, quæ delectationi solet esse conjuncta. Hac arte sibi paravit olim attentionem summus Orator Demosthenes.

Cum enim, licet de rebus gravissimis agens, fastidiosè tamē, & oscitanter audiretur ab Atheniensibus, hac eleganti Fabella repente illorum aures, & animos ad audiendum convertit.

Asini umbra. Fabula

Adolescens æstivo tēpore Athenis Megaram profecturus, asinum conduxit; cumque effervescente jam meridie, solis ardor capisset esse vehementior, vitandi caloris causâ, sub asini ventrem se conje-

se coniecit, ut umbram indè captaret. At [a] Agaso, qui locaverat asinum, hinc hominem serio proturbare, asserens se nihil nisi asinum, non verò asini umbram locasse: alter contra affirmare, se cum asino pariter illius umbram conduxisse: Cùm autem vidisset Domesthenes captos hac Fabula Judices risu corruere, ac penè emori, discessit repente paravit, vel parare se finxit: sed rogantibus enixè Atheniensibus, ut Fabulæ quod reliquum erat, perficeret. Itane verò, mutata voce inquit, [b] de asini umbra audire vultis, de rebus gravibus, & seriis non vultis? & illos hęc artificiosè ab oscitantia, radioque ad lumnã quãdam audiendi alacritatem traduxit.

Quenam est altera utilitas Fabulæ?

R. Fabula non solum valet ad delectandum, sed, quod caput est, facit etiam in primis ad docendum, ad movendum, & ad corruptos hominum mores commendandos. Hic etenim est, quemadmodum Philosophiæ, sic etiam Fabulæ laudabilis scopus, ut utraque Mortales ad honestatis, ac virtutis studium à vitiorum fœdestate traducat. Sed Philosophus, & Fabulator diversis itineribus eodem contendunt. Philosophus objurgat vitia palàm, & apertè, sinè ambagibus & integumentis, unde offensi per sæpe improborum animi salutare monitum aspernantur ac re-

(a) Italicè: *Mulattiere, Vetturale.*

(b) *Plutarchus in vita Demosthenis.*

Ac respuunt, castigatque remordent, ut inquit
Juvenalis.

At Pòeta vitium impugnat, quasi aliud agens
Ac veluti [a] per cuniculos, & monitorù auste-
ritatem Fábularum condimentò mitigat: ut nē-
capte captus, ac delinitus innoxie voluptatis ille-
cebris animus salutē rē medicinā libenter admit-
tat, ut sapienter monet Lucretius lib. 3. & 4.
Ac veluti pueris absinthia tetra (b) medentes
Cum dare conantur, prius oras pocula circum
Contingunt mellis dulci, flavoq̄ue liquore,
Ut puerorum ætas improvida ludificetur;
Laborum tenus; interea perpotet amarum
Absinthii laticem, deceptaque non capiatur:
Sed potius tali facto recreata valecat.

Quid enim aptius, v. gr. ad inaniam promif-
orum tumorem sine cujusquam offensione ca-
tigandum, quam hæc lepidissima Phædri de
nonte parturiente Fabella? [c]

Mons Parturiens.

Mons parturibat, gemitus immanes ciens;
Eratque in terris maxima expectatio;
At ille murem peperit. Hoc scriptum est tibi,
Qui magna cum minaris, extricas nihil.

Quò etiam ingeniosè alludit Horatius in ar-
te Pòetica:

Quid dignum tanto feret hic promissor hiatu?

Partu-

(a) Ital. Per via di Mine. [b] Idest, medici.

(c) Lib. 4.

Parturient montes; nascetur ridiculus mus.

Ad hanc Fabulæ utilitatem pertinet etiam, quod ait idem Horatius in Sat. 1. l. 1.

Tantalus à labris sitiens fugientia caprat
Flumina, Quid rides? mutato nomine, de te
Fabula narratur.

Quo veterum exemplo probari potest, Fabulam ad docendos animos & affectus concitandos utilem esse?

R. Exemplò Menenii Agrippæ, qui plebem Romanam, quæ graviter offensa in montem Aventinum aliquando secesserat, ad Patrum auctoritatem, concordiamque revocavit narratiunculam Apologi de membris humanis adversus, stomachum conspirantibus; & quod nec legum, nec magistratûs auctoritas potuerat, id ficititæ narrationis blandimentò perfecit. Apologum sic narrat T. Livius Lib. 2.

Venter, & reliqua humani corporis membra. Apologus.

Tempore, quo in homine, non ut nunc, omnia in unum consentiebant, sed singulis membris suum cuique consilium, suus sermo fuerat, indignatus reliquas partes, suâ curâ, suo labore, & ministerio ventri omnia quævis, ventrem in medio quietum nihil aliud quàm datis voluptatibus fruerentur, (a) conspirasse inde, nè manus ad os cibum ferrent, nec os accipere datum, nec dentes confici-
vent.

[a] Supple agebat, vel narrabat.

rent. Hac ira dum ventrem fame domare vel-
lent, ipsa unâ membra, totumque corpus ad ex-
tremam tabem venisse; inde apparuisse, ventris
quoque haud segne ministerium esse; nec magis
ali, quàm alere eum reddentem in omnes corpo-
ris partes hunc, quo vivimus, vigemusque divisi
pariter in venas, maturè confectò cibo, sangvi-
nem. Comparando hinc: quàm intestina Corpo-
ris seditio similis esset ira plebis in Patres; fle-
xit mentes hominum.

C A P U T II.

De Narratione.

Quid est Narratio?

R. Est rei gestæ, vel quasi gestæ expositio.
Dicitur rei gestæ, vel quasi gestæ, ut nempe
Narrationem tam historicam tam Fabulosam
complectatur hæc nostra definitio.

§. I. De virtutibus Narrationis.

Quam sunt virtutes Narrationis?

R. Quatuor à Tullio recensentur: perspi-
cuitas, probabilitas, brevitatis, & suavitas.

Quomodo perspicua fiet Narratio?

R. Fiet perspicua. 1 Si temporum servetur
ordo, aded ut quod primum gestum est, primū
etiam referatur.

2. Si verbis propriis, & usitatis utamur.

3. Si res non interruptè narretur.

4. Denique si diligenter vitetur omnis ver-
borum

borum ambiguitas, qualis esset ista, v. gr. *A-
junt Regem (a) Pyrrhum Romano vicisse*. Quis
enim inde victor, quis victus intelligi possit?

Quantum porro eniti, ac contendere debe-
at Orator, ut perspicuè narret, & apertè, faci-
lè intelligere poteris ex aureo illo Fabii Quin-
tiliani præcepto: *Prima sit Orationis virtus per-
spicuitas*. Quod spectat etiam, quod eodè capite
inculcat idem Fabius; *Diuicida & negligenter
quoque audienti aperta sit.....ut in animum, tã-
quam sol in oculos, etiam si non intendatur, incur-
rat. Quare non ut intelligere possit auditor, sed
nè omnino possit non intelligere, curandum*.

Quod si obscuritatis vitio laboret Narratio,
jure, ac merito cadet in illius auctorem, quod
de obscurissimo quodam Scriptore jactatum est
à nobilissimo (b) Pœta:

Quid iuvat obscuris involvere scripta latebris,
Nè pateant animi sensa? tacere potes.

Cedo ex veteribus Exemplum aliquod Narrationis perspicuæ?

R. Instar omnium esse potest laudatissimum
illud Epigramma [c] Ausonii de Venere arma-
ta, & de Pallade. In

(a) Pyrrhus fuit Epirotarum Rex fortissimus,
qui contra Romanos pro Tarentinis sex annos
bellum gessit.

(b) Scavola Sammarthano, [c] Ausonius e-
gregius Rhetor & Pœta, præceptor Imperatoris
Gratiani, fuit Consul Anno 379.

In Venerem armatam.

Armatam vidit Venerē (a) Lacedæmone Pallas,
 Nunc certemus: ait, iudice vel Paride
 Cul Venus: Armatâ cur me, temeraria, temnis,
 Quæ, quo te vici tempore, Inermis eram?

Q. *Uomodo fiet probabilis narratio?*

R. 1. Si is, qui narrat, sit notæ probitatis,
 & fidei.

2. Si rei gestæ seriem exponat sinè fucò;
 qua simplicitate nimirum atque candore plus
 multò valebit ad persuadendum, quàm alii ca-
 lamistris, lenociniis, & hyperbole.

3. Si nihil afferat fidei absonum, & quod ab-
 horreat à communi hominum sensu; quia, ut
 rectè admonet Horatius in arte Pœtica.

Quo scûque ostendis mihi sic, incredulus odi,

Quòd si fortè rei veræ, sed Incredibili, fidem
 facere velis, usurpare poteris sapiens illud cu-
 jusdâ Veteris dictû: *Malta esse vera, quæ ta-
 men non sint verisimilia; & probabile omnino es-
 se, quâpturina contrâ probabilitatē contingere.*

4. Denique si clarè, apertèque exponas re-
 rum circumstantias, & adjuncta personarum, lo-
 corum, ac temporum; unde vel maximè pen-
 det facti probabilitas. Ita Cicero in mirabili il-
 la Narratione Miloniana, probabile reddit à
 circumstantiis personarum, quod narrat de in-
 fidiis Miloni à Clodio paratis: *Cur igitur, in-
 quit, victus est? (Clodius) Quia non semper vi-*

B

ator

(a) Lacedæmonii Venerem armatam colebant.

ator à latrone, nonnunquam etiã latro à viatore occiditur: quia quamquam paratus in imparatos Clodius, tamen mulier incidere in viros.

Quid factò est opus, ut brevis sit Narratio?
 R. Brevis erit, si narrandi initium altiùs non repetas, & ab ovo, ut ajunt; quemadmodum ineptus ille, quem ridet Horatius:

Qui gemino bellum Trojanum orditur ab ovo.
 Sed si inde sumas exordium, unde necesse est,
 2. Si non inutiles, putidasque circumstantias, quæ nihil faciant ad rem, in Narrationem tuam infacias. Quid enim opus est dicere; v. gr. *In portum veni, navem paratam aspexi, de pretio conveni, sublata sunt anchoræ, è portu solvi?* Satis erat dixisse: *è portu solvi.*

Vide tamen etiã, atque etiã, nè nimia brevitatis obscuritatem afferat orationi; ut observat Fabius. *Vitanda, inquit, illa Sallustiana brevitatis, & abruptum orationis genus.* Et alio loco: *Narratio, inquit, præcisa non tam Narratio vocari potest, quàm confusio.* Audi rursus Horatium nostrum:

— Brevis esse laboro.

Obscurus fio.

Qua ratione suaviter reddetur Narratio?
 R. Suavis erit, 1. Si utamur verbis leniter & numerosè sonantibus. 2. Si ita collocentur verba, ut nec hiulus, nec asper sit illorum concursus. 3. Si, quæ narramus, sint magna, nova
 & in-

Et inexpectata. 4. Si adhibeantur certæ quædã narrandi formulæ Tullio perfamiliares; cùm, v. gr. pro tempore præterito præsens usurpatur; itèm cùm plures infinitivi subaudio verbo junguntur, ut cùm ait: *Rex primò nihil metuere, nihil suspicari, dies unus, & alter intercedere* Ità etiam Cæsar, lib. 1. de Bello Gallico: *Divitiacus multis cum lacrymis Cæsarem complexus obsecrare capit, nè quid gravius in fratrem statueret: Scire se illa esse vera, nec quemquam ex eo plus quàm se doloris capere.* Supple, *dixit.* Ità Virgilius in mirificis hisce versibus Lib. VI. *Æneidos.*

At Danaum Procères, Agamemnoniæque
Phalanges (bras,

Ut videre virum, fulgentiaque arma per um
Ingenti trepidare metu; pars vertere terga,
Ceu quondã petiere rates: pars tollere vocẽ
Exiguã: inceptus clamor frustratur hiantes.

5. Denique suavis erit Narratio, si diversis figuris illuminetur, & si habeat admirationes, expectationes, suspensiones, exitus inopinatos, & interpositos motus animorum, dolorem, lætitiã, metum, cupiditatem.

Harum omnium rerum admirabile quoddã exemplum habes in jucundissima illa Narratione de Dionysio Syracusarum Tyranno, & de Damocle quodam illius Parasito, in quam incuiri satis non poterunt Tyrones, ut suaviter, & festivè narrare discant.

Dionysius Syracusarum Tyrannus, &
Damocles.

Jucundæ Narrationis Exemplum ex
Tuscul. lib. 5.

CUM quidam ex ejus assentatoribus Damocles commemoraret in sermone copias ejus, opes, majestatem, dominatus, rerum abundantiam, magnificentiam ædium regiarum, negaretque unquam beatiorum quemquam fuisse. Visne igitur, inquit, Damocle, quoniam hæc te vita delectat, ipse eandem degustare, & fortunam experiri meam? Cùm se ille cupere dixisset, collocari jussit hominem in aureo lecto, strato pulcherrimo, [a] textili stragulo, magnificis operibus picto, (b) abacosque complures ornavit argentea, auroque calata. Tum ad mensam eximiam formam pueros delectos jussit consistere, eosque nutum ejus intuentes diligenter ministrare. Aderant unguenta, coronæ, incendebantur odores; mensæ conquississimis epulis extruebantur, fortunatus sibi Damocles videbatur. In hoc medio apparatu fulgentem gladium è (c) lacunari, seta equina aptè demitti jussit, ut impenderet illius beati cervicibus. Itaque nec pulchros illos ministratores aspiciebat, nec plenum artis argentum, nec manum porrigebat ad mensam. jam ipse defluebant coronæ: denique exoravit Tyrannum, ut abire liceret

(a) Ital. Con arrazzi ricamati a superbissimi lavori. (b) Credenze. (c) Soffitta.

ret, quod jam beatus nollet esse, Satius ne videatur declarasse Dionysius, nihil, ei esse beatum, cui semper aliquis terror impendeat?

Ad hanc suavissimam Narrationē alludit Horatius, cum ait Odarum lib. 3.

Districtus ensis cui super impia
Cervice pendet, non Siculae dapes
Dulcem elaborabunt saporem,
Non avium, citharæque cantus
Somnum reducent, &c.

§. II. De Schematis, seu Figuris, quibus illuminari potest Narratio.

Quid est Figura?

R. Figura, seu Schema est ornamentum quoddam orationis, seu loquendi modus illustrior, & à communi consuetudine remotus, cujusmodi sunt hæc Ciceronis verba: O Dii, immortales, ubinam gentium sumus! . . . O scelus, o portentum in ultimas terras amandandum, Itémque illa Virgilia verba in Ecloga II.

Ah Corydon, Corydon, quæ te dementia cepit?

Vel cum idem Virgilius Æneid. VI. Sibylam ita loquentem inducit:

— Bella, horrida bella,

Et multo Tiberim spumantem sanguine cerno.

Quis enim non videt, hæc orationis lumina & illas dicendi quasi faces in quotidiano communique sermone adhiberi nequaquam solere?

Quibus potissimum Figuris erit illuminanda narratio, ut sit suavis?

R. Præcipuæ Narrationis Figure sunt Hypotyposis, Suspendio, sive Sustentatio, Exclamatio, Communicatio, & Sermocinatio, sive Dialogismus.

Quid est hypotyposis?

R. Est figura, quâ aliquid tam vivis spirantibusque, ut ita loquar, coloribus pingitur, atque narratur, ut non tam audiri, vel legi, quam spectari, & oculis quasi subjici videatur. Itâ Cicero V. in Verrem Gavi cujusdam Civis Romani supplicium narrat per Hypotyposim: *Cædebatur virgîs in medio foro Messanæ (a) Civis Romanus; cum interea nulla alia vox istius miseri, inter dolorem, crepitumque plagarum audiebatur, nisi, hæc; Civis Romanus sum.*

Sic etiam Virgilius narrator, & rerum imitator planè mirificus, Didonis, & Æneæ venationem describens, rem quasi sub oculos ponit hîs versibus egregiis:

——— Ostrôque insignis, & aurâ
Stat sonipes, ac fræna ferox spumantia mandat.
Idemque, Pdëta libro quinto, Entelli, & Daretis pu. nam pænè sub aspectum ita subjicit:
Hæc fatus (b) duplicem ex humeris ejecit
amicum,

Et

(a) In Sicilia vulgò Mellina

(b) Entellus

Et magnos membrorum artus, magna ossa,
(a) lacertosque

Exiit, atque ingens medâ consistit Arenâ.
Constitit extēplo in digitos arrectus uterq;
Brachiâque ad superas interritus extulit auras

Præcipitemque Daren ardens agit æquore
toto. (strâ.

Nunc dextrâ ingeminans ictus, nunc ille fini-
Nec mora, nec requies; quàm multa grandi-
dine nimbi

Culminibꝫ crepitant, sic densis ictibꝫ Heros
Creber utraq; manu pulsar, versâtq; Dareta

Ast illum fidei æquales genua ægra trahentē,
Jaçantemque utroque caput, crassumque cru-
orem

Ore rejectantē, mistosque in sanguine dentes
Ducunt ad naves.

Quid est Suspensio?

Re. Suspensio, seu Sustentatio, est Figura,
quâ Orator ad sibi conciliandam attentionem,
& ad excitandos, atque arrigendos auditorum
animos, illos tenet aliquandiu suspensos, & in-
certos, quid dicturus sit. Itâ Tullius contra Ver-
rem: *Etiânum mihi expectare videmini judi-
ces, quid deinde factum sit Expectate fa-
cinus quàm vultis improbum, vincam tamen ex-
pectationem vestram.* B 4. *Quid*

(a) Versus hypermeter,

Quid est Exclamatio?

R. Est vocis elatio, sive contentio, qua inter-
 jectio, vel adhibita, vel subaudita, vehemen-
 tiorem animi motum significamus, & rei ma-
 gnitudinem exprimimus. Ita Tullius, post nar-
 ratum indignissimum illud Gavii, licet Civis
 Romani, supplicium, de quo paulò suprà, in
 has doloris, & indignationis voces subito erū-
 pit: (a) *O nomen dulce libertatis! O jus eximium*
nostræ civitatis! O lex Porcia, legesque Sempro-
nia, ò graviter desiderata, & aliquando reddita
plebi Romana Tribunitia potestas! buccine tan-
dem omnia reciderant, ut civis Romanus in Pro-
vincia populi R. in oppido Fœderatorum, ab eo,
qui beneficio populi R. fasces, & secures habe-
ret, deligatus in foro virgis caderetur? Quid
cùm ignes, ardentesque lamina, ceterique cruci-
atus admovebantur? si te illius acerba implora-
tio, & vox miserabilis non inhibebat, nè civium
quidem Romanorum, qui tum aderant, fletu &
gemitu maximo commovebare? In crucem tu a-
gere ausus es quemquam, qui se civem Romanum
esse diceret?

Eodem planè modo Æneas apud Virgilium
 lib. 2. equi Trojani fatalem ingressum primò
 narrat:

Dividimus muros, & mœnia pandimus urbis
 Accingunt omnes operi, pedibusque rotarum
 Subji-

(a) Cic. in Verrem.

Subjiciunt lapsus, & stupea vincula collo
Intendunt. Scandit fatalis machina muros
Foeta armis: circum pueri, innuptæq; puella
Sacra canunt, funemque manu contingere
gaudent.

Illæ subit, mediæque minans illabitur urbi.
Deinde per summum dolorem repente sic ex-
clamat:

O patria, o divum domus Illi, & inclita bello
Mœnia Dardanidum! quater ipso in limine
portæ

Substitit, atque utero sonitum quater arma
dedere.

Inflamus tamen immemores, cæcique furore,
Et monstrum infelix sacrata sistimus arce.

Quid est Communicatio?

R. Est figura, quâ Orator causæ suæ confidens
deliberat cum iis ipsis, apud quos, vel contra
quos dicturus est, illos nimirum consulens, quid
acturus sit, vel etiam quid ipsimet in simili cau-
sa essent acturi. Ità Cicero per summam fiduciã
videtur consilia sua communicare cum adver-
sario suo Verre, illumque quasi consulere in
hunc modum; *Si tu apud Persas, aut in extre-
ma India deprehensus Verres, ad supplicium du-
cerere, quid aliud clamitares, nisi te civem esse
Romanum?* (a) & *si tibi ignoto apud ignotos, a-
pud*

[a] Una hac voce D. Paulus civis Romanus
cruciatus & mortem vitavit. *Act. 21.*

pu*d* Barbaros, apud homines in extremis, atque ultimis gentibus positos, nobilit. & illustrare apud omnes nomen tuæ civitatis profuisset; ille, quisquis erat, quem tu in crucem rapiebas, qui tibi esset ignotus, cum Civem se Romanum esse diceret, apud te Prætorum, si non effugium, nè moram quidem mortis mentione, atque usurpatione civitatis assequi potuit?

Quid deniq; est Sermocinatio, seu Dialogismus?

R. Est Figura, quâ duo, vel plures homines inducuntur loquentes, aut secum ipsi, aut cum aliis. Lepidam illius exemplum habes in hac pereleganti Narratione Ciceroniana libri primi Tusculanarum quæstionum.

Diogenes, & amici, Narratio per Dialogismum.

Cum ab amicis rogaretur Diogenes, ubi vellet inhumari. Projicite me, inquit, inhumatum. Tū amici. Volucrisne & feris? Minimè verò, inquit, sed hac illum prope me, quo abigam, ponite. Qui (a) poteris? illi; non enim senties. Quid igitur mihi ferarum laniatus oberit nihil sentienti?

Nec minus festivū videbitur, quod hic subji*c*io, aliud exēplū ex eodē Tull. l. 2. de Orat.

Scipio (b) Nasica, & Ennius Poëta,
scipio

[a] Pro Quomodo. (b) Erat cognomen Scipionis illius, qui etiam Corculum vocabatur ob suam prudentiam.

Scipio Nasica cum ad Pœtam Ennium venisset, eique ab ostio querenti Ennium, ancilla dixisset: domi non esse, Nasica sensit illam domini jussu dixisse, & illum intus esse. Paucis post diebus cum ad Nasicam venisset Ennius, & eum à janua quareret, exclamat Nasica: se domi non esse. Tum Ennius: Quid? ego non cognosco vocem, inquit, tuam: Hic Nasica: Homo es impudens: ego cum te quererem, ancilla tua credidi te domi non esse: tu mihi non credis ipsi?

§. III. Varia Narrationum genera, & selecta illarum exempla.

Quotuplex est Narrationis genus?

R. Triplex, alia est enim Narratio Pœtica, alia Historica, alia Civilis, & Oratoria. Narratio Pœtica rem fictam exponit; Historica rem gestam; Civilis, & Oratoria rem exponit, quæ in controversiam adducitur.

Quid differt inter hæc tria Narrationum genera?

R. Hoc potissimum interest, quòd Historicus, & Orator ordinem temporis & rei gestæ seriem in narrando sequantur, & servant; contra quam facit Pœta, qui etiam à fine, aut à medio, rem solet ordiri, quomodo Virgilius ab anno septimo excidii Trojani suam Æneidem auspicatur; ut liquet ex hisce Didonis verbis ad Æneam, ad calcem libri primi:

———— Nam te jam septima portat
Omnibus errantem terris, & fluctibus ætas.

2. Hoc

2. Hoc interest, quòd Historicus veritatem confectetur, Orator verisimilitudinem; Pòeta verò còmentitiis etiam fabulis veritatē aspergat.

3. Denique hoc interest, quòd Historica Narratio sit fermè simplex, brevis, ac nuda; Orationaria sit ornatior, & fusior; Pòetica verò ornamentis abundet, & omnibùs artis coloribùs picta sit, atque polita.

Affer ex veteribus illustre quòdpiam exemplum Narrationis Pòeticæ?

R. Instar omnium esto Ovidiana illa Narratio de Dædalo, & de infelici Icaro, in qua omnes, quas diximus, virtutes, dotesque optimo jure miraberis.

Dædalus, & Icarus. Narratio Pòetica.
Metamorph. L. 8.

[a] Dædalus interea Creten longumq; perosus
Exilium, ractusque [b] loci natalis amore,
Clausus erat pelago. Terras licet, inquit, & undas
Obstruat, at cœlum certè patet; ibimus illac.
Omnia possideat, non possidet aëra Minos.
Dixit, & ignotas animum dimittit in artes,
Naturamque novat: nam ponit in ordine pennis,
A minima coeptas, longam brevior sequente,
Ut clivo crevisse putes: sic rustica quondam
Fistula disparibus paulatim surgit avenis.

Tum

[a] Dædalus in labyrinthum, cujus auctor fuerat, coniectus fuit à Minoe, ab Theseum ejus consilio servatum, (b) Patriæ, Athenarum.

Tum lino medias, & ceris alligat imas,
 Atque ita compositas parvo curvamine flectit,
 Ut veras imitetur aves. Puer Icarus unâ
 Stabat, & ignarum sua se tractare pericla,
 Ore renidenti, modò quas vaga moverat aura,
 Captabat plumas, flavam modò pollice ceram
 Mollibat, lusuque suo mirabile patris
 Impediebat opus. Postquâ manus ultima cœpto
 Imposita est, geminas opifex libravit in alas
 Ipse suum corpus, motaque pependit in aura,
 Instruit & natum; Medioque ut limite curras,
 Icare ait, moneo: nè, si demissior ibis,
 Unda gravet pennas; si celsior, ignis adurat.
 Inter utrumque vola: nec te spectare [a] Bootè
 Aut (b) Helicem jubeo, strictumque (c)
 Orionis ense.

Me duce carpe viam pariter præcepta volandi
 Tradit, & ignotas humeris accomodat alas.
 Inter opus monitusque genæ maduère seniles,
 Et patriæ tremuère manus, dedit oscula nato
 Non iterum repetenda suo; pennisque levatus
 Antevolat, comitique timet (velut ales, ab alto
 Quæ teneram prolem produxit in àera nido)
 Hortaturque sequi; damnosâsque erudit artes;
 Et movet ipse suas, & nati respicit alas.

.....
 Cùm puer audaci cœpit gaudere volatu,
 Dese-

(a) Signum septemtrionale. (b) Ursam majorem.
 (c) Sidus quod pingitur cum ense stricto.

Deseruitque Ducem, Coëtiq̄ue cupidine tactus
 Altr̄us, egit iter, Rapidi vicina solis
 Mollit odoratas pennarum vincula ceras.
 Tabuerant ceræ; nudos quatit ille lacertos,
 (a) Remigiôque carens non ullas percipit auræ.
 Oraque cæruleâ patrium clamantia nomen
 Excipiuntur aquâ, quæ (b) nomen traxit ab illo
 At pater infelix, nec jam pater, Icare, dixit,
 Icare, dixit, ubi es? qua te regione requiram?
 Icare, dicebat, pennas aspexit in undis;
 Devovitque suas artes, corpusque sepulchrô
 Condidit; & tellus à nomine dicta sepulcri est

CEdo vetus quoddam exemplum *Narrationis*
Historicæ?

R. Habes in veteribus, *Historiæ Romanæ*
 scriptoribus *Narrationes* benè multas tam sin-
 gulari opera, artificioque elaboratas, ut nihil
 supra; in T. Livio 1. *Sabinarû raptû*; 2. *Hora-*
tiorû, & Curiatorum pugnâ; 3. *Lucretiæ mar-*
tem, (c) exactos à bruto Tarquinius, interem-
ptosque à patre proprios filios; 4. *Audax Mu-*
cii Scævolaë facinus adversûs Regem Porrenâ
 5. *Varios Coriolani eventus*; 6. *Pugnâ Cam-*
nensem; 7. *Hannibalis cum Scipione congres-*
sus Ephesi apud Antiochum Regem; 8. *Supra*
cætera verò omnia, mirificû illud ejusdē Han-
nibalis iter in Italiâ, per Hispaniâ, per Py-
 (renæos.

(a) *Alis, quibûs quasi remigabat.* (b) *Icarîû*
mare vocatur. (c) *Ital. discacciati.*

renas, per Gallias, per Alpes, & Appennium; quod exquisitissimum quoddam artis opus existimo.

Habes præterea in Sallustio pugnam adversus Catilinam; in Q. Curtio Tyri obsidionem, singularem Abdolanymi eventum, Alexandri Magni mortem, consternationem, & Reginae Sisygambis dolorem, ac interitum, &c.

Verum sat esto ex omnibus illis Narrationibus unam, aut alteram hoc loco commemorare. Tu ex duabus illis disce omnes.

Horatorum pugna cum Curiatiis
Narratio Historica. Ex Livii
Hist. Lib. I.

Datur signum, infestisque armis, velut acies, terni juvenes Magnorum exercituum animos gerentes concurrunt. Nec his, nec illis periculum suum, sed publicum imperium, servitiumque obversatur animo; futuraque ea deinde patriæ fortuna, quam ipsi fecissent. Ut primo statim concursa increpuere arma, micantesque fulsere gladii, horror ingens spectantes perstringit, & neutro inclinata spe, torpebat vox, spiritusque.

Consertis deinde manibus, cum jam non motus tantam corporum, agitatioque unceps telorum, armorumque, sed vulnera quoque, & sanguis spectaculo esset, duo Romani super alium alius, vulneratis tribus Albanis, expirantes corruerunt. Ad quorum casum cum clamasset præ gaudio Albanus

banus exercitus, Romanas legiones jam spes tota nondum tamen cura deseruerat, exanimis vices unus, quem tres Curiatii circumsteterant. Fortè is integer fuit, ut universis solus nequaquam par, sic adversus singulos ferox. Ergo ut segregaret pugnam eorum, capessit fugam, ità ratus secururos, ut quemque affectum vulnere corpus finiret. Jam aliquantum spatii ex eo loco, ubi pugnatum est, aufugerat: cum respiciens videt magnis intervallis sequentes; unum haud procul ab sese abesse, in eum magno impetu redit; & dum Albanus exercitus inclamat Curiatiis, ut opem ferant fratri, jam Horatius caeso hoste, victor secundam pugnam petebat. Tunc clamore (qualis ex insperato faventium solet) Romani adjuvant militem suum, & ille defungi prælio festinat: Prius itaque quàm alter, qui nec procul aberat, consequi posset, & alterum Curiatium conficit.

Jàmque equato Marte singuli supererant, sed nec spe, nec viribus pares: (a) Alteram intactum ferro corpus, & geminata victoria ferocem in certamen tertium dabant: Alter fessum vulnere fessum cursu trahens corpus, victusque fratrum ante se strage, victori objicitur hosti: nec illud prælium fuit. Romanus exultans, Duos, inquit fratrum Manibus dedi; tertium causam belli hujusce,

ut

(a) Hæc est recta syntaxis: Corpus intactum ferro, & victoria geminata dabant alterum ferro, cem in certamen tertium.

ut Romanus Albano imperet, dabo. Malè susti-
nenti arma gladium super nè jugulo desigit ja-
centem spoliat. Romani ovantes, ac gratulantes
Horatium accipiunt, eò majore cum gaudio, quò
propiùs metus rei fuerat.

(a) Abdalonymus ex Olitore rex Sido-
niorum factus ab Alexandro Magno.

Ex Lib. IV. Q. Curtii.

Erant (b) Hephæstioni hospites clari inter su-
os juvenes, qui facta ipsis potestate regnandi, ne-
gaverunt quemquam patrio more in id fastigium
recipi, nisi regia stirpe ortum. Admiratus He-
phæstion magnitudinem animi sperientis, quod
alii per ferrum, ignesque peterent, Vos quidem
maçti virtute, inquit, estote, qui primi intelle-
xistis, quantò majus esset regnum fastidire, quàm
accipere. Certum date aliquem regiæ stirpis,
qui meminerit à vobis acceptum habere se re-
gnum. At illi cum multos imminere tanta spei
cernerent, singulis (c) amicos Alexandri, ob ni-
miam regni cupiditatem, adulantibus, statuunt
neminem esse potiorè, quàm Abdalonymum què-
dam, longa quidem cognatione stirpi regiæ anne-
xum, sed ob inopiam suburbanum hortū exigua
colentem stipe. Causa ei paupertatis, sicut ple-
risque, probitas erat. Intentusque operi diurno,

C

strepit

(a) Alii Abdalominum dicunt. (b) Erat is
apud Alexandrum gratiosissimus (c) Ita genti-
læ lectio.

Strepitum armorum. qui totam Asiam concusserat, non exaudiebat.

Subitò deinde, de quibus ante dictum est, cum regia vestis insignibus hortum intrant; quæ fortè steriles herbas eligens Abdalonymus repurgabat. Tunc rege eo salutato, alter ex his, Habitus inquit, is, quem cernis in meis manibus, cum isto squallore permutandus tibi est. Ablue corpus. (a) illuvie, æternisque sordibus squallidum: Cape regis animum, & in eam fortunam, quâ dignus es, istam continentiam profer. Et cum in regali solio residebis, vitæ, necisque omnium civium dominus, cave obliviscaris hujus statûs, in quo accipis regnum; imò Hercule propter quem

Somnio similis res Abdalonymo videbatur, Interdum satisne sani essent, qui tam protervè sibi illaderent, percontabatur? Sed ut cunctanti squalor ablatu est, & injecta vestis purpurea, auroque distincta, & fides à jurantibus facta; serid jam rex, iisdem comitantibus in regiam pervenit. Fama, ut solet, strenuè tota urbe discurret. Aliorum studium, aliorum indignatio eminebat. Dittissimus quisq; humilitatem, inopiamque ejus apud amicos Alexandri criminabatur. Admirati enim rex protinus jussit; diurne contemplatus. Corporis, inquit, habitus famæ generis non repugnat: sed libet scire, inopiam qua patientia tuleris. Tum ille, Utinam, inquit, eodem animo regnum

(a) Ital, brutura.

regnum pati possim! Hæ manus suffecerunt desiderio meo: n hil habenti nihil defuit. Magnæ indolis speciem ex hoc sermone Abdulonymi cepit.

Cedo denique Exemplum Narrationis Oratorie?

R. Laudatur ab omnibus, & in primis à Quintiliano celebris illa Miloniana Narratio, qua Cicero suspicionem insidiarum à Milone in Clodium tam callidè, tamque ingeniosè detorquet. Sic autem rem aggreditur.

Narratio Miloniana.

Milo autem, cum in Senatu fuisset eo, die quoad Senatus dimissus est, domum venit, calceos, & vestimenta mutavit, paulisper, dum se uxor (ut fit) comparat, commoratus est. Deinde profectus est id temporis, cum jam Clodius, siquidem eo die Romam venturus erat, redire potuisset. Obviam fit ei Clodius expeditus in equo, nullâ rhedâ, nullis impedimentis, nullis Gracis comitibus, ut solebat; sine uxore, quod nunquam fere cum (a) hic insidiator, qui iter illud ad cædem faciendum apparasset, cum uxore veberetur in rhedâ, (b) penulatus, vulgi magno impedimento, ac muliebri, & delicato ancillarum puerorumque comitatu.

Fit obviam Clodio ante fundum ejus, hora ferè undecima, aut non multò secus. Statim complures cum telis in hunc faciunt de loco superi-

C2

ori

(a) Milo ironice, (b) Penulâ, seu pallio obvolutus.

ori impetum: adversi rhedarium occidunt. Cùm autem hic de rheda, rejectâ penulâ, desilisset, seque acriter animò defenderet; illi qui erant cùm Clodio, gladiis eductis, partim recurrere ad rhedam, ut à tergo Milonem adorirentur; partim, quòd hunc jam interfectum putarent, cadere incipiunt ejus servos, qui post erant, ex quibus qui animò fideli in dominum erant, & presentes fuerunt, partim occisi sunt, partim, cùm ad rhedam pugnari viderent, & domino succurrere prohiberentur, Milonemque occisum etiam ex ipso Clodio audirent, & ita esse putarent, fecerunt id servi Milonis (dicam enim non derivandi criminis causâ, sed ut factum est) neque imperante, neque sciente, neque presente domino, quod suos quisque servos in tali re facere voluisset.

Hæc, sicut exposui, ita gesta sunt, judices: insidiator superatus; vti victa vis, vel potius oppressa virtute audacia est.

Miloniana illa Narratione nihilo inferiorem existimo hanc alteram narrationem lepidissimam, qua Tullius ostendit in libr. 3. de Officiis, quàm sint perfidi, improbique, qui aliud agunt, aliud simulant.

Malus Pythyi cujusdam dolus.

Narratio oratoria.

C. Canius, eques Romanus nec infacetus, & satis literatus, cùm se Syracusas otendi, ut ipse dicere solebat, non negotiandi causâ contulisset, dicitur.

dicſtitabat ſe hortulos aliquos velle emere, quò invitare amicos, & ubi ſe obiectare ſinè interpellatoribus poſſet. Quod cùm percrebuiſſet, Pythius ei quidam, qui (a) argentariam faceret Syracuſis, venales ſe quidem hortos non habere, ſed licere uti Canio, ſi vellet, uti ſuis, & ſimul ad canam hominem invitavit in hortos in poſterum diem. Cum ille promiſiſſet, tum Pythius, qui eſſet, ut argentarius, apud omnes ordines gratioſus, piſcatores ad ſe convocavit, & ab his petivit, ut ante ſuos hortulos poſtridie piſcarentur, dixitq; quid eos facere veſt.

Ad Canam tempore venit Canius, opparare à Pythio apparatus convivium, cymbarum ante oculos multitudo: pro ſe quiſque quod ceperat, affererat: ante pedes Pythii piſces abjiciebantur.

Dum Canius, Quaſo, inquit; quod eſt hoc, Pythi? tantumne piſcium? tantumne cymbarum? & ille. Quid mirum? inquit, hoc loco eſt, Syracuſis quidquid eſt piſcium. Hic (b) aquativi: hac villa iſti carere non poſſunt.

Incenſus Canius cupiditate contendit à Pythio, ut venderet. Gravate ille primò, quid multa? impetrat, emit homo cupidus, & locuples tanti, quanti Pythius voluit, & emit inſtructos: (c) nomina facit; negotium conficit. C3 In.

(a) Banchiere. (b) Ital. aut *il bagno*, aut *il luogo*, dove vengono à provederſi d'acqua; ab aquor, aris. (c) Ital. *fa la ſcritta*, dichiarandoſi debitore.

Invitat Canius postridie familiares suos Venit in se maturè, scalmum nullum videt; (a) quaerit ex proximo vicino, num feria quædam piscatorum essent, quòd eos nullos videret Nulla (quod sciam) inquit ille: sed hìc piscari nulli solent. Itaque heri mirabar quid, accidisset. Stomachari Canius Sed quid faceret? Nondum enim (b) Aquilius Collega, & familiaris meus protulerat de dolo malo formulas. . . . Ergo & Pythius, & omnes aliud agentes, aliud simulantes, improbi, & inliciti sunt.

C A P U T III.

§. I. De Chria.

Quid est Chria?

R. Est brevis commemoratio facti, vel dicti cujuscumque utilis, & memoria digni; unde etiam Chria suum nomen invenit à Græco vocabulo *Chreia* () quod usum, utilitatem, commodum significat.

Quotuplex est Chriarum genus?

R. Triplex. Aliæ versantur in verbis, aliæ in actione; aliæ in utroque consistunt. Seu, ut vulgus Rhetorum loqui solet, aliæ sunt *Verbales*, aliæ *Activæ*, aliæ *Mixtæ*.

Quid

(a) Non vede nè pure un cavicchio, un pivolo di barca (b) Aquilius præstans jurisconsultus: prætor fuerat ante Ciceronem.

(a) Sunt qui scribunt, Chreja, sed malè.

Quid est Chria Verbalis ?

Ea est, quæ explicat verba graviter ab aliquo, & sententiosè prolata; qualis est v. gr. Virgiliti versus (b)

Discite iustitiam moniti, & non temnere Divos

Vel hoc estatum Senecæ: *Nulla est honesta avaritia, nisi temporis; itemque hi Horatii versus (c)*

Pallida mors æquo pulsat pede pauperum tabernas,

Regumque turres

Aut denique sapientissima illa Juvenalis sententia.

Orandum est, ut sit mens sana in corpore sano,

Quid est Chria activa.

Quæ. Ea est, quæ memorabile aliquod factū exponit, & verbis exornat. ut: *Sapiens Pythagoras interrogatus aliquando, quàm longa esset hominum vita; sese paulisper conspiciendum exhibuit; tum subito ex spectantium oculis evolavit; ut nimirum celeri illa fuga, caduca, & fugacis mortalium vite brevitatem designaret.*

Sic etiam Cotys Traciæ Rex, cum quidam pardalim, seu pantheram, ferocissimum animal, illi donò misisset; ipse vicissim leonem misit, nè verbum quidem addens: sed malam bestiam sic malè pensando, re ipsa hominem prudenter admonuit. par pari, ut est veteri proverbio, esse omninò referendum. C4. Memio.

(a) *Æneid. 6.*

(b) *Odorum l. 1.*

Memorable quoque in primis, & omnibus notum, quòd referunt Livius, & Florus de duobus Tarquinius patre, & filio. Cùm enim Sextus Tarquinius Tarquini Superbi regis ultimi Romanorum filius, acceptam à patre contumeliam, & injuriam simulans, ad (a) Gabios transfugisset, brevique ad summam apud illos, regis æque pœne parem potestatem pervenisset, misit clanculum Romam unum è suis, sciscitatum à patre, quidnam demum se facere veller. Rex ad hæc nihil voce respondit, sed veluti deliberabundus in hortum ædium transiit, sequente filii nuntio. Ibi inambulans tacitus eminentia papaverum capita baculò decussit, & per hæc ambages filium admonuit, primores civitatis esse interficiendos. Quòd cùm à filio non ita multò post varijs artibùs factum esset, brevi, & consiliò, & præsidio orbatà civitas fuit in Tarquini potestatem nullo labore redacta.

Rem sic narrat Ovidius nativo quodã, ut solet, simpliciq; candore, libro secundo de Fastis. Ultima Tarquinius Romanæ gentis habebat

Regnã, vir injustus; fortis ad arma tamen.
Ceperat hic alias; alias verterat urbes.

Et Gabios turpi fecerat arte suos.

Namq; trium minimus proles manifesta superbi

In medios hostes nocte silente venit,

Nudârunt gladios: occidite, dixit, inermem.

Hoc cupiunt fratres, Tarquiniusque pater,

Qui

(a) Gabii Volscorum urbs, LX milia passuum ab urbe Roma distans.

Qui mea crudeli laceravit verbere terga.
(Dicere ut hoc posset, verbera passus erat.)
Luna fuit, spectant juvenem, gladiosque recon-
dunt,

Tergaque deducta veste notata vident.
Fleat quoq; & ut secum tueatur bella precan-
tur;

Callidus ignaris annuit ille viris.

Jamque potens misso genitorem appellat amico
Perdendi Gabios quod sibi monstret iter.

Hortus odoratis suberat cultissimus herbis,

Sepius humum rivo lene sonantis aquæ

Illic Tarquinius mandata latentia nati

Accipit; & virga lilia summa merit.

Nuntius ut rediit, decussaque lilia dixit,

Filius, agnosco jussa parentis: ait.

Nec mora, principibus cæsis ex urbe Gabina

Traduntur ducibus mœnia nuda suis.

Quid est Ebria mixta?

R. Est ea, quæ Factum aliquod sermoni con-
junctum exponit. Exempla si quæris, aliquot
selecta hic damus.

Exempla Chriæ mixtæ I.

Marmoream statuam cum aliquando vidisses
in foro Diogenes Philosophus, ad illam supplex
accessit, & manum illi quasi ad stipem diu mul-
tumque porrexit. Mirantibus valde amicis, &
interrogantibus, quid porro faceret, respondit,
Ad repulsam me experior.

II. Exemplum.

Idem Diogenes cum aliquando confertissimam
populi turbam sese è theatro effluentem vidis-
set, adversus illam solus ingredi totis viribus
cepit.

capit, & objurgantibus respondit: Hoc in omni
vita facere studeo.

III. Exemplum.

Miles Spartanus (a) in tempesta nocte tumultu
præteriens, cum horribile quoddam spectrum vi-
disset, strictâ lanceâ, in illud audacter irruit, ita
verbis compellans: Quò me fugis anima bis mo-
ritura? Hoc singulari factò docemur, Faunorum
terriculamenta, & inania larvarum, ac lemurû
ludibria à cordatis, fortibusque omninò rideri.

Quot sunt Chriæ partes, seu Capita?

R. Chriæ sive Verbalis sive Activa, sive
Mixta, continentur partibus octo, inquit Aph-
thonius in Progymnasmatis. Sunt autem par-
tes illæ, Encomium, Paraphrasis, Causa, Contra-
rium, Simile, Exemplum, Testimonium veterum,
& Epilogus.

Sive ut trã illâ, usitatâque formulâ poti-
us utamur: Chriæ tractanda est,

1. A. Laudativo.
2. A. Paraphrastico.
3. A. Causa.
4. A. Contrario.
5. A. Simili.
6. Ab. exemplo.
7. A. Testimonio veterum.
8. A. brevi Epilogo.

Quæ singula Capita sigillatim enucleare ne-
cesse est.

Quid

(a) Ital. di notte, fuor d'ora.

Quid sibi vult à Laudativo?

R. Significat, in ipso Christi initio laudandū esse dicti, vel facti auctorē; ut scilicet ex auctoris laudatione major illi us seu dictis, seu factis auctoritas, ac veluti pondus accedat.

Quia hoc sibi vult à Paraphrastico?

R. Idem prorsus ac si diceres, *Ab expositione dicti, vel facti, de quo agitur.* Paraphrasis enim, ut vox Græca satis indicat; est liberior, ac copiosior rei explanatio.

Quid illud est à Causa?

R. Indicat, diligenter investigandam esse, & asserendam causam illius; seu dicti, seu facti, quod pertractandum, & amplificandum suscipimus. v. gr. Christi verbalis argumentum esto hæc sapens sententia: *Ferenda sunt amicorum vitia; erit in promptu hæc causa justissima, quod scilicet vitis siue nemo nascitur optimus ille est, qui minimis urgetur, ut ait Horatius.*

Quid est à contrariis?

R. Admonet, sententiam nostram ex contrariarum rerū collisione esse confirmandam, v. gr. postquam probaveris *dulce, ac decorum esse pro patria mori, (a)* dices è contrario re esse turpissimam, ac *(b)* propudiosam, si miles pro patria pugnans, inhonesta mortis formidine, terga fugæ convertat. Item postquā ostenderit, otium, & desidiam omnium vitiorū fontem,

(a) Horat. (b) Ital. *infame, virgognosa*

tem, ac fomitem esse, dices è contrario labore rem, & vigilias esse firmissimum murum: integritatis, innocentiaequae praesidium.

Quid à Simili?

R. Monet, propositam sententiam apta quampiam similitudine exornandam, ac illustrandam esse. Ità si laborem, & diligentiam cōmendare velis, dices cum Tullio. *Ut ad cursum equum ad arandum bos, ad indagandum canis; sic homo ad intelligendum, & agendum natus est.*

Quid vocas ab Exemplo?

R. Hujusce vocis sensus est, rem, quam pertractamus, illustris cujuscumque exempli appositione confirmandam esse. Sit tibi. v. gr. amplificandum illud. *Dulce, & decorum est pro patria mori*, afferes exemplum Codri (a) Atheniensium regis, de quo cecinit Horatius ode 14. lib. 3. *Codrus pro patria non timidus mori*. vel afferes poteris exemplum Decii Consulis Romani, qui se velato capite, certisque verbis pro patriae salute ultrò devovit.

Quid à testimonio veterum?

R. Ostendit, nostram sententiam veterum auctoritatum verbis, ac testimonio comprobandam esse. Sit hoc argumentum v. gr. *Injurias esse condonandas potius, quam ulciscendas, usurpationes*

au-

(a) Codrus ultimus Atheniensium Rex seipsum neci obtulit pro patriae salute in bello contra Delios.

bo aureum illud Taciti verbum. *Multa contemptu
tecurantur;* vel hanc ejusdem sententiam homi-
ne Christiano dignissimam. *Convicia spreta (b)*
exolescant.

tu. *Quid demum sibi vult à brevi Epilogo?*

nd. *R.* Indicat, apta quadam, & rotunda verbo-
larum conclusione comprehendenda esse, quæcū-
que fusiùs dicta sunt. Est enim Epilogus brevis,
ms. art. fictiosa clausula, qua colligimus in pauca,
quæ fusiùs commemorata fuère.

Sed quoniam, ut in initio diximus, per præce-
pta longum est iter, per exempla verò expedi-
osum, & facile, ideo operæ pretium est aliquod
pli. Chriz exemplum hoc loco subjicere.

cri. II. *Chria verbalis in hanc Virgilli
sententiam Æneid. 10.*

b. *Breve, & irreparabile tempus;
err. Omnibus est vitæ*

qu. *A Laudativo.*

e. la. **C**UM optimo cuique Poëtæ propositum il-
lud fuerit semper, ut misceat utile dulci,
hoc est, ut delectando doceas, & docendo de-
an. lectes; neminem tamen adhuc legi Pòétam hac
elin. re Pòëtarum principi Virgilio comparandū.
con. Ille enim non solum cæteros omnes ante se &
abi. post se Græcos, Latinosque Pòëtas facillè vin-
cit elegant à, suavitate, judiciò, splendore, nu-
merò delectuque verborum; non solum hoc ha-
bet,

(a) Ital. hanno fine, vanno à terra.

bet, ut illius versibus perfectis ingenio, elaboratis industriâ nihil addi possit, nihil detrahi, nihil mutari, verissimèque de illo dictum olim fuerit, Musas, & Apollinem non aliter in suo choro loqui, Jovèmque ipsum, si sit Pòeta, non alio modo locuturum; verùm etiam, quod caput est, sententiarum gravitate, & frugiferorû, quibûs abundat, præceptorum sapientia, hoc ass. quutus est, ut optimus vitæ, virtutisq; magister jure merito possit à nobis appellari.

Inter cætera verò documenta, ad vitam instituendam, & ad mores informandos idonea, quibus aspersum est passim divinum illius Pòéma, saluberrimum in primis est, atque laudabile, quod at Æneidos libro decimo de brevitate temporis, fluxaque, & caduca mortalium vita,

----- Breve, & irreparabile tempus
Omnibus est vitæ.

A Paraphrastico.

Ità est profectò, tam exiguum, tamque arctum vivendi curriculum nobis à natura circumscriptum est, ut vix benè lucem ingressis sit de hujus mortalis mundi statione decedendum, & vita cum morte commutanda. Nihil nisi temporis punctum quoddam est caduca hæc, quam tantopere deperimus, (a) vitæ, minimûque est ac pænè nullum intervallum illud, quod ortum inter, & occasum nostrum interjacet. Fuy t're-

(a) Ital. dietro à cui andiamo sì matti, e sò

trò levis hora, truditur dies die, præcipiti casu fugaces anni sese mutud pellunt, & adolescentæ tenectus, senectuti mors obrepit improvisa semper, & inopinata, quodque grav us est, cum semel effluxit brevissimum hoc vitæ tempus, tam irreparabilis est illius lapsus, ut nulla deinde possit ratione revocari.

A Causa

Neque verò est cur aded parvam temporis usuram nobis ad vivendū concessam jure merito conqueramur. Præterquam quod enim vita si scias uti, satis longa est, præterea ea certa, stabilique lege natos nos esse scimus, ut deniq; moriamur. Quis enim tam vecors esse potest, qui nesciat hanc esse tristissimam peccati mercedem, pœnamque justissimam, hanc esse mortalium conditionem ac sortem, humana omnia caduca esse, & fluxa atque mobilia, nihil, quod ortum sit, tempiternum esse posse, definitum esse cuilibet certum quoddam, breveque temporis spatium ad felicem in coelo vitam promerendam? Cumque olim amplioribus terminis circumscripta esset nostra hæc mortalis vita & in sæcula benè multa propagaretur, eam nostris flagitiis, sceleribusque breviorē effecimus; *Remotique prius tarda necessitas lethi corripuit gradum.*

A Contrario.

Contra verò cum semel post miseræ hujus-

ce vitæ decursum terreni corporis contagione solutus erit noster animus, cum demum inter felices spiritus ævō sempiternō perfruemur in cœlo, nulla jam ampliùs pertimescenda nobis neque vicissitudo rerum, neque conversio tēporum, nec ætatum commutatio, nullus jam erit neque horarum lapsus, nec fluxus dierum, nec annorum sibimet mutuō succedent ū cursus. Sed eodem semper hærentes, & felicitatis & temporis vestigio, stabili. certa que beatitate, æternis sæculorum ætatibus cum DEO ipso ponemur.

A Simili.

O nos igitur male cautos! O nunquam satis deplorandam sortem nostram! si æterna hæc solidaque oblati, nihī, nisi umbras imaginesq; consecretur. Si enim ex veritate magis, quàm ex opinione res velimus æstimare, quid demū aliud est fragilis hæc, fugaxque vita, nisi levis quidam fumus, qui puncto temporis evanescit? nisi præceps torrens, qui cum vano strepitu celeriter effluit? ni ì flosculus brevī marcescens, qui manè oritur, vespere floret, & nocte cadit? nisi umbra quædam, & larva inanis, quæ nostras effugit manus.

Par levibus ventis, volucrique simillima formo; (a)

Ab Exempla.

Testes hoc loco possem appellare ab omni memoria

(a) *Ancid. 1.*

memoria Christianos illos Herodes, virosque sapientissimos, qui mirificam fugacis vitæ brevitatem tot laboribus, tot vigiliis, tot indefessis curis redemptam compensarunt. Testes appellare possem tot virgines, tot viros principes, tot nobiles adolescentes, qui fragilem hanc rerum humanarum mobilitatem, atque inconstantiam pertæsi, quæcunque apud cæcos mortales prima putantur, pro nihilo ducere, & voluptarum illecebras, ac perniciofa rerum caducarum blandimenta generosa quadam alacritate conculerunt.

A Testimonio Veterum.

Hoc incutere Corinthiis voluit Divo Paulus, cum dixit: *Tempus breve est.* Hoc ipsum nos remonet summus ille vir Jobus, dum afflatus divino Spiritu sic loquitur: *Brevs dies hominis sunt:* Hæc eadem erat mens vel ipsi quoque Horatio, profano licet homini, cum amicum sapienter sic admonet:

(a) Omnem crede diem tibi diluxisse supremum.
Et alio loco: *Quid brevi fortes jaculamur ævo multa;*

Hoc denique sentiebat Phædrus, cum in elegantibus suis fabulis hanc verissimam protulit vocem:

Abiturus illuc, quod priores abierunt.

Quid mente cæca miserum torques spiritum?

D

A Brevi

(a) *Epist. lib. 1.*

A Breui Epilogo.

Cum igitur aded breve tempus sit, aded-
que irreparabile, relinquitur id unum, ut co-
gitemus etiam atque etiam nihil esse loci
sordidæ, neque segnitæ; nobis inter tan-
tas angustias nequaquam licere esse otio-
sos; miseros esse, qui se, per summam incu-
riam, re una omnium pretiosissima defrau-
dari patiuntur. Restat denique id unum,
ut cum celeritate temporis, utendi celerita-
te certemus, & tanquam ex torrente quodâ,
qui rapidè dilabatur, celeriter hauriamus.

§. III. Argumenta Chriarum ver-
balium ex Horatio.

1. **O**Mnes eodem cogimur. 2. Vivitur par-
vò benè. 3. Levius fit patientiâ, quid-
quid corrigere est nefas 4. Magnas inter o-
pes inops. *De avaro.* 5. Ira furor brevis est.
6. Multa senem circumveniunt incommoda.
7. Fortes creantur fortibus. 8. Omnem cre-
de diem tibi diluxisse supremum. 9. Quanto
quisque sibi plura negaverit, à Diis plura
feret.

Ex Virgilio.

10. Quid non mortalia pectora cogis
Auri sacra fames;
11. Facilis descensus Averni.
12. Labor omnia vincit.

Ex Ovidio.

13. Principiis obsta: sero medicina paratur.
14. Otia si tollas, periêre cupidinis arcus.
15. ——— Dicipuê Beatus
Ante obitum nemo, supremaquê funera debet.
16. ——— Paupertatemquê ferendo
Effecere levem.
17. Livor, iners vitium, mores non exit in alto

Ex Juvenali.

18. Fronti nulla fides: 19. Crescit amor nūmi,
quantum ipsa pecunia crescit. 20. Nemo re-
pentè fit turpissimus. 21. Res est sacra mi-
ser. 22. Nobilitas sola est, atque unica virtus.

Ex Seneca.

23. Totam vitam discendum est mori. 24. Eti-
am sine magistro vitia discuntur. 25. Qui
genus jactat suum, aliena laudat. 26. Se-
quitur superbos ultor à tergo DEUS.

Ex Persio.

27. O! curas hominum, O quantum est in-
rebus Inane! 28. Virtutem videant, inta-
bescantquê relictam. De sceleratis.

Ex Martiali.

29. Extra fortunam est, quidquid donatur
(a) egenis:

Quas dederis, solas semper habebis opes:

30. Non est, crede mihi, sapientis, dicere, vivat:
Sera nimis vita est crastina: vive hodie.

Dz

Ex

(a) Legitur Amicis.

31. Crescit in adversis virtus.

Hæc igitur, aut alia id genus argumenta pertractare si velis, facies sedulo, quod supra dictum est.

1. Laudabis breviter auctorem Sententiæ
 2. Planius, & copiosius explicabis sententiã, illamque variis verborum coloribus pictam in bono, ut ajūt, lumine collocabis. 3. Afferes causam aliquam, quamobrem res ita se habeat. 4. Ex contrariorū conflictione, & quasi concursu illam confirmabis. 5. Illustrabis eam similitudine, quæ in rem aptissime quadret. 6. Probabis illam singulari quodam exemplō, 7. Veteris auctoris testimoniō, & auctoritate illam confirmabis. 8. Denique ex omnibus hiscē capitibus rem ita se habere concludes.

Quomodo tractanda est Chria activa?

Eadem prorsus ratione, qua Chria verbalis. Eadem enim est utriusque ars, eademque planè regula. Itaque actum ageremus, si de Chria activa separatim, ac seorsim tractarem.

Idem planè dicito de Chria mixta.

C A P U T

De Amplificatione.

Quid est amplificatio?

R. Ineptè prorsùs, ac ridiculè facere mihi videntur, qui perperam interpretantes Isocratis (a) verba, Amplificationem cum vulgo ità definiunt: Amplificatio, inquam, est oratio, quæ ex parvis magna facit; seu quæ res exiguas verbis exaggerat, & in majus attollit. Puerilis inquam, & præstigiatore, ac Sophistâ potiùs quàm Oratore digna mihi sen per visâ fuit hæc vulgaris definitio, quæ res mendaciõ, fallacibusque pigmentis supra meritum velit augeri. Ut enim facetè agebat Spartanorum Rex Agefilaus: Ego pessimum eum sutorem arbitror semper, qui magnos calceos pedibus parvis inducat.

Nos igitur cum Tullio sic Amplificationem commodiùs longè definimus: *Amplificatio est gravior quadam affirmatio, quæ motu animorum conciliat in dicendo fidem.* Quia verò subobscura cuiquam fortè videri posset hæc definitio: & quia vis, & facultas Oratoris potissimum in amplificando consistit; idcirco definitionem illam, & totam amplificandi artem planiùs, & apertiùs explicare operæ pretium existimamus.

Quid igitur sibi volunt hæc verba; Gravior quadam affirmatio?

D3

R.

(a) Isocrates pater eloquentia dictus à Tullio, vixit annos centum. II.

R. Gravissima, illa affirmatio, de qua hic agitur, nihil aliud est, quàm vehementius quoddam, copiosiusque dicendi genus, quò rei vel dignitatem, & amplitudinem, vel indignitatem, & atrocitatem, pondere verborum, & enumeratione circumstantiarum ita demonstramus, ut non animos, auresque prætervolet, ut ferme sit cum res leviter, ac strictim attinguntur, sed ut feriat animos, permoveat, & audientium memoriæ penitus insideat.

Cedo illustre quoddam exemplum Amplificationis hujusmodi?

R. Habes luculentissimum in atrocissima illa Didonis adversus Æneam abeuntem querela: Poterat Dido, simpliciter, & nudè Æneam appellare *durum, inhumanum; ferreum* sed querimoniam illam sic amplificat mirificè Virgilius Æneidos Lib. IV.

Talia dicentem jam dudum aversa tuetur,
Huc illuc volvens oculos, totumque pererrat
Luminibus tacitis, & sic accensa profatur:
Nectibi Diva (a) Parens, generis nec Dardan-
danus (b) auctor,

Perfide: sed duris genuit te cautibus horrens
Caucasus, Hircanæque admôrunt ubera tigres.

Sic etiã Libro 2. poterat Æneas exiliter, &
jeju-

(a) *Venus.* (b) *Dardanus primus Rex Troj-
janorum, Jovis filius,*

jejunè dicere se amissam conjugem Creusam amoribus maximis per noctis tenebras appellasse: verum rem ita verbis exaggerat:

Ausus quin etiam voces jactare per umbrā,
Implevi clamore vias, mœstusq; Creusam (a)
Nequidquam ingeminans iterumque iterū-
que vocavi.

Quotuplex est Amplificatio?

¶ Duplex: Alia est verborum, alia rerum: seu quod idem est. alia fit rebûs, ac sententiis, alia verbis tantum. De utroque genere seorsim agendum nobis est.

§. I. De Amplificatione rerum.

Quomodo fit Amplificatio rerum?

¶ Octo præcipuis 1. Fit per congeriem definitionum, seu per definitiones conglobatas 2. Per congeriem adjunctorum. 3. Per congeriem, seu per enumerationem partium. 4. Per congeriem causarum, & effectuum 5. Per congeriem consequentium. 6. Per congeriem similium, comparationum, & exemplorum. 7. Per contrariorum, dissimilium, & inter se pugnantium consictionem. 8. Denique per incrementum. Singula hæc capita sigillatim persequamur.

§. II.

(a) Creusa Priami, & Hecuba filia, Aeneæ Coniux, Ascanii mater.

§. II. De Amplificatione per congeriem Definitionum.

Quid est definitio?

R. Est brevis, & circumscripta rei explicatio seu, ut ajunt Philosophi, est oratio, quæ rei naturam breviter explicat.

Quid est Amplificatio per congeriem definitionum, sive à definitionibus conglobatis?

R. Est ea, in qua variæ ejusdem rei definitiones congeruntur, & quasi coacervantur, ut cum ait Cicerō: *Historia est testis temporum, lux veritatis, vita memoriarum, magistra vitæ, nuntia vetustatis.* Ex iisdem definitionibus conglobatis, Curia, ac Senatûs Romani majestatem sic amplificat idem Orator in oratione pro Milone: *Curia templum sanctitatis, amplitudinis, mentis: consilii publici, caput urbis, ara sociorum, portus omnium gentium, sedes ab universo populo R. concessa uni Ordini.*

Poteris tu vicissim, ad illarum definitionum conglobatarum imitationem, dicere, quid sit eloquentia, quid Pœsis, quid amicitia, quid vita hominis, quid DEUS ipse.

§. III. De amplificatione per congeriem adjunctorum.

Quid est Amplificatio per congeriem adjunctorum?

R. Est ea, quæ ducitur ab omnibus seu rerum, seu personarum adjunctis, ac circum-

cumstantiis simul coacervatis Cicero. 2. Agraria. Ego qualem Kalendis Januariis acceperim Remp. Quirites, intelligo plenam sollicitudinis, plenam timoris, qua, nihil erat mali, nihil adversi, quod non boni metuerent, improbi expectarent: omnia turbulenta consilia cōtra hunc Reip. statū. & contra vestrum utiū partim inriū, parum nobis Consulibus designatis, inita esse dicebantur: sublata erat de foro fides, non ictum alicuo nova calamitatis, sed suspicione ac perturbatione iudiciorum, infirmatione rerum iudicatarum, nova dominationes, extraordinaria non imperia; sed regna quari putabantur.

Virgilius sub finem libri primi Georgicorum de Julii Cæsaris interitu lugubriter admodum, & tragicè lamentatur coacervando funestissima prodigia monstraquē, quæ vel antecessere, vel mox subsecuta sunt.

Ille (a) etiam extincto miseratus (b) Cæsare Romam,

Cum caput obscura nitidum ferugine textit,
Impiaquē æternam timuerunt sæcula (c.)
noctem,

Vox quoq; per lucos vulgo exaudita silentes.

In-

(a) Sol. (b) Subaudi est. (c) Dictator Julio Cæsare à conjuratis occiso, solis globum diu suppalium apparuisse narrant Plutarchus, & Linius.

Ingens, & simulacra modis pallentia miris,
 Visa sub obscurū noctis, pecudesque locuta
 Infandū; sistunt amnes, terraque dehiscunt,
 Et mæstum illacrymat templis ebur, æraq;
 sudant.

Totum hunc locum, ut eximium amplificationis exemplar, & ad excitandam commiserationem in primis idoneum, tu confutito, si me audis.

§. IV. De Amplificatione per congeriem, seu enumerationem partium.

Quid est amplificatio ab enumeratione partium?

R, Est illa, quæ fit, dum totum aliquod in suas partes distribuitur: seu dum rei alicujus partes vel omnes, vel præcipuæ certè quidem figillatim enumerantur. Ità Cicero funestum Pisonis Consulatum describit: *Omnes memoriam consulatus tui, facta, mores, faciem denique, ac nomen à Rep. detestantur. Legati, qui unà fuere, alienati: Tribuni militum, inimici: Centuriones. Et si qui ex tanto exercitu reliqui milites existunt, non dimissi abs te, sed dissipati, te oderunt; tibi pestem exoptant, te execrantur. Achaja exhausta, Thesalia vexata, lacerata Athene; Apollonia exinanita; Ambracia direpta; Bullienses illusi; Epirus excisa; Locri exusti; Achamanum gens vendita; Macedonia condonata barbaris; Ætholia amissa; Dolo-*

pes, finitimique montani oppidis, atque agris
exterminati; Cives Rom. qui in iis locis nego-
tiantur, te unum solum suum depeculatorem,
vexatorem, pradonem, hostem. venisse senserunt.
Ovidius lib. 11. Metamorph. dilatat senten-
tiam hanc:

Rex Midas omnia, quacumque tangit,
in aurum convertit.

Latus abit, gaudetque malò Berecynthius
heros, (a)

Pollicitique fidem, tangendo singula, tentat.

Vixque sibi credens, non alta frõde virentem.

Illicè detraxit virgã, virga aurea facta est:

Tollit humò saxū; saxū quoq; palluit aurò:

Contigit & glebam; contractu gleba potenti

(b) Massa fit: arêtes Cereris decerpfit aristas.

Aurea messis erat. Demptum tenet arbore

pomum:

(c) Hesperidas donasse putes: si postib; altis.

Admovit digitos, postes radiare videntur:

Ille etiam liquidis palmas ubi laverat undis,

Unda fluens palmis (d) Danaen eludere possit.

Venetiarū descriptio per enumerationē partiū.

Venetiarum urbis, in recessu intimo sinūs A-
driatici, ea regio, ac situs est, ut leniter stagnan-
tes

tes

(a) Midas Phrigia Rex, ubi mons Berecynthus

(b) Auri moles. (c) In aerū hortis erant aurea

poma. (d) Jupiter in aureā pluvia mutatus, illā

delusit converso in pretium Deò. Horat.

res ex alto aqua. illam omni ex parte circumfluant. Ea inclyta urbi, & ad merces, copiasq; invehendas opportuna receptacula. & contra hostiles incurfus munimenta firmissima sunt. Exiis porro aestuariis maiores, minoresque Euripi totam urbem interkursantes, variis mandris, ac flexibus ita distinguunt, ut quot in partes pedibus, in totidem ferè mari aditus sit, egregio sanè vel artis, vel naturæ miraculo. Inde vicorum, insularum; & portuum ingens numerus, ut qui diutius ibi versati non sunt, vicarum, locorumque modò varietate, modò similitudine sapè fallantur. Sed contra ejusmodi ambages certum, paratumque remedium est maxima multitudo cymbarum, qua usquequaque dispersa, nominatim ad omnia & publica, & privata loca quemlibet, haud ità magna mercede, trajiciant.

§. V. De Amplificatione per congeriem causarum, & effectuum.

Quid est Amplificatio per congeriem causarum, & effectuum?

R. Est ea, in qua multæ simul unius rei causæ, & effectus multi conglobantur; ut si diceres cum celebri artis magistro. *Quæris multis modis vexatam esse provinciam? sed ad causas calamitatis attende. Vigebat in ea ambitus, luxuria dominabatur; segnes erant magistratus, populus ipse molli, otiosaque segnitie dis-*

siue.

fluebat. Expecta igitur damna longè graviora
 Exhaustentur pecunie, jacebit spreta Religio,
 fures impunè grassabuntur, &c. Ex eodem lo-
 co immanissimam Mezentii crudelitatem am-
 plificat rex Evander apud Virgiliū Æneid. 8.

Quid memorem infandas cædes, quid fa-
 cta Tyranni (a)

Effera; Di capiti ipsius, generique reservent.
 Mortua quin etiam jungebat corpora vivis,
 Componens manibusque manus, atque ori-
 bus ora,

(Tormenti genus.) & sanie, taboq; fluentes,
 Complexu in misero, longa sic morte necabat.

§. VI. De Amplificatione per conge-
 riam consequentium.

Quid est Amplificatio per congeriam conse-
 quentium?

R. Est ea, in qua plura ponuntur accerva-
 tim ex eadem re consequentia. Ex hoc loco
 Virgilius noctē egregiè describit Æneidos.
 4. amplificando res varias, quæ noctem ser-
 mē consequuntur.

Nox erat, & placidū carpebant fessa soporem
 Corpora per terras, silvæque, & saxa quierāt
 Equora: cum medio volvuntur sidera lapsu,
 Cum tacet omnis ager, pecudes, pictæque
 volucres, Quæ-

(a) Mezentius immanissimus Tyrhencrum,
 seu Hetruscorum Tyrannus, qui pro Turno
 contra Æneam pugnavit.

Quæquæ lacus latè liquidos, quæquæ aspe-
ra dumis

Rura tenent; somno (a) positæ, sub nocte
silenti,

Lenibant curas, & corda oblita laborum,

§. VII. De Amplificatione per compara-
tiones, similitudines, & exempla.

Quid est Amplificatio per comparationes, si-
militudines, & exempla?

R. Est ea, quæ fit per unam, vel per mul-
tas comparationes, ac similitudines, & per
unum exemplum, vel per plura. Fiet Am-
plificatio per plures comparationes. si dicas,
v. gr. cum Tullio in Pisonem. *Ego non te
recordem, non furiosum, non mente captum, non
tragico illo (b) Oreste, aut Athamante dementi-
orem putem?* Vel si dicas cum Martiali, in
improbum quemdam Gaurum, qui sua lu-
tulenta vitia magnorum virorum exemplò
solbat excusare.

In Gaurum.

Quod nimio gaudes noctem producere vino,
Ignosco; vitium; Gaude, (c) Catonis habes.

Car-

(a) Positæ, id est. iacentes. Somno autè leni-
bant curas, &c. (b) Orestes Agamemnonis fili-
us, furis agitatus fuit ob Clytemnestram matrè
occisam. Athamas, Thebanorum Rex, furis e-
tiam agitatus. (c) Cato Uticensis quàm sæpè me-
rò incaluerit, testis Horatius.

Carmina quod scribis Musis, & Apolline nullo,
Laudari debes: hoc (a) Ciceronis habes.

Quod vomis, (b) Antoni; quod luxuriaris,
Apici: (c)

Quod fures; vitium; dic mihi, cujus habes;

Fit Amplificatio per unam tantum similitu-
dinem in hoc Virgilio loco, ubi fortissimam
Amazonem Camillam de imbelli hoste nul-
lo labore triumphantem sic exprimit Æne-
id II.

Quam facile accipiter saxo sacer ales ab alto
Consequitur pennis sublimem in nube co-
lumbam,

Compressamq; tenet, pedibusq; eviscerat uncis,
Tum cruor: & vulsæ labuntur ab æthere
plumæ:

Itemq; in Libro septimo, ubi Reginæ A-
maræ (d) furorem, ac circumcursationes
depingit lepidissima turbinis verbere à pu-
eris agitati similitudine.

Ceû quondã torto volitã sub verbere turbo,
Quem pueri magno in gyro, vacua atria
circum,

Intenti ludo exercent: ille actus habena.

Curvatis fertur spatiis: stupet inscia turba,
(a) Im-

(a) Cicero non bonus Pœta fuit (b) Qui
frustis vinolentis gremium suum, & totum tri-
bunal implevit. (c) Apicius bello celeberrimus.

(d) Erat Latini Regis conjux.

(a) Impubesq; manus mirata volubile buxu.
 Dant animos plagæ. Non cursu segnior illo,
 Per medias urbes (b) agitur, populosq; feroces
 Addite denique pulcherrimam istam ju-
 venis (c) Pallantis à Turno occisi cùm flo-
 sculo decerpto comparisonem, quàm Sca-
 liger quovis nectare dulciorem non veretur
 appellare.

Hic juvenem agresti sublinem in stramine
 ponunt,

Qualem virgineo demessum pollice florem,
 Sèu mollis violæ, sèu langvêtis hyacynthi,
 Cui neque fulgor adhuc, necdum sua for-
 ma recessit.

§. VIII. De Amplificatione per consti-
 ctionem contrariorum.

Quid est Amplificatio per constictionem con-
 trariorum, & inter se pugnantium?

R. Est ea, quâ plura contraria per anti-
 theses opponuntur, ut illa Ciceronis in Catil-
 linam: *Hoc verò quis ferre possit, inertes homi-
 nes fortissimis insidiari. stultissimos prudentissi-
 mis: ebriosos sobriis, dormientes vigilantibus:*
 In idem est illud ejusdem Ciceronis in Pi-
 fonem, & Gabinium Consules: *Qui latrones
 igitur, siquidem vos Consules? qui prædones? qui
 hostes?*

(a) Impubesq;, id est, Puerorum turba. (b)
 Regina Amata, (c) Erat Evandri regis filius
 Æneid. II.

hostes? qui proditores? qui Tyranni nominabun-
tur? magnum nomen est, magna species. magna
majestas Consulis. Non capiunt angustia pectoris
tui: non recipit levitas ista, non egestas, non in-
firmitas ingenii sustinet, non insolentia rerum
secundarum tantam personam, tam gravem, tam
severam.

Sic etiam Seneca in (a) Thyeste;
Quem dies vidit veniens superbum,
Hunc dies vidit fugiens jacentem.
Tale est etiam incerti auctoris, sed tamen
antiqui, in Alexandri magni tumulum.
Sufficit huic tumulo, cui non suffecerat orbis:
Res brevis huic ampla est, cui fuit ampla
brevis.

Ex hoc eodem loco magni nominis Po-
eta Santolius Victorinus admirabiles San-
ctorum virtutes amplificat per congestas an-
titheses (b)

Illis summa fuit gloria despici,
Illis divitiæ pauperiem pati,
Illis summa voluptas
Longo supplicio mori.

§. IX. De Amplificatione per in-
crementum.

Quid est Amplificatio per incrementum?

R. Est ea, quæ oratio velut per gradus
E vide-

(a) Tragædia sic inscripta, Actu 2, vers. 6.4.

(b) In hymno de sanctis monachis.

videtur augeri, & ascendere, donec ad summum pervenerit. Ità Tullius Verris crudelitatem eò per incrementum deducit, ut verba explanando crimini non ultra suppeditent: *Facinus est, inquit, vincire civem Romanum; prope parricidium, necare: quid dicam, in crucem tollere? Nihil addi jam videtur ad hanc amentiam, improbitatem, crudelitatemque poss.*

Vide etiam, quomodo per gradus, & per incrementum assurgat oratio in hac sapientissima Senecæ sententia in Epistola ad Lucilium: *Magna vita pars elabitur malè agentibus: maxima nihil agentibus: tota aliud agentibus.*

De Amplificatione verborum.

De hoc toto Capite tametsi sumus propediem accuratissimè dicturi; postulat tamen instituti nostrî ratio, ut cursim illud in antecessum delibemus.

Quomodo fit Amplificatio verborum?

Fit sex præcipuè modis. 1. Per verba translata, seu metaphorica. 2. per verba superlata, 3. Per verba synonyma. 4. Per verba gravia, & illustriora. 5. Per periphrasim, seu circumlocutionem. 6. Per repetitionem.

§. X.

Fit igitur primùm Amplificatio verborum per verba metaphorica, quæ nempe mirum

mirum in modum valent ad excitandos animos, & ad orationem grandiozem efficiendam.

Quid est Metaphora, seu translatio?

R. Est quoddam loquendi genus, quod vox aliqua à propria sua significatione transfertur ad aliam, v. gr. si dicas: Prata ridere, parietes vestire gaudio, aliquem esse iracensum, inflammatum cupiditate, errore lapsum: voces illæ omnes sunt metaphoricæ, quia tribuunt pratis, & parietibus risum, & gaudium, quæ propria sunt hominis solius. Idem planè dicito de cæteris locutionibus, quæ tribuunt homini flammam, & incendium ignis proprium, &c. Fiet igitur Amplificatio per Metaphoram, si cum Virgilio dicas de Ænea irato:

(a) ——— Irarūque omnes effundit habenas.
Vel si dicas de Didone;

(b) ——— Magnoque irarum fluctuat æstu.

Quia habenas, & æstum, quæ propriè conveniunt equis, ac fluctibus, tribuis Æneæ, & Didoni. Item si de homine impavido, & imperterrito dicas cum Horatio in Odis: (c)

Illi robur, & æs triplex

Circa pectus erat, qui fragilem truci
Commisit pelago ratem

Primus.

Ez

§. XI,

(a) Lib. 12. (b) Liq: 4. (c) Lib. 1.

§. XI.

2. **F**it Amplificatio per verba superlata, hoc est, quæ veritatem superant, & plùs dicunt, quàm reapse esse possit. Ut cùm ait Tullius de Julio Cæsare, in oratione pro Marcello. *Domuisti gentes inmanitate barbaras, multitudine innumerabiles; locis infinitas, omni copiarum genere abundantes.* Item què cùm dicit de Pompejo in oratione pro lege Manilia, *Qui sapius cum hoste conflixit, quàm quisquam cum inimico concertavit: plura bella gessit, quàm alii legerunt; plures Provincias confecit, quàm alii concupiverunt. cujus adolescentia ad scientiam rei militaris non alienis præceptis, sed suis imperiis; non offensionibus belli, sed victoriis; non stipendiis, sed triumphis est erudita.*

Hanc amplificandi artè adhibuit Virgilius Æneidos librò 12. cùm de Turni equis dixit per Hyperbolem:

Qui candore nives antèirent, curribùs auràs.

Item cùm de equo Trojano dixit:
Instar montis equum divina Palladis arte
Ædificant.

Sed nusquam magis indulgisse videtur huic schemati, quàm cùm Amazonem (a) Camillà laudans librò septimò dixit per verissimà hyperbolem:

Illa

(a) Camilla Volscorum Regina bellicosissima, quæ Turno adversus Æneam tulit auxilium.

Illā vel intactā segetis per summa volaret
Gramina, nec teneras cursu læsisset aristas:
Vel mare per mediū, fluctu suspensa tumentī
Ferret iter, celeres nec tingeret æquore
plantas.

§. XII.

Quomodo fit Amplificatio per verba synonyma.

R. Fit per congeriem verborum, & sententiarum idem pænè significantium: ut cū ait Cicero pro Ligario: *Quid enim, Tubero, tuus ille districtus in acie Pbarsalica gladius agebat? cuius latus mucro ille petebat? qui sensus erat armorū tuorū, quæ tua mens? oculi? manus; ardor animi, quid cupiebas? quid optabas?* Vide, quā multa sint hīc verba idem pænè significantia: gladius, mucro, arma, sensus, mens; animus, cupiebas, optabas. Quæ sanè Synonymorum concatenatio acrem in primis, & illustrem reddit orationem, ut liquet ex hoc alio ejusdem Ciceronis exemplo in Catilinam: *Non feram, non patiar, non sinam;* & ex duobus hīc Virgilii versibus Æneidos Librō primō, ubi Ilioneus Æneæ sortis adhuc ignarus sic dē illo ad Didonem:

Quem si fata virum servant; si vespicitur aurā
Ætheria; nec adhuc crudelib9 occubat ūbris

§. XIII.

Quomodo fit Amplificatio per verba graviora, & illustriora:

R. Fit cū adhibentur verba splendida, quæ

quæ rem significantiùs exprimant, & in quibus plenum quiddam, numerosum, & sonans esse videatur: cujusmodi sunt ista: *Poluerat stuprò sanctissimas religiones; Senatùs gravissima decreta perfrugerat.* Itemque illa in Verrem: *Non enim furem, sed ereptorem; non adulterum, sed expugnatorem pudicitia; non sacrilegum, sed hostem sacrorum, religionumque; non sicarium, sed crudelissimum carnificem civium sociorumque, in vestrum iudicium adducimus.*

Ejusdem etiam generis sunt magna illa Virgilii verba de Didone moritura.

*At trepida, & cœpit immanibus effera Dido,
Sanguineam volvens aciem, maculisque
trementes*

*interfusa genas, & pallida morte futura,
Interiora domùs irrumpit limina, & altos
Conscendit furibûda rogos, ensèque recludit
Dardaniû, non hos quæsitum munus in usus.*

§. XIV.

Quomodo fit Amplificatio per periphrasim seu circumlocutionem;

R. Fit, cùm longiori verborum ambitu circuituque dicimus, quod brevius, ac simplicius dici poterat. Ità Cicero pro Milone, cùm gravius videretur dicere Clodium à Milone fuisse occisum; maluit illud hac verborum circuitione mollire. *In quos incensus irâ, vitamque domini desperantes cùm incidisset, hæsit in iis penis, quas ab eo servi stultes pro domini vita experierunt.*

Cir-

Circumlocutione Virgilius utitur Æn. 12.
 eum pro hac una voce *Moritur*, sic ait.

Olli dura quies oculos, & ferreus urget
 Somnus: in æternâ clauduntur lumina nocte.

Et in ecloga prima, ubi pro hac una voce
jam advespera/cit, longiori hac, tritaquæ
 utitur periphrasî;

Et jam summa procul villarũ culmina fumant
 Majores quæ cadunt altis de montibus ũbræ.

Nota Periphrasim apud Pœtas esse frequen-
 tiorem, quàm apud Oratores. Quod si non
 idonea sit, vel si nimis redundet, jam non
 appellabitur *Periphrasis*, sed *Perissologia*. (a)

§. XV. De Amplificatione per
 repetitionem.

Quomodo fit amplificatio per repetitionem,

R. Fit, cùm verbum idem, sive ornatũs
 causâ, sive ad motus excitandos iteratur,
 duplicaturquæ vel in principio, vel in fine,
 vel in medio dictionis. Ut cùm ait Tulli-
 us: *vidi enim vidi, penitusque perspexi*. Sed u-
 titur in primis hoc Amplificationis genere
 in exordio Orationis pro Roscio Amerino,
 cùm ait. *Accusant ii, qui in fortunas ejus
 invaserunt. Causam dicit is, cui præter calamita-
 tatem nihil reliquerunt. Accusant ii, quibus
 occidi patrem Sexti Roscii bono fuit. Causam
 dicit is, cui non modo luctum mors patris attulit,
 verum*

(a) Id est Sermonis redundantiæ.

verum etiam egestatem. Accusant ii, qui hunc ipsum jugulare summè cupierunt. Causam dicit is, qui etiam ad hoc ipsum iudicium cum praestido venit, nè hic ibidem ante oculos vestros trucidetur. Denique accusant ii, quos populus poscit. Causam dicit is, qui unus relictus ex illorum nefaria cado restat.

Quantoperè verò valeat Repetitio ad addendam vim, pondusque orationi, & ad affectus ciendos, discere poteris ex sequentibus exemplis. priora tua sunt ex heroicis Ovidii Epistolis, in quibus, si quid iudico, præ cæteris omnibus illius operibus, elegantia, ingenii, & eloquentia lumen quoddam elucet: in primo sororem Annam sic compellat infelix Dido:

Anna soror, soror Anna meæ malè conscia
culpæ

In altero Demophoontem (a) ità compellat Phyllis:

Credidimus blandis, quorum tibi copia, verbis:

Credidimus generi, numinibusque tuis.

Credidimus lacrymis: an & hæc simulare docentur;

Hæc quoque habent artes, quæque jubentur, eunt.

In

(a) Demophoon Thesei ex Phædra filius, à Phyllide Lycurgi regis filia hospitio, & lecto susceptus, data prius futuri conjugii fide.

In tertio conjux Hercules Dejanira, cum illi per imprudentiam mortem intulisset, in has justis doloris voces erumpit identidem;

Impia quid dubitas Dejanira mori;

Hei mihi quid feci? quomodo me furor egit amante?

Impia quid dubitus Dejanira mori?

Illita (a) Nessesio misi tibi texta veneno,

Impia quid dubitas Dejanira mori?

Quibusnam potissimum figuris varianda erit,

& distinguenda Amplificatio;

R. Præcipua, quæ Amplificationem ornant, Schemata sunt Hypotyposis, & exclamatio, de quibus supra dictum à nobis est. Quibus addito tria alia, nempe Protopopœjam, Apostrophem, interrogationem, cæterasque id genus vehementiores figuras, de quibus agendum nobis erit, in Libro de Elocutione.

§. XVI.

Quid sit, in Amplificatione vitandum.

Duo sunt in primis vitia, ac veluti scopuli quidam duo, in quos incurrere solent Tyrones, cum orationem amplificant. Primus scopulus est illorum, qui minutissima quæque singulatim, exiliter, & perexiguè confectantur; quod certè est in Oratione vitium vel maximum. Ut enim rectè
monet

(a) Centauri Nessi veste, quâ manus Hercules in furorem versus est;

monet Cicerò, in Amplificationibus nihil est nimis tenuiter enucleandum, quia hic locus grandia potius, quàm exilia, minuta-que requirit.

Alter scopulus est illorum, qui ad explendum orationis numerum, nihil nisi vacuas voces, & inanem verborum sonitum in illam infarciunt. Hoc vulgare vitium fugies, si nihil profus dicas quòd, vim, & pondus non addat orationi. & sensum non augeat. *Quid est enim tam furiosum,* (inquit Tullius Libro 1. de Oratore) *quàm verborum vel optimorum sonitus inanis. nulla subjecta sententia?* Et ut sapientissimè præcipit Horatius in Arte Pœtica, si sint tibi provisæ, paræque, & ad manum, ut ita dicam, sententiæ; voces ipsæ ultro sese offerent, & ad exprimenda animi fensa nullo labore succurrent.

Verbaquè provisâ rē non provisâ sequetur.

Quamquam, ut dicam id, quod res est, si Tyroni peccandum sit in alterutram partem, malim certè, ut, instar Ovidii, peccet potius ubertate quadam, copiaque verborum, quàm eorundem jejunitate, atque inopia, quia, ut optimè notat Tullius, nimia hæc & redundans verborum ubertas, & quasi luxuries stylô, atque exercitatione brevi depascetur.



APPARATUS SEU PROOEMIUM RHETORICÆ.

Rhetoricæ Prooemium, five Apparatum appellamus ea omnia, quæ pertinent universim ad Artem Rhetoricam. Quinque autem sunt, quæ de Rhetorica generatim, & universè, prolusionis more, quæri possunt.

1. Quæ sit natura, & finis Rhetoricæ,
2. Quæ sit illius materia.
3. Quæ sint illius partes.
3. Quæ sit dignitas, vis, & utilitas Rhetoricæ
5. Quibus rebûs, ac subsidiis possit facile comparari.

§. I. De natura, & fine Rhetoricæ.

Quid est Rhetorica?

R. Est ars, seu disciplina benè dicendi; hoc est ornatè, graviter, & copiosè loquēdi.

Ita Quintilianus, lib. 2.

Unde nomen suum traxit Rhetorica?

A voce græca *Reo, dico, loquor*, unde *Ritor Rhetor, Orator, & Ritoriki ars Oratoria,*

Quare vocatur ars?

R. Quia certis quibusdam, & nunquam fallentibus præceptis continetur.

Quare dicitur ars benè dicendi?



R. Quia docet quomodo optimis sententiis verbisque lectissimis dici possit.

Undenam oria est ars illa bene dicendi?

R. Notatio naturæ, & animadversio peperit artem. Cùm enim aliqui nativa quadam facultate, ullo artis subsidiõ benè dixissent, alii contra insulse omnino, & male extitit aliquis, qui discrimen illud observaret attentius, qui causas illius indagaret sedulo, atque ita rem sensim ad artem ac præcepta revocaret, & quasi viam traderet, quæ ad eloquentiam tuto ferret. Unde liquet, non esse eloquentiam natam ex artificio, sed potius artificium ex eloquentia natum, atque profectum.

Quò differunt inter se Rhetor. & Orator?

R. Hòc differunt, quòd Rhetor sit, qui benè dicendi præcepta tradit, Orator verò sit is, qui accomodatè ad persuadendum dicere potest; tametsi erretur persapè in nomine, & aliud pro alio indiscriminatim accipiat.

Quisnam est finis ultimus Artis Oratoria?

R. Est persuadere dictione: hoc est, diserta oratione quempiam impellere ad aliquid vel credendum, vel agendum, vel mittendum.

Quodnam est Officium Oratoris?

R. Est dicere appositè ad persuadendum:
quod

quod fiet docendo, delectando, & movendo.
 Docemus argumentis, & argumentatione:
 delectamus ornato, illustri, & apto dicendi
 genere; flectimus amplificatione, & affecti-
 bus. Docere, necessitatis est; delectare, sva-
 vitatis; movere verò, seu flectere victoriæ,
 atque hic demum est verissimus eloquentiæ
 triumphus.

Unde erit ille summus, & perfectus Ora-
 tor, cum appositè dixerit ad persuadendum,
 hoc est ad docendum, delectandum, & mo-
 vendum; re ipsa tamen, sive auditoris vi-
 tiò, sive quacumque demum alia de causa,
 non persuaserit.

§. II. De Materia Rhetoricæ.

Quamnam est materia cujusque artis in genere?
 R. Ea est, circa quam versatur Ars; ut
 Medicinæ materia sunt morbi, quia in iis
 curandis Medicina versatur.

Quenam est speciatim materia Rhetoricæ?

R. Nihil omninò est in rerum natura, de
 quo ornate, eleganter, & copiosè disputare
 non possit Orator. Ut enim observat Cic.
 2. de Orat. *Benè dicendi Ars non habet defini-
 tam aliquam regionem cujus terminis septa te-
 neatur.* Unde ajo cum Aristotèle. Rhetor-
 icæ materiam esse quamlibet questionem ad
 dicendum propositam.

*Quotuplex est questio; quæ Oratori ad dicen-
 dum proponi potest?*

R. Du*

R. Duplex. Alia est infinita, seu universalis; alia finita, seu singularis. Quæstio infinita, quæ vocatur etiam *Thesis*, ea est, quæ nullis alligatur temporis, loci & personæ circumstantiis: ut, si quæretur generatim atque universè. *Sitné bellum gerendum, vel pax facienda?*

Quæstio finita. quæ etiam vocatur *Hypothesis*, & *causa sive controversia*; ea est, quæ universalem quæstionem restringit, ac revocat ad certas quasdam personæ, temporis, loci, rei; circumstantias: ut, si quæretur, *Sitné hoc annò nobis pax facienda; in, que ab hostibus feruntur legibus, ac conditionibus?*

Quæstio autem, sive finita sive infinita dividitur quadrifariam; primò in quæstionem cognitionis. Quæstio cognitionis ea est, quæ instituitur solius scientiæ gratiâ: ut, *Que sit causa defectus solis, . . . sitné terra major quàm luna?* Quæstio actionis est, cujus finis est aliquid efficere; ut, *An liceat vim et repellere . . . an sit inimicis ignoscendum?*

Præterea quæstio vel est principalis, vel incidens. Principalis ea dicitur, quæ præcipuè venit in controversiam: Incidens vocatur, quæ tractatur propter aliud.

Quot sunt universim genera quæstionum, sive causarum, in quibus, versari potest Orator?

R. Tria, Genus iudiciale, genus deliberativum, & genus exornativum, seu demonstrativum, quod à Græcis vocatur Epideicticum.

Quid spectatur in genere iudicali?

R. Accusatio, & defensio.

Quid spectatur in genere deliberativo?

R. Svasio, & dissvasio.

Quid in exornativo?

R. Laus & vituperium. Unde generis iudicialis finis est equitas; Deliberativi utilitas; Demonstrativi honestas. Iudiciale genus versatur circa tempus præteritum; Deliberativum circa tempus futurum; Demonstrativum verò circa præteritum simul, & præsens.

§. III. De Partibus Rhetoricæ.

Quæ, & quæ sunt primariæ partes Rhetoricæ?

R. Quatuor: Inventio, Dispositio, Elocutio, & Pronuntiatio, quemadmodum sunt præcipuæ quatuor Oratoris partes: 1. Argumenta invenire: 2. Inventa disponere: 3. Disposita verbis exornare: 4. Exornata pronuntiare. Sunt qui pro quinta parte memoriam statuant; sed nos cum Aristotele illam ad pronuntiationem revocamus.

Quid est inventio?

R. Est excogitatio rerum verarum, aut verisimilium; quæ valeant tum ad faciendâ fidem tum ad motus excitandos.

Quid est dispositio?

R. Est

R. Est rerum inventarū in ordinem distributio.

Quid est elocutio?

R. Est idoneorum verborum, & sententiarum ad res inventas accommodatio.

Quid est pronuntiatio?

R. Est vocis, ac corporis ea moderatio, quam res inventæ, ac verba requirunt.

§. I. De dignitate, & utilitate Rhetoricæ.

Quanam est Rhetorica dignitas, vis, & utilitas?

R. Nihil addi potest ad hæc illustria Tullii verba. libro 1. de Oratore: *Quid est, inquit, aut tam admirabile, quam ex infinita multitudine existere unum qui id quod omnibus naturâ sit datum, vel solus, vel cum paucis facere possit? aut tam jucundum cognitu, atque auditu, quam sapientibus sententiis, gravibusque verbis ornata oratio, & perpolitâ? aut tam potens, tamque magnificum, quam populi motus, iudicum religiones, Senatus gravitatem unius oratione converti?*

Quid majus, quid splendidius dicere posset eloquentia, si pro se ipsa loqueretur?

De subsidiis Rhetoricæ.

Quibus potissimum subsidiis omnes illæ, quas diximus, Rhetoricæ partes comparari poterunt?

R. Quatuor: natura, arte, exercitatione, & imitatione.

Quid

Quid natura confert ad eloquentiam;

R. Ex parte animi confert celeres motus, ad excogitandum acutos, ad ornandum uberes, ad memoriam firmos, ac diuturnos. Ex parte vero corporis confert latera firma, canoram vocem, solutam linguam, aptamque oris, & totius corporis conformationem.

Quid facit ars ad eloquentiam?

R. Excolit, quæ dedit natura; supplet, quæ illi desunt, quæ vero redundant, luxuriantque, castigat, atque coercet. Uno verbò: certissimam, veluti digitò, monstrat viam, quã ad eloquentiam tutò perveniatur.

Quid offert exercitatio?

R. Conservat, & auget quæ ars expolivit, aut emendavit in natura. Multi enim naturæ vitium exercitatione sustulêre, ut olim Demosthenes, aliique sexcenti.

Quid est exercitatio?

R. Est assiduus usus, & consuetudo dicendi, vel scribendi; quod quidem valdè facit ad eloquentiæ laudem adipiscendam. Ut enim ait Cicero: *Stylus est optimus doctor, di effector & magister.* Triplex est autem exercitationis genús: nempe *Scriptionis, actionis, & memoria.*

DE IMITATIONE.

Quanam est Imitationis utilitas?

R.

R. 1

R. Facit imitatio, ut optimo cuique auctori similes in dicendo evadamus, & quæ sunt in eo summa, diligenter persequamur. Et quoniam imitatio, si rectè fiat, multum affert ad eloquentiam, & pauci admodum imitari sciunt, ut par est; idè de imitandi ratione fustus aliquid, & uberius disputandum nobis esse existimavimus.

Quanam igitur est vera, rectaque imitandi via, & ratio?

R. Multiplex.

1. Cave, vulgare quoddam ac mediocre tibi proponas exemplar, *Mox daturus progeniem vitiosorem*, sed deligatur imitandus summus aliquis, & excellens auctor, in quem tota mente intuearis. Is autem erit, in Pòëtis fermè Virgilius, qui cæteros omnes Pòëtâs longè post se reliquit, & ut ipse loquitur de Turno, *toto vertice supra est*. In oratoria verò arte deligatur unus Cicero, de quo, quàm tritum, ac pervulgatum, tam verum est illud Quintiliani dictum *Ille sciat se profecisse, cui Cicero valdè placere cæperit*; & in quem bellissimè cadit magnifica illa Senecæ (a) de illo vox: *Ingenium, quod solum populus R. par imperio suo habuit*. & ut non minùs splendè de eodem Tullio dictum fuit à Vellejo Paterculo: *Vir ingenio maximus, qui effecit,*

(a) *Controv. Lib. 2.*

fecit, nè, quorum arma viceramus, eorum ingenis vinceremur.

2. Non optimos solum auctores imitaberis, verum etiam, quæ in illis optima sunt, ac præstantissima: Si v. gr. scribenda tibi sit oratio latina, habebis præ oculis loca illa eximia, in quibus se plurimum amavit Cicero, & in quibus se se ipse videtur quodammodo vicisse, cujusmodi sunt illius pleræque perorationes. Illas inter scribendum lectitabis identidè, ut illarum assidua lectio Tulliani styli germanum tibi saporem, & gustum aspergat.

Ut verò semper habeas in promptu selectissima, quæ subinde possis imitari, luculentissimorum auctorum loca; copiosum, sumamque curam elaboratum illorum indicem tibi ad nostræ Rhetoricæ amplioris calcem exhibemus.

3. Illustria hæc, quæ dixi, loca neque putidè imitaberis, neque serviliter, putidèque, ut solent homines illi, quos jure optimo ridet Horatius, dum ait: *O imitatores, servum pecus*; & ut à benè multis fieri video, qui cum picarum aut psittacorum more eadem omnino voces reddiderint, tum demum magnos se veterum imitatores arbitrantur. Tu verò quæcumque imitaberis, sic facies tua, ut eruditis, & emunctæ naribus

bus appareat imitatio; sed tamen res omnino alia, tibi quæ propria facta jam esse videtur.

Tua autem facies hæc veterum scriptorum loca, tibi quæ illa quasi jure tuo poteris vindicare.

Primo, si vim, ac pondus sententiæ retineas: verba verò vel omnia, vel magna ex parte saltem immutes. Dixerat olim Tullius: *Virgus est una altis defixa radicibus, quæ nulla unquam vi labefactari potest.* Hanc egregiam Tullii sententiam, vide, quàm scienter, mutatis omnino verbis, exprimat Horatius, cum dicit de homine probo, & in colenda virtute constanti.

(a) Si fractus illabatur orbis.

Impavidum ferient ruinæ.

Sic etiam cum dixisset idem Cicero Philippicâ nonâ: *Vellem, Dii immortales fecissent, ut vivo potius Servo Sulpitio gratias ageremus, quam mortuo honores quæreremus.* Hanc eandem sententiam, mutatis omnino verbis, ingeniosè admodum expressit Ovidius Lib. III. *Metamorphoseon*, ubi Ulysses de Achille mortui armis certantem cum Ajace, & pro se ita loquentem inducit:

Si mea cū vestris valuisset vota (b) Pelasgi
Non

(a) Ode 3. Lib. 3. (b) Sic appellati veterissimi Græci populi.

Non foret ambiguus tanti certaminis hæres:
Tuquæ tuis armis, nos tē potiremur, Achille.

Secundò, si eadem fermè servando verba, transferas illa ad alium sensum vel similem, vel contrarium: v. gr. dixit Tullius in Antonium: *O auda iam immanem! Tu ingredi illam domum ausus es? tu illud sanctissimum limen intrare? tu illarum ædium Diis Penatibus os inportunissimum ostendere? Poteris verba hæc paululum immutata in Judam, hortos ad Christum prodendum subeuntem, opportunè transferre.*

Sic etiam Catilinariæ primæ exordium ad aliud argumentum nullo labore ita convertent vel ipsi mehercule tyrunculi: Quousque tandem homo nequam atque improbe, intemperanter abutere divinâ patientiâ? Quâdiu illam eludet vita ista tua omni scelerum genere cooperta? Quem ad finem se inventerata tua jactabit impietas? Nihilné te impendentis mortis pericula, nihil inferorum pœnæ, nihil in te Divinæ justitiæ gladius, nihil terror conscientiæ; nihil severissimi judicis tribunal, nihil illius os, vultusque movebunt? Patere tua flagitia non sentis, &c.

Tertio, rectè imitaberis, si figuras, si periodos, si transitiones, si commissuras, incisive, & totū orationis ductum, ac filum potiùs imiteris, quàm verba ipsa, vel ipsas sententias.

Dixit, v. gr. Cicero Philippicâ II. *Non placeo Antonio consulatus meus; at placuit P. Servilio, ut eum primum nominem ex illius temporis consularibus, qui primus mortuus est: Placuit Quinto Lucatio Catulo, cujus semper in hac Republica vivet auctoritas: Placuit duobus Lucullis, M. Crasso, Q. Hortensio, C. Curioni. Maximè verò Consulatum meum Cn. Pompejus probavit.* Hanc figuram transferre poteris eleganter in eos, quibus non placent humaniores Litteræ, quas omnium ordinum, ac ætatum viri sapientissimi in deliciis habuerunt.

Quartò laudem habebit imitatio, si propositum exemplar vel in pauca contrahas, vel applicando fusiùs, uberiusquè dilates. Ità cum Virgilius dixisset 1. Georgicorum.

Prima Ceres ferrò mortales vertere terrâ
Instituit.

Hunc eundem locum imitando, fusiùs morte suo, amplificavit Ovidius V. Metamorph.

Prima Ceres uncò glebam dimovit aratrò:

Prima dedit fruges, alimètaquè mitia terris:

Prima dedit leges: Cereris sūt, omnia, munus.

Contrà verò cum à Tullio fusiùs, ac uberius dictum fuisset de Cæsare, in oratione pro Marcello.

Bellicas laudes solent quiddam extenuare verbis, easquè detrabere ducibus, communicare cum militibus; nè propria sint Imperatorum. Et certè in

te in armis militum virtus, locorum opportunitas, auxilia sociorum, classes, comneatus, multum juvant. Maximam verò partem quasi jure suo fortuna sibi vindicat, & quidquid est prospere gestum, id planè omne ducit suum. At verò hujus gloria, G. Caesar, quam es paulò ante adeptus, socium habes neminem, Totum hoc, quantumcunque est, quod certè est maximum, totum est, inquam, tuum. Nihil sibi ex ista laude centurio, nihil præfectus, nihil cohors, nihil turma decerpit. Quin etiam illa ipsa rerum domina Fortuna in istius se gloriæ societatem non offert: tibi cedit, tuam esse totam ac propriam fatetur. Totam hanc ornatissimam laudationem in duos versiculos ità collegit Pòeta egregius:

Gloria vincendi juncta est cū milite, Cæsar
 Cæsar, parcendi gloria tota tua est. :

Quintò, laudabitur imitatio, si quæ ab Oratoribus scripta fuère, solerter transferas in orationem adstrictam. Ità facile crediderim cum M. (a) Antonino Mureto, perfectissimo talium rerum æstimatore, Virgilianum illum versum,

Quamquam animus meminisse horret, luctuque refugit:

Ciceronem imitatum fuisse. Ità et ille Philippicâ XIV. scripserat in Antonium. Re-
 fugit

(a) Fuit orator, & criticus celeberrimus, seculò 16.

fugit animus P. C. eaque dicere reformidat, quæ
Lucius Antonius in Parmensium liberis, & con-
jugibus gesserit.

Sexto, bonus imitator eris, si vel ex Græ-
cis Latina facias, vel ex Latinis, aut etiam
Græcis vernacula. Ità Tullius tam multa
singulari quodam artificio expressit ex De-
mosthene, quem mirabatur, & quo nè A-
thenas quidem ipsas magis Atticas fuisse,
urbano quodam, & liberali iocò dictitabat.
Sic etiam Virgilius, acer, & diligens Græ-
corum imitator, in Æneide Homerum est imi-
tatus, & in Bucolicis (a) Theocritum. Sic
Terentius ex Menandro, & ex Aristophane
tam multa invexit in Latium. Ità Horatius,
Pindari (b) Callimachique vestigia perse-
cutus est in suis Odis, & nominatim in ter-
tia quarti libri.

Quem tu Melpomene semel
Nascentem placido lumine videris, &c.
Quam quidem tantis laudibus ornavit sum-
mus ille vir Julius Cæsar Scaliger, ut mal-
let à te similem scriptam fuisse, *Quam esse
totius Tarraconensis Rex*. Sic enim (per ludum
opin) et itare consueverat.

At-

(a) Theocritus Pœta Syracusanus scripsit
Græcè idyllia in genere bucolico laudatissima. (b)
Callimachus nobilis Pœta Græcus vixit post A-
lexandri tempora.

Arque, ut hiscé elementis tandem aliquãdo finem imponamus, laudem maximam habitura est imitatio, si quos imitaris, eos non dicam, adæquare, sed vincere etiam omni ope coneris: ut ait Quintilianus. Lib. 10, *Conandum est aliquid supra eos, quos imitaris;* & ut etiam admonet vetus proverbium; Invenire, rem admodum difficilem esse: perfacilem verò, inventis addere.

Ità Virgilius. cum exiliter admodum ac jejune de Hectore dictum fuisset veteri à Pœta Ennio; (a),

O lux Trojæ, germane Hector,

Quid ita cum tuo lacerato corpore miser?

Versus eosdem, vel potius eandem sententiam ex plumbea fecit auream Æneid. Librò secundò;

O lux Dardaniæ, spes ô fidissima Teucrum

Quæ tantæ tenuere moræ? Quibus, Hector,

ab oris,

Expectate venis? ut te post multa tuorum

Funera, post varios hominumque; urbisque;
labores

Defessi aspiciamus? quæ causa indigna serenos.
Fœdavit vultus? Aut cur hæc vulnera cerno?

Hunc eundem Ennii, Virgiliique de Hectore locum apertissime imitari conatus est

Se-

(a) Ennius Pœta antiquissimus vixit tempore secundi belli Punici, centum, & amplius ante Ciceronem annis.

Seneca in (a) Troade, ubi viduam illius Andromachen ita loquentem inducit.

Cum subito nostros Hector ante oculos stetit:
 Non qualis ultro bella in Argivos ferens,
 Grajas petebat facibus Idæis rates:
 Nec cæde vasta, quali in Danaos furens,
 Vera ex Achille spolia simulata tulit.
 Non ille vultus, flammeum incendens jubar;
 Sed fessus, ac dejectus, & fletu gravis,
 Similisque nostro. Squalidâ obiectus comâ.

Quæ imitatio, quamquam non infelix; tamen vide tamen, quantum à Virgiliana distet. Verum quantum inferior Virgilio videtur in hoc loco Seneca, tantum sanè jure videbitur Ennio superior in hac altera ejusdem imitatione in eadem Troade:

Columen patriæ, mora satorum,
 Tu præsidium Phrygibus fessis,
 Tu mutus eras, humerisque tuis
 Stetit illa decem fulta per annos:
 Tecum cecidit, summusque dies
 Hectoris idem patriæque fuit.

Hanc Ennianam imitationem aliquando mirantibus amicis festivè admodum respondit Virgilius, *se ex Ennii stercore gemmas, aurumque colligere.* Cum verò assidua hæc diligensque veterum imitatio vitio illi verteretur, ut ab invidis, & obtrektoribus,
 cumq;

(a) *Tragædia sic inscripta.*

cùmq; illi malevolentia livore suffusi, palā jactarent in vulgus, illum pleraque ab Homero sumpsisse, hoc uno responsō calumniatoribus os obstruere, illosque penitus elingues reddere consueverat Virgilius: *Cur non ipsi quoque eadem furta tentarent? Verum intellecturos, facilius esse Herculi clavam detrahere, quam Homero vel unum eripere versum, illumque ad rem suam accommodare.*

Ratio tamen quædam est tyronibus præsertim adhibenda, nè dum propositum sibi exemplar conantur vincere, & dum ab illo paululùm sed in meliùs aberrare satagunt, prava quadam imitatione ab illo profus deficiant & in pejus aberrant, quod Lucano præsertim contigisse videmus.

Cùm enim mirificè, sed sobriè tempestatem ità descripsisset Virgilius Æneidos primò:

Incubere mari, totumque à sedibus imis
Una Eurusq; Notusq; ruūt, creberq; procellis
Africus, & vastos volvunt ad littora fluctus.
Eripiunt subitò nubes, cælumque, diemque.
Teucrorū ex oculis, ponto nox incubat atra.
Intonuere poli, & crebris micat ignibus æther,
Præsentemque viris intentant omnia mortē.

Hunc Virgiliū locum cùm sibi vel imitandum vel superandum proposuisset Lucanus immodico quodam calore raptus, suoque
nimum

Cùm enim verborum delectus origo sit eloquentiæ, ut ait Julius Cæsar in suo de analogia, seu de ratione (a) loquendi Libro, quem, Ciceroni nominatim nuncupavit; & cùm verborum cura, quæ ad Elocutionem pertinet, sit longè facilior, quàm cura rerû, quæ spectat ad inventionem: liquet profecto nos Tyronum commodis, utilitatiquè servare, dum Aristotelis ordine nonnihil immutato, ab Elocutione ducimus initium, & in primò artis oratoriæ quasi limine, vestibuloquè paulisper hæremus, priusquàm in intima illius penetralia pedem (b) ausimus inferre.

Ut huic eidem Tyronum utilitati consulatur, nostrum hunc de Elocutione librum trifariam dividimus. Agendum nobis est primò de Figuris, in quibus nullo fermè negotio se solent exercere vel ipsi Tyrunculi. Secundò dicetur de Periodo, in qua videtur plusculum esse negotii. Tertio tractabimus de Stylo; à facilioribus, ut par est, ad difficiliora sensim progrediendo.

C A P U T I.

De Figuris, seu Schematibus.

Figura, ut diximus in Elementis, est ornamentum.

(a) Cicero in Bruto. (b) Penult. producta, pro *audeamus*.

mentum quoddam Orationis, seu loquendi
modus illustrior: & à communi consuetu-
dine remotus; cujusmodi sunt hæc Cicero-
nis verba in Catilinam, *Vivis, & vivis non
ad deponendam, sed ad confirmandam audaciam.*
Itemque illa Didonis morientis (a) verba.

— Moriemur inultæ?

Sed moriamur, ait. Sic sic juvat ire sub ūbras,
Aut hæc ejusdem Didonis:

Littora littoribus contraria, fluctibus undas
Imprecor, arma armis pugnent, ipsique ne-
potes.

Quot sunt genera figurarum?

R. Duo. Aliæ enim versantur in senten-
tiis, & sensu ipso, aliæ in verbis tantum.
Quia verò res priùs animò menteque con-
cipiendæ sunt, quàm verbis exornentur;
idè de Figuris sententiarum, quæ ad men-
tem pertinent, antè dicendum nobis est,
quàm de figuris verborum.

§. I. De Figuris Sententiarum.

INter Figuras Sententiarum aliæ videntur
laptiores ad movendum, aliæ ad docendū,
aliæ ad delectandum, Initium faciamus ab
his; quæ ad movendum, seu ad animos fle-
ctendos præcipuè valent.

§. II. De Figuris ad movendum
idoneis.

De

(a), Æneid. 4.

De Exclamatione.

Cur ex omnibus figuris Exclamationem primam ordine collocamus?

R. Primam collocamus, quod vehementiores animi motus exclamando soleamus exprimere

Quid est exclamatio?

R. Est vocis elatio, seu contentio, qua interiectione vel adhibita, vel subaudita, vehementiorem animi affectum significamus, relique magnitudinem exprimimus. Ita Tullius oratione 1. in Catilinam: per summam indignationem sic exclamat: *O tempora! o mores! Senatus hac intelligit, Consul videt: hic tamen vivit. Vivit? Imo verò etiam in Senatum venit.* Et oratione 1. in Antonium: *O miserum me! consumptis enim lacrimis, infixus tamen animo hæret dolor.*

Exclamatio adjunctam ferè habet aliquam ex hisce interiectionibus, *o! heu! ha! vab! proh Superi! proh Superùm, æque hominum fidem!* Per sæpè tamen subauditur interiectio, ut si dicas, *Miserum me!* vel *Hocinè Seculum!* Veteres pro interiectione, o, sæpè adhibebant voces istas (a) *Ædèpol! Hercle! Mehercule! Jupiter! Me castor! Medius fidius!* Catullus: *Chactis*

Do-

(a) Quasi dicas per adem Pollucis . . . itè me Hercules, me Jupiter, me Jovis filius iuret.

Doctis, Jupiter! & laboriosis.

Heu, & Eheu triste aliquid, & molestum indicant. Ità (a) Cicero: *O domus antiqua, eheu quam dispari domino dominaris!* Virgilius verò *Æneidos* 4.

— Tu nunc Carthaginiæ altæ
Fundamenta locas. pulchramque uxoriæ
urbem

Extruis; hêu regni, rerūque oblite tuarū!
Proh adhibetur sæpe ad obtestandum. Ità Terentius! *Proh Deum! atque hominum fidem, quid est, si non hæc contumelia est?*

Mirum in modum facit exclamatio ad significandam indignationem, doloremque ex re atroci conceptum, ut Tullius pro Cœlio: *Proh Dii immortales! cur interdum in hominum sceleribus maximis aut connivetis, aut præsentis fraudis penam in diem reservatis?*

Servit etiam misericordiæ. Ità pro Sylla: *O miserum, & infelicem diem illum, quo Consul omnibus centuriis P. Sylla renunciatus est! O fallacem, ô volucrem fortunam! O cecam cupiditatem: præposteram gratulationem! quàm citò illa omnia ex lætitia, & voluptate ad luctum, & lacrymam redierunt!* Et pro Milione: *O terram illam beatam, quæ hunc virum exceperit; hanc ingratham, si ejecerit; miseram, si amiserit!* Sic etiam perfidus ille Sinon Trojanorum misericordiã exclamando captat (b) Heu,

(a) De Officiis. (b) *Æneid.* 2.

Heu, quæ nunc tellus, inquit, quæ me æ-
quora possunt.

Accipere aut quid jam misero mihi de-
niq; restat.

Aliquando etiam lætitiâ, animique hila-
ritatē exprimit Exclamatio, v. gr. Cicero
ad Atticum (a) *O suaves epistolæ tuas, uno
tempore mihi datæ duas quibus evāgelia, quæ
reddā, nescio; deberi quidem plane fateor.* Evan-
gelia verò (si quæris) erant merces allatæ
jucundi nuntii, vel etiam sacrificia, & sup-
plicationes, quæ pro læto nuntio decerni
olim à Romanis consueverant. Unde non
immeritò Christianis *Evāgelium* appellatum
est saluiferum illud nuntium à CHRISTO
veracissimo Patris Nuntio nobis allatum.

Denique Exclamatio servit interdum Irō-
niæ; ita (b) Tullius: *O præclarum custodem
evium, ut ajunt, lupum! & in Pisonem: O stul-
tos Camillos, Curros, Fabricios, Scipiones, Mar-
cellos, Maximos! O amantem Paulum, rusticum
Marium: nullius consilii patres istorum ambarum
Consulum, qui triumpharunt!*

Quibus potissimum in locis utendum est Ex-
clamatione?

R., Adhibenda est præsertim in Amplifi-
catione, in Perorationibus, & ubi res ma-
gnas auditori persuaseris. Exclamare enim

G

in

(a) *Lib. 2. Ep. 8.* (b) *Philip. 3.*

in rebus minutis frigidum esset, ac puerile.

§. III. De Dubitatione,

Quid est Dubitatio?

R. Dubitatio est (a) Schema, quo Orator fluctuans, animique pendens dubitat aliquamdiu, quid sibi agendum, dicendumve sit. Ita Scipio apud Livium (b) milites alloquitur quasi dubitans: *Apud vos quemadmodum loquar, nec consilium, nec oratio suppeditat, quos ne quo nomine quidem appellare debeam, scio Cives? qui à patria vestra descivistis. An milites? qui imperium, auspiciamque abnuistis. Sacramenti religionem rupistis. Hostes? corpora, ora, vestitum, habitum civium agnoscō; facta dicta, consilia, animos hostium video.*

Illustre omnino Dubitationis exemplum suppeditat nobis Virgilius, cum Didonem ita dubitantem inducit (c)

En quid agā? rursusne procos irrita priores
Experiar? Nomadumque petam connubia
supplex,

Quos ego sum toties jam dedignata maritos?
Iliacas igitur classes, atque ultima Têucrūm
Jussa sequar

An Tyrus, omnique manu stipata meorum
Insequar? Et quos Sidonia vix urbe revelli,
Rursus agam pelago, & ventis dare vela
jubebo?

De-

(a) *Habitus, figura,* (b) *Decade 3.* (c) *Æn. 4.*

Deinde sequitur electio, quæ fit nimirum, cum is, qui dubitat, subito consilium capit, quasi oborta sibi nova quadam luce:

Quin morere, ut merita es, ferrôque averte dolorem.

Est item apud Ciceronem egregiû aliud ejusdem Schematis exemplum in Oratore: *Utrum difficilius, aut majus esset negare tibi, sapius idem roganti, an efficere id, quod rogares, diu, multumque, Brute, dubitavi. Nam & negare ei, quem unico diligere, cuique me charissimum esse sentirem præsertim; & iusta petenti; & præclara cupienti, durum admodum mihi videbatur, & suscipere tantam rem, quantum non modo facultate consequi difficile esset, sed etiam cogitatione complecti vix arbitraber esse ejus, qui vereretur, reprehensionem doctorum, atque prudentium.*

Habes etiam breve, sed luculentum Dubitationis exemplum in illis Tiberii verbis apud Tacitum in Annalibus: *Quid scribam, P. C. aut quomodo scribam, aut quid omnino non scribam hoc tempore? Dii me, Deaque pejus perdant, quam perire quotidie sentio, si scio.*

§. IV. De Obsecratione.

Quid est obsecratio?

R. Obsecratio, ut nomen ipsum per se satis indicat, fit, cum alicuius sive Dei, sive hominis opem imploramus. Hoc Schemate

mirum in modum utitur Tullius pro Rege Dejotaro: *Quamobrem hoc nos primùm metu, C. Caesar, per fidem, constantiam, & clementiam tuam libera, nè residere in te ullam partem iracundia suspicemur. Per dexteram te istam oro, quam Regi Dejotaro hospes hosti porrexisti per istam, inquam, dexteram non tam in bello & praeliis, quam in promissis, & fide firmiorem. Tu illius domum ire, tu vetus hospitium renovare voluisti: te ejus Dei penates acceperunt: te amicum, & placatum Dejotari regis ara, focique viderunt.*

Vehemens est etiam, atque flexanima (a) Palinuri ad Æneã obtestatio apud Virgilium Æneid. 6.

Quod te per cœli jucundum lumen, & auras,
Per genitorem oro, per spem surgentis Iuli,
Eripe me his, invicte, malis. Aut tu mihi
terram

Velinot:

Injice, namque potes, portusque require
Aut tu, si qua via est, si qua tibi Diva creatrix
Ostendit (neque enim, credo, sine numine divi
Flumina tanta paras stygiaque innare paludē)
Da dextram misero; & tecum me tolle per undas.

Hæc figura, præ cæteris, vehemens est, & in perorationibus potissimum solet adhiberi.

§. V.

(a) Palinurus Æneæ navis gubernator, qui somnò oppressus, unâ cum gubernaculo in mare delapsus est.

§. V. De Imprecatione.

Quid est Imprecatio?

R. Est execratio quædam, quâ malum imprecamur alicui, vel etiam nobismetipsis. Tale est illud Ciceronis pro Dejotaro: *Dii te perdant, fugitive. Ità non modò nequam, & improbus, sed etiam fatuus, & amens es.* Et in Antonium: *Quin tu abi in malam rem, malè-que cruciatam.* Tale est etiam illud Didonis: (a) *Sed mihi vel tellus, optè, priùs ima dehiscat, Vel pater omnipotens adigat me fulmine ad umbras,*

Pallentes ùbras Erebi, noctèq; profundam, Ante, pudor, quàm te violem, aut tua jura resolvam.

§. VI. De Interrogatione, & Subjectione.

Quid est Interrogatio?

R. Est, cùm interrogamus aliquem, non tam ad rem dubiam quærendam, quàm ad urgendum, instandumquè; & ad vehementiorem affectum exprimendum. Ita Cicero Catilinam urget hiscè verbis: *Patere tua consilia non sentis? Constrictam jam horum omnium conscientia tenei conjurationem tuam non vides? Quid proxima, quid superiore nocte egeris, ubi fueris, quos convocaveris, quid consilii caperis, quem nostrum ignorare arbitraris?*

G3

Qui-

(a) *Æneid. 4.*

Quibus sanè interrogationibûs Catilinam multò acriùs pungit Cicero, quàm si frigide diceret: Patent, Catilina, tua consilia, conjuratio tua, omniû conscientiam constricta tenetur; quid egeris, nemo ignorat. Similiter poterat dicere Virgilius:

Ipse ego te vidi Damonis, pessime, Caprum,
Excipere insidiis, multum latrante Licisca.
Sed plus spiritûs, nervorumque habet hæc
interrogatio; (a)

Non ego te vidi, Damonis, pessime, Caprû
Excipere insidiis.

Quòd si interrogationi subjiciatur respõsio. Subjectio vocabitur. Sic Tullius pro lege Manilia. *Quid tam novum, quàm adolescentulum privatam, exercitum difficili Reipublica tempore conficere? Confecit: hæc præesse? Præfuit: rem optimè ductu suo gerere? Gessit. Quid tam præter consuetudinem, quàm homini adolescenti, cuius à Senatorio gradu ætas longè abesset, imperium, atque exercitum dari, Siciliam permitti, atque Africam, bellumque in ea administratum? Fuit in iis Provinciis singulari innocentia, æquitate, virtute: bellum in Africa maximum confecit, victorem exercitum deportavit.*

§. VII. De Præteritione, & Reticentia.

Quid est Præteritio?

R.

(a) Ecl. 3.

Præteritio, quæ Ciceroni videtur in amore, & in deliciis fuisse, fit, cum simulamus nos vel nescire, vel nolle dicere id quod vel maximè dicimus. Ità Tullius suum Pœpeium magnificè laudat per præteritionem.

Itaque non sum prædicaturus; Quirites, quantas ille res domi, militiæque, terræ mariq; quantaque felicitate gesserit; ut ejus semper voluntatibus non modò cives assenserint, socii obtemperârint, hostes obedierint, sed etiam venti tempestatesq; obsecundarint, hoc brevissimè dicam. . .

Habes etiam luculentam ejusdem Tullii præteritionem in Vatinium: *Atque illud tenebrosissimum tempus iuventis ætatis tuæ patiar latere. Licet impunè per me, parietes in adolescentia perfoderis, vicinos compilâris, matrem verberâris. Habet hoc premium tua indignitas, ut adolescentiæ turpitudò obscuritate & sordibûs tuis regatur.*

Præteritioni vicina est, & affinis Reticētia, aposiopesis Græcè dicta, quæ fit, cum orationem abruptimus subitò, & reticemus aliquid, ut majora auditoribus cogitanda relinquamus, quia nimirum, quæ latent, graviora putantur. Tale est illud (a) Juvenalis:

Majorum primus quisquis fuit ille tuorum,
Aût pastor fuit, aût illud, quod dicere nolo.

Illustre omnino hujusce Schematis exemplum

(a) Sat. 1.

plum nobis suppeditat Virgilius Æneid: 1.
ubi Neptunus ventos tumultuantes sic increpitat:

Jam cœlū, terrâque meo sinè numine, venti
Miscere, & tantas audetis tollere moles?

Quos ego . . . sed motos præstat componere
fluctus.

Post mihi non simili pœnâ commissa luetis,
Apostrophi utimur ob pudorem, ut Virgilius
in ecloga 3.

Novimus, & qui te . . .

§. VIII. De Expolitione.

Quid est Expolitio?

R. Expolitio, sive Commoratio, & Exornatio (nam tria hæc vocabula unum, atque idem sonant) est figura ad motus excitandos valdè insignis,

Fit autem, cum eandem sententiam variis modis versamus, ut altius in auditorum animis defigatur, Ita Cicero pro Sextio: *An nihil ipsi, ut quidam putant, fuit mors aquò animò oppetenda? quid tum? mortemne fugiebam? an erat res ulla, quam mihi magis optandam putarem? tam eram rudis? tam ignarus rerum, tam expers consilii aut ingenii? nihil audieram, nihil videram, nihil ipse legendo, querendoque cognoveram, : nesciebam vitam brevem esse cursum, gloria sempiternum? quum esset omnibus definita mors, optandum esse, ut vita, qua necessitati de-*
bere.

beretur; patria potius donata, quam reservata natura videretur? Nesciebam, inter sapientissimos homines hanc contentionem fuisse; ut alii dicerent, animos hominum, sensusque morte restringi; alii autem tum maximè, mentes sapientium, ac fortium virorum, quum è corpore excessissent, sentire, ac vigere? quorum alterum fugiendum non esse, carere sensu; alterum etiam optandum, meliorem esse sensu.

§. IX. De Epiphonemate.

Quid est Epiphonema?

R. Est exclamatio sententiosa, quæ fieri solet post rem aliquam insignem vel narratam vel probatam. Ut cum Virgilius, post narratos classis Trojanz labores, sic exclamat sententiosè: (a)

Tantæ molis erat Romanam condere gentē.

Sic etiam Lucretius lib. 1. post commemoratum exemplum Agamemnonis, filiam suam Iphigeniam immolantis, hac gravi sententia claudit narrationem:

Tantum Religio potuit svadere malorum.

Simile est illud Ciceronis in libro de Senectute: Senectutem ut adipiscantur, omnes optant; eandem accusant. (b) adeptam: tanta est inconstantia, stultitia, atque perversitas. Sic etiam Virgilius postquam apum, in melle conficiendo,

(a) *Æneid. 1.* (b) *Alii Adepti, quæ lectio videtur melior.*

endo, industriam, laboresque descripsit, hoc addit Epiphonema:

Tantus amor florū, & generādi gloria mellis.

Itemque hoc 2. Georgicorum.

— Adeò à teneris consvescere, multū est.

Et alio in loco, de crudeli, atque impio Polymnestore loquens, (a)

Fas omne abrumpit; Polydorum obtruncat, & aurō

Vī potitur. QUID non mortalia pectora cogis

Auri sacra fames?

C A P U T II.

De Figuris ad delectandum magis idoneis.

§. I. De Apostrophe.

Quid est Apostrophe?

R. Est Schema, quò sermonem ad aliam personam, vel quasi personam convertimus, quàm instituta oratio requirat. Ita Cicero pro Milone: *Vos. vos appello, fortissimi viri, qui multum pro Republica sanguinem effudistis: vos in viri, & civis invicti appello pericula,*

culo, Centuriones, vosque milites, vobis non-
modo inspectantibus, sed etiam armatis, & huic
iudicio presilentibus, hæc tanta virtus ex urbe
expelletur.

Apostrophe fit aliquando ad Superos ad
invocandum. Ità Tullius 1. in Catilinam:
Tum tu Jupiter, qui iisdem, quibus hæc urbs,
aspiciis à Romulo es constitutus, quem statore
hujus urbis, atque Imperii verè nominamus,
hunc, & hujus socios suis oris, cæterisque ter-
ris, à tectis urbis, à manibus, à vita, fortunis-
que omnium civium arcebis; & omnes inimicos
bonorum, hostes patriæ, latrones Italia, scele-
rum fœdere inter se, ac nefaria societate con-
iunctos, æternis suppliciis vivos, mortuosque
mactabis.

Nec tantùm ad personas fit Apostrophe;
sed etiam ad res inanimas, sensuque caren-
tes, aut aliquando etiam ad belluas. Eius-
modi est apud Virgilium notissima illa Me-
zentii Apostrophe ad equum suum. nomine
Rhoëbum:

Rhoëbe, diu (res si qua diu mortalibus ulla
est) Viximus

Ità Cicero pro Milone; Vos enim jam Al-
bani tumuli, atque luci, vos, inquam, imploro,
atque obtestor, vosque Albanorum obruta arce,
sacrorum Populi Romani sociæ, & æquales,
Pœtis porrò nihil familiarius est, quàm illa

ad.

ad res sensu carentes, Apostrophe. Ita Dido moriens Æneid. 4.

Dulces exuvia, dum fata, deusque sinebant,
Accipite hanc animam, meque his exsol-
vite curis.

Quanam sunt Apostrophes regule?

R. Tres. 1. Rarò est usurpanda. Si enim crebriùs adhibeatur, inepta erit, & frigidiuscula.

2. Tametsi multis videatur; Apostrophen in ipso dicendi principio nequaquam adhiberi posse, interdum tamen Orationem inchoat egregiè, ut docet initium primæ Catilinarie. *Quousque tandem abutere, Catilena, patientiâ nostrâ?*

3. Fas est Pœtis, solius metri causâ, Apostrophen adhibere. Ità Ovidius lib. 3. Tristium:

Nunc ego jaclandas optarè sumere pennas,
Sive tuas, (a) Persèu; Dedale, sive tuas.

§. II. De Hypotyposi.

Quid est Hypotyposis?

R. Est figura, quâ res ita graphicè describitur, ut non tam audiri, vel legi, quàm ante oculos versari videatur. Splendidum imprimis, ac illustre illius exemplum habes in septima Verrina, ubi Tullius Verris in-
huma-

(a) *Perseus Jovis filius, tataribus à Mercurio donatus, Andromadam liberavit.*

humanitatem oculis ita subicit: Ipse inflam-
 ma tus scelere, & furere in forum venit. Arde-
 bant oculi; toto ex ora crudelitas eminebat. expecta-
 bant omnes, quò tandem progressurus, aut quidnā actu-
 rus esset; cum repente (a) Homine corripit, atque
 in foro medio nudari, ac deligari, & virgas ex-
 pediti jubet. Clamat ille miser se civem esse
 Romanum.

Nihilò inferior est Virgiliana illa de Me-
 zentii equo Hypotyposis, quam meritò mi-
 rantur omnes: (b)

(auras
 Tollit se arrectum quadrupes, & calcibus
 Verberat, effusamq; equitè super ipse secutus
 Implicat, ejectoque incubitus cernuus armo,

Hypotyposim creberrimè solent usurpare
 Poëtae, ac praesertim Virgilius, qui res adeò
 vivis, & spirantibus, ut ita dicam, colori-
 bus describit, ut pænè sub oculos cadant.
 Ità Cyclopes depingit Æneid. 8.

Ferrum exercebant vasto Cyclopes in antro,
 Brontesque, Steporisque, & nudus membra
 Pyracmon.

— Alii ventosis follibus auras
 Accipiunt, redduntq; alii stridentia tingunt
 Æra lacu, gemit impositis incudibus antrum.
 Illi inter sese, multa vi, brachia tollunt.
 In numerum, versantq; tenaci forcipe massam.

§. III.

(a) Gaium civem Romanum. (b) Æneid. 102

§. III. De Prosopopœja.

Quid est Prosopopœja?

R. Prosopopœja est fictio personæ, seu Schema, quò personæ mortuæ, vel absentis, aut etiam rei sensu carenti sermonem tribuimus: per quamdam licentiam oratoriam; v. gr. cùm inducimus loquentem Urbem, Provinciam, Angelum, Beatum, parietem, aliaque id genus. Talis est apud Lucanum celebris illa Prosopopœja patriæ, quæ Julio Cæsari juxta fluvium Rubiconem apparens, illum à civili bello dehortatur. (a)

Jam gelidas Cæsar cursu superaverat Alpes,
Ingentesque animò motus, bellumq; futurum
Cæperat. ut ventum est parvi Rubiconis
ad undas,

Ingens visa Duci Patriæ trepidantis imago.
Clara, per obscurâ, vultu mœstissima, nocte,
Turrigero canos effundens vertice crines,
Cæsarie lacera, nudisque adstare lacertis,
Et gemitu permissa loqui: Quo teditis ultra?
Quò fertis mea signa viri? Si jure venitis,
Si cives, hucusque licet.

Sic etiam Tullius in prima Catilinaria ita loquentem patriam inducit. *Quæ (patria) tecum, Catilina, sic agit, & quodammodo tacita loquitur: Nullum jam tot annos facinus extitit, nisi per te: nullum flagitium sine te. - Tibi uni mul-*

(a) Lib. 1. Pharsalia.

multorum necesse, tibi vexatio, direptioque sociorum impunita fuit, ac libera. Tu non solum ad negligendas leges, & quæstiones, verum etiam ad evertendas perfringendasque valuisti. Superiora illa, quamquam ferenda non fuerunt, tamen ut potui, tulisti. Nunc vero me totum esse in metu, propter te unum quidquid intrepuerit, Catilinam timeri; nullum videri contra me consilium iniri posse, quod à tuo scelere abhorreat, non est ferendum. Quamobrem discede, atque hunc mihi timorem eripe; Si verus, ne opprimar; si falsus, ut tandem aliquando timere desinam. Hæc si tecum, ut dixi, patria loquatur, &c.

Venustissimum est, & Aurea Augusti ætate dignissimum Epitaphium hoc, in quo viventem maritum per Protopopæjam sic alloquitur uxor mortua:

Immaturo perii; sed tu felicior annos

Vive tuos, conjux optime, vive meos.

§. IV. De Ethopæja.

Quid est Ethopæja?

R. Ethopæja est expressio morum, seu Schemata, quò alicujus studia, mores, indolem, ingenium verbis exprimimus. Ita Salustius (a) Catilinam omnibus artis coloribus egregiè pingit in illa Ethopæja, tantopere omnium consensione laudata

Etho-

(a) In bello Catilinario.

Ethopœja Catilinae.

Lucius Catilina nobili genere natus, fuls magna vi, & animi, & corporis, sed ingenio malò pravoque. Huic ab adolescentia, bella intestina, cadēs, rapina, discordia civilis grata fuere; ibique juventutem suam exercuit. Corpus patiens inedia, algoris, vigilia, supra, quam cuique credibile est. Animus audax, subtilis, varius, cujuscumque rei simulator ac dissimulatoꝝ, alieni appetens, sui profusus. Ardens in cupiditatibus, satis eloquentia, sapientia parum. Vastus animus immoderata, incredibilia, nimis alta semper cupiebat.

Sic etiam Plautus senis avari, sordidique mores mirabiliter exprimit, (a) dum illum inducit hæc seruo suo mandata dantem:

Senex Avarus.

Cave, quæque alienum in ædē intromiseris,
Si quispiam ignem quærat, extingui volo,
Nè causæ quid sit, quod te quisq; queritet.
Tum aquam effugisse dicito: si quis petet
Cultrū, securim, (a) pistillū, mortarium,
Quæ utenda vasa semper vicini rogitant:
Fures venisse atque abstulisse dicito.

Mulierum mores graphicè pingit Terentius, dum ait: *Novi ingenium mulierum: nolūt, ubi velis: ubi nollis, cupiunt ultro.* Et aliò loco in *Hecub.* 2. 2. 11. *Nōsti mores, mulierum;*

dum

(a) In *Aulularia.*

dum enoliuntur, dum comuntur, annus est.

Ethopœja dividitur in Profopographiam, & in Ethopœjam propriè dictam, de qua jam egimus.

Quid est Profopographia?

R. Est expressio vultûs, ac corporis totius, seu Schema, quo alicujus vultum, os, lineamenta, incessum, cultum, habitumque omnem exprimimus, Ita Martialis deformem Zoilum, lepidè pingit;

Crine ruber; niger ore, brevis pede, lumine luscus,

Rem magnâ præstas Zoile, si bonus es.

Sic etiam Franciscus Vavassor in suo illo eximio de ludrica dictione libro, Socratis habitum, os, figuramque depingit.

Socrates Æsopo non absimilis deformitate corporis fuit: utpote simis naribus, exstantibus & prominentibus oculis, recalva fronte, pilosis humeris, obeso ventre, repandis cruribus; quem propterea rectè Alcibiades cum Sileno, & Satyris etiam, formâ, & specie contulit. Ac licuit semper animadvertere, luscos, gibbosos, ventriosos, claudos, similesque eorum ed ferè dicatiores esse hominibus cæteris, quò sunt vitii corporis insigniores, materiamque præbent ad jocandum majorem: sive quòd sæpius laceßiti propter suam faditatem, assuescât vicissim adversarios repungere,

H

atque

atque ita exercitatiores in eo ipso genere fiant
sive quod priores occupent, ne feriantur, aut ut
feriantur levius.

Feliciter admodum miscentur Prosopo-
graphia, & Ethopœja propriè dicta, & ex
tali mixtura Schema gratissimum efflorescit,
ut liquet in exemplo sequenti, ubi M. Gal-
phurnium sic pingit Tullius: *Consul ipse
parvò animò, & praò tantum cavillator gene-
re illo moroso, quod etiam sine dicacitate ridetur;
facie magis quam facetis ridiculus, à quo ni-
hil speres boni Reipublice, quia non vult; ni-
hil metuas mali, quia non audet.*

C A P U T

De Figuris ad docendum idoneis.

§. I. De Antithesi.

Quid est Antithesis?

R. Antithesis sive oppositio est Sche-
ma, quò verba verbis, sententiæ sententiis
opponuntur; cujus rei splendidum in pri-
mis, & illustre exemplum habes in 2. Cati-
linaria. *Ex hac parte pudor pugnat, illinc petu-
lantia, hinc pudicitia, illinc stuprum: hinc fides, il-
linc fraudatio, hinc pietas, illinc scelus? hinc hone-
stas, illinc turpitudine; hinc continentia, illinc li-
bido. Denique equitas, temperantia, fortitu-
do, prudentia, virtutes omnes certant cum ini-
quitate, cum luxuria, cum ignavia, cum te-
neri-*

meritate, cum vitiis omnibus; postremo copia cum egestate, bona ratio cum perdita; mens sana cum amentia: bona denique spes cum omnium rerum desperatione confligit.

Sic Martialis in amicum quemdam morosum, sibiq̄ne imparem, facetè ludit per Antitheses, (a)

*Difficilis, facilis, jucundus, acerbus es idē:
Nec tecum possum vivere, nec sine te.*

Ità Ovidius (b)

*Frigida pugnabant calidis, humentia siccis,
Mollia cum duris, sine pondere habentia pondus:*

Sic etiam Justinus (c) Agathoclem, Syracusis obsessis, bellum nihilominus in Africam transferentem, laudat per Antitheses: *Mira prorsus audacia, ut quibus in solo urbis sua par non erat, eorum urbi bellum inferret? Et quæ sua tueri non poterat, impugnaret aliena, victusque victoribus insultaret.* Ejusdem etiam generis est memorabile illud dictum Augusti, jam ætate valdè provecti, ad nobiles quosdam juvenes, qui fortè tumultuabantur: *Audite juvenes senē, quæ juvenē senes audire.*

Hoc etiam modò Horatius in Odis: *Privatus illi census erat brevis, commune magnum; & post illū* (d) Seneca: Hæ Curæ

(a) Lib. 12, (b) 1. Metam. (c) Agathocles Sicilia Tyrānus, patre sigulò natus. Lib. 22, (d) In Hypolitò.

Curæ leves loquuntur, ingentes stupent.

§. II. De Sufſentatione.

Quid eſt Sufſentatio?

R. Eſt figura, quâ Orator, ad ſibi conciliandam attentionem, & ad excitandos, erigendosquæ auditorum animos, illos tenet aliquandiu ſuſpenſos, incertosquæ, quid dicturus ſit; ut cum Tullius ait contra Verrem: *Etiannum mihi expectare videmini, iudices, quid deinde factum ſit. . expectate facinus, quàm vultis improbum, vincam tamen expectationem omnium.*

Habes falſum, & facetum Sufſentationis exemplum in Martialis Libro 6.

In Luperum.

Quòd convivaris ſinè me tam ſæpè, Luperce
Inveni, noceam qua ratione tibi.

Iraſcar, licèt uſque voces, mittasq; rogesq;
Quid facies? inquis, quid faciam? veniam.

§. III. De Communicatione.

Quid eſt Communicatio?

R. Eſt figura, quâ orator, cauſæ ſuæ confidens, deliberat cum iis iſtis, apud quos, vel contra quos dicturus eſt, illos nimirum conſulens, quid acturus ſit. Egregium huiusmodi exemplum habes in Verrina 2. ubi Cicero ſummâ cauſæ fiduciam ita demonſtrat: *Nunc ego vos conſulo, quid mihi faciendum putetis. Id enim conſilii projecto taciti dabitis, quod*

ego mihi necessario capiendum intelligo. Et pro
Cæcina, *Quæro, si te hodie domum tuam rede-*
untem homines armati, non modò limine rectò-
que aditum tuarum, sed primo aditu, vestibulo-
que prohiberent, quid acturus sis?

§. IV. De Correctione.

Quid est Correctio?

R. Correctio, seu Retractatio, est Sche-
ma, quò Orator sententiam, aut vocem à
se prolatam retractat ac velut corrigit. Ita
Cicero pro Cælio: *O stultitia! Stultitiàm nē*
dicam, an impudentiam singularem? Ex prima
Catilinaria: *Quamquam quid loquor? Te ut*
ulla res frangat? Tu ut unquam te corrigas? Tu
ullam fugam meditère; Tu ut ullum exilium co-
gites? Utinam tibi istam mentem Dii immor-
tales donarent.

Sic etiam Terentius in comœdia, quæ
inferibitur (a.) *Heautontimorumenos*, mise-
rum senem Menedemum sic loquentem in-
ducit:

Filiam unicum adolescentulum

Habeo, Ah! quid dixi habere me? Imò habui,

Chreme;

Nunc Habeam, nec nē, incertum est.

H3

CA-

(a) Vox composita, quæ Græcè sonat, se ipsum
puniens.

CAPUT V.

De Figuris verborum.

Figuræ verborum aliæ sunt tropi, aliæ non sunt tropi. Figuræ, quæ sunt tropi, fiunt tantum in verbis translatis, hoc est à sensu sibi proprio in alienum sensum traducti, ut, cum dicimus: *Latas segetes. Præta ridens. Geminos, duo fulmina belli, Scipiadas, &c.* Figuræ verò, quæ sunt tropi, fiunt etiam in verbis propriis; ut, cum ait Tullius: *O tempora! O mores!* Et aliò locò, *Abiit, excessit, evasit, erupit.*

§. I. De Tropis,

Quid est Tropus?

R. Tropus est verbi, vel Orationis è propria significatione in alienam immutatio, cum virtute, ac dignitate; ut, cum dicitur: *Mulus pro Stupido;* vel *Laterem lavare, pro, Frustrà laborè suscipere, instar laterem lavantis.* Ista porro immutatio, sive conversio fit cum virtute, hoc est ad addendum orationi pondus, majoremque illi venustatē, ac dignitatē conciliandam. Porro Tropus sic appellatur à voce Græca *Tropos,* verò, ut ad verbum *Inversionem* sonet.

Hæc autem inversio fit multiplici, variâque ratione, sed quatuor potissimum modis; unde existunt primarii quatuor, nobilissimiq; Tropi, nempe Metaphora, Metonymia,

nia, Synecdoche, & Ironia. de quibus figillatim tractandum est.

§. II. De Metaphora.

Quid est Metaphora?

R. Metaphora, seu Translatio est tropus, quò vox aliqua à propria significatione ad alienam transfertur ob similitudinem: Ut cum ait Tullius ad Cæsarem: *Parietes hujus curia tibi gratias agere gestiunt.* Vox illa: *Gestire*, quæ est hominis propria, transfertur ad parietem; cujus non est propria; sed cum quo tamen habet hòc locò quandam similitudinem, & affinitatem.

Hunc porrò usum, ac modum verba transferendi, necessitas genuit, cum scilicet verba propria deessent; postea verò delectatio jucunditasque celebravit. Quemadmodum enim vestis, depellendi frigoris causâ primum reperta, postea etiam adhiberi coepta ad ornatum corporis, & dignitatem; sic verbi translatio, solius inopiæ causâ primum instituta, deinde etiam fuit ad delectationem, & ad ornatum orationis frequentata.

Undenam potissimum ducuntur Metaphoræ?

R. Ex omnibus omnino rebus duci possunt, à divinis, à cælestibus, ab elementis, meteoris, lapidibus, metallis, plantis, bestis, hominibus, eorumque operibus adeo,

ut non minùs latè pateat Metaphora, quàm similitudo, quæ à re qualibet duci potest.

Metaphora ducitur: 1. à divinis, ut apud Ciceronem, *Deus ille noster Plaro*. Itemque apud Martialem magnificentissima illa Romæ laudatio (a)

Terrarum Dea, gentiumque Roma,
Cui par est nihil, & nihil secundum.

2. Sumitur ab Elementis, ut cum dicitur à Tullio, *Nullius tantum est flumen ingenii, nulla scribendi, aut dicendi tanta vis, tantaque copia, que non dicam exornare; sed enarrare, Cæsar, res tuas gestas possit*.

3. Metaphora sumitur è stipibus, Plantis, & arboribus. Ità Cicero: *Virtus est una altissimis defixa radicibus, que nulla unquam vi labefactari potest*.

4. Sumitur à rebus arte, manuque factis. Ità (b) Appion ille, contra quem Josephus scripsit, vocabatur *Cymbalum mundi*. Longinus verò Rhetor eximius, appellabatur *Viva Bibliotheca & Museum ambulans*; quod etiam de Origene dictum accepimus. Imperator autem Helvius Pertinax *Fortuna Pila* fuit vulgò nuncupatus, quòd nempè variis fortunæ casibus fuisset exercitò. Denique Augustò
homi-

(a) Lib. 2. (b) Appion Grammaticus Alexandrinus vixit tempore Tiberii.

homines illos, qui solerti promptoque erant ingenio ad res ex tempore conficiendas, lepidè aiebat, *Argentum habere in numerato*, Metaphora à pecuniis ducta.

5. Metaphora ducitur ab homine; ut cum ait apud Virgilium Palinurus:

Mene Salis placidi vultum, fluctusque
quietos ignorare jubes?

Reliquos Metaphorarum fontes, qui innumerabiles sunt, & cuilibet obvii, persequi figillatim, hominis esset, otio intemperanter abutentis. Quatuor tamen præcipua capita Quintilianus enumerat, ad quæ omnes Metaphoræ commodè possunt revocari.

Primò fit Metaphora, cum à re quapiam animata ad rem aliam animatam verbum transferimus: ut cum ait Titus Livius: *Scipionem à Catone solitum alla r vi*; quæ vox *Allatrare*; cum propria sit solius canis, tribuitur tamen homini non inconcinne. Sic etiam Christus ipse Herodem, ob mores vulpinos, hoc est ob calliditatem, atque verutiam, vulpem appellavit, Lucæ cap. 13: *Ite, & dicite vulpi illi.*

Secundò fit Metaphora, cum inanima pro aliis inanimis ponuntur; ut *Habena* pro *Gubernaculo*, *Frenum* pro *Lege*, *Vinculum* pro *Communitate*; vel, si dicas cum Tullio: *Hæ orationis vela contrahamus.*

Ter-

Tertio, cum inanima transferuntur ad animata; ut cum ipsa civitatis lumina extincta dicuntur in morte præstantium virorum, & cum ait Catullus:

O qui flos es juvenulorum!

Quarto, denique præcipuam quamdam venustatem habet, cum rebus inanimis, sensuque carentibus sensum quemdam, animosque, ac veluti vitam damus: ut cum ait Virgilius:

— Pontem indignatus. (a) Araxes.

Sic etiam Cicero pro Ligario. *Quid enim Tubero, tuus ille districtus in acie pharsalica gladius agebat? cujus latus mucro ille petebat? qui sensus erat armorum tuorum?*

§. III. Quid vitandum in Metaphora.

Quam Metaphora dicuntur vitiosæ?

R. Vitiosæ dicuntur Metaphoræ illæ, quæ humiliores sunt, sordidæque, & a re quapiam abiecta deformique desumptæ. Talis est ista, quam damnant Tullius, & Quintilianus *Stercus curia* *G. auc. a.* itemque ista; *Saxa, mundi verruca*, id est *rupes*. Horatius quoque ob eandem causam notavit versum illum cujusdam M. Furii Bibaculi: (b)

Jupiter hibernas can nive conspuat Alpes.

Quid enim sordidius ac turpius, quam Metaphoram à sputo mutari? Hòc eòdem humili-

(a) Araxes Armenia fluvius. (b) Sat. 5. lib. 2.

militatis, & ut ita dicam, ignobilitatis vitio laborare videtur celebris illa (a) Tertulliani Metaphora, qua diluvium appellat *Natura generale lixivium.*

2. Vitiosæ dicuntur Metaphoræ, quæ duriores sunt vel longius, accersitæ, vel quæ nimis amplificanti; ut si dicas *Syrtem Patrimonii, Charybdim bonorum*; quod profecto duriusculum est, & à Tullio jure damnatum. Quod si verearis, ne durior paulò, & audacior videatur Metaphora, poteris illam molliore, ac mitigare illis aut similibus vocabulis: *Ut ita dicam . . . quasi . . . panè . . . Si ita loqui fas est,* &c. ut si dicas, *Mortuo M. Cato ne pupillum relictum esse Senatam,* poterit audacior videri hæc translatio: si verò dixeris cum Tullio, *Pupillum, ut ita dicam, relictum esse Senatam,* duriuscula Metaphora hæc velut appositò condimentò mitescet. Nam; ut sapienter admodum monet idem Tullius, *Verecunda debet esse translatio,* ut deducta esse in alienum locum, non irruisse, atq; ut precario, non vî venisse videatur.

3. Vitium est in Metaphora, si nimis Pœtica sit; v. gr. si Orator dicat cum Virgilio, *Volucres pennis remigare*; aut, si cum Horatio dicat de Euro:

Per

(a) Tertullianus scriptor Ecclesiasticus, acris & vehementis ingenii, floruit initio tertii seculi.

Per Siculas equitavit undas.

Neque enim quæcumque Pœtis licent, ea omnia Oratoribus licere existimandum est.

4. Metaphorarum vitium est immoderata quædam illarum coacervatio. Etsi enim nullus est florentior tropus, & qui plus luminis afferat orationi, non tamen frequentari nimium debet; nam ut modicus illius usus maximopere delectat, ita immodicus non parum affert facietatis, atque fastidi, & in ænigma transit, aut in allegoriam.

5. Denique vitiosa est Metaphora, quæ sibi non constat, res nimirum omnino dissimiles inter se conjungendo. Quippe, ut docet Fabius: *Id in primis est custodiendum, ut quo ex genere caperis translationis, hoc designas. Multi enim cum initium à tempestate sumperint; incendiò aut ruinâ finiunt, quæ est inconsequentia rerum fœdissima.* Quamquam, ut loquar ingenuè, huic de perpetua, sibi quæ consentanea translatione, Rhetorum præcepto non adedè severè à summis viris obtèperari video. Scimus enim diversas omnino Metaphoras eleganter sæpè fuisse conjunctas à Virgilio, ab Horatio, à Catullo, &c. sic triplex est Metaphora in duobus hiscè versibus Horatii: (a)

Nemo adedè ferò est, ut non mitescere possit,

Si

(a) *Epist . . . lib. I.*

Si modò cultura patientē commodet aurem.

Prima est de feris, quæ propriè mansvescunt & cicurantur. Altera est de fructibus, qui acerbi sunt, & propriè mitescunt. Tertia est ab agris, quorum propria est cultura:

§. IV. De Allegoria.

Quid est Allegoria?

R. Allegoria est Metaphorarum continuatio, seu figura, quâ aliud verbis dicitur, aliud re ipsa intelligitur, unde non absurdè vocatur *Diversiloquium*, quod nimirum aliud dicatur, aliud sentiatur.

Hujusmodi est insignis illa Ciceronis in Pisonem Allegoria: *Neque tam fui timidus, ut, qui in maximis turbantibus, ac fluctibus, Reipublice navem gubernâssem, salvamquè in portu collocâssem, frontis tuae nubeculam, aut collegæ tui contaminatum spiritum perhorrescerem. Alios ego vidi ventos; alios prospexi animò procellas; aliis impendentibus tempestatibus non cessi; sed unum me pro omnium salute obtuli.*

Illustris est, & omnibus nota illa Horatii Ode Allegorica de bello civili, Lib. I.

O navis, referent in mare te novi
Fluctus. O quid agis? fortiter occupa
Portum. Nonné vides, ut.

Nudum remigiò latus?

Et malus celerè faucius Africò,

Antennæque gemant? ac finè fuhibus
 Vix durare Carinæ
 Possint imperiosius

Æquor? Non tibi sunt integra lintea, &c.
 In hac eximia Allegoria navim pro Re-
 publica; fluctus pro civili bello; portum pro
 pace, concordiaque; remigium pro Mili-
 tibus; nautas pro Magistratibus; malum pro
 præcipuis Ducibus usurpat Horatius; & ab
 initio ad finem egregiè sibi: constat, quod
 in Allegoria præcipuum est.

§. V. de Metonymia!

Quid est Metonymia?

R. Metonymia, quæ etiam vocatur Hy-
 pallage, seu Transnominatio, est troporum
 omnium vastissimus, atque usitatissimus. Fit
 autem quatuor potissimum modis. 1. cum
 causa, vel quasi causa ponitur pro effectu,
 & cum rerum inventor usurpatur pro re-
 bus ipsis, quas invenit; ut Mars pro bello;
 Ceres pro frugibus; Vulcanus pro igne,
 Cicero, aut Virgilius pro scriptis illorum;
 dux exercitûs pro exercitu ipso. Sic dici-
 mus, vario Matte pugnatum est, hoc est
 vario belli eventu; & Virgilius. *Onerantque
 canistris dona laborata Cereis;* id est panis. &
 Georgicorum librò 2.

Baccho amat colles; Aquilonè, & frigora taxi.
 Sic etiam dicimus, ab Hannibale apud Cæ-

causa fuisse sexaginta Romanorum mil-
lia; hoc est ab Hannibalis exercitu. Fit
item hoc primò modò Metonymia, cùm pos-
sessor usurpatur pro re possessa. ut cum ait
Virgilius Æneid. 2.

Jam proximus ardet.

Ucalegon.

Hoc est domus Ucalegontis.

2. Fit Metonymia, cum sumuntur effecta
pro causis, aut scelus pro scelerato ipso:
Ita Comicus: *Ubi est scelus ille, qui me perdi-
dit?* Ità Virgilius 2. Æneid. (uno

Accipe nunc Danaū insidias, & crimine ab
Disce omnes.

Ubi *Crimen* ponitur pro perfido Sinone
criminis auctore, & hic est germanus illius
loci sensus: ex uno Sinone disce Græcos om-
nes esse perfidos. Ità Cicero 1. in Verr.
*Quas res luxuries in flagitiis, crudelitas in sup-
plicis, avaritia in rapinis, superbia in contume-
liis efficere potuisset, eas omnes sese hoc uno Pro-
tore per triennium pertulisse.* Fit etiam, cùm
id, quod proprium est effectui, tribuitur
causæ, & hoc Pœtis valdè familiare est:
Ità timor dicitur fugax; mors dicitur palli-
da, morbi dicuntur palleates, quia fuga est
effectus timoris & pallor est effectus mor-
borum, & mortis: Sic Horatius *Pallida
mors equo pulsat pede pauperum tabernas, Reg-
umquæ Turres.* Sic Virgilius: Pal-

Pallentes habitât morbi tristisque senectus.

3 Fit Metonymia cùm res, quæ continet, usurpatur pro re contenta, ut Roma pro Romanis; cælum pro cælestibus, terra pro terræ incolis. Huc pertinet illud Ciceronis pro lege Manilia. *Testis est Italia, quam ille ipse victor Sylla hujus virtute, & consilio confessus est fuisse liberatam. Testis est Sicilia, quam multis undique cinctum periculis, non terrore belli, sed celeritate consilii explicavit? Testis est Africa, qua magnis oppressa hostium copijs, eorum impiorum sanguine redundavit. Testis est Gallia, per quam legionibus nostris in Hispaniam iter, Gallorum internecione, patefactum est. Ubi Italiam pro Italis. Siciliam, pro Siculis, &c. usurpavit,*

4. Cùm signum usurpatur pro re significata, ut toga pro pace, fasces pro magistratu. Ità Cicero in Pisonem.

Cedant arma togæ, concedat laurea linguæ,

Huc refer, cùm hæc vox nomen ponitur pro re ipsa. Ita Livius lib. 1. *Ad singula oppida circumferendo arma nomen omne Latinum domuit.*

§. VI. De Synecdoche.

Quid est Synecdoche?

R. Synecdoche est tropus apud Oratores æque ac Pœtas valde usitatus, & tritus. Fit autem modis quatuor.

1. Cùm

1. Cùm pars ponitur pro toto. v. gr. micro pro ense; tectum pro domo; puppis, vel carina pro navi integra; ita Virgilius Æneid 2.

Non anni domuêre decē, non mille carinæ
Est autem *carina* ima pars navis. Sic etiã hominis anima sæpè usurpatur pro homine ipso. Ita Tullius: (a) *Vos mea charissima anima sapissimè ad me scribite.* Eodè refert vulgares illas locutiones, quibûs *Unus* accipitur pro *Pluribus*, ut cùm dicit Virgilius: *Hostis habet muros.*

2. Fit Synecdoche, cùm totum usurpatur pro parte: ut in hoc decantato Virgillii versu. (b)

Aût (c) Ararim Parthus bibet, aût Germania (d) Tigrim.

Et rursùm Æneid. 12.

Fontemquẽ, ignemquẽ ferebant.

Ubi fons accipitur pro parte fontis. Huc pertinet etiam, cùm *Plures* usurpantur pro *Uno*; ut cùm ait Tullius: *Nos populo imposuimus, & Oratores visi sumus;* licet de se tantùm loquatur.

3. Synecdoche fit, cùm materia, ex qua facta res est; accipitur pro re ipsa. v. gr. fer-

I

rum

(a) *Epist. 14. lib.* (b) *Eclog. 1.* (c) *Araris fluvius est Gallia.* (d) *Tigris Asiae fluvius insignis, sic dictus à velocitate.*

rum pro gladio, pinus pro navi, argentum pro pecuniâ, quæ fit ex argento.

4. Denique fit Synecdoche, cum vel species sumitur pro genere, vel genus pro specie, ut Eurus; vel Aquilo, pro quolibet vento; Sabellicus sus pro quolibet sue; Myrtonum vel Carpathium mare, pro mari quocunque; Sic Maro

Dentesqué (a) Sabellicus exacuit sus.

Ita Juvenalis pro quolibet homine frugi, Curium appellat:

Qui (b) Curios simulant, & (c) Bacchanalia vivunt.

Contra verò genus usurpabitur pro specie, si dicatur cum Virgilio *Ales* pro *Aquila*.

— Prædamque ex unguibus ales
Projecit fluvio.

§. VII. De Ironia.

Quid est Ironia?

R. Ironia, quæ Socrati admodum fuit in deliciis; est figura, quæ aliud planè dicimus, quàm verba ipsa significare videntur. Quando v. gr. quempiam simulata laudatione, falsè ac ingeniosè perstringimus; nimirum aliud aperte dicendo, aliud verò innuendo;

unde

(a) Sabelli seu Sabini, populi Italia. (b) M. Curius vir frugalis, & optimus civis. (c) Bacchanalia Bacchi festa, in quibus Romani crapula, & libidini indulgebant;

unde rectè vocatur à Quintiliano, *Diversi-
loquium, dissimulatio, & illusio*, ut sonat Græ-
ca ipsa Ironiæ vox.

Intelligitur autem ironia, vel ex ipsa re,
quæ dicitur, vel ipsa pronunciatione certè
quidem; ut si dicas: *O Proclarum ovium custo-
dem lupum!* Ita Juvenalis impiam æquè ac
stolidam Ægyptiorum superstitionem, qui
non quadrupedes solùm colebant, uti canem,
simiam, solem, bovemquè; sed plantas, uti
porrum, & cepe, divinis prosequerantur
honoribus, falsè cavillatur hæc facetâ, & e-
leganti ironia Satyræ 14.

Oppida tota (a) canem venerantur, nemo
Dianam;

Porrum, & cepe nefas violare, aut fran-
gere morsu. (hortis)

O! sanctas gentes, quibus hæc nascuntur in
Numina!

Eximia est Ciceronis Ironia in Miloniana;
*Sed stulti sumus, inquit, qui Drusum, qui Afri-
canum, Pompejum, nosmetipsos cum Publico Clo-
dio conferre audeamus. Tolerabilia fuerunt illa:
Clodii mortem equò animò ferre nemo potest,
luget Senatus; moeret Equester ordo; tota civi-
tas confecta senib' est; squalent municipia: affli-
tantur Coloniae; agri denique ipsi tam benefi-
cum, tam salutarem, tam mansuetum civem de-
siderant.*

12

Iro-

(a) Latrator Anubis.

Ironiæ exemplum exquisitius apud veteres nullum habemus, quod sciam, quam lepidam illam Apocolocyntosim, in qua Seneca Claudium Imperatorem, qui vulgò (a) bardus, & imbellis habebatur, facetissime ludit. Est autem Apocolocyntosis Satyra quædam (b) Menippæa, quæ fatuum Claudii caput multo urbanitatis sale defricatur. *Apocolocyntosis* porrò vocatur, quasi dicas *Metamorphosim* in cucurbitam: ad significandam hominis insultatam; est enim *colocynti* Græcè *cucurbita*. In hac igitur eleganti Ironiâ Pœtas in funere Claudii ita jocose cantantes inducit Seneca Philosophus.

Fundite fletus,	Edite planctus,
Fingite luctus;	Resonet tristi
Clamore forû:	Cecidit pulchrè
Cordatus homo,	Quò non alius
Fuit in toto	Fortior orbe . . .
	Deflete virum,
Quò non(c) alius	Potuit citius
Dicere causas,	Una tantum
Parte audita,	Sæpè, & neutra.
Quis nunc iudex	Totò lites
Audiet annò?	Tibi jam cedet,

Sed

(a) Bardus idem ferme ac stultus (b) Menippus Cynicus Philosophus, mordacibus Satyris notus, unde Satyra Menippæa (c) Claudius erat homo infamissimus.

Sed relicta,	Qui (a) dat populo
Jura silenti,	Cretæa tenens
Oppida centum,	Cædite mœstis
Pectora palmis,	O Caufidici!
Venale genus,	Vosquæ Pœtæ
Lugete novi;	Vosquæ in primis,
Qui concusso	Magna parâstis
Lucra fritillo.	

De Regulis Ironiæ.

Quenam sunt Ironia Regula.

R. Dux. I. Enim, quæ ambigua voce continentur Ironiæ, ex præcipuum quemdam leporem, ac venustatem habent. Acuta quippe, jocosaquæ videri solent, quæ dicuntur ex ambiguo. Ita Neronem Matricidam, qui sese ab Ænea oriundum gloria-batur, non infacetè iusit Pœta Romanus, teste Svetonio.

Quis neget Æneæ magna de stirpe Nerone?
Sustulit hic matrē (b) sustulit ille patrem.

Ita (c) Plagiarium ridet Martialis librô secundo:

Carmina Paulus emit, recitat sua Carmina
Paulus:

Iz

Nant

(a) Minos Rex olim Cretæ, magnus erat aleator, & de alea librum scripsit. (b) Matrem Agrippinam interfecit Nero (c) Plagiarius est, qui aliena scripta pro suis venditat.

Nam quod emas, possis dicere jure tuum.
Sic etiam in virum, & uxorem eidem patibulo suspensos eximiè lusit (a) Pòeta recens;
Ecce jugò nexi pendet vir, & uxor eodè:
Hoc meritò possis dicere conjugium.

2. Ironia fieri solet adhibendo voces illas, *Scilicet, nimirum, si Superis placet, nempe;* illas inquam adhibendo cum amara quadam, & falsa vocis inflexione. Ita Terentius: *Id populus curat scilicet,* & apud Virgilium Dido Æn. 4.

Scilicet is Superis labor est; ea cura quietos
Solicitat.

§. VIII. De Sarcasmo.

Quid est Sarcasmus, seu Subfannatio?

R. Sarcasmus, qui ad Ironiam pertinet, est amarulenta quædam irrisio, & truculentum genus Ironiæ, quæ fit cum magna quadam acerbitate, & contumelia, qua quispiam hosti crudeliter insultat: ut apud Virgilium Trojano à se interfecto per Sarcasum insultat victor Turnus.

En, agros, & quam bello, Trojane, petisti,
Hesperia metire jacens. Hæc præmia, qui me
Ferrò ausi tentare, ferunt: sic mœnia cõdunt.

Potestne Ironia inter Sententiarum figuras numerari, ut quibusdam placet?

R. Nequaquam. Liquet enim perspicuè
Iro-

(a) Joannes Commirius è S. J.

Ironiam semper esse Tropum, cum semper voces à propria significatione traducat ad alienam.

Falsamné, & mendacē orationē efficit Ironia?

R. Nequaquam; quia neque fallendi est animus Oratori, dum utitur Ironiā; neque est justa causa, cur fallatur auditor, si paulum modò intelligat, quod dicitur; quemadmodum falli non solet, cum homo callidus, & versipellis per Metaphoram *Vulpes* appellantur.

Suntne alii Tropi, præter istos, de quibus egimus?

R. Sunt aliqui alii, sed qui ad superiores hosce quatuor omnino revocantur: ut Metalepsis ad Metonymiam; Antonomasia, & Syllepsis, ad Synecdochen.

C A P U T V.

De Figuris verborum propriè dictis,
seu quæ non sunt Tropi.

Quid sunt figura verborum propriè dicta?

R. Ex sunt, quæ sic in verbis continentur, ut mutatis illis, figura tollatur; v. gr. hæc sententia *Amantes sunt amentes*, est figura verborum, quia perierit figura, si pro *Amentes* dicas *Stultis*, aut aliud simile. Sed est figura sententiæ, si quis patriam inducat, loquentem, aut si utaris similitudine,
quia

quia quæcumque demum hic usurpes verba, aut quocumque ea colloques ordine, manet Schema.

Quot modis sunt figura verborum?

R. Fiunt tribus potissimum modis: 1. Per adjectionem: 2. Per detractionem, 3. Per similitudinem.

§. I. Figura per Adjectionem.

Quanam verborum Figura sunt per Adjectionem?
R. Octo præcipuæ; nimirum Repetitio, Conversio, Complexio, Conduplicatio, Gradatio, Synonymia. Treductio, Polysynthon.

Quid est repetitio?

R. Est figura, in qua ab eodem vocabulo sæpius inchoatur oratio, ut 1. Catilinarie: *Nihilne te nocturnum presidium palatii, nihil urbis vigilia, nihil timor populi, nihil consensus bonorum omnium, nihil hic munitissimus habendi Senatus locus, nihil horum ora, vultusque moverunt?*

Quid in repetitione cavendum est?

R. Valet mirum in modum in exaggerandis virtutibus, ac vitiis, estque Schema plane venustum. Sed quia statim incurrit in oculos, propterea non est diutius continuandum; sed satis est, ut aliorum Schematum admixtione temperetur.

Quid

Quid est Conversio?

R. Est Figura Repetitioni prorsus contraria, in qua sæpius eodem vocabulô clauditur oratio, ut in Antonium Cicero, *Doletis tres exercitus P. C. interfectos; interfecit Antonius Desideratis clarissimos cives? Eos quoque vobis eripuit Antonius. Auctoritas. hujus ordinis afflicta est? Afflixit Antonius.*

Quid est Complexio?

R. Est figura, quæ Repetitionem simul, & Conversionem complectitur, cum nimirum ab eodem verbo, vel ab iisdem verbis incipiat, atque claudatur. Ita (a) Tullius: *Quis legem tulit? Nullus. Quis Majorem partem populi suffragiis privavit? Nullus. Quis comitiis presuit? Nullus.* Sic etiam Martialis invidum quemdam per complexionem insectatur, Lib. 9.

Rumpitur invidiâ quidam, charissime Juli,

Quod me Roma legit; rumpitur invidiâ.

Rûpitur invidiâ, quod turba sæper in omni

Monstratur digitô; rumpitur invidiâ.

Rûpitur invidiâ, tribuit quod Cæsar uterq;

Jus (b) mihi natorum; rumpitur invidiâ.

Rum-

(a) Pro lege Agraria (b) Magna illis præmia erant constituta, qui tres, aut plures habebant liberos. v. gr. in spectaculis honoratior locus, &c. Hoc jus Martiali concessum fuit, tametsi nullas haberet liberos.

Rumpitur invidiâ, quòd rus mihi dulce sub
urbe est,

Parvaq; in urbe domus, rumpitur invidiâ

Rûpitur invidiâ, quòd sum jucundus amicis,

Quòd cõviva frequens, rûpitur invidiâ.

Rumpitur invidiâ, quòd amamur, quòdque
probamur:

Rumpatur, quisquis rumpitur invidiâ.

Verùm figura hæc, quia maximè ferit o-
culos, uti præcedentes; idcirco parcè admo-
dum & in loco est adhibenda.

Quid est Conduplicatio?

R. Est ejusdem vocabuli, vel plurium ite-
ratio, sive initiõ orationis, sive in fine, sive
alibi, ut cùm ait Maro:

Nunc, nunc insurgite remis

Heclorei socii:

Et Librõ nonõ, cùm ait Nisus:

(a) Me me; adsum qui feci, in me conver-
tite ferrum.

O Rutuli Mea fraus omnis.

Quid est gradatio?

R. Gradatio sive *Klimax*, est Figura, quâ
per quosdam gradus vel ascenditur ad sum-
mum, vel descenditur ad infimum. Quale
est illud Ciceronis in Catilinam: *Nihil agis,
nihil moliris, nihil cogitas, quod ego non modò
non audiam, sed etiam non videam, planèque*

sen-

(a) Subaudi. *Occidito.*

sentiam. Magnum est enim, quidquid agat Catilina, scire Ciceronem: majus, quidquid molitur: longè maximum, quidquid etiam cogitet. Lepidum est illud ejusdem Ciceronis ad Atticum; *Si dormis, expergiscere; si stas, ingredi; si ingrederis, curre; si curris, advola.* Ejusmodi est etiam ille Virgilii locus in eclogis:

Torva leana lupum sequitur, lupus ipse capellam,

Florentè cithysum sequitur lasciva capella

Quid est Synonymia?

R. Est verborum idem fermè significantiũ coacervatio, ad rei magnitudinem demonstrandam, ut in Miloniana, *An verò vos soli ignoratis; vos hospites in hac urbe versamini; vestra peregrinantur aures; neque in hoc pervagato civitatis sermone versantur;* Hoc Schema Pœtæ est valdè usitatum. Ita Plautus:

Quicumque, ubique sunt, qui fuère, quique futuri sunt.

Stulti, stolidi, fatui, fungi, blenni, buccones,

Solus ego omnes longè anteo stultitiâ, & moribûs indoctûs:

Quid est traductio?

R. Traductio, seu Polyptoton, ut ajunt Græ-

Græci, est variata casibûs, aus generibûs, aut modis, aut temporibûs, ejusdem vocabuli repetitio; ut cùm ait Tullius pro Archia: *Pleni sunt omnes libri, plena sapientium voces, plena exemplorû vetustas.* Vel cùm ait Ovidius,

Spectatû ornata veniunt, spectetur ut ipsa.

Quid est Polysyntheton?

¶ Polysyntheton, seu, ut alii malunt Polylindeton, est Schema conjunctionibûs abundans, ut, *& justitiâ, & liberalitate, & fortitudine ceteros omnes Imperatores superavit.* Itemque apud Virgilium (a)

Ascaniumque, patremque meum; juxtaque Creusam,

Alterum in alterius mactatum sanguine cernam.

§. II. De Figuris per Detractionem.

Quot sunt Figura, quæ sunt per Detractionem? (ctio.

¶ Tres: Reticentia, Adjunctio, & Disjunctio.

Quid est Reticentia?

¶ Est figura, quæ fit, quando verbum aliquod subauditur, ut cùm ait Tullius in Verinis: *Hunc cinè hominem; hanc cinè impudentiam; hanc cinè audaciam;* Supple, *feremus.* Et apud Virgilium (b)

At verò Rutulis impar ea pugna videri

Jam-

(a) Lib. 2. (b) Æn. 12.

Jam dudum, & vario misceri pectora motu.
 Ubi profectò vides intelligi *capit & caverunt*.
 Itemque librò 1. *Sed vos qui tandem; subau-*
ditur, estis, eòdem pertinet illud Maffei, Ex
eo tempore tyro vanis agitari terroribùs, dies na-
ctesque fletibus jungere, nullam capere partem
quieris; supple, capit.

Quomodo fit Adjunctio?

R. Fit adjunctio, quando uni verbo plu-
 rima nomina substantiva respondent. Ita
 Cic. *Vicit pudorem libido, timorem audacia. va-*
riationem amentia, Sic etiam Virgilius *Æneid. 3.*

(a) Trojgena interpret Divùm, qui nu-
 mina Phœbi.

Qui tripodas (b) Clarii lauros, qui fidera
 sentis,

Et volucrù linguas, & præpetis omina pênæ

Quomodo fit disjunctio?

R. Disjunctio, seu dissolutio fit, quando
 conjunctiones, & particulae tolluntur, ut in-
 citatior feratur oratio; ita Tullius; *Hac stu-*
dia literarum adolescentiam alunt, senectutem ob-
lectant, secundas res ornant, adversis perfugi-
um, ac solatium præbent, delectant domi, non im-
pediunt foris, pèrnoctant nobiscum, peregri-
nantur, rusticantur.

§. III

(a) Helenus Priami filius, Rex idem, &
 Phœbi sacerdos (b) Apollo dictus Clarius ab urbe
 Claro, Apollinis oraculò nobili.

§. III. De Figuris per similitudinem:

Q Uot sunt Figurae per similitudinem?

R. Tres in primis numerantur, nempe Paronomasia, similiter cadens, & similiter desinens.

Quid est Paronomasia;

R. Paronomasia, seu anonomatio, est Figura, quâ voces pænè similes, ac colludentes usurpantur in sensu di simili. ut cum ait Tullius ad Atticum: *Consul ipse parvò animò, & pravò; facie magis quam facetus ridiculus.* Et alibi *Ex aratore factus orator.* Ita Martialis, qui in hoc genere frequens est.

Litigat, & pòdagrà Diodorus, Flacce, laborat; (gra est.

Sed nìl patrono porrigit; hæc (a) chira-

Sic etiam Iudit Ansonius in illo celebri Epigrammate de Venere.

Orta (b) salò, suscepta solò, patre edita cœla,
Æneadùm genitrix hic habito alma Venus.

Græcis quoque ad nodum usitata est Paronomasia, ut apud Herodotum Lib, I. *Parhemata, mathemata, Quæ nocent, docent.* Eiusdemq; generis erat illud, quod Apollodorus pictor præclarus inscripserat operi suo.

Mimeseta tis mallon mimeseta, Id est,

Faci-

(a) Quæ nimirum manus ipsi constringit, nè quid patrono largiatur, (b) Venerem 'è maris spuma natam fabulantur Poëta.

Facilius erit ridere, quàm imitari.

Delectat in primis, & ferit hoc Schema, si parçè, ac in loco adhibeatur, & sententiarum gravitate sustentetur. Si verò frigidas allusiones, ut non rarò fit, venerit orator, ineptus, nimum erit, & putidus.

Quid est Similiter cadens?

R. Est vocabulorum per eosdè casus, & per eadem tempora expressorum consensus quidam, & quasi concentus, ut cum ait Cicero,

Quid tam commune, quàm spiritus vivis, terra mortuis, mare fluctuantibus, litrus ejectis;

Ubi vides quatuor nomina in dativo plurali posita. Ejusdem generis sunt triti illi Imperatoris Hadriani versiculi, quos moriens (a) fecit.

Animula vagula. blandula,

Hospes, comesque corporis,

Quæ nunc abibis in loca

Pallidula, rigida, nudula,

Nec, ut soles, dabis jocos.

Quid est similiter desinens?

R. Fit, cum orationis vel membra, vel articuli eodem modò terminantur; ut apud Quintilianum, *Ejusdem non est, & facere fortiter, & vivere turpiter.* Ita Cicero Pompejum laudans, *Bellum extrema hyeme apparavit, ineun-*

(a) Apud Ælium Spartanum in vita Hadriani.

inveniente vere suscepit, media astate confecit. (a)

§. IV. Appendix de Transitione.

Quid est Transitio?

R. Transitio, quam alii Figuram esse volunt, alii cum Fabio negant, est orationis quidam nexus, quò fit, ut aptè copulata inter se illius membra concianè coherant, & unum quasi corpus efficiant.

Quot sunt Transitionis genera?

R. Duo: Transitio enim vel est perfecta, vel imperfecta: Transitio perfecta est, quâ breviter monemur, quid dictum sit, & quid dicendum restet, cujusmodi est illa pro lege Manilia. *Quoniam de genere belli dixi, nunc de magnitudine pauca dicam.*

Transitio imperfecta ea est; quâ alterum tantum eorum exprimitur; ut in hoc Ciceronis pro Roscio: *Age nunc illa videamus, iudices, qua consecutura sunt.* Utriusque indiscriminatim generis selecta ex Tullio præsertim asseremus exempla. Quoniam videmus in inveniendis hujusmodi Transitionibus solere Tyrones non mediocriter laborare.

Transitionum Ciceronianarum exempla selecta.

Satis mihi multa verba fecisse video, quare hoc bellum esset genere ipso necessarium, magnitudine periculosum. Restat, ut de imperatore ad id

(a) Pro lege Manilia.

ad id bellum deligendo, ac tantis rebus præficiendo dicendum esse videatur. 2. Satis multa de turpitudine: dicam deinceps, quod proposui, de periculo. 3. Ubi epistola respondi, venio ad alteram . . . 4. Sed nimis multa de nugis: ad majora veniamus . . . 5. Verum ubi rerum testimonia adsunt, nihil opus est verbis. 6. Sed hæc vetera: illud recens, *Cæsarem meo consilio interfectum*. 7. Sed ne forte ex multis rebus gestis *M. Antonii*, rem unam pulcherrimam transiliet oratio, ad (a) *Lupercalia* veniamus. Non dissimulat, *Patres conscripti*, apparet esse commotum, sudat, pallet 8. Sed arrogantiam hominis, insolentiamq; cognoscite. 9. At etiam ausus es (*Quid autem est, quod tu non audeas?*) 10. Sed jam satis multa de causa: extra causam etiam nimis fortasse multa. Quid restat, nisi ut orem, obtesterque vos *Judices*, ut misericordiam tribuatis fortissimo viro? 11. *Questura* illius demonstrata, reliqua attendite 12. Atque ut inde oratio mea proficiat, unde hæc omnis causa dicitur. 13. Atque ut facilius intelligere possitis *Judices*, quæ facta sunt, indigniora esse quam hæc sunt, quæ diximus; initio res quemadmodum gesta sit, vobis

K

expo-

(a) *Lupercalia* Festa Solemnia in Panos honorem mense Februarii celebrari solita à *Lupercis* illius *Sacerdotibus*, qui nudi per urbem cursitabant. *Luperci* sic vocabantur, quod Pan lupos arceret ab ovibus.

exponam. 14. Sed hæc robustioris improbitatis
 scelera omittamus, loquamur potius de inquis-
 simo genere levitatis. 15. Id quò facilius facere
 possitis, dabo operam, ut à principio res quemad-
 modum gesta sit, cognoscatis. 16. Sed finis sit
 neque enim præ lacrymis jam loqui possum; & hic
 se lacrymis defendi negat. 17. Sed quoniam
 emersisse jam è vadis, & scopulos prætervecta vi-
 detur oratio mea, perfacilis mihi reliquus cur-
 sus ostenditur. 18. Accipite nunc aliud ejus fa-
 cinus nobile, & multis locis sæpe commemoratū,
 & ejusmodi, ut in uno omnia maleficia inesse vi-
 deantur. Invenietis id facinus natum à cupi-
 ditate, auctum per stuprum, crudelitate perfectū,
 & conclusum. 19. Plura de illo Archip rata dixi
 quàm volui, & tamen ea, quæ certissima sunt hu-
 jus criminis argumenta prætermisi. 20. Age ve-
 rò, nè semper forum, subsellia, rostra, curiam-
 que meditemur. 21. Ad ejus Tribunatum, qui
 ad esse auidum vocat, & quodammodo absorbet
 orationem meam, contentò studio, cursuque ve-
 niamus. 22. Atque hæc oblectationis, illa necessi-
 tatis. 23. Hæc mihi ferè in mentem veniebant,
 quæ dicenda putarem de natura Deorum. 24.
 Quibus rebus expositis, satis docuisse videor,
 homines naturâ quantò omnes antecirent animan-
 tes. 25. Longa est oratio, multa que rationes, qui-
 bus doceri potest. 26. Sed quid ego longinqua cõ-
 memoro? 27. Intellego, quàm scopulosò difficulte
 que

que loco verser. 28. Sed quid ego his argumentis
utor, quasi res dubia, aut obscura sit? 29. Magna
sunt hæc, vel potius maxima. Jam verò quante
maius videbitur. 30. Multa hujusmodi proferre
possem: sed genus ipsum videtis. 31. Nolo in hac
re multus videri. 32. Sed quid ego hæc aut tam
levia, aut tam minima recordor? 33. Itaque fa-
teamur necesse est, nihil difficilius esse. 34. Quid
loquar, quanta ratio in bestis appareat? 35. Jã
verò ista etiam notiora, quanto se opere custodi-
ant bestia. 36. Multa prætereunda sunt, & ta-
men multa dicuntur. 37. Vereor, ut hoc, quod
dicam, perinde intelligi auditu possit, atque ego
ipse cogitans sentio. 38. Sinite me illa mino-
ra, ac quotidiana prætermittere. 39. Illud tamen,
quamquam ad exitum festinet oratio, prætermit-
tere nullo modo possum. 40. Verùm hæc missa
facio; illud quero. 41. (a) De exordio satis di-
ctum est: deinceps ad narrationem transeamus.
42. Quod ad definitiones hactenus; reliqua vi-
deamus. 43. Nunc reliquorum Oratorum etates
persequamur. 44. Tempus est ad ceteras partes
orationis proficisci. Deinceps igitur de dispo-
sitione dicimus. 45. De (b) statutis diebus dixi:
nunc de Annalibus dicam. 46. Hæc de hero: quod
sequitur de pecore. 47. De multitudine quon-
dam quod satis est, admonui, de obscuritate pau-

K2

ca di-

(a) Ex Cicerone ad Herennium, vel poti-
us ex Cornifitio. (b) Ex Varrone.

ca dicam. 48. Sed (a) ut omisso principio. rem ipsam aggrediamur. 49. (b) Hactenus de principe: quod sequitur de monstro. 50. (c) Jam quantum illud est, quod in occupationibus summis nunquam intermittis studia doctrina? 51. Utinam verò mihi satis esset ad dicendum vel facultatis, vel temporis. 52. Hic hîc, Auditores, animos ad insignis facti memoriam sempiternam erigite. 53. Sed hæc utrumque ferenda: hoc verò quis ferat. 54. Audistis gravissima, audite nunc graviora. 55. Sed hæc privatim nunc qua publice gesta sunt, videamus. 56. Verùm hæc missa facio; illud quàm . . . 57. Nihil jam dico de isto scelere. 58. Postularet hic locus, ut dicerem de . . .

Variis hisce, quas attuli, Transitionibus addito breviores hæc formulas, particulasque connectentes.

His adde; accedit his; huc accedit, quòd; Huc pertinet; Eodem pertinet; Jam verò quid dicam; Age verò explicemus nunc; His simillimum est? Postularet hic locus, ut dicerem; Restat, ut dicam, Nunc verò superest; Ex quo debet intelligi; Quid quòd ausus est etiam? Omitto domesticas tuas sordes; Nam illud quid attinet commemorare? Ità est, quemadmodum dixi.

CA-

(a) Ex Seneca. (b) Svetonius de Caligula. (c) Ex aliis.

CAPUT

De Periodo.

Quid est Periodus?

R. Periodus est sententia brevis, & absoluta, quæ certis partibus, sive membris à se invicem pendentibus, & quodam veluti vinculo connexis numerosè comprehenditur. Nomen traxit à voce Græca, *Periodos*, quæ significat ambitum, atque circuitum.

Quid sibi vult celebris illa Aristotelis definitio lib. 3. Rhetorica, ubi ait, Periodum esse orationem, quæ habeat principium, & finem, & magnitudinem, quæ uno quasi aspectu perlustrari facillè possit?

R. Hanc Definitionem in nostram perbellè quadrare. Principium enim illud, de quo loquitur Aristoteles: nihil aliud est, nisi primum Periodi membrum, quod ita suspensum ferri debet, ut aliud quidpiam subsequi omninò debeat, unde etiam vocatur principium. Medium verò, ac finis sunt reliqua periodi membra, quæ brevi quodam, contractoque verborum ambitu debent illa circumscribere. Unde verè dicitur, illam uno conspectu facillè cerni debere, unoque spiritu pronuntiari.

§. I. De partibus Periodi.

Quam sunt Periodi Partes?

K3

R.

R. Periodus constat certis quibusdam partibus, quarum majores appellantur *Membra*? Græcè *Cola*: minores verò appellantur *Incisa*; Græcè *Commata*.

Quid est membrum Periodi?

R. *Membrum*, sive *Colon* est pars Periodi continens sensum aliquem, sed suspensum, ac imperfectum; v. gr. (a) *Antequam de republica Patres conscripti, dicam ea, quæ dicenda hoc tempore arbitrari: ecce tibi Periodi membrum neque enim hic sensus orationis conquiescit; Habebis Periodum absolutam, si ad primum illud membrum accedat hoc alterum. Exponam vobis breviter consilium, & profectionis, & reversionis meæ.*

Quid est incisum?

R. *Incisum*, sive *Comma* est pars membri quemadmodum enim in Periodo membrum, sic in membro continetur incisum; v. gr. (b) *Nihil est, mihi crede, virtute formosius, nihil pulchrius, nihil amabilius; ex tribus hisce incisis membrum unum efficitur. Itaque dicere incisum, est crebris id genus, & articulis suam orationem distinguere.*

Quandonam potissimum usurpanda sunt crebra illa Incisa?

R. *Incisa* mirum in modum valere, cum adversario vehementius & acrius instat orator.

rator. Ità Cicero, per Incisa Pisonem increpat, illumque cæsum, ac punctum, ut ita loquar, objurgat, & ferit: Non enim nos color iste servilis non pilosa genæ, non dentes putridi deceperunt, oculi, supercilia, frons, vultus denique totus, qui sermo quidam tacitus mentis est, hic in fraudem homines impulit: hic eos, quibus erat ignotus, decepit, fefellit, in fraudem induxit. Pauci tua ista lutulenta vitia noveramus: pauci tarditatem ingenii, stuporem, debilitatemque lingue.

§. II. De variis Periodorum generibus.

Q Uot sunt genera Periodorum?

R. Tria. Alia est periodus bimenbris; five dicolos, alia trimembris, five tricolos; alia quadrimembris, five tetracos. Plura enim, vel pauciora membra, aut vix, aut nullo modo, patitur germana, sinceraque Periodus. Singula porro hæc membra, si vel paria sint vel non valdè disparia, multò gratior, & venustior erit oratio.

Periodus bimenbris.

Ergo & mihi mea pristina vitæ consuetudinē C. Cesar, interclusam aperuisti (a) & his omnibus ad benè de republica sperandum, quasi signum aliquod sustulisti.

Trimembris exemplum eximium esse potest illa Ciceronis Periodus numeris, ut mi-

(a) Cic. pro Marcello.

hi videtur, omnibus absoluta, in exordio Manilianæ;

Nam cum antea per ætatem hujus auctoritatem, loci contingere non auderem: Statueremque nihil huc nisi perfectum ingenio, elaboratum in austru afferi oportere: Omne mecum tempus, amicorum temporibus transmittendum, putavi.

Periodi quadrimembris, quæ, & quadrata dici solet, absolutissimum exemplum habes in orat. pro A. Cæcinna; *Si quantum in agro, locisque desertis audacia potest, * tantum in foro; atque iudiciis impudentia valeret, * non minus in causâ cederet A. Cæcinna Sex: Æbutii impudentiæ, * quam tum in vi faciendâ cessit audaciæ.*

§. III. De legibus, ac regulis Periodi.

Quam sunt Periodi leges?

R. Tres præcipuæ. Prima est, ut illius membra nexibus quibusdam inter se quam aptissimè cohæreant: alioqui enim jam non esset Periodus, sed oratio dissipata, dissolutaque, & ut ajunt, *Arena sine calce.* 2. Regula hæc est, ut sensus non sit nisi in omnium membrorum fine perfectus. 3. Ut pleniore verborum ambitu, & circulo Periodo concludatur.

Possentne fieri Periodus, quæ contineret mēbra vel minus quam duo, vel plura quam quatuor?

R.

¶. Possè fieri Periodum unius membri: atq; hæc est illa, quæ vocatur ab Aristotele Periodus **simplex*, sive *monocolos*: Possè etiam omnino usque ad quinque, aut sex, vel plura etiam membra produci. Verùm perfecta, de qua hic tantum sermo est, Periodus, nec ultra quatuor membra procurrit, nec intra duo contrahitur. Atque hæc est unanimes sententia Demetrii Phalerii, (a) Hermogenis, ac Terentiani quoque Mauri, cum ait:

Quatuor è membris plenū formare videbis.
Rhetora circuitū, sive ambitus ille vocetur.

Atque in primis nobiscum ita sentit ipse Tullius, cum ait in oratore: *Constat ille ambitus & plena comprehensio è quatuor ferè partibus, quæ membra dicuntur, ut & aures impleat, & nè brevior sit, quàm satis sit, nec longior.*

Quòd si, ut aliquando contingit, ultra quatuor procedatur, ac nihilo tamen minus orbe quodam, circuituque conclusa feratur oratio, vocabitur *Ambitus* sive *Oratio periodica*. Ità Cicero pro (b) Archia Pòeta:

Si

(a) Hermogenes Tarsensis annò atatis 15. Rhetor nobilissimus, rerum omnium obliviscitur ante annū 24. & in extrema inscitia consenescit.

(b) Archia Pòeta Antiochenus, Ciceronis olim præceptor, ob ingenium, & eloquentiam civitate donatus à Romanis.

Si quid est in me ingenii, iudices, quod sentio quàm sit exiguum; aut si qua exercitatio dicendi, in qua me non inferior mediocriter esse versatum; aut si huiusce rei ratio aliqua ab optimarum artium studio, & disciplina profecta, à qua ego confiteor nullum ætatis meæ tempus abhorruisse; eorum rerum omnium vel in primis hic (a) A. Licinius fructum à me reperere prope suo iure debet.

§. IV. De artificio Periodi amplificandæ.

Quoniam est prima ratio amplificandæ Periodi?
R. Tyrones nullo negotio Periodos fundent; si habeant ad manum, & in promptu particulas, vel locutiones quasdam conficiendis Periodis mirum in modum idoneas; cuiusmodi sunt voces illæ omnes, quæ necessariam quãdam habent cum aliis subsequentibus affinitatem, v. gr. *Etsi, quamvis, quamquam, quemadmodum, sicut, cum, quoties, quantum, qualis, quò, non minus:* quibus respondent, *tamen, verumtamen, nihilominus, ita, tum, toties, tantum, talis, eò, quàm.*

In quavis enim Periodo partes, duæ sunt, Protasis nimirum, & Apodosis. Est autem Protasis prima Periodi pars, ex qua secunda pendet, & in qua oratio crescit quodammodo, & attollitur. Apodosis verò est altera

(a) Aulus.

tera periodi pars, in qua oratio perfecta
conquiescit. Illæ porro de quibus loqui-
mur, particulae suspensæque locutiones mi-
rum in modum idoneæ sunt ad Protasim cū
Apodoti connectendam, ut videre est in
allatis exemplis, illo præsertim pro Cæcin-
na supra §. II.

*Quenam est secunda, & tertia ratio amplifican-
da Periodi?*

R. Periodus pulcherrimè dilatatur, cū
brevis quædam sententia in suas quasi par-
tes distribuitur. Ità Tullius pauca hæc
verba (*Omnes lugent Clodiu*) amplificat per
enumerationem partium, cū ait ironicè
nimirum Clodium defleri à Senatu, ab E-
questri ordine, (a) Municipiis, à (b) Colo-
niis, ab Agris denique ipsis.

3. Facile dilatatur periodus per definitio-
nes, quas vocant conglobatas, per circum-
locutionem, & per interpretationem, quæ
fit, cum res eadem aliis elegantioribus ver-
bis exprimitur. Vide, quæ supra in Elemen-
tis diximus de Amplificatione.

§. V.

(a) Municipia erant civitates, quæ muneri-
bus & honoribus populi Romaniungebantur (b)
Colonia oppida, quæ populus ex urbe Roma dedu-
cebatur ad incolendum, Colonia fiebant etiã pri-
vilegiò, sine soli mutatione.

§. V. De numero, & cæteris virtutibus Periodi

Quid est numerus Periodicus?

R. Numerus Periodi, de quo hic agitur, non est numerus arithmeticus: sed est numerus ille in harmonia, & concentu positus, de quo Virgilius in Ecloga 4.

— Numeros memini, si verba tenerem.

Et rursus in Ecloga 6.

Tum verò in numerum Faunosque, ferasque videres.

Ludere

Numerus autem Oratorius est harmonia quædam non exquisita, neque canora; qualis est in pœmatibus, & canticis; sed ita dissimulata, latensque, ut tamen sentiat, & aures mirifica quædam voluptate permulceat.

Atque ut exemplo res illustretur, s'avis admodum est, auribusque pergratus verborum numerus in hac Tullii sententia pro Marcello *Nulla est tanta vis, tantaque copia, que non ferrò, ac viribus debilitari, frangi que possit.* Peribit funditus omnis venustas, si inversò numerò dicas. *Nulla est vis tanta; & copia tanta, que non possit debilitari; frangi que viribus, ac ferrò.* Quid item s'avius hac altera Ciceronis sententia in Philippica 2. *Te miror Antoni, quorum facta imitere, eorum exci-*

rus non perhorrescere? Quæ quidem verba tam aptè mihi videntur constructa, ut præclari cujusdam numeri absolutissimum exemplar esse possint. Abibit verò decor omnis, si sublato tam eleganti numero, dixeris: *Te miror, Antoni, non perhorrescere exitus eorum, quorum imiteris facta.* Tanti nimirum est certa quadam moderatione numerorum explere sententias: ideoque ut optimè notat Quintilianus: *Neque Demosthenes fulmina vibrasse diceretur, nisi numeris vibrata fuissent.*

§. VI. Regule sex, quibus reddi potest numerosa Periodus.

Quæ de varia collocatione pedum, ac mensurarum, & de optima ratione miscendi inter sese Dactylos, Spondeos, Anapaestos, Jambos, Creticos, Molossos, Choriæos, & Dichoriæos tradunt Aristoteles, Tullius, Quintilianus, cæterique artis magistri, sunt egregia illa quidem, & Oratori perfecto nunquam satis commendanda. Verumtamen, ut apertè, & ingenuè loquar, animadvereri iam dudum difficilioribus hisce, & salebrosis, ut ità dicam, præceptionibus valdè defatigari tyronum animos & aliorum industriam retardari solere potius, quàm adjuvari.

Quapropter, ut animorum satietati, fastidioque occurratur, operæ pretium me facturum

Eturum existimavi, si ex laboriosis illis præceptionibus quemdam quasi succum exprimerem, & faciliores aliquot, brevesque regulas ad omnium captum & quotidianum usum accommodatas hoc loco proponerem.

Quenam est Prima regula Periodi numerosæ reddendæ?

R. Numerosa fiet Periodus, si syllabæ breves, ac longæ sic temperentur, alternenturque quodammodo, ut neque copia brevium incitatio, ac celerior feratur oratio, neque longarum multitudine retardata languescat. Concinnam hanc brevium, & longarum syllabarum temperationem vides in illis Tullii verbis ad Casarem: *Domuisti gentes immanitate barbaras, multitudine innumerabiles, locis infinitas, omni copiarum genere abundantes, &c.*

Aliquando tamen, ex arte, & industria; syllabæ breves, vel longæ, sinè illa, quam dixi, mixtura coacervantur, ad rei, de qua agitur, vel celeritatem, vel tarditatem exprimendam, & oculis quodammodo subjiciendam. Ità Virgilius Æneid. 5. remigantium naturarum impetum, naviumque velocitatem, Dactylorum crebritate depingit. Indè ubi clara dedit sonitû tuba, finibus omnes Haud mora profluère suis ferit æthera clamor Nauticus

Item-

Itemque celeritatem equorum in hoc versu etiam pueris noto:

— It clamor, & agmine facto:

Quadrupedante putrem sonitu quatit ungula campum (a)

Tarditatem contra egregiè imitatur hic versus lib. 1.

Luctantes ventos, tempestatesque sonoras.

Quænam est secunda regula numerosam efficiendi Periodum?

R. Voces unius, duarum, aut plurimum syllabarum si commisceantur, nascetur inde oratio valde numerosa; v. gr. *Vivis, & vivis, non ad deponendam, sed ad confirmandam avaritiam.* Contra verò crebriore monosyllabarum iteratione quasi exilit, atque subsultat oratio, v. gr. *Hac in re nos hic non ferret.*

Quænam est tertia regula?

R. Cadet numerosè Periodus, si magnificis & bene sonantibus verbis terminetur; ut in hisce exemplis ex Cicerone desumptis: *Quos amissimus cives, eos non Martis vis perculit, sed ira victoria.* Nam qui locus quietis, ac tranquillitatis plenissimus fore videbatur, in eo maxima moles molestrarum, & turbulentiissima tempestates extiterunt.

Quæ-

(a) *Æneid.* 8.

Quenam est quarta regula?

R. Nulla res magis facit ad numerum oratorum, quam verborum splendor, non solum in periodi clausula. sed etiam in toto illius quasi contextu. Ita Tullius in Pisonem: *Obrepisti ad honores errore hominum, commendatione fumosarum imaginum quarum simile habes nihil prater colorem.* Et in eloquentissima illa peroratione pro Fontejo: *Nolite pati, iudices atas (a) Deorum immortalium, Vestaque Matris, quotidianis Virginis lamentationibus, de vestro iudicio commoveri.* Et in 4. Catil. *Id est inuitum consilium, ut interfectis omnibus, nemo ne ad deplorandum, quidem populi R. nomen, & ad lamentandam tanti imperii calamitatem relinquatur.*

Cedo quintam regulam?

R. Ut leniter, æquabiliterq; fluat Periodus, fugiendus est asperior literarum, & vocabulorum concursus, quod est in oratione vitium vel maximum. Incurritur autem in illud vitium multis modis.

1. Cum durius, ac crebrius concurrunt inter se consonantes, quæ stridorem efficiunt, ut *Ars studiorum , Rex Xerxes.*

2. Cum verbi prioris ultimæ syllabæ fiunt primæ sequentis, ut vel ipsi Ciceroni aliquan-

(a) Fonteji soror una ex Virginibus Vestalibus, qua sempiternum Vesta ignem custodiebant.

quando excidit, cùm ait *Res mihi invisa visa sunt*. Itemque cùm dixit in Carmine:

O fortunatam natam me Consule Romam!

3. Cùm eadem litera, vel etiam, quod pejus est, eadem syllaba crebrius iteratur; quale est illud Ennii Pòetæ:

Africa terribilitremit horrida terra tumultu.

Itemque illud aded tritum. (listi.

O Tite tute (a) Tati tibi tanta tyranne tu-

4. Cùm similiter cadentibus, ac desinentibus frequenter utimur, ut *Amatrices, ad-jutrices; prestigiatrices fuerunt*.

Tria tamen sunt, quæ Tyrones etiam atque etiam cavere debent: Primum, ne dum numerosè loqui volunt, inferciant, ut persæpè fit, inania quædam complementa: & ramenta numerorum quasi rimas explere vellent. Alterum est, nè dum oratorium numerum quærunt, incidant in metricû, & periodi finis sit finis alicujus versûs præsertim Herici, vel elegiaci: quod nõ semel Ciceroni ipsi excidisse Hieronymus Lagomarsinus è Soc. JESU in opusculo quod sic inscribitur:

Risposta ei Golmario Pepugies Marsigliano: allatis locis ipsis præclarè docet n, 19. p. 45.

Tertium est, nè, dum numero serviunt diligentius, & aurium voluptati morigeratur, omnis intereà retardetur impetus, visque orationis, & animis ab iis, quæ potiora

L

sunt,

(a) Tati est vocativus à *Tatius ii.*

sunt, penitus avertatur. Quapropter hæc, aliaque hujusmodi in numero vitia, non ut ingens crimen expavescenda sunt; ac nescio, hac in re negligentia ne, an nimia sollicitudo sit peior.

Quanam est ultima numerosa Periodi regula?

R. Caput illud est, non in periodo solum, sed etiam in omni oratione, ut Latina constructio quam maximè distet à vernacula; hoc est; ut verba per inversam, quam vocant, constructionem ita trajiciantur; ut quod re ipsa prius est, fiat artificiosa quadam verborum collocatione posterius.

Et quoniam trajecta illa constructio ita est propria Latinæ Linguæ, ut omnis illius vis, atque elegantia, ac quasi natura, & in doles in eo potissimum sita esse videatur; visum est aliquot illustria illius exempla hoc loco ad imitandum proponere.

Exempla selecta constructionis trajecte.

1. Quos amissimus cives, eos Martis vis percudit, non ira victoriæ. Cic.
2. Habet magnum dolorem, unde cum honore discesseris, eodem cum ignominia reverti. Cic.
3. Frater tuus quanti me faciat, semperque fecerit, esse hominem, qui ignoret, arbitrator neminem. Cic.
4. Quod cuique temporis datum est ad vendendum, eò benè utatur.

5. *Mea lenitas si cui solutior visa est; hoc expectabat, ut id, quod latebat, erumperet.* Cic. 6.

6. *Quā quisq; novit artē, in hac se exerceat.*

7. *Fac quaeso, qui ego sum, esse te.*

8. *Quae res in civitate duae plurimum possunt haec contra nos, amba faciunt in hoc tempore summa gratia, & eloquentia.* Cic.

9. *Ferē quem quisque locum pugnandum ceperat, eum, amissā animā, corpore tegebat.* Salust.

10. *Id sibi negotii credidit solum dari, populo ut placerent, quas fecisset fabulas.* Terent.

11. *Quas credis esse has, non sunt vera nuptia.* Terent.

12. *Quam rem vitio dent, quaeso, animam advertite.*

§. VII. Quomodo parari possit facultas numerosē dicendi.

QUAE de Periodis, numerisque, post Aristotelem; Ciceronem, & Fabium accuratē praecepimus hactenus, non eo dicta sunt à nobis, quo Tyro in dinumerandis pedibus, syllabisque dimetiendis confenscat: quod sanē nec magni, nec felicitis foret ingenii. Verūm hāc aptē, numerosēque dicendi facultas non est profectō tanti laboris, quanti prima fronte videtur esse. Nihil est enim tam flexibile, & quod tam facilē sequatur, quocumque ducas, quā oratio; atque ut molliſſimam ceram ad no-

strum arbitrium formamus, ac fingimus, sic planè dictionis genus ad omnem rationem, & ad aurium voluptatem, motumque animorum facilè mutatur, ac vertitur.

Qua ratione, viâque numerosè scribendi facultas parabitur?

¶ Duplici potissimum, Si Tyro numerosas aliquot, & volubiles Tullii sententias non legere modò, sed elata etiam voce pronunciare assuescat: cujusmodi sunt illæ, quas supra attulimus quas vel illæ, affert Quintilianus: *Omnes prope civitates virtute, gloria, dignitate superabat. Itemque ista: Patris dictum sapiens temeritas filii comprobavit:* qui numerus ità placuit populo, inquit idem Tullius, ut hac audita periodi clausula, clamorem ingentem sustulerit.

2. Parabitur numerosè dicendi facultas, si numerum illum, & quasi concentum imitatione, ac stylò coneris exprimere; quod quidem exercitatione, atque usu, qui est optimus dicendi magister, non ità difficulter consequetur. *Ut enim qui in sole ambulat, sensim coloratur,* inquit Tullius: ità cum istos libros lego, sentio orationem meam illorum quasi cantu colorari. Sed de Periodo satis hætenus dictum. Nunc ad majora veniamus.

CAPUT VII.

De Stylo oratorio.

OMnem hanc de Stylo doctrinam hausimus, in primis ex aureola illo libello Demetrii (a) cui vulgò Phalerei cognomen tribuitur, & ex egregia Longini (b) commentatione de Stylo magnifico: Quod utrumque opusculum Tyrones, si me audiant, nocturna, ut cum Horatio loquar, diurnaque manu versabunt. Verùm quæ illi præcepta, quamvis egregia, confusè tamen, ac permixtè tradunt, ea nos faciliori, ac commodiori ordine digesta sic disposuimus, ut ad omnium captum, & communem intelligentiam sint accommodata.

Quid est Stylus?

Stylus si primam vocis vim, & originem spectes, est acus, seu instrumentum, quo in ceratis tabulis scribebatur antiqui-

L3

tus.

(a) Demetrius Phalereus facundiâ nobilis, annos decem præfuit Athenis, & statuis 360. æreis fuit honoratus; postea verò eiectus, fugit in Ægyptum ad Ptolemeum Lagum. (b) Longinus Zenobia Palmyrenorum Regina magister, & Consiliarius, ab Imperatore Aureliano necatus, quòd audaces Zenobia ad ipsum Aurelianum litteras scripsisset.

tus. Hinc factum est, ut Stylus pro ipsa
 scriptione, seu dictione, & sermonis confor-
 matione usurparetur.

Quot sunt Styloꝝ genera?

R. Stylus, seu orationis Character triplex
 est 1. Magnificus, sive sublimis. 2. Humilis;
 sive tenuis, qui etiam infimus dicitur: 3. Me-
 diocris, sive æquabilis.

§: I. De Stylo sublimi.

Quid est Stylus sublimis?

R. Stylus sublimis ille est, qui constat
 verbis splendidis, magnificisque sententiis,
 quiq; sua nobilitate rapit quodammodo ex-
 tra se audientium animos, & admirationem
 extorquet etiam ab invitis: quale est illud
 morientis Didonis (a)

Exoriare aliquis nostris ex ossibus ultor,
 Qui face Dardanios, ferroq; sequare colo-
 nos.

Id genus sunt etiam verba illa ejusdem
 Didonis in Æneam (b):

Nec tibi Diva parens, generis nec Dar-
 danus auctor,
 Perfide: sed duris genuit te cautibus horrens
 Caucasus, Hyrcanæq; admôrüt ubera tigres
 Vel, ut ait Ovidius in eandem sententiam:
 Te Lapis, & montes innataq; rupibus altis
 Robora; te sævæ progenuere feræ.

Lau-

(a) *Lib. 4. (b) Dido Æneæ.*

Laudatur plurimum in hoc genere celebris illa Alexandri magni responsio, cum suam illi filiam, cum decem talentorum milibus, & Asiæ media parte, Persarum Rex Darius obtulisset. Ego verò, inquit (a) Parmenio, acciperem, si Alexander essem: Et ego, inquit Alexander, si Parmenio essem.

Tale illud ejusdem Alexandri ad Darii legatos: Nunciare Dario, gratiarum actionem apud hostem supervacaneam esse: me, qua fecerim clementer, & liberaliter, non amicitia ejus tribuisse, sed natura mea. Bellum cum captivis, & feminis gerere non soleo. Armatus sit oportet, quem oderim.

Eodem pertinent egregia illa ejusdem Alexandri verba ad suos milites: Nondum (b) Feminam aquavimus gloriâ; & jam nos laudis satietas tenet.

Magnificæ locutionis exempla passim apud Tullium reperies: ut cum ait Fasces libertatis, janua Possidonii submisit Pompejus, cui se Oriens, Occidensq; submiserat. Habes etiam in paucis hisce Ovidii verbis, aliisque similibus non paucis.

Jam seges, est ubi Troja fuit

§. II.

(a) Parmenio unus, è fortissimis. Alexandri Ducibus, & amicis, postea ab illo occisus. (b) Semiramis Nini Assyriorum Regis uxor Ægyptum, Æthiopiam, Indiam, &c. subegit.

§. II. De Arte comparandi Styli sublimis.

Quonam pacto conciliari poterit?

R. Duobus potissimum modis. 1. Si nobilissima quæquæ rei, de qua loqueris, adjuncta, seu circumstantias consideres, illaque inspicias, qua parte illustrior est atque speciosiori cætera verò fileas; atque dissimules: ut olim Apelles, teste Plinio, imaginem amici sui Antigoni latere tantum altero ostendit, ut amissi oculi deformitas lateret. Sic etiam Homerus tempestatem admodum magnificè pingit, illustrissima illius adjuncta mira quadam arte seligendò. Eadem arte Neptunum curru in vectum, perambulans maria, soloque nutu fluctus iratos pacantem describit Virgilius Æneid. 1. Sic ait, & dictò citius tumida æquora placat; Collectasq; fugat nubes, solemque reducit:

Atq; rotis summas levibus perlabitur undas.

2. Metaphoræ, præsertim ex rebus illustribus desumptæ, mirum in modum faciunt ad styli granditatem, atque magnificentiam, ut cum Virgilius (a) ait de Augusto Cæsare.

Cæsar dum magnus ad altum
Fulminat Euphratem bello.

Et

(a) Georg. 4.

Et cùm ait Cicero pro Marcello: *Nullius est tantum flumen ingenii, nulla dicendi, aut scribendi tanta vis, tantaque copia, qua non dicam exornare, sed enarrare, Cæsar, res tuas gestas possit.* Aut cùm ait Horatius. *Curas laqueata circum tecta volantes.*

3. Styli magnificentiam facilè consequeris, si legas assiduè auctores eos, qui grandiloqui, ut ità dicam, fuère, cum ampla sententiarum gravitate, & majestate verborum; cujusmodi sunt Cicero Catilinaria secunda, secunda Philippica in Verrem, in Pisonem pro Milone, præcipuè sub finem: Virgilius, præfertim Æneid. lib. 2. 4. & 6. Lucanus, Cornelius in Gallicis Tragediis &c.

§. III. De Stylo simplici.

Quid est *Stylus simplex*?

R. Stylus simplex, qui etiam nuncupatur tenuis, & infimus, ille est, qui in rebus tenuioribus, & exilibus cujusmodi sunt epistolæ, dialogi, præceptiones, & sermo familiaris, solet usurpari.

Quænam sunt dotes Styli simplicis?

R. Præcipuæ illius dotes sunt perspicuitas, nitor, atque munditia. Verecundus, ac parcus in illo debet esse troporum, ac Schematum usus; vehementiores verò figuras, cujusmodi sunt Apostrophe; Prosopopœja,

pœja; aliæque id genus, omnino repudiat. Selectissima Styli simplicis exempla passim invenies in Phædri tabellis, & in Virgilio bucolicis, ut cum ait Ecloga 1.

Urbē quā dicunt Romā, Melibœe, putavi
Stultus ego huic nostræ similem, quo sæ-
pè solemus.

Pastores ovium teneros depellere fœtus,
Sic canibꝰ catulos similes, sic matribꝰ hædos.
Nōrā sic parvis componere magna solebam.

§. IV. De Stylo mediocri.

Quid est Stylus mediocris?

R. Hic est, qui medium quemdam locum obtinet sublimem inter, & infimum. Hoc dicendi genus neque majestatem verborum habet, aut gravitatem illam sententiarum, quæ in sublimi est; neque est subtili, ac pressa oratione limatum, quemadmodum genus infimum, ac simplex: sed, ut ait Tullius: *Est stylus quidam interjectus, intermedium. Et quasi temperatus, nec acumine inferioris, nec fulmine utens superioris, vicinus amborum; in neutro excellens, utriusque particeps.*

Vocatur autem ab eodem Tullio, *Stylus floridus, atque politus*, quod nimirum in hunc præcipue mediocrem Stylum omnis verborum venustas, omnes sermonis deliciae soleant illigari. Absolutum hujusce Styli mediocris.

diocri exemplum habes in Virgīlii Geor-
gicis: v gr. cum ait Lib. 1.

Sæpe etiã steriles incendere profuit agros.
Atque levem stipulam crepitantibus urere
flammis;

Sive inde occultas vires, & pabula terræ
Pingvia concipiūt, sive illis omne per ignē
Excoquitur vitium, atque exudat inu-
tilis humor,

Seu plures calor ille vias, & cæca relaxat
Spiramenta. novas veniat quã succus in
herbas;

Seu durat magis, & venas adstringit hiantes
Nè tenues pluvix, rapidive potentia solis
Acrior, aut Eoræ penetrabile frigus adurat

§. V. De usu triplicis Styli, seu
Characteris.

Quandonam utendum stylo simplici, aut me-
diocri, aut sublimi?

R. Cùm tria sunt Oratoris Officia, doce-
re, delectare. & movere; Stylo simplici ute-
tur ad docendum, mediocri ad delectandū,
magnifico verò ad movendum & ad affectus
concitandos.

Præterea Stylus simplex, seu infimus con-
venit comœdiis; magnificus aptus est tra-
gœdiis; mediocri verò in historia est adhi-
bendus quamquam Cæsar simplicem poti-
ùs, quàm mediocrem Stylium usurpavit;
quod

quòd nempe Commentarios potius scripserit quàm Historiã; ut notat Tullius in Libro de Claris Oratoribus.

Item Bucolicis, & Eclogis accommodatus est Stylus; simplex; Georgicis convenit Stylus mediocris, Epico verò pœmati, cujusmodi est Maronis Æneis, aptus est Stylus magnificus: quod triplex discrimen in Virgilio licet animadvertere: Quamquam hæc omnia genera non rarò miscet in ipsa Æneide, & simplicem Stylum adhibet in libro quinto, ubi de ludis agit, & mediocrem in libro primo. Idem planè dicit de Comædiis, quæ altiùs affurgunt aliquando, ut monet Horatius in arte Pœtica:

Interdum tamen, & vocem comædia tollit;

Iratusque Chremes tumido delitigat ore.

Quinam Stylus cæteris duabus est anteponendus?

R. Stylum illum esse cæteris anteponendum, non qui sublimis sit, aut cujuslibet alterius generis, sed qui ad rem, de qua agitur, maxime sit aptus: ita ut, quemadmodum loquitur Tullius: *magna graviter, mediocria temperatè, humilia subtiliter efferat.*

§. VI. De Stylo vitioso.

Quenam sunt præcipua vitia in Stylo vitanda?
R. Vitiosum esse Stylum: 1. Tumidum, & inflatum; 2. Puerilem, ac frigidum: 3. Flu-

tu-

Quantem, & dissolutum: 4. Denique siccū,
& exangvem.

Quid est Stylus tumidus, & inflatus?

R. Ille est, qui verbis, ac sententiis supra modum intumescit. Id genus sunt illi Imperatoris (a) Neronis inepti versiculi, quorum tumorem jure ridet (b) Persius Satyrā 4.

Torva (c) Mimalloneis implerunt cornua bombis,

Et raptum vitulo caput ablatura superbo
Balsaris, & lyncē Mænas flexura corymbis.

(d) Eviō ingeminat: reparabilis adsonat e-
Quid est Stylus frigidus? (cho.

R. Stylus frigidus, ac puerilis (sunt enim valdè affinia hæc duo vitia) ille est, qui puerilia quædam ornamenta, frigidos lepores, ineptas allusiones, affectatas, ac luxuriantes descriptiones, frivolaque hujusmodi crepundia putidiùs aucupatur: cujusmodi sunt istæ sententiæ, quæ meritò repudiantur à magistris artis. Centaurus se ipsum equitans Aurò magis aurea, &c.

Potest autem vitium illud esse velin verbis

(a) Nero malus Pœta; Bacchas scripsit, & saltavit. (b) Consule ipsum Persium. (c) Bæchæ mulieres dicebantur Mimalloneæ, vel Bassarides, vel Menades, hoc est, Insanæ (d) Evion Cacchantium furentium voces.

bis vel in sententiis. Erit in verbis, si sint vel molliora, quale est illud Mœcenatis: (a) *Femina cirro crispata. & laboris columbatur, incipitq; suspirans. ut cervice luxa feratur:* vel si sint indecorè translata. qualia sunt ista, quæ damnat (b) Cornificius. *Montes belli fabricatus est, Campos sustulit pacis:* vel si juncta fuerint more dithyramborum, ut in illo Publii (c) Syri de ciconia.

Pietatis cultrix; gracilipes, (d) crotaliftria, Avis exul hiemis,

Erit vitium in sententiis, si nimis tumidæ sint, & hyperbolicæ, qualis est ista lippis, ac tonsoribus nota, quam referunt Plutarchus, & Cassius: *vinime mirandum est, si Iliana Ephesiae templum conflagraverit, qua nocte natus est Alexander. Quippe Dea in ipso Olimpia matris Alexandri partu, obstetrica di laboribus, & curis districta, ignem non valuit resistere.*

Sic etiam nimis frigidè ac pueriliter dictum fuit à Plauto, de sene avaro, in Aulularia:

Suam rem periisse, seque eradicarier:

Quin

(a) Femeninis conscia (b) Auctor libri ad Herennium. (c) Publius Syrus minorum scriptor elegantissimus, vixit ante Virgilium tempore Julii Caesaris (d) Quasi Crotalum vocem imitans. Crotalas autem est Italica. Naccara.

Quin Divum, atque hominum clamat cōtinuò fidem,

De suo tigillo fumus si quæ exit foras.

Quid est stylus fluctuans, ac dissolutus?

R. Ille est, qui sinè articulis, sinè numero, sinè arte fluctuat huc illuc, neque sibi ullo pacto cohæret, quod sanè vitium Tyronibus est valdè familiare. Hujusmodi autem affert Cornificius: *Socii nostri cùm belligerare nobiscum vellent profectò ratiocinati essent etiam atq; etiam quod possent facere, siquidem sua sponte facerent, & non haberent hinc adjuutores multos, & malos homines, & audaces. Solent enim diu cogitare omnes, qui magna negotia volunt gerere.*

Quid est stylus siccus, & exangvis sive aridus?

R. Ille est, qui nihil fermè habet neque ornamenti, neq; fuci. Hoc styli genus vulgò (a) Frontini tribuitur.

§. VII. De Stylo Laconico, & Asiatico,

Quid est stylus Laconicus?

R. Est Stylus argutus, perbrevis, & acutus, quo multa paucis dicuntur. Nomen porrò traxit à Laconibus, qui etiam Spartani dicebantur ac Lacedæmonii, quibus Stylus ille erat in deliciis, & quibus
pro-

(a) *Fronto Marci Aurelii magister, qui illi statuat à Senatu decerni curavit.*

prolixa loquacitate nihil erat odiosius.

Profer selecta aliquot exempla styli Laconici

1. Hosti aliquando per atroces, ac longiores litteras ferrum flammamque minitanti, hac una syllaba Græca responderunt Spartani, *ei si: hoc est, si potest, si per nos tibi licet.*

2. Philippo Regi Macedonum injustum nescio quid flagitanti responderunt hac unica littera: *u non.*

3. Eiusdem generis est responsum Cleomenis Spartanorum ducis ad Samios: *Eorum quæ dixistis, prima non memini, media non intelligo, ultima non probo.*

His adde Laconicam illam epistolam Archidami ad Eleos bellum parantes: *Archidamus Eleis. Bonum est quæscere.*

Itemque illam (a) Philostrati litteram ad amicum: *Mitto ad te ficus hibernas. Mirare in illis vel quodjam sunt, vel quod adhuc sunt.*

Laconicam illam breviloquentiam mirificè expressit Cæsar in laureatis suis ad Senatū literis, victo Pharnace Ponti rege, Mitridentis filio: **VENI VIDI, VICI.**

Porro brevitatis illa loquendi imperiosum quid-

(a) Philostratus Philosophus, qui Apollonii Thyanaei vitam Græcè scripsit, sed elegantius quàm verius.

quiddam habet, ideoque aptissima est minatibus, mirificeque prodest ad animos perterrefaciendos. Nam ut in tenebris magis timentur omnia, quam in luce; sic illæ orationis quasi tenebræ terribiliora preddunt ea, quæ proponuntur, inquit Muretus in variis lectionibus. Idque, ut opinor, secuti sunt Lacedæmonii, cum ad Philippum, interposita, nescio qua, offensione, bellum minaciter intentantem ita scripserunt: *Lacedæmonii Philippo: Dionysius Corinthi.* Multo enim fortior, & ut Lucretii verbo utar, penetrabilior illa brevitās fuit, quam si ita dixissent: Memento Dionysium Tyrannum tui prorsus similem, regno fuisse pulsum ob ambitionem, ac turbulentum ingenium, & nunc privatam vitam agere Corinthi. Videto, ne tibi quoque contingat idem, dum aliorum libertatem studes opprimere.

Neque dissimile illud Demetrii ad Locrenses: *Faxo, cicada apud vos humi canant; cum significare vellet totam illorum regionem a se devastatam iri.*

Quid est Stylus Asiaticus?

R. Ille est, qui fusiori quodam orationis ambitu circumscribitur, multisque verbis pauca dicit. Asiatici nomen traxit ab Asiæ populis, qui diffusiores illum Stylum habebant in deliciis. Illius exemplum quo-

tidie vides in verbosis illis hominibus, qui tam multis pauca dicunt. Hunc porro sty- lum Asiaticum tu fugies, si sapiis. Quid enim tam insulsum est, quàm verborum vel optimorum sonitus inanis, nullâ subjecta sententiâ?

De ratione Styli comparandi.

Stylus, qui aliud nihil est, quàm certa quædam scribendi ratio cujusque propria, ex duabus maximè rebus coalescit: 1. Ex sententiâ: 2. Ex sententiæ conformatione, seu quod idem est, ex verbis, quibus orna- tur, & quodammodo vestitur sententiâ.

De sententiâ id generatim, & universè dici potest, in ea spectandum esse primùm, ut sit vera; deinde, ut sit perspicua; postre- mò ut sit argumento idonea, & ad rem, de qua agitur, accommodata. In conforma- tione verò sententiæ, quâ unî maximè Stylus continetur, quatuor sunt observa- da: 1. Verborum proprietas: 2. Eorundem elegantia: 3. Nexus. 4. Collocatio.

Quomodo cognosci, & comparari poterit ver- borum proprietas, & elegantia?

Ad verborum proprietatem, & eleganti- am penitus cognoscendam, adjumenti mul- tum afferent, 1. Aureus (a) Hadriani Car- dinalis Liber, de sermone Latino, & modis La- tine

(a) Hadrianus Cardinalis floruit initio Sac: 10

rinè loquendi 2. Libellus à Scoto editus de verbis Ciceronianis. 3. Alius à Manutio scriptus, quem *Elegantia latina locutionis* appellat. 4. Liber à Laurentio Vallia elaboratus, *De latinæ sermonis elegantia*. 5. *Delectus Latinitatis* Mureti, & *Flos Latinitatis* Pomey. 6. Non omittendus Liber ab Henrico Stephano editus, *De Latinitate falso suspecta*: nec opus posthumum Vavassoris, *de vi, & usu quorundam verborum*.

Præcipuè verò, & supra cætera omnia adhibendus erit laudatissimus Nizolii Apparatus in Ciceronem, cum Francisci Sylvii Progymnasmatum ad illius calcem editis.

Sunt autem Sylvii Progymnasmatum tercentæ, observationes eximie, de incorrupta Latini sermonis integritate, quas ego Tyrionibus pernecessarias semper existimavi.

Quò pacto intelligi poterit, & edisci verborum nexus, & apta eorundem collocatio?

R. Verborum nexus, & Ciceroniana collocatio continetur particulis quibusdam, seu commissuris, quæ vim habent hujusmodi, ut nihil sit abruptum in Stylo, nihil hiatus, & absonum, nihil dissolutum, & fluctuans; hoc est, quod sine nervis, articulisque fluctuet huc illuc: sed ut omnes sententiæ, singulæque earum partes certò inter se modò, numeròque cohereant.

Valdè profuerit in eam rem legere aureum Horatii Turfellini libellum. *De Particulis Latina locutionis.* Habebit etiam utilitatem aliquam *Flos latinitatis* in tertia parte, quæ est *de Particulis*; sed Turfellino longè, multumq; inferior.

Denique ad verborum collocationem Ciceronianam faciliùs noscendam, consulenda erunt Sylvii Progymnasmata, de quibus supra dictum. Vide etiam, quæ paulò antè diximus de regulis, quibùs reddi poterit numerosa periodus.

Quibùs rebùs comparari facile poterit Stylus optimus?

R. Duabùs maximè rebùs primò, diligentì honorum librorum lectione: 2. assidua eorundem imitatione. Diximus in Elementis de Imitatione; nunc verò superest, ut de Lectione, & de Librorum delectu videamus.

De Scriptorum Latinorum delectu,

Quæcumque diximus hactenus, & post hac dicturi sumus, vel nullam, vel perexiguam habebunt utilitatem, nisi exquisitissimum quemdam delectum in Latinis auctoribus legendis, & imitandis adhibeamus.

Sunt autem Scriptorum Latinorum ætates quatuor, nempe uti hominum apud Poetas. Sed Poëtis, ut verbis ipsorum utar, Aurea prima fata est ætas . . .

— Sub-

Subiitque argentea proles,
 Aurò deterior, fulvo pretiosior ære.
 Tertia post illam successit ahenea proles.

De duro est ultima ferro.

Latinae verò lingvæ ætates ordine contrario procedunt. Nam à ferrea, deinde ab ænea ad argenteam, & mox ad auream ventum est.

Quenam nuncupanda est ferrea. Lingua Latina atas?

R. Ad ferream ætatem refer Leges duodecim tabularum, & Columnam rostratam C. Duilli, quæ hodieque visitur Romæ; itemque Saliarum hymnos Numæ Pompili, vix tandem à sacerdotibus suis intellectos, cujusmodi est v. gr. rancidulum illud fragmentum, quod à Varrone citatur: *Omnia dapatalia commisse Jani cusiones. . . . Duonus Ceruses. Deivos Janos venet* (a) Porro *dapatalia commisse* significat, si quæris, oppipara comedisse; *Jani* verò *Cusiones* sunt curiones seu sacerdotes Jani; *Duonus Ceruses* est bonus creator; *Deivos* adhibetur pro Divos, ut nemo non videt, & *Venet* pro venit.

Eodem refer vetustissimum illum versum de Saliorum exultationibus,

M 3

Præ-

(a) *Lautissime erant Saliorum cœna*, unde Horatius: Nunc salaribus ornare pulvinar deorum, Tempus erat, dapibus, sodales.

Præful ut amptuat, & volgu, redamptruat olli.

Hoc est, cum Saliorum antistes, & magister saltans, atque tripudians motum aliquem edidit, eundem omnino morum de compacto, referat Saliorum chorus omnis.

Et volgu, redamptruat olli.

Amptuare enim erat olim motum aliquem saltando edere. Porro ferream illam Latinæ Linguæ ætatem jure poteris illius quasi pueritiam appellare.

Quenam est aenea, Lingua Latina ætas?

R. Aenea ætas incipit à Livio Andronico, qui omnium primus Latinos versus scripsit, Ad eandem ætatem pertinet.

Ennius ingenio maximus, arte rudis:

Ut de illo scribit Naso; itemque Cæcilius: *Malus Latinitatis auctor*, inquit Tullius. Totum porro tempus illud, quo florere Andronicus Ennius, Nævius, Cæcilius, Pacuvius, &c. quasi crescentem Latinæ Linguæ ætatem poteris nuncupare.

Quenam est ætas argentea?

R. Ad ætatem argenteam pertinent Plautus in suis Comædiis, & Cato de re rustica. Terentium verò ad auream ætatem omnino referendum esse judicamus: quamquam nonnullis, ob illius *Archaismos* secus visum fuerit; sed immerito. Hanc verò argenteam ætatem quasi adolescentiam Latinæ Linguæ possumus appellare.

Quæ

Quamã demum est aurea Latina Lingua ætas?
 R. Auream ætatem appello tempus illud annorum ferme centum, quod vulgò Augusti ætas dicitur, estquẽ magni Ciceronis ortum inter, & ejusdem Imperatoris Augusti mortem interjectum. Hac aurea ætate floruerunt inter Oratores, ac Rhetores, Cicero, & Cornificius, auctor, ut verissimum est, quatuor librorum ad Herennium, qui vulgò adscribuntur Ciceroni; inter Historicos Julius Cæsar: A. Hirtius, qui scripsit Commentarios de bello Alexandrino, de bello Africano, & de bello Hispaniensi; Sallustius, (a) Velleius vulgò dictus Paterculus, Cornelius Nepos, & Quintus Curtius. Inter Pœtas Virgilius, Horatius, Catullus, Tibullus, Propertius, Phædrus, Ovidius, Lucretius, & Publius Syrus, quorum postrema duo cæteros ætatis aureæ Pœtas aliquantulum ætate antecessere. Inter Medicos; Philosophos, reiq; rusticæ, aut Architectonicæ Scriptores, Varro, Columella, Cornelius Celsus, & Vitruvius. Aureum verò illud tempus quasi virilem latinæ linguæ ætatem vocare jure poterimus.

Eos igitur maximè legere, & imitari oportet,

(a) *Vellejus Paterculus fuit prætor in Africa. Hinc errore Librariorum dictus Paterculus pro Paterculus.*

tet, qui hac aurea ætate vixerunt, ac ante omnes Tullium, *Celestem in dicendo virum*, ut eum Fabius appellat, *quippe, ut ait idem Fabius, apud posteros id consecutus est, ut Cicero jam non hominis nomen, sed eloquentiæ habeatur. Hunc igitur spectemus; hoc propositum sit exemplum. Ille se profecisse sciat, cum Cicero valde placuerit.*

Quantâ verò curâ ac religione sermonis proprietatem observaverit Cicero, satis magno argumento erit, quod dicam. Fuit, cum existimaret, *inhibere remos*, idem esse, ac retinere; & ut auriga equos inhibet, ut cursum sistat; sic etiam remos inhiberi, dum sustinentur. Postea verò ex nautis didicit inhiberi remos, cum remiges aliò navigantes modo, navim ad puppim convertunt. Quod edoctus, minimè cessandum putavit, donec Atticus, & Varro monerentur, ut in primo de Oratore libro, quem jam transmiserat, locus ille emendaretur. Quod ita esse indicant hæc Tullii verba ad Atticum (a). *Inhibere illud tuum, quod mihi arriserat, vehementer displicet: est enim verbum totum nauticum: quamquam id quidem sciebam; sed arbitrabar sustineri remos, cum inhibere essent remiges jussi. Id non esse ejusmodi didici heri, cum ad villam nostram navis appelleretur: non enim sustinent, sed aliò*
modò

(a) Epist. 21. Lib. 13.

modò remigant. Id ab (a) epochis remotissimum est. Quare facies, ut ità sit in libro, quemadmodum fuit. Dices idem Varroni, nisi fortè mutavit.

Quòd si de vocula una ità laboravit Tullius, nihil mirum, si viro, ut omnium eloquentissimo, ità etiam proprietatis aded amanti, omnium doctissimus Varro mitteret libros suos de Lingva Latina, si item omnium fortissimus Julius Cæsar, nec vel eloquentiâ, vel doctrinâ illi minor futurus, si totum his se studiis tradidisset, eidem dicaret libros suos de Analogia. Qua de re sic Tullius in Bruto: *In maximis occupationibus ad me ipsum de ratione Latine loquendi accuratissime scripsit Cæsar.*

Quisnam Ciceroni proximus est incorrupta Latini sermonis integritate, & elegantia?

R. Primum post Ciceronem datus locum Cæsari, atque Terentio. Sanè quàm præclare de utroque scripsit. Ac de Terentio quidem sic loquitur ad Atticum: *Securus sum, non dico Cæcilium (malus enim auctor Latinitatis est) sed Terentium, cujus fabellæ propter elegantiam, præstantur, à C. Lelio scribi.*

Die Cæsare verò sic idem in Bruto; *Etiams Commentarios, quosdam scripsit rerum suarum valde quidem probandos: nudi enim sunt, recti &*

venu-

(a) Retentione.

venusti, omni ornatu orationis, tanquam veste detracta: sed dum voluit alios habere parata unde sumerent, qui vellent scribere historiam; ineptis gratum se tasse fecit, qui volunt illa (a) calami-
stris inurere, sanos quidem homines à scribendo deterruit.

Quinam latinitatis auctores, post res hos, legendi sunt?

R. Cum Fabio, ut quisque erit Ciceroni similimus. Quales sunt Phædrus, Cornelius Nepos, Livius, Curtius, & alii, quos recensuimus, qui vel Ciceronis ævô vixere, vel non ita magnô distant intervallô.

Degustari etiam poterunt, sed parè, & serò recentiores nonnulli, qui Ciceronem diligenter sunt imitati; & quomodò sit imitandus, ipsi exemplo esse poterunt. Quales sunt Murerus, Manutius in epistolis illis, quas ante senium scripsit, nam ceteræ frigidam sapiunt ætatem, Sadoletus, Bembus, Maffeus pictus, atque politus, Bunellus, Turcellinus Longolius, Perpinianus, Vavassor, Petavius.

Post obitum Augusti, incorrupta illa, quæ dixi,

(a) Calamistrum est ferrum illud teres, quo candente capilli intorquentur, in cincinnosq; crispantur. Inurere verò calamistris metaphoricè dicitur pro vanum, atq; immodicum ornatum adhibere.

dixi, latini sermonis integritas sensim adulterari cæpta est, & quasi ex auro in argentum iterum commutari, ut ex Senecæ, Fabique, & aliorum querimoniis liquet. In decrescente illa ætate sunt inter Oratores, ac Rhetores, Fabius Quintilianus, Plinius Junior, &c. Inter Historicos Svetonius, Tacitus, Justinus, &c. Inter Pœtas, Lucanus, Persius, Silius, Juvenalis, Stadius, Martialis. Inter Philosophos verò Seneca, Plinius Veronensis: inter Grammaticos denique Asconius, Agellius, &c.

Denique à temporibus Severi auspiciari licet æneam ætatem, quæ tandem in ferream desuit, postquam variarum gentium irruptione ipsi Romani facti sunt barbari. & in hac ætate decrepita sunt Symmachus, Capella, Sidonius, Apollinaris; quos omnes tu vitabis summopere, si sapis.

Finis Libri Primi.



ARTIS
RHETORICÆ
LIBER SECUNDUS

DE INVENTIONE,

Egimus hæcenus de Figuris, ac Tropis, de Periodo, & de Stylo, postulat nunc instituti nostri ratio, ut agamus de Inventione, sinè qua, teste Tullio, frivola erit, & puerilis omnis locutio.

Quid est Inventio?

R. Est excogitatio argumentorum, quæ valeant tum ad fidem faciendam, tum ad ad motus excitandos. Primùm igitur agendum nobis erit de argumentis, deinde de motibus, seu affectibus excitandis.

De argumentis, & locis oratoriis.

Quid est argumentum?

R. Est probabile inventum, ad faciendam fidem; ut, si probare velis expetendam esse Rhetoricam, invenies, quòd sit ars bene dicendi.

Undenam sumuntur Argumenta, sive rationes, ad aliquid probandum?

R.

R. Sumuntur ex locis oratoriis, quos Tullius appellat *Argumentorum sedes*, in quibus latent & ex quibus sunt depromenda. Quapropter, si vis Orator esse, in promptu tibi esse debent loci illi, & ut ita loquar, ad manum; ut in illis uberrimam *Argumentorum segetem* facile possis invenire.

Quot sunt genera locorum?

R. Duo. Alii enim petuntur ab ipsa re, & ideo vocantur *Intrinsici*; seu *intrinsici*; alii sunt extra ipsam rem, de qua quaestio est; unde etiam vocantur *Extrinsici*, seu *Remoti*. De utroque illo genere: ac de primo praesertim, quod majus quoddam momentum habet ad eloquentiam, accuratissime nobis est hoc loco tractandum.

C A P U T I.

De Locis intrinsicis.

Quot sunt Loci oratorii intrinsici?

R. Sexdecim: Definitio, Enumeratio partium, Notatio, Conjugata, Genus, Forma, Similitudo, Dissimilitudo, Comparatio, Repugnantia, adjuncta, Antecedentia, Consequentia, Causae, effecta, Comparatio.

§. I. Definitio.

Quid est definitio?

R. Est brevis, & circumscripta rei explicatio, inquit Tullius; vel, ut Philosophi
ma-

malunt. Definitio est oratio, quæ rei naturam explicat.

Quomodo fit recta Definitio?

R. 1. Accipito aliquid rei, quæ definitur, commune cum aliis: deinde addito aliquid illi unice proprium, ac peculiare, & tum demum habebis optimam definitionem: v. g. *Rhetorica est ars bene dicendi*: quod fit ars, hoc illi commune est cum aliis artibus: quod verò fit ars bene dicendi, hoc est illi omnino proprium. Quod si manca sit, & mutila tua definitio, jure, ac merito poterit tibi contingere, quod olim Platoni contigit. Definierat aliquando Plato hominẽ, *Animal bipes, & implume*. Diogenes Cini-
cus homo dicax, & Academicorum irrisor, gallum implumem, ac nudum, in mediam Platonis scholam projiciens, *En, inquit, hominem Platonis*.

Estne eadem definiendi ratio Logicis, & Oratoribus?

R. Longè diversa. Logici enim jejune, breviter, ac siccè rem definiunt per genus, & differentiam: v. gr. *Homo est animal rationale*: Orator verò liberiùs, & ornatiùs hominem ita definiet per locos Rhetoricos: *Homo est eximium opus à Deo efformatum, rationis particeps, ad Dei imaginem conditum, atque ad immortalitatem natum*. Hoc autem

Ora-

Oratorium definiendi genus, si rectè appellare velimus, *Descriptivum* potiùs appellari debet, quàm *accurata Definitio*.

Quot modis fieri solet *Descriptio*, seu *oratoria Definitio*?

R. Sex potissimum modis fieri solet. 1. Per partes, ex quibus res ipsa constat; ut si dicas; *Ars oratoria est ars, qua constat inventione, dispositione, elocutione, & pronuntiatione.*

2. Fit per effectus, ut cum dicitur: *Peccatum est pestis animæ, conscientie labe, vite perniciës, natura dedecus, orbis ruina, odium Dei, &c.*

3. Definitio fit per negationem, & affirmationem; cum nempe primum dicimus, quid non sit res, ut deinde melius intelligatur quid sit: & hæc definiendi ratio Ciceroni per familiaris fuit. Ita Pilonem probat, non fuisse Consulem. Tu in littoribus, in toga & protexta esse consulatum putas? Quæ ornamenta etiam in Sex. Clodio, te consule, esse voluisti. Hujus tu Clodiani canis insignibus consulatum declarari putas? Animo consulem esse oportet, consilio, fide, gravitate, vigilantia, toto denique manere consulatus. Et pro domo sua. An tu Populum Rom. esse illum putas, constat qui ex iis, qui mercede conducuntur, qui compelluntur, ut vim afferant magistratibus? obsideant senatum? optent quotidie eadem, incendia,

rapinas? O speciem dignitatemq; populi Rom. quam nationes extera, quam gentes ultima pertimescant! Multitudinem hominum ex servis conductis, ex facinorosis, ex egentibus congregatam. Illa fuit pulchritudo Populi Romi illa forma, quam in campo vidisti, tum, cum etiam tibi contra Senatûs, totiusque Italie auctoritatē, & studium, dicendi potestas fuit.

4. Definitio fit ab adjunctis. Itā Chymicā artem non minùs verè, quàm lepide defines: *Chymia est ars siue arte, cuius principium est mentiri; medium laborare? finis mendicare.* Itā Virgilius famam describit ab adjunctis (a)

Fama malum, quò non aliud velocius ullū
Mobilitate viget, viresque acquirit eundo.

Parva metu primo, mox sese tollit in auras,
Ingrediturq; solo & caput inter nubila cõdit,

.....

Monstrum horrendum, ingens, cui quot
sunt corpore plumæ.

Tot vigilæ oculi subter (mirabile dictu)

Tot lingvæ, totidem ora sonant, tot sub-
rigit aures.

.....

Tā ficti, pravique tenax, quàm nuntia veri.

5. Definitio fit venustè per similitudinem atque Metaphoras, ut, si dicas cum

(b)

(a) *Æneid.* 4.

(a) Petrarca, Pulchritudinem esse blandum hostem, dulcem raptorem, tortorem fraudulentum, laqueum pedibus, oculis velum, &c. Observa tamen, Metaphoricis id genus definitionibus cautè admodum utendum esse, & cum mica salis, ut ait Catullus.

§. II. Enumeratio partium.

Quid est enumeratio partium?

R. Est oratio, quæ totum in suas partes distribuitur: unde locus ille vocatur etiam *Distributio*: ut si distribuas, ac divides vitam humanam in pueritiam, adolescentiam, virilem ætatem, & senectutem.

Quæ sunt Regula, ac leges Enumerationis partium?

R. Tres præcipuæ. 1. Regula hæc est: affirmatis omnibus partibus, affirmatur totum. Ita Tullius probat Pompeium esse summum Imperatorem, omnes, & singulas optimi Imperatoris virtutes sic enumerando: *Ego enim existimo, in summo Imperatore quatuor has res inesse oportere; scientiam rei militaris, virtutem, auctoritatem, felicitatem.* Pergit deinde, & quatuor hæc in suo Pompeio summa esse sic probat. *Quis igitur hoc homine scientior*

N

rior

(a) De remediis utriusque fortuna, Petrarca Patria Florentinus, Arethi natus, ingenio, eloquentia, & Poëtica facultate, sui seculi factus princeps, floruit seculo 14.

Grammaticus, Rhetor, Geometres, Pictor,

(a) Aliptes,

Augur, (b) Schœnobates, Medicus, Magus; omnia novit:

Græculus esuriens: in cœlum, jufferis, ibit.

Quanam est secunda regula?

R. 2. Regula hæc est, ut negatîs omnibûs, & singulis partibûs, negetur totum. Sic probat Tullius Antonium non esse Consulē: *Negat hoc (c) D. Brutus Imperator: negat Gallia; negat cuncta Italia, negat Senatus, negatîs vos. Qui igitur illum consulē, nisi latrones, putant?*

Cedo ultimam regulam enumerationis partiû?

R. Ut negatîs partibûs, rectè negetur totum, nulla tibi erit prætermittenda pars, quod ad ejus fieri poterit. Ita Martialis vetulā quamdam probat esse edentulam:

Si memini, fuerant tibi quatuor, Ælia, dētes,

Exspuit una dnos tussis, & una duos.

Jam securā potes totîs tussire diebûs:

Nil illuc, quod agat, tertia tussis habet.

§. III. Notatio Nominis, &

Conjugata.

AD unum, & idem caput duos hoscé locos propter affinitatem revocamus. *Quam-*

N₂

vîs

(a) Aliptes, qui Athletas ungit. (b) Schœnobates funambulus, (c) Decius Brutus.

vis porrò uterque ille locus, propter levitatem, non adedò valere videatur ad persuadendum; quia tamen non parùm valet ad delectandum, & ad orationem lepore aliquo, ac sale condiendam, idcirco ab oratoribus interdum summis adhibetur.

Quid est Notatio?

R. Notatio, seu Etymologia, est locus, qui verborum originem, & significationem inquirit, ut *Senatus* nomen traxit, à *Senibus*: *Consul* vocatur is, qui *consulit patriæ*: ergo *Piso* nihil minùs quàm *consul* est: & *Ovidius* in *Fastis* *Victimam* sic appellari dicit à vincendo, & *hostiam ab hoste*. (tur.

Victima, quæ dextra cecidit victrice, voca-
Hostibus à domitis *hostia* nomen habet.

Quandonam potissimum utendum est Notatione nominis?

R. Quando in nomine aliquo laudem, vel dedecus, aut locum aliquem, non scurrilem, ac mimicum, sed liberalem, & urbanum invenit Orator. Sic in nomine (a) *Verris* jocose lusit *Cicero*, quasi ità dictus fuisset, quod omnia *verreret*; hoc est omnia raperet homo furacissimus: *Quam tu*, inquit, *domum*, quod *fanum adisti*, quod non *eversum*, atque *extersum*
reli-

(a) *Verres* homo libidinosus, & avarus, cum in *Sicilia* triennium prætor fuisset, repetundarum accusatus fuit à *Siculis*.

reliqueris? Sic etiam Chrisogonum in avaritiæ suspitionem vocavit ab ipsius nomine, quod *aureum* significat, aut quasi *auro genitum*.

Ad notationem nominis pertinent Anagrammata, cujusmodi sunt ista: *Amor, Roma, Maro: Logica, Caligo: Ursula, Laurus; Prudentia, tardè puni. Maria Virgo; mira Virago: Divus Alexius, diu exul à suis: Quid est veritas, est vir, qui adest: Maria Magdalena, grandia mala mea: Sacramentum Eucharistiæ: Chara Ceres mutata in JESUM &c.*

Quamquam, ut ingenuè dicam, quod sentio, perpufilli ingenii est, frivolis huiusmodi nugis immorari, quæ scilicet laborantis magis sunt, quàm elegantis ingenii partus. Et si me audis, vana hæc crepundia relinques: Judæis, qui multi sunt in observandis exilibus literulis, & apud quos nata opinor Anagrammata, & ab illis ad nos usque infelici contagione, derivata.

Quid sunt conjugata?

R. Sunt ea, quæ ab uno orta vocabulo variè conjunguntur, seu commutantur, ut *Sapiens, sapientia, sapienter; Imperium, imperator imperare*. Ex hoc Conjugatorum loco Cæfarem ingeniosè admodum ita laudat (a) Tullius: *Ceteros quidem omnes victores bello-*

(a) Pro Marcello.

rum civilium, jam antè equitate, & misericordiâ viceras: hodierno verò die te ipsum vicisti. . . Nam cum ipſius victoria conditione iure omnes victi occidiſſemus, clementia tua iudiciò conſervati ſumus. Rectè igitur unus invictus es, à quo ipſius etiam victoria conditio, viſquè devicta eſt.

Ex hac verborum Conjugatione ſic etiam argumentatur Ovidius;

Aurea nunc verè ſunt ſæcula, Plurimò aurò
Venit honos: aurò conciliatur amor,

In hoc idem genus facètè luſit Martialis
Epig. lib, 2, (remit,

Hoſtem cum fugeret, ſe (a) Fannius ipſe pe-
Hic (rogo) non furor eſt, nè moriari, mori?

Ad eundem locū pertinet illud in Piſonè;
Cum enim eſſet omnis cauſa illa mea conſularis,
& ſenatoria, auxiliò mihi opus erat, & Conſulis
& Senatùs.

Eſt illud (b) Terentianum elegans in primis in hoc eodem genere: Homo ſum; humanè
nihil à me alienum puto.

Eòdem quoque pertinet, venuſtiſſimum illud Epigramma inſcriptum Ludovici M. Statuæ in hortulo Simplicium Collegii Parisienſis S. J.

Vita-

(a) Fannius Copio proſcriptus, quòd in Auguſtum conjuràſſet, cum fugeret percuſſores, ſe ipſe interemit. Sic mori, vinci eſt, inquit de illa Seneca, (b) In Heautontimorumenò.

Vitales inter succos, herbasque salubres
Quàm benè stat populi vita salusque sui.

§. IV. Genus & species, seu Forma,

Quid est Genus?

R. Genus apud Rhetores dicitur illud, quod est commune multis; & quod multa sub se complectitur; ut virtus sub se continet iustitiam, temperantiam, fortitudinem, prudentiam.

Facito. sodes, argumentum à genere?

R. Præsto est, *Temperantia est virtus, ergo est amanda.*

Qua potissimum ratione tractatur ille locus?

R. Tractatur in primis, cum à specie fit transitus ad genus, seu, ut vulgò loquuntur, cum hypothesis revocatur ad thesim. Hujuscè loci luculentum habes exemplum in Oratione pro Archia Pòeta, ubi Cicero cum laudandum Archiam Magistrum suscepisset (quod est hypothesis) rem ad thesim revocavit, hoc est, Pòësim, & studia humanitatis generatim, & universè laudavit, ut latiore orationi suæ campum aperiret. Adverte igitur quò artificiò ab hypothesis transit ad thesim.

Laus Archia Pòeta à genere.

Si igitur sanctum apud vos humanissimos homines hoc Pòeta nomen, quod nulla unquam barbaries violavit, saxa, & solitudines vocis respondent:

dent: bestia sæpè immanes cantu flectuntur, atque consistunt; nos instituti rebûs optimis non. Pœtarum voce moveamur? (a) Homerum Colophonii civem esse dicunt suum, Chri suum vendicant, Salaminii repetunt, Smyrnæi verò suum esse confirmant. Itaque etiam delubrum ejus in oppido dedicaverunt. Permulti alii præterea pugnant inter se, atque contendunt. Ergo illi alienam, quia Pœta fuit, post mortem etiam expectunt; Nos hunc vivum, qui & voluntate, & legibûs, noster est, repudiabimus?

Quod vitium in genere tractando vitandû est?

R. Hôc locô solent intemperantiùs abutî Tyrones, dum thesim longiùs trahunt, quòd nempe res sit communior, faciliorque, & multorum trita vestigiûs; v. gr. si de Justitia, vel de Charitate sermo sit, illi se se in virtutis laudes universè, ac generatim effundent, & miseram crambem, ùt ajunt, tædium affectis auribus, ac fastidium usque ad satietatem ingerent.

Tu igitur, si sapias, hoc vulgare vitium fugies: Nec circa vile, patulumq; moraberis orbè (b) Nè in te jure cedat lepidû illud Martialis dictû: Jam dic, Posthume, (c) de tribus capellis,

Ubi-

(a) *Homerus Pœtarû Græcorum princeps, quem suû esse civem septem oppida certatim asserunt.*
 (b) *In Arte Pœtica.* (c) *Ineptus caufidicus, qui ad alia omnia abibat, quàm causa postularer.*

Ubinam præcipuè locum habet argumentum à genere?

R. Locum habet præcipuum in orationis exordio, ubi præmitti solet aliquod universale principium, à quo ad hypothesim, hoc est ad singularem propositionem descenditur.

Quid est species seu forma?

R. Ex his, quæ dicta sunt de genere, facile intelliges speciem esse id, quod minùs latè patet; seu esse rem particularem, quæ sub universali continetur. Vocatur autem apud Rhetores *Hypothesis*; v. gr. *Virtus est amanda*, est Genus sive *Thesis*: *Temperantia hic & nunc est in convivio servanda*, est Species sive *Hypothesis*.

§. V. Similitudo, & Dissimilitudo.

Quid est Similitudo?

R. Similitudo est rerum cæteroqui disparium collatio atque convenientia in aliqua re; v. gr. est similitudo inter avarum, & hydropem; quia licèt avarus, & hydrops sint duæ res longè diversissimæ, in eo tamen conveniunt, quòd neuter satiari possit. Item homo iratus dicitur esse similis Leoni rugienti; quia homo iratus, & Leo rugiens sunt duæ res valdè inter se se dispares, quæ tamen in aliqua re conveniunt, nempe in furore. Sic etiam umbra, & gloria sunt res diver-

diversissimæ: in hoc tamen conveniunt, quod
umbra corpus, gloria virtutem comitetur,
Unde ait Cicero; *Gloria est umbra virtutis*

Quomodo fit argumentum à similitudine?

R. Facies in hunc ferè modum cum Tullio:
*Quidam morbâ, aut sensûs stupore, cibi sva-
ritatem non sentiunt; sic libidinosi, avari, facinorosi,
vera laudis gustum non habent.* Sic etiam ar-
gumentari poteris à simili cum Ovidio: (a)

Scilicet ut fulvum spectatur in ignibus aurum,
Tempore sic duro est inspicienda fides.

*Quid est discriminis inter similitudinem, &
comparationem?*

R. Similitudinem propriè pertinere ad id,
quod *qualitatem* vocant; comparisonem ve-
rò pertinere ad *quantitatem*. Fit enim com-
paratio, vel à pari, vel à majori ad minus,
vel à minori ad majus, ut dicitur postea: in
similitudine verò nulla fit mentio neq; pa-
ris, neque majoris, neque minoris.

*Quomodo facile poterit inveniri argumentum
à simili?*

R. Quæres statim, quænam res sit similis
cujusdam naturæ cum ea, quam explicandâ
sumis. Ità si agatur de constantia, quæ-
res, quid vel maximè resistit, & occurret
tibi *rupes, adamas*, dicesque cum Virgilio
de rege Latino (b)

Ille,

(a) *Trist. lib. 1.* (b) *Lib. 7.*

Ille, velut pelagi rupes immota, resistit.
 Vel ut idem Virgilius de Didone lib. 6.
 Illa solo fixos oculos averfa tenebat. (tur,
 Nec magis incepto vultus sermone move-
 Quam si dura silex, aut stet Marpesia cautes.

Quid est dissimilitudo?

R. Est oratio, quæ ex re dissimili dissimile colligit; ut cum ait Tullius: *Si barbarorum est in diem vivere, nostra consilia sempiternum tempus spectare debent.* Et lib. 2. de Oratore: *Artes reliquæ ab eloquentia differunt, quod hæc non habeat diffinitam aliquam regionem, cujus terminis septa teneatur, cætera verò artes suis se certis quibusdam finibus contineant.* Hunc locum à dissimili, lepidissimè tractat Catullus, cum ait Carmine 5.

Soles occidere, & redire possunt:

Nobis, cum semel occidit brevis lux,

Nox est perpetua una dormienda.

Ad hunc eundem locum pertinet hæc Horatiana sententia:

Damna tamen celeres reparant cœlestia
 lunæ, Nos ubi decidimus:

Quò pius Æneas, quò (a) Tullus dives, &
 Ancus,

Pulvis, & umbra sumus.

§. VI.

(a) Tullus, cognomento Hostilius, tertius Romanorum Rex. Illi successit Ancus Martius.

§. VI. Contraria, & repugnantia.

Quid sunt Contraria, seu opposita?

R. Sunt ea, quæ in eodem subjecto esse non possunt; vel, si fuerint in eodem, necessariò inter se pugnant.

Quot sunt contrariorum genera?

R. Quatuor omnino numerantur, nimirum Adversa, Relata, Privantia, & Contradictoria.

Quid sunt adversa?

R. Sunt ea, quæ in eodem plurimum inter se differunt, ut virtus, & vitium; bellum, & pax, sapientia, & stultitia Cicero Philip. 2. Attende paulisper, cogitationemque sobrii hominis, punctum temporis suscipe. . . . Nego quidquam esse medium. Confiteor, eos, nisi liberatores Populi Rom. conservatoresq; Reip. sint, plus quam sicarios, plus quam homicidas, plus etiam quam parricidas esse: siquidem est atrocius Patria parentem, quam suum occidere. Tu; homo sapiens & considerate quid dicis? Si parricide, cur honoris causa à te sunt, & in hoc ordine, & apud Populum Rom. semper appellati? cur M. Brutus, te referente, legibus est solutus, si ab urbe plus, quam decem dies absuisset? cur provincia Cassio, & Bruto data &c. Non igitur homicida. Sequitur ut liberatores tuò iudiciò sint.

Quid sunt Relata?

R. Sunt ea, quæ se invicem ita respectant,

ut

ut alterum sine altero esse non possit, ut
 Pater & filius; dux & miles; magister, & di-
 scipulus; dominus, & servus; qui dat, & qui ac-
 cipit ita Martialis lib. 1. ex hoc Relatorum
 loco facete jocatur in Sosibianum quemdam,
 qui suum patrem *Dominum* ineptè omni-
 no vocitabat:

E (a) servo scis te genitū, blandēq; fateris,
 Dum dicis dominum Sosibiane, patrem.

Ex hoc eodem loco Cæsarem ita laudat
 Cicero, in oratione pro Marcello: *Ex quo
 profectò intelligi debet, quanta in dato beneficio
 sit laus, cum in accepto tanta sit gloria.* Huc
 denique pertinent hæc verba Veneris, arma
 pro filio suo Ænea poscentis à Vulcano;

Arma rogo genitrix nato.

Quid sunt Privantia?

R. Sunt habitus, & ejus privatio: ut vi-
 ra, & mors, lux, & tenebræ; scientia, & in-
 scitia; pauperies, & divitiæ. Ex privantiis
 ingeniosè argumentatur Martialis in quæ-
 dam:

Ebrius es: nec enim faceres id sobrius
 umquam.

Hinc etiam ingeniosum illud ejusdem
 Poëtæ lib. 5.

Sem-

(a) *Sosibianus ex adulterio nobilis Matrona,
 cum servo natus, illius matrona virum, cujus fili-
 us putabatur, dominum blandiendo vocitabat,*

Semper eris pauper, si pauper es, *Emiliane*,
Dantur opes nullis nunc, nisi divitibus.

Quid Sunt contradicentia?

R. Sunt ea, quorum alterum negat, alterum affirmat idem de eodem: ut, *Milo insidiatus est Clodio, Milo non est insidiatus Clodio.*

§. VII. Adjuncta.

Quid sunt Adjuncta?

R. Sunt ea, quæ cum re, de qua agitur, non necessariò, sed probabilius conjuncta sunt.

Quot sunt adjunctorum genera?

R. Tria vulgò numerantur: 1. Adjuncta rei, ut *locus; tempus &c.* 2. Adjuncta animi, ut *vitia, virtutes;* 3. Adjuncta corporis; ut *pulchritudo, deformitas, robur, vestis, habitus:* Unò verbò omnia, quæ rem quoquò modò circumstant, sive præcedant, sive comitentur, sive consequantur, appellantur Adjuncta, seu res circumstantes. Unde liquet, quàm longè, latèquè pateat locus ille, & quàm uberem dicendi segetem Oratori suppeditet.

Quomodò sumi potest argumentum ab Adjunctis?

R. Cùm ex loco, tempore, facultate, aliisq; id genus, quæ rem circumstant, persuadendi occasionem idoneam captat Orator.

tor. Sic (a) Hannibal Italiam ingressus, militibus suis eloquenter admodum facit animos ex loco, unde fugere non liceat.

Oratio Hannibalis milites suos ad pugnam adhortantis. *Liv. lib. 21.*

Dextra, lavaque duo maria claudunt. Nullam ne ad effugium quidem navem habemus. Circa Padus amnis major, ac violentior Rhodanus: à tergo Alpes urgent, vix integris vobis, ac viventibus transita. Hic vobis vincendum, aut moriendum, Milites, est Nihil usquam nobis relictum est, nisi quod armis vindicaverimus. Illis timidis, & ignavis liceat esse, qui receptum habent, quos ager suus, quos sua terra, per tuta, ac pacata itinera fugientes, accipient. Vobis necesse est fortibus viri esse; & omnibus inter victoriam, mortemque certa desperatione abruptis, aut vincere, aut si fortuna dubitabit, in pralio potius quam in fuga mortem oppetere. Si hoc bene fixum omnibus, destinarumque in animo est, iterum dicam vobis. Nullum incitamentum ad vincendum homini à Diis immortalibus acrius datum est.

Cicero autem ab adjunctis Antonii levitatem ac turpitudinem exagitat: Sed hæc, quæ robustioris improbitatis sunt, omittamus: loquamur potius de iniquissimo genere levitatis.

Tu

(a) Hannibal Amilcaris filius, Carthaginensium Dux, qui sapius Romanos vicit.

Tu istis faucibus, istis lateribus, ista gladiatoria totius corporis firmitate, tantum vini in Hippæ nuptiis exhauseras, ut tibi necesse esset in Populi Rom. conspectu vomere postridie. O rem nunc modo visu fœdam, sed etiam auditu! Si inter canam, in tuis immanibus illis poculis, hoc tibi accidisset, quis non turpe diceret? In catu verò Populi Rom. negotium publicum gerens, Magister equitum, cui ructare turpe esset is vomens, frustis esculentis vinum redolentibus gremium suum, & totum tribunal implevit.

Porro memoriæ juvandæ causâ, præcipua octo Adjunctorum genera hoc vulgari versiculo fuere comprehensa:

Quis, quid, ubi, per (a) quos, quoties, cur, quomodo, quando.

Quis significat personam, & quæ ad illâ pertinent, cujusmodi sunt: genus, educatio, indoles, ætas, sexus, patria, cognatio, fama, virtus, ingenium, &c.

Quid negotium designat, sive rem, de qua agitur: *Ubi* locum demonstrat: *Per quos* indicat adjuutores, & socios, quorum operâ facta res est: *Quoties* docet, quàm sæpè res facta fuerit, *Cur* causam, & finem designat. *Quomodo* modum, ac seriem ostendit rei gestæ. Denique *Quando* denotat tempus, quo gesta res est.

§. VIII.

(a) Alii dicunt, quibus auxiliis, sed minus commodè,

§. VIII. Antecedentia. & Con-
sequentia.*Quid sunt antecedentia?*

R. Sunt ea, quibus positis, necesse est alia consequi; ut, Ortus est sol; ergo dies est. Tu natus es homo, ergo dubio procul morieris. Ille gravissimi sceleris reus; ergo gravissimè plectetur à justo iudice.

Quid sunt Consequentia?

R. Sunt ea, quæ rem necessariò consequuntur. Sic autem argumentum duces, à consequentibus: Est copia fructuum; ergo, & florum fuit. Cicatricem gerit, ergo plagam accepit. Cicatrix enim & fructus, plagam & flores consequuntur. Quia verò locus ab Antecedentibus, & Consequentibus non maximoperè differt ab Adjunctis, ideo diutius in illo immorari non est operæ pretium.

§. IX. Causæ.

Quid est Causa?

R. Est id, unde aliquid est, vel id, vi cuius aliquid fit, ut vulnus est causa mortis, cruditas est causa morbi, &c.

Quoruplex est Causa?

R. Quadruplex numeratur à Philosophis, efficiens, materialis, formalis, & finalis.

Quid est Causa materialis?

R. Ea est, ex qua aliquid fit, aut com-

O

poni-

ponitur, ut marmor est materia, seu causa materialis statue, lapides sunt materia domus, corpus est hominis quasi materia.

Quid est Causa formalis?

R. Est ratio rei ac nota, per quam res est id, quod est, & à rebus aliis distingvitur; unde anima est forma hominis, quia per animam fit rationalis, & à cæteris animantibus distingvitur.

Quid est causa finalis?

R. Est id, cujus gratiâ aliquid fit; ut finis belli est victoria, & pax; cum propter victoriam, & pacem bellum suscipiatur. Beata in Cælo vita, est causa finalis hominis, quandoquidem homo agit omnia, vel agere debet certè quidem, ut beatam in cælo vitam tandem aliquando consequatur.

Quomodo argumentari debemus à Causa efficienti?

R. Sic argumentaberis cum Tullio; *Intemperantia effatum corpus tradit senectuti; ergo diligenter vitanda est.* Ab hoc loco senectutem contra vituperatores ita defendit idem Tullius; *Caret epulis; ajunt, extructisque mensis, & frequentibus poculis: caret ergo vinolentiâ, crudelitate, & insomniis.* Ità Ovidius Ægypti adulterium culpât à causa efficiente, nempe ab otio.

Quæ-

Quæritur (a) Ægyptus, quare sit factus adulter?

In promptu causa est, desidiosus erat.

Sic etiam & felicem inter mortales vitam eleganter commendat Martialis lib. 10. à causis præcipuis, quæ illam efficiunt.

Vitam quæ faciunt beatiorem,

Jucundissime Martialis, hæc sunt;

Res non parta labore; sed relicta;

Non ingratus ager; focus perennis;

Lis nunquã; (b) togã rara; mens quieta

Vires ingenuæ: salubre corpus;

Prudens simplicitas; pares amici;

Convictus facilis; sine arte mensa;

Nox non ebria, sed soluta curis,

Non tristis thorax; attamen pudicus;

Somnus qui faciat breves tenebras:

Quod sis, esse velis, nihilque malis;

Summum nec metuas diem, nec optes,

Quomodo argumentamur à materia?

R. Ita ferme dices. corpus hominis est mortale; ergo æquum est, ut illi domine- tur animus immortalis, Ita Ovidius Solis regiam commendat à materia, Metamorph. lib. 2.

O2

Re-

(a) Ægyptus Thyestis filius, stupratã Clytemnestrã, ejus maritum Agamemnonem interfecit, & ipse ab Oreste illius filio fuit occisus. (b) Rara urbana officia, salutationes, obsequia. ad quæ obeunda togis utebantur.

Regia folis erat sublimibûs alta columnis,
Clara micâte aurô, flammisque imitâte (a)

Pyropo.

Cujus ebur nitidû, fastigia summa tegebat,
Argenti bifores radiabant lumine valvæ,
Materiam superabat opus.

Quomodo sumitur argumentum à causa formali?

R. Sic dices: animus hominis est immortalis; ergo mors non est timenda. Excel-
lens est animi natura; ergo voluptatibus
servire non debet. Ita Cicer: *Si considerare
volumus, quæ sit in hominis natura excellentia.
& dignitas, intelligemus, quàm sit turpè destru-
ere luxuriâ, & delicatè ac molliter vivere;
quamquæ honestum parcè, continenter, severè,
sobriè.*

*Quomodo deniquè argumentandum est à cau-
sa finali?*

R. Ità probabis cum Tullio, infidias Mi-
loni struxisse Clodium, quòd nempe mul-
tas ex illius interitu sibi polliceretur utili-
tates: *Quònam igitur pacto probari potest, in-
fidias Miloni fecisse Clodium? Satis est quidem
in illa tam audaci tam nefaria bellua, docere ma-
gnam ei causam, magnam spem in Milonis morte*
pre-

(a) Pyropus non est gemma, aut carbunculus
ut vulgò malè creditur, sed genus eris ductilis,
cui admista est quarta pars auri,

propositam, magnas utilitates fuisse. Itaque illud Cassianum: Cui bono fuerit, in his personis valeat, & si boni nullo emolumento impellatur in fraudem, improbi saepe parvo. Atqui Milone interfecto, Clodius hoc assequebatur, non modo ut Praetor esset, non eo Consule, quo sceleris nihil facere posset: sed etiam ut his Consulibus praetor esset, quibus si non adjuvantibus, at conniventibus certe, sperasset se posse rem publicam eludere in illis suis cogitatis furoribus, &c.

Denique, ex quatuor illis causis simul junctis, commendare poteris celeberrimum templum Jerosolymitanum; Causa efficiens erit Salomon, Sapientissimus idem, atque ditissimus. & alii peritissimi artifices, qui in illo laborarunt. Causa materialis, erunt pretiosi lapides, ligna cedrina, aureae laminae, &c. Causa formalis erit ipsa structura, & pulchritudo templi. Finalis erit summi Dei cultus, in cujus honorem fuit extructum.

§. X. Effecta.

Quid sunt Effecta?

R. Effecta seu effectus sunt ea, quae oriuntur ex causis. Hunc locum mirifice tractat Tullius libro de Senectute, ubi funestos voluptatis effectus ita describit:

Voluptatis, incommoda, ab effectis.

Accipite optimi, adolescentes, veterem orationem (a) Archita Tarentini, magni imprimis, & præclaræ viri, quæ mihi tradita est, cum essem, adolescens, (b) Tarenti cum Quinto Maximo, Nullam capitaliorem pestem, quam voluptatem corporis, hominibus dicebat à natura datam, cuius voluptatis avidæ libidines, temerè, & effrenatè ad potiundum incitarentur.

Hinc patriæ proditiones, hinc rerum publicarum everfiones, hinc cum hostibus clandestina colloquia, nasci dicebat; nullum denique scelus, nullum magnum facinus esse, ad quod suscipiendum, non libido voluptatis impelleret. Stupra, verò, & adulteria, & omne latè flagitium, nullis aliis, illecebris excitari, nisi voluptate. Cumquè homini, sive natura, sive quis Deus, nihil mente præstabilius dedisset; huic divino mûneri, ac dono, nihil tam esse inimicum, quam voluptatem. Nec enim libidine dominante, temperantiæ locum esse omnino, nec in voluptatis regno virtutem posse consistere. . . . Quocirca nihil esse tam detestabile, tamquàm pestiferum, quam voluptatem.

§. XI. Comparatio.

Quid est Comparatio?

R, Est

(a) Architas Philosophus Pythagoricus, vixit tempore Platonis. (b) Tarentum urbs magna Græciæ, à Tarante Neptuni filio condita.

R. Est (a) oratio, qua duo, vel plura in tertio aliquo conferuntur, quod illis commune est: ut, *Catoni licuit sequi bellum civile; igitur, & Ciceroni licebit.* Commune est enim ambobus sequi bellum civile.

Quot sunt Comparationum genera?

R. Tria. Primum est à majori ad mino. Secundum est à minori ad majus. Tertium est à pari.

Quomodo argumentamur à Comparatione majoris ad minus?

R. Cùm contendimus, ut id, quod valet in majori, valeat etiam in minori; ut cum ait Cicero in Antonium: *Quid faceres domi tuae, cùm aliena tam sis insolens?* Sic etiam Terentius: *Quem ferret, si parentem non fert suum?*

Ex hoc eodem locò probat Ovidius leniri posse Augustum, quòd vel ipsi Diile-
niantur.

Cur ergo posse negem leniri Cæsaris iras,

Cum videam mites hostibus esse Deos

Quomodo fit argumentum à Comparatione minoris ad majus?

R. Quando contendimus, ut quod valet in minori, valeat etiam in majori? ut Cicero pro Lege Manilia: *Majores nostri sæpè, mercatoribus ac naviculatozibus injuriosius tra-*
ctatis,

(a) Cic. in Topic.

Atis, bella gesserunt: vos tot Civium Romanorum milibus unô nuntiô, atque uno tempore necatis, quô tandem animô esse deberis? Hic pertinet etiam Horatianum illud Epist. 2.

Ut jugulent homines, surgunt de nocte latrones:

Ut te ipsum serves; non expergisceris;

Quomodo sit argumentum à Comparatione parium?

Fit, cùm contendimus id, quod valet in una re, valere etiâ debere in alia pari, ut, lex est; qui occiderit patrem, insutus in culcum, dejiciatur in profluentem: ergo, & qui matrem occiderit, eodem supplicio dignus est. Itâ Cicero licere sibi Syllam defendere, qui fuerat ante ab Hortensio defensus, probat orat. pro L. Syll. Si conjuratio patefacta per me est, tam patet Hortensio, quàm mihi. Quem quum videas honore hoc auctoritate, virtute, consilio præditum non dubitasse, quin innocentem Syllam defenderet: quaero, cur, qui aditus ad causam Hortensio patuerit, mihi interclusus esse debuerit? Quaero illud etiam, si me, qui defendo, reprehendendum putas esse, quid tandem existimes de his summis viris, & clarissimis civibus, quorum studio, & dignitate celebrari hoc iudicium, & ornari, causamque defendi hujus innocentis vides.

CAPUT II.

De Locis extrinsecis, seu remotis.

Quam sunt Loci extrinseci?

R. Loci extrinseci, qui etiam vocantur remoti, & assumpti, sunt ii, qui nullo modo dependunt ab arte, ingenioque Oratoris, ut excogitentur, quique extra rem ipsam positi sunt, quapropter ab Aristotele rectè vocantur *Argumenta inartificiosa, seu arte carentia*, non quòd artis omnis sint expertia; cùm potius illorum tractatio summum requirat artificium, sed quòd non eruantur ex rebus ipsis, & ex causæ visceribus; quippe quæ foris eruantur, & auctoritate sola nituntur, itaque sunt inartificiosa, quòd attinet ad Inventionem; non verò quòd spectat ad usum, atque tractationem.

Quot sunt Loci extrinseci?

R. Sex assignantur à Quintiliano; Leges, seu Præjudicia, Fama, Tabulæ, Jusjurandum, Tormenta, Testes.

Quomodo argumentandum est à legibus, ac Præjudiciis?

R. 1. Dices, præjudicia, ac leges esse vincula reipublicæ, regnorum fundamenta, justitiæ nervos, omnis æquitatis fontem, libertatis asilum, sapientiorum virorum oracula. 2. Commendabis eos, à quibus latæ sunt.

sunt leges. 3. Recensebis damna, quæ consequentur, si leges impunè violentur; iuvabit interdum afferre ipsa legis verba, conceptamque, ac solemnem formulam; v. gr. *Si quis hominem, dolo malo, morti (a) duxerit, parricida esto.*

Si lex tibi adversetur, illam ita refutabis, & infringes. Dices. 1. Vel antiquatam fuisse legem, & amplius non valere. Ita Cicero pro Rabirio. *Tunc mihi etiam legis (b) Portia mentionem facies?* 2. Vel legem legi opposites. 3. Vel dices standum esse non legis litteræ, quæ nimirum, occidit, sed ipsius legislatoris menti. 4. Dices majoris cuiuspiam utilitatis gratiâ, licere interdum à legibus discedere. Sic olim cum Virgilius moriens, testamento jussisset suum Pœma comburi, supremæ huic illius voluntati (quæquam id leges jubent) noluit tamen obtemperari. Imperator Augustus, ut ipsemet testatur hisce versiculis;

Frâgatur potius legû veneranda potestas;
Quâ tot cõgestos noctesq; diesque labores;
Hauferit una dies.

Quid est Fama, seu Rumor?

F. Fama, ut hic accipitur, est sermo vulgi,

(a) Vox: obsoleta pro det. (b) Lex Porcia à M. Porcio lata contra eos, qui civem Romanum occubant, aut virgis cadebant.

gi, sine ullo auctore, ac capite dispersus; seu ut ait Quintilianus, est *Sermo multitudinis, qui habet auctoritatem, nisi irrepserit malitia, vel nimia quadam, ut sit, credulitas.*

Quomodo tractandus est locus à Fama?

R. Si tibi, causæque tuæ faveat fama, dices magnam esse vim, atque auctoritatē Famae, cui optimus quisque tam impense studet. Dices populi vocem, esse quoddam quasi oraculum, quod vix unquam fallere possit. Usurpabis imprimis aureum illud Plinii dictum ad Trajanum, *Singuli decipere, ac decipi possunt, nemo omnes, neminem omnes fefellerunt.*

Contra verò, si tibi, causæque tuæ rumor adversetur, erit amplificanda verbis Famae levitas, atque inconstantia, quæ sæpè viris integerrimis maculas amat aspergere. Dices, ex opinione magis, quam ex veritate res aestimari solere. Usurpabis auream Senecæ, opinor, sententiam. *Pessimus argumentum turba est.* Dices cum Juvenali Sat. 1.

Dat veniã corvis, vexat censura columbas.

Addere denique poteris de fama cum Virgilio Æneid. 4, & cum Tertulliano etiam, in Apologetico, quod nimirum sit:

Tam ficti, praviq; tenax, quam nuntia veri.

Ita Tullius pro Plantio iudices obsecrat,
ne

nè disseminatis rumorusculis fidem habeant; Illud unum vos magnopere oro, atque obsecro, cum hujus, quem defendo, cum communis periculi causâ, nè fictis auditionibus, nè disseminato, dispersoque sermoni, fortunas innocentium subiciendis puteris Nihil est tam valucere, quam maledictum; nihil facilius emittitur; nihil citius excipitur, nihil latius dissipatur.

Quid sunt Tabulæ?

R. Nomine Tabularum; intelliguntur omnia testimonia, scripto exarata, quibus pacta, conventa, contractus, codicilli, stipulationes, testamenta, & alia id genus continentur.

Quid est Jusjurandum.

R. Est affirmatio, vel negatio rei alicujus, ritu religioso facta, & Deo Optimo; Maximò in testem appellatò. Sic olim Scipio apud Livium lib. 23. *Si sciens fallo, tu me Jupiter Opt. Max. domum, familiam, remque meam pessimò; (a) locò afficias.* Quòd si fortè juramenti fidem velis infirmare, dicces cum eloquentissimo illo (b), Massiliæ Sacerdote Salviano; *Plures invenias, qui sapius pejerent, quam qui omnino non jurent.*

Et

(a) *Etho* ita lapides antiqui. (b) *Salvianus* scriptor eloquentissimus. Treviris natus, floruit Massilia seculò quintò.

Et rursus idem Salviianus librò 4, Si pe-
neret Francus, quid novi facit? Qui perju-
rum ipsam, sermonis genus putat esse, non
criminitis.

Quid sunt Tormenta, sive quaestio?

R. Sunt cruciatus, vi quorum veritas ex-
torquetur à reis. Valet autem plurimùm
locus ille ad faciendam fidem, si post qua-
estionem reus in facti confessione perseve-
ret. Facit itèm maximopere ad probandã
reus, qui accusatur, innocentiam, si tor-
mentis adduci non potuit, ut crimen fate-
retur.

Quomodo infirmari poterit locus ille;

R. Dices periculosam esse, fallacemq;
confessionem, quæ tormentorũ vi exprimi-
tur; quandoquidem compertum est, bene
multos innocentes vi tormentorum, ac me-
ru doloris, ad falsa dicenda persæpè fuisse
adactos; poterisque hoc loco usurpare sa-
pientissimam illam viri clarissimi Hugonis
(a) Grotii sententiam: MENTIETUR qui
ferre poterit; MENTIETUR, qui ferre non
poterit. Ita etiam Cicero pro Sylla:

*Quaestiones, inquit, servorum, ac tormenta
nobis accusator minitatur, in quibus quamquã
nihil periculi suspicamur, tamen illa tormen-*

ta

(a) Hugo Grotius Batavus, vir summa, &
exquisitissima literatura, obiit annò 1645.

ta gubernat dolor, moderatur natura cuiusque cum animi tum corporis, regit questor, flectit libido, corrumpit spes, infirmitat metus, ut in tantis rerum angustiis, nihil veritati loci relinquatur.

Quid sunt Testes?

R. Sunt qui de re, quæ vocatur in controversiam, voce, vel scripto testimonium ferunt. Accedit huic testificationi majus pondus, atq; auctoritas: 1. Si testes sint oculati. 2. Si sint jurati: 3. Si viri probi, atque integerrimi: 4. Si sint viri illustres, ac primarii: 5. Si nulla nec spe, nec cupiditate impulsus testimonium dicant.

Porro Testimonium potest esse vel humanum, vel divinum. Humanum est illud, de quo supra dictum est. Ad divinum referebantur olim Oracula, seu voces Dei ipsius; Auspicia, seu Auguria, quæ erant testimonia ex avium volatu, cantu, passuque duci solita; Vaticinationes, quæ erant responsa Vatum; responsa denique Sacerdotum, & Haruspicum, qui vel interpretabantur somnia, vel ex extorum inspectione, futura conjiciebant; unde vocabantur *Coniectores*. Ad divinum, humanumque Testimonium spectat vulgaris illa, sed egregia Lucani sententia de Cæsare, ac Pompeio.

.... Quis iustius induit arma.

Scire nefas. magno se iudice quisq; tuetur.

Victrix causa Diis placuit; sed victa Catoni.

Quomodo infirmatur locus à testibus?

R. Infirmabitur locus ille, si dicas, Testes esse homines vel infames, vel leves, ac futiles, vel servos, domesticos, amicos, aut quomodocumque suspectos. 2. Si ostendas illos non secum ipsis coherere, sed pugnantia loqui. 3. Si graviores Testes illis opponas. 4. Si conjecturis, & argumentis, illorum testimonii futilitatem demonstras. 5. Denique si dicas, Testes illos esse homines infimæ sortis, atque egentissimos, qui facile subornari potuerint.

CAPUT III.

De secunda Inventionis parte, seu de motibus excitandis.

ORatoris munus, ac partes sunt, primum ut persvadeat, doceatque audientium animos: deinde ut eosdem moveat, inflammet ac flectat. Diximus in prima hujus libri parte de argumentis ad docendum, & ad fidem faciendam idoneis. Postulat nunc instituti nostri ratio, ut motuum, sive affectuum concitandorum fontes aperiamus; dicamusque, qua ratione faces, ac stimuli sint auditorum animis subjiciendi, quod est in Oratore præcipuum. Siquidem homi-
nes

nes affectu magis, quàm ratione ducuntur,
& quòd approbant bonum, non semper
amplectuntur, exemplò Medeæ illius O-
vidianæ (a)

... Video mèliora, pròboque:

Deteriora sequor ...

Sed antequam affectus omnes sigilla-
tim persequamur, pauca quædam, ut fit,
de illorum natura, numeroque præmitta-
mus.

Quid est Affectus?

R. Est animi sentientis, ex opinione boni, vel
mali nata, commotio. Vel ut clariùs dicam,
est quidam animi imperus, quo impellimur ve-
hementius ad aliquid vel appetendum, vel a-
versandum.

Quot sunt affectus?

R. Sunt, qui cum Stoicis, quatuor tan-
tùm statuunt affectus: duos circa bonum,
nempe *spem*, & *gaudium*: & duos circa ma-
lum, scilicet *tristitiam* & *metum*. Quatuor
hosce motus eleganter expressit Virgilius
Æneid. 6. cùm ait: *Hinc metuunt, cupiunt-
que, dolent, gaudentque*. Eosdem (b) Boëtius
hisce quatuor versiculis est complexus:

Gau-

(a) *Metamor. lib. 7.* (b) Severinus Boëtius, ingenio, eruditione, & Poesi nobilis, ca-
pise truncatus à rege Theodorico annò 626.

Gaudia pelle,
 Pelle timorem:
 Spemque fugato:
 Nec dolor adsit.

Philosophi verò longè plures statuunt affectus, de quibus ita dicemus, ut primò illorum definitionem afferamus, deinde, quomodò sint excitandi, quàm accuratissimè præcipiamus.

§. I. De Amore, & Odiò.

Quid est Amor?

R. Est affectus, quò alicui benè volumus, eique benefacimus; non nostrà, sed illius causà. Ubi vides tres omnino esse germani amoris conditiones, ac dotes. 1. Est, ut ei, quem amamus, optemus bona, vel saltem, quæ bona esse arbitramur. 2. Conditio est, ut quæ bona judicamus, non optemus illi duntaxat, sed etiam pro virili parte procuremus. ut enim ait Julius Scaliger:

Tu si ex animo fortè velis (a) cui benefactū, Addas operam: sola, cadaver est, voluntas.
 3. Conditio est, ut ita simus animati, non propter propriam utilitatem, sed illius causà, quem diligimus. Nam, ut ait Cicero, si ad fructum nostrum referemus, non ad illius commoda, quæ diligimus, non erit ista amicitia,

P

(a) Cui pro alicui.

icitia, sed mercatura quædam utilitatum suarum.

Quò differt Amor ab Amicitia?

R. Differt, quòd sit verus amor, etsi qui amat, non redametur; in amicitia verò requiritur amor mutuus. Unde Aristoteles rogatus, quid esset amicus, pulchrè respondit: (a) *Anima una in duobus habitans corporibus:*

Quò pacto conciliandus est Amor?

R. Amoris conciliandi causæ, ac viæ præcipuæ sunt, 1. Excellens quædam, & rara virtus. Ita Ithoneus Trojanorum Orator, præclaram Æneæ virtutem collaudando, Didonem illi conciliare conatur. *Æneid. 1.*

Rex erat Æneas nobis, quo justior alter
Nec pietate fuit, nec bellò major, & armis.

2. Utilitas, & collata beneficia. Ita Cicero Miloni benevolos mirificè facit iudices ab ejus in patriam beneficentia: *Hic cinè vir patriæ natus, usquam nisi in patria morietur? &c.* Sic etiam ventorū rex Æolus, cōmemoratis Junonis erga se beneficiis suū erga illā gratū, ac memorè animū testatur; (b)
Tu mihi quodcumque hoc regni, tu sceptrâ
Jovemquè

Concilias, tu das epulis accūbere Divūm,
Nimborumquè facis, tempestatemquè
potentem.

(a) *De Natura Deorum.* (b) *Æneid. 1.*

2. Nulla re magis comparatur amor, quàm amore mutuo, ut monet pervulgata illa Senecæ vox: *Si vis amari, ama.* 4. Denique conciliatur amor, oris ac corporis dignitate, si sit cum virtute conjuncta: unde rex Evander apud Virgil. lib. 8.

... Sed cunctis altior ibat.

Anchises. Mihi mens juvenili ardebât amore
Compellare virum, & dextrâ conjun-
gere dextram.

Quid est Odium?

R. Est affectus animi averſantis id, quod malum esse putatur.

Quanam arte concitandum erit Odium?

R. Ex iis, quæ de amore diximus, facile cuius patebunt Odii fontes, quod erit à contrariis capitibus excitandum, nimirum ab insignibus vitiis, ab improbitate, superbiaque, ab illatis injuriis. Cujus rei mirificum habes exemplum apud Cornelium Tacitum in Agricolæ vita, ubi magnanimus ille Galgacus suorum Brittannorum animos adversus Romanos hac eximia oratione irritare conatur.

Galgaci oratio contra Romanos apud Tacitum.

Raptores orbis, postquam cuncta vastantibus
desuere terra, & mare scrutantur. Si lucuples
hostis est, avari: si pauper, ambitiosi, quos non
Oriens, non Occidens faciaverit. Soli omnium

opus, atque inopiam pari affectu concupiscant. Auferre, trucidare, rapere falsis nominibus, Imperium: atque ubi solitudinem faciunt, Pacem appellant. Liberos cuique, ac propinquos suos nature charissimos esse volunt. Hi per delectum alibi servituri auferuntur. Coniuges, sororesq; eisi hostilem libidinem effugiant; nomine amicorum, atque hospitem pelluntur. Bona, fortunasque in tributum egerunt, in annonā frumentum: Corpora ipsa, ac manus silvis, al paludibus emuniendis, verbera inter ac contumelias conterunt. Nara servituti mancipia semel veneunt, atque ultro dominis aluntur. Britannia servitutem suam quotidie emittit, quotidie pascit, &c.

§. II. De Metu, Spe, & Audacia.

Quid est Metus, sive Timor?

R. Est perturbatio nata ex opinione mali impendentis.

Quanam sunt artes, & industria concitandi metus?

R. Tres sunt potissimum. Prima est. si denuntietur malum aliquod magnum, ac grave, ut bellum, pestilentia, pauperies, infamia, infelix æternitas. 2. Si ostendatur mali vicinitas, imminensque periculum: neque enim solent homines metuere vel ipsam mortem, si longè remotam arbitrentur; at illius horrore concutiuntur, ubi urget

mor-

morbus; pestilentia, vel naufragium; (a)
Præsentèquè viris intentant omnia mortē.

Hac arte mirabiliter, suo more, utitur
Tullius in 2. Catilin. ubi funesta Catilinæ
consilia, & impendentes urbi calamitates
ita describit: *Videor mihi hanc urbem videre,
lucem orbis terrarum, atque arcem omnium
gentium, subito unò incendiò concidentem.
Cerno animò sepultam patriam, miseros, atque
insepultos acervos cæcivum. Versatur mihi an-
te oculos aspectus (b) Cethegi in vestra cade
bacchantis. Quapropter de summa salute vestra,
Populiquè R., de vestris conjugibus ac liberis,
de fanis, ac templis, de libertate, ac salute Ita-
lia, deque universa republica decernite diligen-
ter, ut instituistis, ac fortiter.*

Eadem arte Æneas Anchisem patrem hu-
meris gestans, apud Virgilium lib. 2. ti-
morem suum sic exponit ab imminentis
calamitatis magnitudine:

Succedoquè oneri dextræ se parvus julus
Implicuit, sequiturquè patrem non passi-
bûs æquis: (rum

Ponè subit cõjux. Ferimur per opaca loco-
Et me, què dudû non ulla injecta movebant
Tela, neq; adverso glomerati ex agmine Graji,
Nunc omnes terrent auræ, sonus excitat
omnis.

P 3.

Su-

(a) *Æneid. 1.* (b) *Cethegus unus e principi-
bus conjurationis Catilinariae.*

Suspensum; & pariter comitiqué, oneriqué timentem.

3. Concitandi metus industria, & ars hæc est, si proponatur malum, non publicum duntaxat, & commune, sed privatum, & proprium. Solent enim nos privata multò magis tangere, & acriori doloris sensu ferire, quàm publica: ctsi homines vulgò videri malint publicò potius dolore mori, quàm suò.

Hoc probè intellexerat olim nobilis ille Græcus histrio, nomine Polus, qui Athenis acturus fabulam Sophoclis, cùm representandus esset dolor Electræ gestantis cineres Orestis, clâculum eruit è sepulchro cineres, ossaque filij, quem amaverat unicè, urnamque detulit in scenam, & cùm lugere videretur aliena mala, deslebat sua. Ità A. Gellius lib. 7.

Quid est Spes?

R. Est gaudiū ex opinione imminētis boni.

Quanam sunt incitamenta, animum ad Spem erigentia?

R. Hæc duo numerantur: 1. Honestas, & magnitudo boni; 2. Præsidia certa ad illud comparandum, qualia sunt opes, vires, industria; prudentia, amici, adversariorum imbecillitas, & favor divinus. Hinc Tullius Romanos ad certam victoriæ Spem excitat

citat sanè luculenter, 2. Catilin. Instrui-
te nunc, Quirites, contra has tam præclaras
Catilinæ copias, vestra præsidia, vestrosque e-
xercitus; & primum gladiatorum illi confecto, &
saucio, Consules, Imperatoresque vestros oppo-
nite, deinde contra illam naufragorum electam,
ac debilitatam manum, florem totius Italiae &
robur educite. Hinc etiam Æneas suorum
animos mirum in modum erigit, & bene
sperare jubet, Æneid. 1.

O! passi graviora, dabit Deus his quoque finem.

Vos, & (a) Scyllæam rabiem, penitusque
sonantes.

(b) Accēstis scopulos, vos, & Cyclopea saxa
Experti, revocate animos, mœstūque timorē
Mittite; forsā, & hæc olim meminisse juvabit;
Per varios casus, per tot discrimina rerum
Tendimus in Latium; sedes ubi fata quietas
Ostendūt; illic fas regna resurgere Trojæ.
Durate, & vosmet rebus servate secundis.

Ad spem pertinet Audacia, seu confi-
dentia, quæ est affectus quidam animi ad-
versus futurum malum, quamvis arduum
ac difficile, quod tamen vinci possit, con-
surgentis.

Quomodo concitatur audacia?

¶. Iisdem fermè artibus, quibus Spes.
Ita

(a) Siciliam aut Æthnam. (b) Accēstis præ
accessistis per. (yncopen.

Ita magnanimus Hannibal, trajecto Rhodano, Italiam recta petens, suos milites hortatur, apud Livium, Decade 3. ut obstructarum nivibus Alpium difficultates superent, Romanorumque vires contemnant. *Quid aliud Alpes esse creditis, quam montium altitudines? Fugite altiores Pirenaeis; An terras aliquas celum contingere, Et inex pugnabiles humano generi esse creditis? & alio loco: Cum eo nimirum hoste res est nobis, qui nec bonam, nec malam ferre fortunam potest; seu vicit, ferociter instat victis; seu victus est, instaurat cum victis certamen.*

Hac eadem ratione, audax Turnus suorum Latinorum animos ad pugnam accedit Æneid 10. In manibus Mars ipse, viri; nunc conjugis esto, Quisque suæ, tecumque memor, nunc magna referto.

(Cundam, Facta patrum, laudesque; ultro occurramus ad Dumtrepidum ingressisque; labant vestigia prima. AUDENTES fortuna juvat.

Multum etiam addit fiduciam persuasio de favore divino. Hinc illa Tolumnii Augusti audacia, Æneid. 12.

Tum vero augurium Rutuli clamore salutant, Expediuntque manus; primusque Tolumnius augur,

(tivi. Hoc erat, hoc votis, inquit, quod sæpe pe- Accipio, agnoscoque Deos; me me duce ferrum Cor-

Corripite, ô Rutuli.

§. III. De Misericordia.

Quid est Misericordia?

R. Est dolor animi, & ægritudo quædam ex malo alterius, præsertim immerito laborantis. In hoc excitando commiserationis affectu, triumphare solet magni Oratoris industria. Siquidem, ut vulgò dicitur. *Lacrymæ auditorum, sunt laus Oratoris vel maxima.*

Quenam sunt artes ad misericordiam concitandam idoneæ?

R. Variæ, ac multiplices sunt artes. Prima est, si qui malum patitur, eo planè indignus esse dicatur. Unde ad ciendam misericordiam valet hoc Virgilii (a).

Nec te tua plurima Panthu,

Labentē pietas, nec Apollinis insula texit.

2. Est, si de patria, vel de nobis privatim benè meritus fuisse ostendatur. Hôc artificium mirè usus est senior Horatius apud Livium; ut filium, ob interfectam sororem, parricidii reum, ab imminente morte liberaret.

Oratio R. Horatii ad populum pro filio.

parricidii reo. Livius lib. 1.

Hunc cinè, quem modò decoratum, ovantemq; victoriâ, incedentem vidistis. Quirites, eum sub furca vinculum, inter verbera, & cruciatus videre po-

(a) *Æneid. 1.*

re potestis? Quod vix Albanorum oculi tam de-
forme spectaculum ferre possent. 1. lielor, colliga-
manus, quæ paulò antè armata Imperium po-
pulo Romano pepererunt. 1. caput obnabe libera-
toris hujus urbis: arbori infelici suspende; ver-
bera; vel intra Pomarium, modò inter illa pila,
& spolia hostium; vel extra Pomarium modò in-
ter sepulchra Curiatorum. Quò enim ducere-
bunt juvenem potestis, ubi non sua decora eum à
tanta feditate supplicii vindicent.

3: Ars est, si calamitatis magnitudo, vel
diuturnitas, ceteraque hujusmodi circum-
stantiæ luculenter exponantur.

4. Ars hæc est, si tristitia quædam recen-
tis miseriæ signa, monumentaque, ob oculos
auditorum ponantur, ut cruentæ vestes, vel
ipsum morui cadaver, aut imago. Nam,
ut monet Horatius ad Pisones:

Segnius irritant animos demissa per aures,
Quàm quæ sunt oculis subjecta fidelibus.

Sic M. Antonius; qui postea Triumvir fu-
it, prolata Julii Cæsaris veste pugionibus,
ac gladiis perforata, sanguineque cruenta-
ta, Romanam plebem ita accendit, ut ad
conjuratorum ædes inflammandas è vesti-
gio provolaverit. Sic Clotildis Clodovei
filiâ durè, & inclementer habita à marito
Almarico Visigothorum rege, cum sudari-
um, suo imbutum sanguine ad fratres suos

Fran-

Francorum reges misisset, (a) immane illud bellum excitavit, quod res Visigothorum penitus attrita, deletaque fuerunt. Sic olim summus ille orator Antonius, cum defenderet Aquilium, in causa peroranda, tunicam ejus diloricavit, ac discidit e pectore, & adversas senis cicatrices judicibus ostendit.

Sic etiam Æneam flectere Dido conatur, apud Ovidium in Heroide, hac lamentabili sui imagine, ac pictura.

Aspicias, utinam quæ sit scribentis imago!

Scribimus, & gremio Troicus ensis adest.

Perque genas lacrymæ strictum labuntur
in enses,

Qui jam, pro lacrymis, sanguine tinctus erit.

§. IV. De Ira, & Indignatione.

Quid est Ira?

R. Dicere possem cum Horatio: *Ira brevis furor est.* Sed malo cum Aristotele, sic illam definire. *Ira est sui, propter contemptum, ulciscendi cupiditas cum dolore conjuncta.* Unde non maximopere differt ab odio, quod est *Ira quadam inveterata.*

Quomodo excitatur, & incenditur Ira?

R. Accenditur commemoratione illatae injuriæ, si præsertim injuria sit cum contemptu conjuncta; Hinc nimirum apud Virgilium

(a) Gregorius Turonensis, lib. 3. cap. 10.

gillum, *Æneidos*. i. tantopere effervesceit Junonis ira contra Trojanos, ob spretam à Paridè Trojano formam suam, & Hebem filiam Ganymedi Trojano postpositam:

—— Manet alta mente repostum

Judicium Paridis, spreta quæ injuria formæ,
Et gen⁹ invisū, & rapti Ganymedis honores.

Et rursū in eodē libro suam iram sic excuscat eadem Juno:

Àst ego, quæ Divūm incedo Regina, Jovisq;
Et soror, & conjux, unacū gente tot annos
Bella gero, Et quisquā numē Junonis adoret
Præterea: aut supplex aris imponat honorē?

Quò quis verò est gloriæ appetentior, vel dignitate illustrior, hōc ob sui contemptum, vehementiùs solet irasci. Cujus rei memorabile in primis est exemplum Narsetis Eunuchī, rei militaris gloriā præstantissimi. Is enim post res fortiter gestas adversus Totilam Gothorum regem, cū invidiā quorundam à Justino Imperatore Italiæ præfecturā fuisset exutus, atq; etiā ab Imperatrice Sophia, impotentis animi fæmina, virulentō hujusmodi fuisset impetitus convitiō: *Narsetem, eunuchum, ad pensam, lonasquē cum, feminis, esse relegandum?*: illud aded acerbè tulit, *ut se, telam brevi orsurum dixerit, quam Imperator, & Conjux, dum viverent, nulla vi, industriaquē retexere possent.* Ac paulò

paulò post, evocatis in Italiam Longobardis,
Imperatori magnâ Italiae partem ademit.

Quid est indignatio?

℞. Est dolor perceptus, ob secundas res,
bonaque alterius, qui hac felicitate judica-
tur indignus; ut apud Maronem Eclog. 1.

Insuper hæc tam culta novalia miles ha-
bebit?

Barbarus, has segetes?

℞. Ejusmodi etiam illud Eclogæ 8.

Mopso Nisa datur: quid non speremus
amantes?

Jungentur jam (a) gryphes equis, avo-
que sequenti

Cû canibus timidi venient ad pocula damæ.

Quomodo ab invidia differt indignatio?

℞. Hæc differt, quod indignatio fit tan-
tum in indignos, eò quod fruuntur bono,
ut vel ex ipso nomine liquet. Unde in-
dignatio præsertim suscipitur ab his, qui
sunt viri probi, & honoris cupidi; quia bo-
ni ferunt indignè malos florere. & honoris
studiosi indignantur, immerentes anteferri
sibi. Invidia verò est erga bonos, & sua
felicitate dignos.

Quomodo concitatur indignatio?

℞.

(a) Gryphus genus ferarum omnino fabulo-
sum cum alis, & capite aquila, & reliquo corpo-
re conino, vulgò Grifco.

R. Excitatur duplici modo. 1. Si vitæ prioris sordes, & vilitas cum præsentis temporis opibus, potentia, & arrogantia præsertim conferantur. 2. Si hominis, in quem indignamur, vitia cum viri, cui antefertur, virtutibus comparentur. Ex primo capite Tullius indignationem ita movet in Vatinium; *Atque illud tenebrosissimum tempus ineuntis ætatis tue patior latere* Deinde commemorat, ut homo vilis, & obscurus, paulatim ad honores accesserit; tandemque illa subjungit: *Te cognati respiciunt, (a) tribules execrantur, vicini metuant, affines erubescunt, struma denique ab ore improbo demigrarunt, & alii jam se locis collocarunt.* Quasi nempe adeo sit impurus, ut vel ipsæ strumæ, factum hominem averterentur.

Similiter Horatius indignationem concitat adversus Menam Pompeji magni libertum, in hac Oda cedendo lineanda:

Licet superbus (b) ambules pecuniâ,
 Fortuna non mutat genus.
 Videsne, sacram (c) metiente te viam,
 Cum bis ter ulnarum toga.

Ut

(a) Ex eadem tribu. (b) Menas, cum ab hero Pompeji defecisset, ad Augustum, ab illo Tribunus militum fuit creatus. (c) Via sacra sic dicta, quod ad Jovis templum & Capitolium rectè duceret.

Ut ora vertat huc, & huc euntium
Liberrima indignatio?

Sectus flagellis hic (a) triumviralibus,
Præconis ad fastidium;

Arat Falerni mille fundi jugera,
Et (b) Appiam mannâs terit:

Sedilibusque magnus in primis eques,
Othone contempto, sedet.

Ex secundo capite vehementer indignatur
Ajax, apud Ovidium, quod Ulysses secum
ausit de Achillis armis contendere.

... Agimus, proh Jupiter, inquit,
Ante rates causam, & mecum confertur
Ulysses!

Præmia magna peti fateor: sed demit
honorem

Emulus Ajaci. Non est tenuisse superbum,
(Sit licet hoc ingens) quidquid speravit
Ulysses.

§. V. De Mansuetudine.

Quid est Mansuetudo?

R. Mansuetudo, seu lenitas, ac clementia: est motus oppositus iræ; neque alter definitur, quam *iræ remissio, atque mitigatio,*

Quæ-

(a) *Judicia de servis, ac furibus exercebant tres judices, qui triumviri capitales dicebantur.*

(b) *Via Appia Româ Brundisium usque pertingebat, nomen traxerat à Claudio Appio Cæco, qui eam muniverat.*

Quenam est ars conciliandæ clementiæ?

1. Mitigabitur ira, & concilliabitur mansuetudo, primò ingenua quadam culpæ confessione, ac dolore. I a Cicero, Cæsare, iratissimū licet, tamen Ligario placavit: *Ad judicem sic agi solet; sed ego ad patrem loquor; erravi, temerè feci, pœnitet, ad clementiam tuam confugio; delicti veniam peto; ut ignoscas, oro; si ne no impetravit, arrogantem; si plurimi, tu idem fer opem, qui spem dedisti.*

2. Facit ad placandam iram humilitas, & supplicis animi demissio, præsertim apud hostem magnanimū. Ut enim pulchrè ait Ovidius lib 3. Tristium:

*Corpora magnanimo satis est prostrasse
Leon:*

Pugna suū finem, dum jacet hostis, habet.
Addere poteris cum Virgilio tritum illud
libri 6.

..... Romane: memento.

Parcere subjectis, & debellare superbos.

3. Ad deliniendam irā, maximè sunt adhibendi, qui minùs habent roboris, & quos de vi inferenda cogitare, nulla est suspicio, cujusmodi sunt pueri, fœminæ, senes, sacrorū antillites. Ita legim⁹, in sacris paginis Davidis irā ab Abigail, iram (a) Artaxerxis ab Euthere fuisse repentè mitigatam. Romana quoq;

(a) Artaxerxes in sacris codicibus dictus Assvero

quoq; historia testatur, Sabinarum inter-
ventu, Romulum inter, & Tatium, fœdus i-
ctum fuisse. Item Volumnia, & Veturia
Martium Coriolanum patriæ, funestum bel-
lum inferentem, à noxio proposito dimo-
verunt. *numerus istus ad Stan*

4. Facit plurimum ad iram molliendâ, si
scias, & captes, molles aditus, & commoda
fandi tempora; quale est tempus convivii,
ludi, fausti alicujus successus, victoriæ, fe-
stivitatîs, ac lætitiæ publicæ; quo tempore
solent homines ad mansuetudinem esse
propensiores.

5. Si prudenter ostendas, quantum præ-
stet mansuetudo cupiditati, vindictæ; ut re-
cte monet Juvenalis hisce versibus aureis
Satyræ. 13. . . . Quippe minuti.

Sæper & infirmi est animi, exiguiq; voluptis
Ultio; continuo sic collige quod vindicta
NEMO magis gaudet quam femina.

6. Denique valet plurimum ad clemen-
tiam, si dicas, qui peccavit, non deditâ o-
perâ, non dolô malô peccasse, nec id egisse,
ut eum contemneret, quem habet iratum,
sed vel incautû, vel errore humano deceptû,
vel necessitate adactum, peccavisse. Vide,
qua dexteritate locum hunc tractet Tullius,
ad Cæsarem M. Marcello placandum: *Atque*
boc C. Cæsaris iudicium P. C. quam latè pate-



Q

at, at-

ar, attendite. Omnes enim, qui ad illa arma facti, fuimus, nescio quò, Reipublica miserò, funestòque compulsì, etsi aliquà culpà tenemur erroris humani, scelere certè liberati sumus. Nam cum M. Marcellum, deprecantibus vobis, reipublica conservavit, memet mihi, & item reipublica, nullo deprecante, reliquos amplissimos viros, & sibi ipsis, & patriæ reddidit; quorum, & frequentiam, & dignitatem hoc ipso in confesso videtis. Non illos hostes induxit in curiam, sed iudicavit à plerisque ignoracione potiùs, & falso atq; inani metu, quàm cupiditate, aut crudelitate, civile bellum esse susceptum.

§. VI. De Æmulatione.

Quid est Æmulatio?

R. Est dolor ex aliena felicitate susceptus; non quòd illi contigerit, sed quòd nos illà careamus. Hinc liquet, Æmulacionem esse in laude ponendam, & ad perdificendum bonas artes, plurimùm valere. Sunt enim Æmulacioni obnoxia, quæ maxime præclara, ut virtus, honores, opes, doctrina, gloria, &c.

Quid interest Æmulacionē inter, & Invidiā?

R. Æmulacionem bonam, esse laudabilem, & honestam, quia nos excitat, ut ipsi quoq; bona consequamur; Contrà verò Invidiā vitiosa est, turpisque. quia id agit, nè alter bonis potiatur, ut ait Horatius.

Invidus alterius rebûs macrescit opimis.

Quomodo excitari potest Emulatio?

R. Excitatur majorum exēplō, nominis gloria. & propositis illustrium virorum egregiis facinoribûs. Ita Andromache Æneid 3.

Quid puer Ascanius? Superatne, & vescitur (aurâ?..... (viriles

Ecquid in antiquam virtutem; animosq;

Et puer Æneas, & avūculus excitat Hector?

Ita magnus ille Alexander cum ad Achillis tumulum aditisset, ejus gloriam & felicitatem æmulatus, *O fortunate, inquit, adolescens, qui tue virtutis Homerum præconem inveneris!* Et ille historicorum princeps Thucydides, adhuc adolescentulus, cum forte suam historiam Herodotus legeret, ita gloriæ stimulis agebatur, ut lacrymas tenere nō posset. Quō animadversō, Herodotus ejus patri dixit: *Nē tu sanē beatus es, qui filium habens sic avidum gloriæ, & laudis appetentem.*

Concluditur doctrina de Affectibus generalit̄ præceptō.

Hactenus de Affectibus dictum est; in quibus illud generatim est observandum, quōd apud Ciceronem (a) monet Antonius: *Ut omnes motus, quos Orator adhibere volet judici, in ipso Oratore impressi, atque inusti esse videntur.*

Q 2

antur.

(a) Lib. 2. Orat.

antur. Neque enim facile est perficere, ut irascatur, cui tu velis, iudex, si tu ipse id lentè ferre videare: neque ut oderit eum, quem tu velis, nisi reipsum flagrantem odio ante viderit; ad misericordiam adducetur, nisi ei tu signa doloris tui, verbis, sententiis, voce, Vultu, collacrymatione denique ostenderis. Ut enim nulla materies tam facilis ad exardescendum est, quæ nisi admoto igni, ignem concipere possit; sic nulla est mens, tam ad comprehendendam vim oratoris parata, quæ possit incendi, nisi inflammatus ipse ad eam & ardens accesseris.

Optimè igitur monet Horatius in arte Pòetica;

..... Si vis me flere, dolendum est.
Primùm ipsi tibi; tunc tua me infortunia lædent.

Finis Libri secundi.



ARTIS RHETORICÆ LIBER TERTIUS

DE DISPOSITIONE.

Quid est Dispositio?

R. Dispositio definitur à Cicerone, *Re-
rum inventarum in ordinem distributio.*

Quanam est Dispositionis utilitas?

R. Non minùs necessaria est dispositio ad fidem faciendam, & ad motus excitandos, quàm instructio exercitùs ad pugnam, ac victoriam; quàm in humano corpore conformatio membrorum, ad gratiam, & venustatem; quàm in ædificio lapidum, cæmentique apta compositio, ad ædium oportunitatem, & elegantiam. Unde meritò præcipit Horatius in arte Pòetica;

Singula quæq; locū teneāt sortita decēter.

Sanè ordo ubi adest, res audiuntur libentiùs, audita intelliguntur faciliùs, & intellecta diutiùs inhxrent. Si verò negligatur dispositio, sit nimirum monstrum illud ex variis animantibus conflatum, quòd artis i-

nitiō scitè pingit idem Horatius. Fit quod eodem locō reprehenditur.

Velut ægri somnia, vanæ
Fingentur species, ut nec pes, nec caput uni
Reddatur formæ.

Quin nullum mihi videtur certius argumentum, cū ita incondita est oratio, ita perturbata, nihil ut sit primum, nihil secundum. Contrā verò nullum majus indicium artis, & industriæ, quàm ordo. Quamobrē cū hactenus actum sit de Elocutione, & de Inventione, in quibus opus est imprimis lepore, atque ingeniō; deinceps videndū de Dispositione, in qua una magis elucet Oratoris judiciū, atque prudentia.

Quisnam ordo servandus est in orationis dispositione, seu quanam sunt orationis partes?

R. Orationis partes vulgò quatuor assignantur: Exordium, Narratio, Confirmatio, seu Contentio, & peroratio.

Hæc artificiosa dispositio videtur omnino naturæ consentanea. Satis enim novimus; vel ipsâ duce naturâ, ubi quidpiam volumus impetrare, 1. Conciliandos esse animos eorum, quibuscum agimus, & hoc est Exordii munus: deinde exponendum esse illud, quod petimus, & hoc est Narrationis; 3. afferendas esse rationes, quibûs ostendatur illud concedendum nobis esse, & hoc ef-

ficit

scit Confirmatio: denique preces addendas, aut alios motus adhibendos, quibus impelli vehementius auditorum animi possint, & hoc Peroratione consequimur.

Sunt qui non quatuor duntaxat, sed sex omnino velint esse partes orationis; nempe Exordium, Divisionem, Narrationem, Confirmationem, Confutationem, & Perorationem, quas etiam ajunt indicari pervagatissimò isthoc versiculò:

Exorsus, narro, seco, firmo, refuto, peroro.

Verùm, si rectè res æstimare velimus; Partitio cū Propositione revocatur ad Exordium: Confutatio verò redit ad Confirmationem. Unde liquet, quatuor tantùm esse statuendas orationis partes, quarum quæ valent ad faciendam fidem, scilicet Narratio, & confirmatio: reliquæ verò faciunt ad motus excitandos, videlicet Exordium, & Peroratio. Nunc verò de partibus orationis singulatim videamus.

C A P U T I.

De Exordio?

Quid est exordium?

Ry. Exordium definitur à Tullio: *Partis orationis, auditorum animos idoneè comparans ad reliquam dictionem.* Unde quòd in humano corpore caput est, quòd in ædibus vestibulum,

lum, hoc est Exordium in oratione. Atque aded præcipuâ quadam curâ; diligentiaque, præ cæteris orationis partibus, est elaborandum, naturæ ipsius instar, quæ in fingendo, atque ornando capite, potissimum defudare consuevit. Unde etiam Exordium *difficillima pars orationis*, vocatur à Tullio.

Undenam sumpta est Exordii vox?

R. Est Metaphora à textoribus sumpta, qui propriè telam ordiri dicuntur, cum certa quadam lege fila collocant, & ordine illa componunt.

§. I. De variis Exordiorum generibus.

Quotuplex est Exordium?

R. Duplex. Aliud est justum, ac legitimum, quod etiam temperatum appellatur: aliud est vehemens, & abruptum, sive ex abrupto.

Quid est Exordium justum, ac legitimum?

R. Illud est, quò auditorum animi artificiosa quadam verborum conciliatione præparantur.

Quid est Exordium ex abrupto?

R. Illud est, quò Orator, quasi quodam abreptus impetu auditores repentino, & inopinato motu percellit. Tale est celebratissimum illud Ciceronis Exordium in Catilinam: *Quousque tandem abutere, Catilina, patientiâ nostrâ, &c.*

Quomodo sit Exordium ex abrupto?

R. Fit primò per licentiam, seu per liberiorẽ quemdam loquendi modum. Sicut apud Livium lib. 23. Mucius Scævola deprehensus in Parlenæ castris, ita illum alloquitur ex abrupto: *Romanus sum civis? C. Mucium vocant. Hostis hostem occidere, volui; nec ad mortem minus animi est, quàm ad necem fuit. Et facere, & pati fortia, Romanum est. Nec unus ego in te hos animos gessi. Longus post me ordo est idem petentium decus. Proinde in hoc discrimen, si juvat, accingere, ut in singulas horas capite dimices tuo. Ferrum hostemquẽ in vestibulo habes regia. Hoc tibi juventus Romana bellum indicimus. Nullam aciem, nullum praelium, timueris: uni tibi, & cum singulis res erit.*

2. Fit per indignationem, & increpationem, ut cum apud Livium Lib. 2. c. 40. Veturia filium (a) Coriolanum sic alloquitur: *Sine, priusquam complexum accipio, sciam, ad hostem, an ad filium venerim; captiva, materne in castris tuis sim. In hoc me longa vita, & infelix senecta traxit, ut exulem te, deinde hostem, viderem! Potuisti populari hanc terram, quæ te genuit, atque aluit! Non tibi, quavis infestò animò, & minaci perveneras, ingredien-*

(a) Martius Coriolanus plebis odio in exiliũ actus, patriæ bellum intulit.

diēti fines ira cecidit! non cum in conspectu
Roma fuit, succurrit: intra ista mania domus,
ac penates mei sunt, mater, conjux, liberique?
Ergo nisi peperissem, Roma non oppugnaretur!
nisi filium haberem, libera in libera patria mor-
tus essem!

*Quandonam usurpandum est Exordium ex
abrupto?*

R. Usurpatur potissimum, vel in summa
aliqua gratulatione, & lætitia; vel in sum-
ma quapiam offensione, aut indignatione:
quibus scilicet omnibus Orator extra se ra-
pi videtur quodammodo.

§. II. De virtutibus, ac vitiis Exordii.

Quæ sunt Exordii dotes, ac virtutes?

R. Quatuor vulgò recensentur; *Proprie-
tas, cura, verencudia, brevitās.*

In quo posita est proprietas Exordii?

R. In eo posita est, ut Exordium sit cum
reliqua oratione conjunctum, tamquam ca-
put cum corpore. 2. Ut sit ex re quasi na-
tum, & ex ipsis causæ visceribus ita depro-
ptum, ut ex illius natura quadammodo vide-
atur efflorescere. Contrà verò vitiosum erit,
si sit vulgare, ac commune, hoc est, si causis
aliis, & fortasse etiam contrariis, possit accom-
modari: cujus modi Exordia lepidè compa-
rantur Ephippio, quod equis benè mul-
tis accommodaretur, vel gladio Delphico,

qui

qui ad hunc modū factus fuit, ut eodem, & sacras mactarent victimas, & supplicio nocentes afficerent.

2. Vitiosum erit Exordium, si sit cōputabile, hoc est, si leviter mutatum, ab adversario possit usurpari. Si sit procul accersitum, longiusq; petatum, vel si nihil ad rem pertineat. Quæ Exordia similiter se habent ac Humano capiti cervicē pictor equinum Jungere si velit.

Quale etiam fuit Exordium inepti illius caudidici, qui de lite inter duos vicinos acturus, Exordium petivit ab Adamo, vixque ad diluvii tempora tandem pervenit.

In quo posita est Exordii cura?

R. In eo posita est, ut Exordium sit plenū dignitatis, sit accuratum, & acutum, sit aptū verbis, & instructum sententiis, & quod petiti solent Architecti, *[vestibula; aditusque ad causā faciat illustres,* inquit Tullius Prima quippe Oratoris cōmendatio proficiscitur ab Exordio: quod si negligentius tractatū fuerit, reliqua omnia fastidiet, & nauseabit auditor. Ut enim optimè monet Fabius, pessimus sanè: videtur gubernator ille, qui è portu solvens, statim ad scopulos navem appellit. Caveat tamen Orator, nè, quod sæpè contingit, Exordii nimis picti, & nimis artificiosi splendore, ac concinnitate,

præstigiatarum, ac fraudis suspicionem auditoribus præbeat.

In quo consistit exordii verecundia?

R. In eo consistit, quòd Orator dicere incipiens, præ se ferat ingenuum illum pudorem, quem in Oratore summo L. Crasso tantopere laudabat Cicero; *Fuit enim, inquit, in L. Crasso pudor quidam, qui non modò non obesset ejus orationi, sed etiam probitatis cõmendatione prodesset.* Et ipse etiam L. Crassus de se sic confitetur lib. I. de Oratore: *In principiis dicendi, tora mente, atque omnibus artibus contremisco.* Sciebat enim summus ille dicendi artifex, & doctor, offendi solere auditorum animos, si Orator velut exultans, sibi quæ præfidens, ad dicendum accedat.

In quo posita est brevitæ Exordii?

R. In eo posita est, ut Exordium reliquæ orationis magnitudini, sit accommodatum, & ut inani verborum circuitione, non producarur longius, quàm par sit. Nequæ enim profectò cubitali Pygmæi corpori caput giganteum, aut humili tugurio valvæ prægrandes, ingensquæ vestibulum affigi debent. Quòd si fiat, bellissimè, sanè quadrabit in enormia id genus proœmia facetum illud Diogenis dictum ad (a) Myndios, qui suo oppidulo grandes, & magnificas fores affixerant:

(a) Myndus oppidulum Carie, in Asia minori,

xerant: *Viri Myndi, portas claudite, ne urbs exeat.*

Nolim tamen, orationi nullum jungatur Exordium, ut olim in Areopago fieri solitum accepimus, ubi dicebant Oratores: *siue Exordio, siue affectibus, siue epilogo*, inquit Julius Pollux: & ut etiam à Xenophonte factitatum legimus, qui sic exorditur: *Darius, & Parisatis duos habuere filios.*

Nolim etiam, orationi, ceteroqui longula, brevissimum, ut nonnulli solent, affigatur Exordium: neque enim ingentem Basilicam decent, exiguae fores; aut giganteo corpori, Pygmaei caput; vel ingenti colosso, globulus imponitur.

§. III. De variis Exordiorum fontibus.

Varij sunt fontes, unde derivari solet Exordium iustum, ac legitimum. Nos hic praecipuos indicabimus.

1. Exordium recte ducitur ab adjunctis personae, rei, loci, ac temporis; atque hic erat fons notus, ac familiaris Tullio, qui hinc ferme solebat exordiri. In oratione pro M. Caelio exorditur à temporis insolentia: quippe die festo, contra, quam fieri solet, causam dicere cogebantur, Exordium Milonianæ ducitur 1. à persona adversariorum, qui armati forum obsidebant: 2. à persona Pompeii iudicis: 3. ab insolita iudicii forma, Pro Rege

(a) Dejotaro, ducit exordium ab angustiis loci, in quo habita fuit hæc oratio: Moveor etiam ipsius loci insolentia (inquit Tullius) quòd tantam causam, quanta nulla unquam in disceptatione versata est, (b) dico intra domesticos parietes, dico extra conventum, & eam frequentiam, in qua oratorum studia niti solent; in tuis oculis, in tuo ore, vultuque acquiesco Hanc enim, C. Cesar, causam si in foro dicerem, eodem audiente, & disceptante te, quantam mihi alacritatem populi Rom. concursus afferret? Quis enim civis ei regi non faveret, cujus omnem ætatem in populi Rom. bellis consumptam esse meminisset? Spectarem curiam, intuerer forum, cælum denique testarer ipsum Qua quoniam angustiора faciunt parietes, actioque cause maxime debilitatur loco, tuum est, Cesar, qui præ multis sæpè dixisti, quid nunc mihi animi sit, ad te ipsum referre, quòd facilius tum equitas tua, tum audiendi diligentia, minuat hanc perturbationem meam.

2. Ducitur Exordium à rotunda, simpliciq; rei expositione, sine fuce, & calami-
stris, & sine ullo in speciem artificio. Ita Ci-
cero

(a) Hæc oratio privatim habita in adibus Cesaris. (b) Dejotarus Gallogræciæ in bello civili Pompeii partes secutus, victorẽ Casarem cum excepisset hospitio, fuit accusatus, quòd ei struxisset insidias.

cero pro Ligario: *Novum crimen, C. Caesar, & ante hunc diem inauditum, propinquus meus ad te*

Q. Tubero detulit: Q. Ligarium in Africa fuisse.

3. Ducitur Exordium à contrario, cum prima fronte ea videmur dicere, quæ causæ nostræ sint omnino contraria, & adversariis faveant, ut scilicet eos sensim in nostrâ sententiâ nihil minus cogitantes pertrahamus: in quo sanè est artis, & industriæ plurimum. Ita Alexander apud Curtium milites suos cohortaturus, ut secum audacter pergant ad extremas Indiæ partes, primò videtur probare illorum studia, qui reditum in patriam cogitabant: *Magnitudinem rerum, inquit, quas gessistis, milites, intuentibus nobis, minime mirum est, & desiderium quietis, & satietatem gloria occurrere, &c.* Deinde mutata sensim velificatione, in contrariam sententiam callidissimè descendit.

4. Ducitur Exordium ab insigni quopiam effato, & dicto, vel ab illustri exemplo. Ita Catilina suos conjuratos ad impium bellum adhortatur apud Sallustium hòc effatò: *Comperitum habeo, milites, verba virtutem non addere; neq; ex ignavo strenuum, neque fortem exercitum imperatoris oratione fieri.* Ita etiam Cæsar, dum in Senatu pro Catilina loquitur, apud eundem Sallustium, ab insigni effato

sic exorditur: Omnes homines (P. C.) qui de rebus dubiis consultant, ab odio, amentia, ira, atque misericordia, vacuos esse decet.

5. Duci potest Exordium ab insigni aliqua quaestione. Ita Tullius suum de Inventione Rhetorica librum auspicatur: Sæpe, & multum hoc mecum cogitavi, bonine an mali plus attulerit hominibus, & civitatibus copia dicendi, ac summum eloquentiæ studium.

Eodem ex fonte suum in (a) Rufinū carmen ducit Claudianus.

Sæpè mihi dubiã traxit sententiã mentẽ,
Curarent superi tetras, an nullus inesset
Rector, & incerto fluerent mortalia casu.

Abstulit hunc nobis Rufini pœna tumultũ,
Absolvitque Deos. jã non ad culmina rerũ
Injustos crevisse queror. Tollũtur in altũ,
Ut lapsu graviore ruant.

6. Præclare admodum trahitur Exordium à suspensione, quæ mirificè præparat auditorum animos, magnæ alicujus rei expectatione; & illos acuit vehementi cupiditate sciendi, quid demũ sit illud, quod pollicetur Orator. Ita Cicero Verrina 1. Quod erat optandum maxime, judices, & quod unum ab invidiam vestri ordinis, infamiamque judiciorum
sedan-

(a) Rufinus Arcadii tutor, affectat imperium, & à militibus occiditur.

sedandam maximè pertinebat; id non humano cõ-
siliò, sed propè divinitus datũ, atquè oblatum vobis
summo reip. tempore videtur. Inveteravit enim
jam opinio perniciofa reip. vobisque periculosas
qua non modò Romæ, sed, & apud exterar natio-
nes omnium sermone pererebuit, his iudicis, qua
nunc sint, PECUNIOSUM hominem, quamvis
sit nocens, nullum posse damnari.

Deniquè Exordium ab ipsis causæ visce-
rib9, hoc est ab intimis causæ principiis
trahendum est, & in illo solerter jacienda
sunt argumentorum, & affectuum omnia
semina, quæ deinde retractata fusiùs expli-
centur. Id verò non difficulter efficies, si
ex Fabii Quintiliani præcepto, diligenter in-
tuearis, apud quos, pro quibus, contra quos
quò locò, quo tempore, quo rerum statu
dicendum sit tibi; quid auditores, ac iudices
sentire credibile sit, quisq; sit orationis tuæ
scopus; quid petas, quid consequi velis.
Hæc omnia ubi perspecta maturè fuerin ti-
bi, ipsa te magistra natura facile docebit,
unde sit tibi capiendum orationis Exor-
dium.

§. IV. De officio, ac munere, Exordii.

Q. Uodnam est officium, ac munus Exordii?

R. Triplex; ut nempe reddat auditorem
benevolum, attentum, & docilem.

Unde reddet auditorem benevolum?

R.

R.

R. Ex quadruplici capite: 1. à persona Oratoris ipsius. 2. à persona adversariorum. 3. à Persona auditorum, vel iudicum: 4. ab illius pro quo dicitur, persona.

Quomodo reddet auditorem benevolum à persona Oratoris ipsius?

R. Si Orator modestiam, pudorem, probitatem & ingenuum quemdam candorem ore protius, & re ipsa præferat, quàm verbis ostendet. Poterit tamen interdum sua merita, suum officium, suas virtutes, sed parcè omninò, ac sine arrogantia commendare: quod mirificè facit Tullius in oratione pro Archia, suo quondam magistro: *Si quid est in me ingenti, iudices quod sentio, quàm sit exiguum; aut si qua exercitatio dicendi, in qua me non infior mediocriter esse versatum; aut si huiusce rei ratio aliqua ab optimarum artium studiis, ac disciplina profecta, à qua ego nullum confiteor ætatis meæ tempus abhorruisse, earum omnium rerum vel in primis hic A. Licinius fructum à me reperere prope suo jure debet. Nam quò ad longissimè potest mens mea respicere spatium præteriti temporis, & pueritiæ memoriæ recordari ultimam, inde usque repetens, hunc video mihi principem, & ad suscipiendam, & ad ingrediendam rationem horum studiorum extitisse. Quid si hæc vox huius hor-tatu, præceptisque conformatà nonnullis aliquan-*
do sa-

do salutis fuit; à quo id accepimus, quò ceteris opitulari, & alios servare possemus, huic profectò, ipsi, quantum est firum in nobis; & opem & salutem ferre debemus.

Quomodo colligetur benevolentia ab adversariorum persona?

R. 1. Si dicamus, nos nimiam illorum eloquentiam, aut gratiam revereri, un de illa reddatur suspecta iudicibus: quod pulchrè admodum facit Cicero pro Quintio: *Quæ res in civitate duæ plurimum possunt, eæ contra nos ambæ faciunt in hoc tempore, summa gratia, & eloquentia, quarum alteram, C. Aquili, vere, or, alteram, mætro.*

2. Si illos in odium, & invidiam adducere, vitiorum quibus laborant, commemoratione, conemur; ut pro Dejotaro: *Crudellem (a) Castorem, nè dicam sceleratum, & impium: qui nepos avum in discrimen capitis adduxerit, adolescentiaque sua terrorem intulerit ei, cuius senectutem tueri, & tegere debebat.*

Quòd si adversarius sit vir bonus, notæque probitatis, ac fidei, Tullium imitaberis, qui cum pro Muræna diceret, Catonemque virum antiquæ virtutis haberet adversarium, non quidem in ejus vita, moribusque quidquam culpavit; sed tamen, ut illi quomodocumque fidem detraheret, sectam Sto-

(a) Castor Dejotari nepos ex filio.

icorum, cui se Cato totum addixerat, irridere cœpit; idquẽ tam falsẽ, tamquẽ faccẽ, ut iudicium risu dissolveretur, & Cato ipse dixerit.

Quam (a) ridiculum habemus Consulem!

Quomodo captabitur benevolentia à personis, vel auditorum, vel iudicum?

R. 1. Si eis confidere videatur Orator, ut pro Roscio Amerino. 2. Si suam causam cũ eorum utilitate conjungat, ut passim in Philippicis. 3. Si eorum iustitiam, fidem, auctoritatem, & dotes cæteras modestẽ commendet, ut in Exordio Miloniana, ubi Tullius Pompejum laudat à sapientia, iustitia, iustitiaquẽ, cùm ait: *Sed me recreat, & reficit Cn. Pompeji sapientissimi, & iustissimi viri consilium, qui profecto nec iustitia sua putarõt esse, quem reum sententiis iudicum tradidisset, eundem telis militum dedere: nec sapientia, reverentiam concitata multitudinis, auctoritate publica amare.*

Imò ne ipse quidem Paulus Apostolus hoc sibi negligendum putavit, cùm pro se, ipse diceret apud regem Agrippam, Acto- rum Capite, 25. *De his omnibus, quibus accusor à Judais, Rex (b) Agrippa, astimo me beatum,*

(a) Plutarchus in vita Catonis. (b) Agrippa ultimus Judeorum Rex, filius illius Herodis Agrippa, qui ab Angelo percussus fuit.

ram, apud te cum sim defensurus me hodie, maxime te sciente omnia, & quæ apud Judæos sunt consuetudines, & quæstiones, propter quod obsecro, patienter me audias.

Quomodo paratur benevolentia à persona eligentis, sive illius, cuius causa agitur?

R. Si illius innocentiam, virtutemq; commendens: si illius calamitatem, amicorum inopiam, & solitudinem conqueraris; ut Cicero pro Roscio Amerino.

Semperne laborandum est in exordio, ut capretur auditorum benevolentia?

R. De captanda benevolentia non valde laborandum esse in causis illis, quæ per se sunt honestæ, sed tantum in iis, quæ sunt vel paradoxæ, vel dubiæ, vel humiles. Quatuor enim causarum genera distingvit Divus Augustinus in eximio suo libro de Rhetoricæ principiis; *Honestas, incredibiles, dubias, & humiles*, quæ ab illo vocantur.

In humili quidem argumento se se maxima nonnunquam exercuerunt, & ostentârunt ingenia; ut olim Polycrates, qui murium panegyricum celebravit; & Lucianus, qui muscam, laudavit. Inter juniores verò Majoragius scripsit encomium luti. Calcagninus, post Psellum pulicem prædicavit. Caliger anserem, Passeratius ipsam nihil laudandum suscepit. Umbram Janus.

Douza præconiō celebravit: & nostra ætate vir Cl. Daniel Heinsius asinum, pediculum-
quē laudavit.

In his verò, aliisque id genus humili-
bus causis, itemquē in illis, quæ minùs gra-
tæ sunt auditoribus, opus est insinuatione,
seu exquisitiore quadam arte, quâ Orator
subdolè, & latenter in auditorum animos
irrepat.

§. V. De paranda attentione.

Undenam conciliatur attentio?

R. Conciliatur partim promissione,
partim petitione: promissione quidè, si pol-
liceamur nos esse dicturos de rebus, vel no-
vis, vel magnis, vel utilibus, vel jucundis.
Ita Horatius Od. 1. l. 3.

Carmina non priùs

Audita, Musarum Sacerdos

Virginibus, puerisque canto.

Sic etiam in primis Cicero pro Rabirio;
*Sic enim existimare debetis, Quirites, post homi-
num memoriam, rem nullam magis periculo-
sam, magis ab omnibus vobis providendam, nec
à Tribuno plebis susceptam, neque à Consule de-
fensam, neque ad populum R. esse delatam. Hoc
etiam egregiè præstitit Maro, quando de
apibus dicturus, ita cecinit 4. Georg.*

Protinus æerii mellis cœlestia dona.

Exe-

Exequar Hanc etiam (a) Mæcnas, aspice partem.

Admiranda tibi levium spectacula rerum
Magnanimosq; duces; totiusq; ex ordine gētis
Mores, & studia, et populos, & prælia dicam.

In tenui labor, at tenuis non gloria

Nolim tamen montes, ut ajunt, aureos
in ipso dicendi initio semper polliceatur
Orator: nec sic incipiet, ut (b) Mævius ille
quem ridet Horatius:

Fortunam Priami cantabo, & nobile bellū
multoque sanè cautiùs mihi videtur fa-
cere, qui cum Homero simpliciter, & ve-
recundè sic exorditur. (Trojæ,

Dic mihi, Musa, virum captæ post tempora
Qui mores hominū multorū vidit, & urbes.
Quā si magnificētius sic incipias cū Lucano:
Bella per Emathios plusquam civilia cā-
pos

Aut si tumidum illud, turgidumque imiteris
Claudiani proœmium de raptu Proserpinæ

Inferni raptoris equos, afflataque curru
Sidera Tænario, caligantesque profundæ
Junonis thalamos audaci promere cantu,
Mens congesta jubet.

Quòd

(a) Mæcnas apud Augustum gratiosissimus,
& Pœtarum patronus munificus (b) Hic est ille
Mævius, quem carpit Virg. Qui Bavium non
odit, amet tua carmina, Mævi.

Quodd si satis appareat, rem, de qua agitur, esse abjectam, & exilem, plus efficiet Orator, si rotundè statim, & ingenuè profiteatur, sese in re omnino tenui laborare, quàm si grandia nequidquam pollicetur; sed causæ tenuitatem æquitate, vel necessitate, vel aliunde compensare conabitur; ut Cic. Philippica 7. *Parvis de rebus, sed fortasse necessariis consulimur, P. C. de Appia via & de (a) moneta.*

2. Conciliandæ attentionis ratio est, *peritio*; cum scilicet auditores rogamus, ut studiosè, ac diligenter velint attendere, ut Cicero pro Sexto Roscio: *Quapropter vos oro, atq; obsecro iudices, attentè, bonaquè cum venia verba mea audiatis.*

Quamvis autem sub ipsum Exordium postulari soleat attentio, satius tamen erit interdum, illam in ipso orationis decursu postulare; cum scilicet auditoris animus, initio arrectus, & alacer, langvescere incipit, & defatigatæ illius aures incipiunt peregrinari, ut solet. Hoc egregiè præstitit Tullius pro Cluentio, dum sic ait: *Vos, quaeso, ut adhuc me attentè audistis, item, qua reliqua sunt, audiatis. Profectò nihil à me dicetur, quod non dignum hoc conventu, & silentio,*

(a) Vel de templo Junonis Moneta reficiendo, vel de pecunia cudenda.

tiò, dignum vestris studiis, atque auribus esse videatur.

Quomodo comparabitur docilitas?

R. Tribùs maximè rebùs: 1. Si brevem te fore promittas, stesque promissis. Ut enim eleganter, & ingeniosè monet Tullius, multò satius est, ut Orator desinat, quàm si deficiat; & Auditor cum desiderio, quàm si cum fastidio, ac satietate recedat. Atque in Oratores nimis longos, bellè omninò quadrant ultima hæc artis Pòeticæ verba. Indoctū, doctūque fugat recitator acerbus. Què verò arripuit, tenet, occiditque legendo, Non missura cutem, nisi plena cruoris (a)

Hirudo.

2. Comparabitur docilitas, si breviter, dilucidè, simpliciterque proponas, qua de re dicturus sis.

3, Fiet docilis auditor, si tuam orationē in duo, vel tria ad summum capita perspicuè partiaris; ut, cum ait Tullius Philippicâ 7. *Cur pacem nolo? quia turpis est; quia periculosa, quia esse non potest: qua tria dum explico, peto à vobis P. C. ut eadem benignitate, quâ soletis, verba mea audiatis.* Sed quoniam
per-

(a) Hirudo. est pisciculus instar exigui serpentis, qui ad sugendum vitiosum sanguinem, cuti solet applicari, nec avelli, nisi sanguis oppletus, potest.

permagnum interest ad eloquentiam, quemadmodum proponat, & orationem suam partiatur Orator; & quia hic locus est in tota Rhetorica longè difficilissimus, tironibus præsertim; de utroque illo capite accuratius nobis esse disputandum arbitramur.

§. VI. De Propositione.

Quam sunt Propositionis virtutes, ac dotes?

R. Quinque vulgò assignantur propositionis dotes, 1. est, ut simplex sit, unaquæ, non verò multiplex, ex illius enim unitate, omnino pendet orationis unitas; semperquæ meminisse debet Orator eximii illius, nunquamquæ satis inculcandi Horatiani præcepti.

Deniq; sit quodvis simplex dūtaxat. & unū.

Quid est porrò una, simplexquæ propositio?

R. Una simplexquæ dicitur illa propositio, quæ constat unâ, simpliciquæ sententiâ, v. gr. *Pax est conficienda, Injuria sunt condonanda, &c.*

2. Propositionis dos est, ut sit ita clara, ut non modo nullo labore intelligatur, sed etiam ut non possit non intelligi; quemadmodum ista: *Orium est fugiendū.*
3. dos est, ut omnia totius orationis argumenta, partusquæ omnes in illam, velut in scopum, metamquæ colliment. 4. dos est, uti tractari copiosè, & ornari facile possit.

possit, & amplam dicendi segetem suppeditet. Rectè enim monet Horatius, nè junum dicendi sumas argumentum, & *quæ desperas tractata nitescere posse, relinquant. s. dos est, ut propositio vel ipsa novitate percellat, vel insigni aliqua utilitate placeat: quæ duo vel maxime conciliare solent attentionem, atque benevolentiam.*

Quomodo novitatem habebit propositio?

R. Si argumentum ita proponatur, ut ex trito, vulgarique fiat inusitatum, & auditorum animos statim erigat, feriatque; v. gr. trita est, vulgarique hæc propositio: *Homo multorum sibi malorum auctor est, nihilque admodum habet attentionis. Fiet verò nova, & admirabilis, si dicas cum Chrysostomo. Nemo laeditur, nisi à seipso; ve, Nemo miser, nisi qui velit.* Item vulgaris est propositio: *Mali aliquando sunt utiles virtutis, itemque ista: Mors minus dura accidit miseris, quam felicibus.* Fiet autem illico utraque nova, mirificaque, si dicas, *Virtutem, plus interdum improbis debere, quam probis, Felicitatis genus esse, infelicem mori.*

Quomodo utilitatem habebit propositio?

R. Utilitatem habere solent propositiones illæ, quæ contemplativæ non sunt, sed activæ (si duabûs illis Senecæ vocibus nobis uti fas est.) Contemplativæ porro dicun-

dicuntur illæ, quæ in sola cognitione versantur, quemadmodum ista; *Stultorum infinitus est numerus.* Activæ contra dicuntur propositiones illæ: quarum finis est aliquid efficere; ut: *Ferenda sunt amicorum vitia.*

§. VII. De Divisione.

Cur adhiberi solet in oratione. Divisio, sive Partitio?

R. Tribus potissimum de causis. 1. Quia lumen affert orationi. 2. Quia juvat memoriam Oratoris, & auditorum. 3. Quia levat audiendi fastidium; recreatur enim animus admonitione singularum partium orationis: quemadmodum viatorem reficiunt spatia certis lapidibus, & intervallis distincta; ut ait (a) Rutilius in Itinerario:

Intervalla viæ fessis præstare videtur,

Qui notat inscriptus millia multa lapis.

Quenam sunt leges Divisionis?

R. Quatuor. 1. est, ut Divisio sit plena; hoc est ut partes illius, sive membra omnino complectantur, & adæquent propositionem, quæ dividitur. 2. est, ut membra illa sint opposita, neque unum in altero contineatur. 3. est, ut Divisio habeat partes duas, tresve ad summum, vix plures.

Si

(a) Rutilius natione Gallus, floruit sæculo quarto. Scripsit Itinerarium versu supra hanc ætatem eleganti.

Si enim nimium concisa sit, & ut loquitur Fabius, nimium articulosa, offundet orationi tenebras, parietque obscuritatem illam, contra, quam fuit inducta. 4. dos est, ut sit plana, simplex & quasi obvia; non verò ad artis, & ingenii ostentationem longius accersita. —

De Narratione, quæ est secunda orationis pars, fufius, & uberiùs dictum est in secundo capite Elementorum Rhetoricæ.

CAPUT II.

De Confirmatione.

Quid est Confirmatio?

R. Est pars orationis, in qua firmamenta, seu robora causæ afferuntur.

Quot sunt partes Confirmationis?

R. Dux. 1. Est Confirmatio propriè dicta, in qua ea, quæ pro nobis sunt, firmamus, ac stabilimus. 2. est Confutatio, in qua contrarias adversariorum rationes refellimus. Hinc liquet; Confirmationem esse præcipuam, ac potissimam Orationis partem, quæ, quasi viscera, vitamque illius contineat, totamque persuadendi spem in ea maximè parte sitam esse. Unde, *πίσις*, seu *fides* jure nuncupatur ab Aristotele.

§. I. De Confirmatione propriè dicta.

Quomodo tractanda est Confirmatio propriè dicta?

R.

R. Per Argumenta, & per Argumentationes.

Quid est Argumentum?

R. Est probabile inventum ad faciendam fidem.

Quid est argumentatio?

R. Est argumenti fusior, & artificiosa dilatatio.

Quid differt inter Argumenta, & Argumentationes?

R. Hoc interest, quòd Argumentatio sit. modus, sive ratio, in qua argumentum tractatur Argumentum verò sit ipsa argumentationis materia. Unde argumenta ex se jejuna sunt, & imbecilla, nisi accedat artificiosa illorum explicatio.

Unde petuntur argumenta ad confirmandam idonea?

R. Petuntur à locis tum intrinsicis, tum extrinsecis, de quibus accuratè dictum est à nobis lib. 2.

Quo ordine collocanda sunt argumenta in Confirmatione?

R. Firmiora partim in principio collocanda sunt, quia tunc vel maxime attendit auditor: partim in fine, quia quæ postremo dicuntur, altiùs inhaerent: imbecilliora verò collocanda sunt in medio, ubi magis latebit eorum infirmitas: quemadmodum

modum imbecilliores milites, qui fugam, audita buccina, circumspiciunt, in medium agmen cogi solent, ut qui per se parum possunt, urbâ valeant. At si causa duobus tantum argumentis nitatur, quorum alterum validius sit, alterum infirmius, tunc imbecillius subijcietur quidem validiori. sed mox ad validius recurretur.

Quot sunt argumentationum species; seu quot modis tractari possunt argumenta;

R. Quatuor sunt præcipuæ species argumentationis *Syllogismus*, seu *ratiocinatio*, *Enthymema*, *Inductio*, & *Exemplum*; His adde *Soritem*, & *Epicherema*.

§. II. De Syllogismo.

Quid est Syllogismus?

R. Duplex distinguitur Syllogismus, seu ratiocinatio. Alius est Philosophicus, alius Oratorius. Syllogismus Philosophicus est argumentatio constans tribus propositionibus distinctis, & explicatis, quæ sic inter se connectuntur, ut concessis duabus primis, quarum altera *major*, altera *minor*, quia minus latè patet, appellatur; necessariò concedenda sit tertia, quæ *consequentia* dicitur: v. gr.

Omnis ars honesta est amplectenda:

Rhetorica est ars honesta:

Ergo Rhetorica est amplectenda.

Syl-

Syllogismus Oratorius est ratiocinatio constans quinque partibus, verò inter se ordine connexis; unde etiam vocatur, *Syllogismus perfectissimus*.

Quenam sunt partes Syllogismi Oratorii?

R. Quinque numerantur. 1. est. *Propositio*. 2. *Propositionis probatio*. 3. *Assumptio*. 4. *Propositionis probatio*. 5. *Conclusio*. Habes insigne quoddam Syllogismi Oratorii exemplum in libro 1. de Inventione, ubi luculenter demonstrat Cicero, Divinam providentiam mundum gubernari. Sed quod exiliter, & jejune dixisset Philosophus in hunc ferme modum: *Illud Divinam providentiam administratur, quod optime administratur, sed mundus optime administratur, igitur mundus divinam providentiam administratur*. Id ipsum Tullius oratorio more ita pertractat.

Melius accurantur, quæ consilio gerantur, quàm quæ sine consilio administrantur. Et hæc est Propositio.

Domus ea, quæ ratione regitur, omnibus instructior est rebus, & apparatus, quàm ea, quæ temere & nullò consilio administratur. Exercitus is, cui propositus est sapiens, & callidus Imperator, omnibus partibus commodius regitur, quàm is, qui stultitiâ, & temeritate alicujus administratur. Eadem navigii ratio est. Nam navis optime

cur-

cursum conficit ea, quæ scientissimo gubernatore
utitur, Et hæc est propositionis probatio.

Nihil autem omnium rerum melius, quàm
mundus administratur. Et hæc est assumptio.

Nam, & signorum ortus, & obitus, definitum
quemdam ordinem servant; & annuæ commuta-
tiones, non modo quadam ex necessitate semper
eodem modo sunt, verùm ad utilitates quoq;
rerum omnium sunt accommodatæ, & diurnæ,
nocturnæque vicissitudines, nulla in re unquam
mutatæ, quidquam nocuerunt: Et hæc est as-
sumptionis probatio.

Quæ signa sunt omnia, non mediocri quodam
consilio, naturam mundi administrari. Quæ est
Complexio: sive Conclusio.

Semperne constat quinque illis partibus Syllo-
gismus oratorius?

R. Nequaquam. Si enim perspicua sit
vel Propositio, vel Assumptio, tunc omit-
titur illius Probatio: & ita fit Syllogismus
quadripartitus. Quod si etiam perspicua
videatur utraque, tunc probatione nihil
opus erit; & ita tripartitus fiet Syllogismus.

Quid verò intererit inter Rhetorem, & Phi-
losophum, si uterque tripartitum Syllogismum ad-
hibeat?

R. Hoc intererit, primò, quod Philosophus
ea maxime quærat argumenta, quæ
§ possint

possint scientiam, aut certam opinionem efficere: Rhetori verò sufficiant, ut plurimum, probabilia. Alterum discrimen est, in argumenti tractandi ratione positum. Philosophus enim tres propositiones ordine collocat, quem ordinem, *formam* appellat: Rhetoris verò industria in eo posita est, ut propositiones, illas invertat, amplificet verbis, ornet, figuris illuminet, artem denique totam diligenter tegat. Hinc acutè admodum agebat Zeno Philosophus, *Logicam. seu dialecticam similem esse pugno; seu manui complicata; Rhetoricam verò palmam, seu manui explicata, atque exporrecta similem esse.*

Nunquamné logicus, & naturalis servatur ordo in Syllogismis oratoriis?

R. Servatur aliquando, non solum ab Oratoribus, verum etiam, quod mirum sane videatur, ab ipsis Poëtis, ut in illo Persii exemplo, Satyrâ 5. (vitam

An quisquam est (a) alius liber, nisi ducere Cui licet, ut voluit? Licet, ut volo, vivere, non sum

Liberior Brutô?

Qui profecto integer est Syllogismus, & ordinem eum planè servat, qui tradi solet à Logicis. Sic enim hoc locò dialecticum prorsus in morem, argumentatur Persius:

Nemo

(a) *Perfectus in Poëta Syllogismus.*

Nemo magis liber est, quam is, cui licet ducere vitam, ut vult:

Atqui mihi licet ducere vitam, ut volo:

Ergo liber sum, & ipso etiam Bruto liberior.

§. III. De Enthymemate.

Quid est Enthymema?

R. Est pars Syllogismi, seu Syllogismus imperfectus.

Quot partes habet Enthymema?

R. Duas: quarum prima vocatur à Logicis *Antecedens*, alia *Consequens*, v. gr. *Omnes artes sunt experenda, Ergo eloquentia est experenda.* Hinc est, quòd Enthymema jure optimo *curtum* vocatur à Juvenali Sat. 6. in mulieres;

Non habeat matrona, ibi quæjuncta recùbit,
(a) Dicendi genus, autcurū sermone rotato
Torqueat Enthymema, nec Historias sciat
omnes.

Vocatur, inquam, *curtum*, quòd sit argumentatio quasi mutila; & una propositione veluti truncata; quæ si addatur, fiet integer Syllogismus. *Quomodo fit Enthymema?*

R. Fit, omittendo vel propositionem, vel assumptionem, seu, ut Logici loquuntur, omittendo *majorem*, vel *minorem*; v. gr. *Clodius insidias struxit Miloni, ergo Clodius jure suis*
S2 occisus,

(a) Non loquatur ex arte, & secundum præcepta Rhetorica.

occisus; vel: *Quicumque alteri struit insidias, jure ab illo occidatur: ergo Clodius jure fuit occisus à Milone.*

Unde nomen suum traxit Enthymema?

R. A' po Tu enthymemata, quod est, mente concipere, cogitare, quòd scilicet tertia propositio, quæ verbis non effertur, mente retineatur.

Quòdnam est optimum Enthymematis genus?

R. Illud est, quod fit à contrariis, cujusmodi est apud Sallustium illud (a) Micipsæ ad (b) Jugurtham; *Quem alienum fidum invenies, si tui hostis fueris?* Erit etiam acutius, ac validius Enthymema, si fiat per interrogationem. Tale est illud Medæ apud Senecam.

Servare potui. Perdere num possim, rogas?

Cur Enthymemate magis gaudere vulgò dicitur Orator, quàm Syllogismò?

R. Tribus de causis. 1. Ut occultet artificium, quòd scilicet agnitum, causæ magis obest, quàm prodest. Hinc etiam cum utitur Syllogismò, partes ejus ferè transponit. 2. Nè videatur auditorum ingeniis diffidere; quasi necesse sit omnes Syllogismi partes sigillatim exprimi. 3. Quia Enthymema validius percellit adversarios, illosque

(a) Micipsa pater Jugurthæ, & Massinissæ filius (b) Jugurthæ Numidarum rex à Pompejo victus

losque punctim, ut ajunt, cæsimq; ferit. Unde, *jaculum, ac telum Oratoris* vocari solet. Vide, quomodo Tullius Enthymemate feriat Antonium: *Pacem vult Antonius? arma ponat; quasi si diceret: Non arma ponit Antonius, ergo non vult pacem.*

§. VI. De Inductione.

Quid est Inductio?

R. Est argumentatio, quâ ex multis singularibus enumeratis, aliquod concluditur. Ita Seneca variarum rerum enumeratione magnifica, concludit solam in homine virtutem esse laudandam. *Navis bona dicitur, non qua pretiosis coloribus picta est, nec cui argenteum, aut aureum rostrum est; sed qua stabilis est, firma, velox & consentiens vento. Gladium bonum dices, non cui de auratus est baltheus, nec cui vagina gemmis distinguitur; sed cui ad secandum, subtilis est acies. Regula non quàm formosa, sed quàm recta sit, quaritur. Ergo in homine quoq; nihil ad rem pertinet quantum aret, aut quàm multis salutetur, sed quàm bonus sit.*

Inductio non solum Oratoribus familiaris est, sed etiam Pœtis, & in primis Ovidio, qui illâ majorem in modum delectabatur. Unum hic eximium afferemus exemplum, quò infelix ille Pœta, dum exularet in Scythia; uxoris suæ dolorem

consolatur, Tristium lib. 4. probando per inductionem, asperas res gloriæ segetem, & materiam esse.

Materiamque tuis tristem virtutibus imple:

Ardua per præceps gloria vadit iter.

Hectora quis nosset, felix si Troja fuisset?

Publica virtutis per mala facta via est.

Ars tua (a) Tiphy, jacet, si non sit in æquore fluctus: (jacet.

Si valeant homines, (b) ars tua. Phœbe,

Sic etiam apud Virgilium, Æneas probat per inductionem, viventi sibi iter ad inferos nequaquam interclusum esse debere:

Si potuit manes, arcessere conjugis Orphæ,

Threiciâ fretus citharâ, fidibusq; canoris,

Si fratrem Pollux alterna morte redemit,

Itque, reditque viam toties, Quid Thesea, magnum

Quid memorem Alciden? & mi genus ab Jove summo.

Quid observandum est in Inductione?

§. Duo diligenter cavenda sunt. 1. Ut quæ sumuntur, certissima sint. 2. Ut id, cuius confirmandi causâ fit inductio, iis quæ sumuntur simile sit.

§. V.

(a) Tiphys Argonautarum navis in expeditione Colchica gubernator. (b) Apollo medicina inventor.

§. V. De Exemplo.

Quid est Exemplum?

R. Est inductio imperfecta, quâ ab uno simili argumentamur ad aliud, Cujusmodi exemplum habes in Miloniana, ubi probat Tullius, non esse condemnandum Milonem, quod Clodium occiderit, cum nec Horatius ob sororem necatam fuerit condemnatus. Sed vide, quomodo exemplum illud illustret Cicero: *Negant intruere lucem esse fas ei, qui à se hominem esse occisum fateatur. In qua tandem urbe hoc homines stultissimi disputant? Nempe in ea, quæ primum iudicium de capite vidit M. Horatii fortissimi viri, qui nondum libera civitate, tamen populi R. comitiis liberatus est, cum sua manu sororem esse interfectam fateretur.* Similiter apud Virgilium Æn. 1. Juno furore percita concludit ab exemplo, licere sibi omnino in Æneam, & Trojanos; quod Palladi licuit in Ajacem, & Argivos:

Pallasne exurere classem

Argivû, atq; ipsos potuit submergere ponto,
Unius obnoxam, & furias Ajacis Oilêi (a)

.....
Ast ego, quæ Divûm incedo regina, Jovisque
Et soror, & conjux, una cum gente tot annos
Bella gero.

§. VI.

(a) Ob violatam Cassandram in Palladis templo ab Ajace Oilêi filio. Alter erat Ajax filius Telamonis. Uterque fortis, & furens.

Quid est Dilemma?

R. Est argumentum constans duabûs partibûs contrariis, quæ utrinque adversarium capiunt. Unde etiam Sillogismus cornutus appellatur, quod nempe illius cornua sint ita disposita, ut qui unum effugerit, in alterum incurrat. Sic belle omnino probabis Dilemmate, quemvis dolorem æquô animô esse tolerandum: *Nam omnis dolor, aut est vehemens, aut levis: si levis, facile feretur; si vehemens, certè brevis futurus est.* Ita Cic. Philip. 5. probat hoc Dilemmate, non esse mittendos legatos ad Antonium. *Legatos decernitis: Si ut deprecentur, contemnet; si ut imperetis, non audier.*

Hoc eodem argumentandi modo, rectè damnatur Lucretia illa, quæ à Sexto Tarquinio vi oppressa, sibi mortem intulit.

(a) Si fuit ille tibi, Lucretia, gratus adulter;
Immerita ex merita præmia morte capis.
Sin potius casto, vis est allata pudori,
Quis furor est, hostis crimine velle mori?
Frustra igitur laudem captes, Lucretia; nãq;
Vel furiosa ruis, vel scelerata cadis.

Unde nomen suum traxit Dilemma.

R. Ab adverbio Græco *dis, bis*, & à voce

(a)

(a) Renatus Laurentius in Comm. Tertull.

(a) Lemma, sumptio, captio, quod nimirum utriusque capiat adversarium.

Qua ratione solvi potest Dilemma?

R. Duplici. I. Si universum Dilemma torqueas in ipsum auctorem: cujusmodi, exemplum affert Aristoteles lib. 2. Rhetoricorum: Sacerdos quædam maximopere dissuadebat filio, ne ad populum verba faceret; nam si injusta svaseris inquiebat, habebis Deos iratos: si vero iusta, iratos habebis homines. Hoc dilemma sic in matrem ipsam torfit ingeniosus adolescens: Immo inquit, expedit ad populum verba facere. Nam si iusta dixeris, Diæ me amabunt: si injusta, homines.

Ejusmodi fuit etiam celeberrimum illud Dilemma, unde se, expedire numquã potuerunt (b) Areopagitæ, qui licet mortalium sapientissimi vulgò haberentur, ortam tamen ex illo Dilemmate litem, prorsus injusticam reliquerunt. Cùm enim in Protagoræ Rhetoris disciplinam, se quidam adolescens tradidisset, grandemque pecuniæ summam, illi ex pactione fuisset pollicitus, ea lege, ut primam omnium, quam esset habiturus, litem obtineret; jam plenè, ac perfectè præceptis intimæ artis eruditus, mercedem

(a) A verbo Lambaio, capio. (b) Areopagitæ iudices austeri, & incorrupti, qui Athenis in templo Martis iudices erant causarum capitalium.

cedem omnino negat. Litem intentat illi magister: Et debes, inquit, omnino mercedem, quò res cumque vertant. Si enim vicerò, debes, ut condemnatus: si viceris, debes ex pacto. Immo, inquit, versipellis discipulus, quò res cumque vertant, nihil habebis. Si enim causam vicerò, ex iudicum sententia nihil debeo, si verò causà cado, iam tibi ex pactis debeo nihil.

2. Solvitur Dilemma, si alterutram illius partem infirmare possis, vel si ostendas, aliquid medium inter duas propositiones intercedere. Sic cum servus ab hero fortè percussus, illum hoc repentino Dilemmate petisset: Si sum improbus, cur me à uteris opera? si probus, cur, aut quorsum tandem me percutis? Hoc Dilemma, sic in servum acutè retorisit herus. Non te percutio, quia probus es; sed ex improbo fias aliquando probus.

§. VII. De Crocodillo, & de argumento insolubili.

HUc referri potest Crocodillus, de quo pauca sunt hoc loco delibanda.

Quid est Crocodillus?

R. Est argumentationis species captiosa, & fallax, quæ incautos, quibusdam quasi vinculis irretitos, inducit in fraudem. Vocatur autem Crocodillus, ob hanc, quam Pòète finxere, causam.

Crocodillus oranti mulierculæ, ut filium, dum

dum fortè juxta flumen ambularet, abruptum; sibi redderet, respondit redditurum; utique, si ad propositam quæstionem verum diceret. Hæc autem fuit quæstio: *Filium reddam tibi, nec nò?* Ad hæc mulier anxia, fraudemque suspicata, respondit; *Non reddes; & ob eam causam, reddi debere, quòd nempe verum dixisset.* Mentiris, inquit, vafer Crocodillus; si enim reddidero, verum non eris locuta. Reddere ergo non possum, quin falsa dixeris.

Huc etiam revocantur propositiones, quas vocant *mentientes*, sive *insolubiles*, quæ se omnino destruunt; ejusmodi est hæc *Cretensis* cujusdam Pòetæ: *Omnes ad unum Cretenses semper mentiuntur.* Ergo non mentitur certè quidem Pòeta Cretensis, dum illos; semper mentiri asseverat: Unde non sunt omnes semper mendaces.

§. VIII. De Sorite, & Epicheremate.

Quid est Sorites?

R. Est argumentatio, quæ ex multis propositionibus gradatim, minutatim, & velut acervatim congestis aliquid infertur. Unde *Syllogismus acervalis* vocatur à Tullio. Hoc acervali captiosoque argumentandi genere utebatur olim Themistocles, dum per risum, jocumque distabat; filium suum licèt nondum triennem toti tamen terrarum orbi imperare. Sic enim lepidè aiebat: *Meus*

filius

filius imperat matri, illa mihi, ego Athenienfibus, Athenienses Græcia, Græcia Europa, Europa toti orbi. Ergo filiulus meus imperat toti terrarum orbi.

In hoc disputandi genere frequentes erant (a) Stoici, & illorum princeps Zeno. Sed maximè omnium illo delectatus dicitur (b) Chrysippus, ut Socrates inductione, & Ironiâ. Sed hoc genus argumenti sæpè solet esse captiosum & fallax. Cum enim sensim & minutatim multa coacervantur, facile est injicere respondentem laqueos, & periculosam illi telam texere. Retexere igitur oportebit, & seorsim singula considerare, sicquæ facilius universa frangetur.

Cedo denique etymon illius vocis Sorites?

R. Habes germanissimum etymon in hac voce Græca: *sophos*, cumulus, acervus, unde, *soreitis*, *sorites*, argumentum acervale.

Quid est Epicberema?

R. Est Enthymema contractum, cujus duæ propositiones in unam conferuntur: ut, *Sinè causa dominum servus accuset?* In hac enim una propositione continentur hæ duæ: *Non debet servus temerè. & sinè causa dominum incusare,*

(a) Stoici Philosophi, qui summum bonum in virtute ponebant, sic dicti à *soas*. id est, porticus, in quam convenire solebant. (b) Chrysippus Stoicus Philosophus, Zenonis Auditor.

casare; ergo servus, & medicus regis Dejecari non debet illum temere apud Casarem incusare.

De his omnibus argumentationum generibus habes splendidam, atque uberem tractationem in Acroasibus Cl. Viri Jacobi Facciolati.

C A P U T III.

De Confutatione.

Quid est Confutatio?

R. Est pars orationis, in qua orationes contra nos pugnantes refellimus.

Quomodo fit confutatio?

R. Fit primò negatione mera, cum scilicet rem allatam ab adversario, falsam omnino esse dicimus; aut illam absurdam, incredibilem, repugnantem esse demonstramus. Ita Cic. pro Quinctio, rem negat apertè. *Negamus te bona Quinctii, Sexte Navi, possedisse edictò prætoris.* Sic etiam pro Roscio perspicuè demonstrat, parricidii crimen, cujus insimulatur Roscius, ab illius vita, moribusque profus alienum esse; què jocum, quia longior est, omitto.

2. Fit Confutatio, cum factum non negamus, sed excusamus, & jure factum fuisse contendimus. Sic Tullius pro Rabirio,

(a) Saturnini mortem, quæ illi objiciebatur, adeo non expavescit ut scelus, ut potius illius auctorem exoptet fuisse Rabirium: *Arguis occisum esse à C. Rabirio L. Saturninum, & id C. Rabirius multorum testimoniis, Q. Hortensio copiosissime defendente, antea falsum esse docuit. Ego autem, si mihi esset integrum, susciperem hoc crimen, agnoscerem, confiterer. Utinam hanc mihi facultatem causa concederet, ut possem hoc predicare, C. Rabirii manu L. Saturninum hostem populi. R. interfectum.*

3. Fit Confutatio, cum adversariis patri, vel etiam majori re objecta, vicissim laeessimus; ut periti duces solent, qui hostium vires distrahunt, & aliò avertunt. Talis est apud Virgilium disputatio pastorum, in qua sic prior incipit Dametas:

(b) Dic, quibus in terris, (& eris mihi magnus Apollo) (nas?)

Tres pateat cæli spatium, non amplius ul-
Mopsus impar respōdendo, nova quæstio-
ne conatur irretire Dametam (c) Dic

(a) Saturninus Tribunus plebis seditiosus, qui cum res novas moliretur, à servo occisus fuit in ipso Capitolio. (b) Vide Interpretes: quorū nonnulli hac ad Cæli cujusdā sepulchrū referūt. (c) Nūmi Augusti, in quorū aversa parte erāt flores, cū inscriptione L. Aquilio Flocō III. vir. Sunt qui de flore hyacinthi interpretantur cum vulgo.

Die quibus in terris inscripti nomina regū
Nascantur flores: & Phyllida solus habeto.

4. Confutatio fit per indignationem: at-
que contemptum; cū nempe generosi
quadam fiducia, quæ nobis obijciuntur, sper-
nere, ac dedignari videmur. Hujusmodi
singulare omnino, nobileque in primis ha-
bes exemplum in 37. Livii libro, ubi ma-
gnus ille Scipio Africanus, post tot res præ-
clarè gestas, invidorum, ut sit, calumniis
appetitus, & in jus ad causam dicendam
vocatus, *Silentio factò*, Hoc, inquit, die (a)
Tribuni plebis, vosque Quirites, cum Hanni-
bale, & Carthaginensibus, signis collatis in Afri-
ca, bene ac feliciter pugnavi. Itaque cum ho-
die litibus, & iurgiis supersederi æquum sit, ego
hinc extemplo in Capitolium, ad Jovem optimum
maximum, Junonemque, & Minervam, cete-
rosque Deos, qui Capitolio, atque Arce præsi-
dent, salutandos ibo; iisque gratias agam, quod
mihi, & hoc ipso die, & sæpè alias egregie res-
publica gerendæ mentem facultatemque dederunt.
Vestrum quoque, quibus commodam est, ite mecum
Quirites, & orate Deos, ut mei similes Princi-
pes habeatis.

Aliquando etiam valde utile erit In con-
futatione jocos, sales, & facetias, etiam in
rebus

(a) Tribuni plebis erant Magistratus, Populi
defensores, & custodes.

rebus seriis adhibere, quæ si nec in mimicam scurrilitatem degenerent, nec in atrocitius maledictum, nec in nimiam dicacitatem; mirum quantum causæ prosint, & animos auditorum exhilarent.

Postremus denique refutandi modus fit per compensationem; cum scilicet neque factum negamus, neque jure factum contendimus; sed alio quodam præclaro factò abundè compensari ostendimus. Sic Horatius, qui sororem interfecerat, judicìo populi R. fuit absolutus, *magis admiratione virtutis, quàm jure causæ*, inquit Livius.

C A P U T I V,

De Peroratione.

Quid est Peroratio?

R. Peroratio, sive Epilogus, est ultima orationis pars, in qua id, quod tota oratione expetebat Orator, majori vehementia evincere, & obtinere contendit. *Ita Quintilianus.*

Quot partibus constat Peroratio?

R. Duabus: Enumeratione, & Motu, seu Affectuum commotione.

§. I. De Enumeratione.

Quomodo fit enumeratio in Peroratione?

R. Fit, cum ea, quæ per totam orationem variè sparsa sunt, summatim colligimus,

mus, & sub uno veluti aspectu ponimus, per Anacephalæosim, seu recapitulationem, quæ est rerum fusè dictarum brevis, & artificiosa repetitio.

Cedo illustre aliquod exemplum Enumerationis per anacephalæosim?

R. Exemplo esse poterit Epilogus iste in Maniliana, qui tamen partis tantum est, non verò totius Orationis: *Quare videte, num dubitandum vobis sit, omni studio ad id bellum intumbere, in quo gloria nominis vestri, salus sociorum, vectigalia maxima, fortuna plurimorum civium cum republica defenduntur.* Et rursus in eadem Orat. *Quare, cum bellum ita necessarium sit, ut negligi non possit; ita magnum, ut accuratissime sit administrandum; & cum ei Imperatorem præficere possitis, in quo sit eximia belli scientia, singularis virtus, clarissima auctoritas, egregia fortuna: dubitabitis, Quirites, quin hoc tantum boni, quod à Deis immortalibus oblatum, & datum est, in rempublicam conservandam, atque amplificandam conferatis?*

Quid observandum est in Enumeratione, seu Anacephalæosi?

R. Duo maximopere sunt observanda:
1. Ut cursim, & raptim repetas ea duntaxat, in quibus causa potissimum consistit, & quæ maxime velis auditorum animis in-

T

hære.

hærerere. Si enim omnia minutatim repetas, non erit Peroratio, sed nova quedam oratio, inquit Fabius.

2. Quæ disperse, diffuseque dicta sunt, ita summatim enumerabis, ut ea cum novo aliquo pondere dicantur, figurisque illuminentur, & ornentur sententiis; ne scilicet videatur (a) *crambe repetita*, inquit Sartyricus, si nimis jejuna sit nudaque repetitio. Vide, quam sententiosa sit; quam referta rebus & verbis Anacephalæosis illa, quæ Ajax apud Ovidium suam contra Ulysses, & pro se orationem ita concludit.

Nec Clypeus valli (b) calatus imagine mundi

Conveniet timidæ, natæque ad furta finibus
Debilitaturum quid te petis, improbe munus?

Quod tibi si populi donaverit error A-
Cur spolieris, erit, non cur metuaris ab
holte.

Et fuga, quæ solâ cunctos, timidissime,
Tarda futura tibi est gestamina tanta tra-
henti,

Adde quòd iste tuus tam raro prælia
Integer est Clypeus; nostrò, qui tela fe-
rendo,

Mille

(a) *Spezie di cavolo.* (b) *Orbem terrarum in Achillis Clypeo fuisse calatum narrat Homerus.*

Mille patet plagis, novus est successor habendus. (agendo:

Denique quid verbis opus est? Spectemur Arma viri fortis in medios mittantur in hostes; (lati

Inde jubete peti, & referentem ornare re-

§. II. De Affectuum Commotione.

Altera Perorationis pars, munusque alterum, est affectuum concitatio: quod quidem ita proprium est illius, ut propterea Peroratio, *Sedes affectuum* à magistris artibus appelletur; quod nempe in eo potissimum loco, debeat orator omnia orationis vela pandere, omnes eloquentiæ fontes aperire, & auditorum animis quasi faces stimulosque subicere.

Quomodo concitari possunt affectus in Peroratione?

R. Concitantur per amplificationem, quæ est gravior quædam, ac vehementior affirmatio, ad permovendum valde idonea. Vide quæ supra fuse præcepimus de Amplificatione.

Quinam præcipue motus citandi sunt in Peroratione?

R. Varii, pro variis dicendi generibus. In Panegyrico, citandi sunt motus amoris, admirationis, æmulationis, lætitiæ. In vituperatione, excitandum est odium, contemp-

ptus. In deliberationibus, spem, confidentiam, timorem, commovebis. In iudiciis verò, omnia concurrunt, amor, odium, indignatio, misericordia.

In hac potissimum parte incredibilem quandam admirationem habuit eloquentia Ciceronis, qui dum peroraret, non intendebat modò iudices, & auditores; sed arde- re ipse quodammodo videbatur, ac præsertim quando concitanda erat erga reos commiseratio; ita, ut non raro, quemadmodum ipse de se loquitur, plangore, & lamentatione forum perorando compleverit. Quapropter si fortè aliquando plures Oratores pro eodem homine dicerent, Ciceroni Peroratio relinqui solebat, ut ipse ita testatur librò de Oratore: *Quid ego de miserationibus loquar? Quibus ed sum usus pluribus, quòd; etiamsi plures dicebamus, perorationem tamen, mihi omnes relinquebant, in qua ut videret excellere, non ingenio, sed dolore assequebar.*

Satis hoc indicat Peroratio Miloniana, ubi sic ait: *Sed finis sit, neque enim præ lacrymis jam loqui possum, & hic se lacrymis defendi vetat. . . .* Et in eadem oratione: *Me quidem, iudices, exanimant, & interimunt he voces Milonis, quas audio assidue, & quibus intersum quotidie.* Itemquè pro Rabirio

(a) Postumo: Sed jam, quoniam, ut spero, fidem, quam potui, tibi prestiti, Postume, reddam etiam lacrymas, quas debeo Jam indicat tot hominum fletus, quàm sis charus tuis, & me dolor debilitat, includitque vocem.

Eadem concitandæ commiserationis arte perfidus ille Sinon Æneid. 2. suam ad Priamum, & Trojanos veteratoriam orationem ita concludit:

Quod te per superos, & conscia numina veri,

(bus usquã

Per, si qua est, quæ restat adhuc, mortali-
Intemerata fides, oro: miserere laborum.

Tâtorũ, miserere animi non digna ferētis.

Vide etiam quàm plena sit affectuum, quamque, ut ita loquar, flexanima apud Ovidium Ulyssis peroratio, quã Achillis arma tandem impetravit, & Ajacem, doloris, ac repulsæ impatientem, ad mortem adegit.

At vos, o! proceres, vigili date præmia vestro,

(us egi,

Proquæ tot annorum curis, quos anxii-

Hunc titulum meritis pensandum reddite nostris,

(movi,

Jam labor in fine est, (b) obstantia fata re-

(a) Postumus sine aspiratione contra etymologiam, ita Aldus, & lapides antiqui. (b) Palladium, hoc est Palladis simulacrum, in arce Trojana capiendo.

Altaq; posse capi (a) faciēdo Pergama, cepi.
 Per spes nunc socias, casuraq; mœnia
 Troūm,

Perq; Deos, oro, quos hosti nuper ademi;
 Per, si quid superest, quod sit sapienter a-
 gendum.

Este mei memores; aut si mihi non datis
 arma. (nervæ)

Hūic date: & ostendit signum fatale Mi-
Quenam sunt precipua virtutes Perorationis?
 R. Duæ. 1. Ut sit vehemens ad permoven-
 dos animos. 2. Ut sit brevis; quia, ut ob-
 servat Tullius. *Lacrymæ citò arescunt, &*
animorum incendia, celeriter, restinguuntur.

Finis Libri Tertii.

A R-

(a) Dum feci, ut Troja capi posset, eam cen-
 sendus sum cepisse.



A R T I S
R H E T O R I C Æ
L I B E R Q U A R T U S .

DE DIVERSIS ORATIONUM
GENERIBUS.

TAmetsi quæ de Inventionè, Dispositi-
one, & Elocutione fufius disputata
sunt à nobis hætenus, ad quodlibet argu-
menti genus facile possint accõn. odari; ta-
men quò res sit expeditior, & cuilibet ma-
gis in promptu, de variis Orationum ge-
neribus particulatim tradenda nobis esse
præcepta judicavimus. Neque verò satis
censuimus, generatim, atque universè in-
dicare fontes, unde manat omnis oratio,
nisi etiam singula itinera, singulasque vias
indicare sigillatim aggredieremur.

Omnes itaque, quæ haberi possunt ora-
tiones, ad tria dicendi genera revocantur;
nempe ad demonstrativum, deliberativum,
& judiciale. Ad genus demonstrativum
pertinent. 1. Oratio Panegyrica; 2. Ora-
tio natalitia, seu Genethliacõn; 3. Epitha-
lamium, seu Oratio nuptialis; 4. Oratio fu-
nebris;

nebris: 5. Gratiarum actio; 6. Epinicium, & Oratio gratulatoria. Ad genus deliberativum revocantur svasio, dissvasio, hortatio, commendatio; de duobus hęc orationum generibus enucleatè videamus. nam Judiciale minus est nostrâ ætate usitatum.

C A P U T I.

De Orationibus, quæ pertinent ad genus demonstrativum.

§. I. De oratione Panegyrica.

Undenam nomen suum traxit Panegyricus? R. Panegyricæ orationes: propriè dicebantur illæ, quæ magno apparatu habebantur olim in panegyri (a) hoc est in publico solemnique Græcorum undique convolantium cætu, sive ad ludos faciendos, sive ad sacra, nundinasvè in aliquo emporio celebrandas. Harum porro orationum initium quò splendidius esset, sumi solebat à laude Numinis illius, quod Iudis præesse credebatur, ut Olympii Jovis in ludis Olympicis, Apollinis in certamine Pythico. Deinde sequebatur laus gentis, vel urbis, ubi ludi celebrabantur. Denique Principes, vel Magistratus, qui certamini præerant,

(a) Agyris, cætus, panegyris, cætus universalis.

rant; pugiles, qui decertaverant, ac præfertim victores, qui præmia tulerant, plenâ manu laudabantur.

Hæc erat ratio veterum illarum orationum, quæ habebantur in panegyri. Sed posterioribus temporibus non illæ solùm vocatæ sunt Panegyricæ; quæ solemnibus in ludis dicerentur; sed illæ etiam, quæ in nobili quopiam confessu, qualis est Senatus, in Principum laudem habebantur.

§. II. De inventionibus & fontibus Panegyrici.

Quam seriem servari solet in Panegyrico?
R. Duplex; artificialis nempe, & naturalis. Servatur series artificialis, cum indiscriminatim confuso temporis ordine, omnia ad certa quædam capita ex arte revocantur: v. gr. si quis veteris, seu majoris Catonis laudes ad tria hæc referat capita, quòd fuerit optimus Senator, optimus Orator, optimus Imperator. Simili ratione Tullius in Maniliana, Pompeii laudes refert ad scientiam rei militaris, ad virtutem, ad auctoritatem, & ad felicitatem. Sic etiam Q. Curtius Alexandrum M. laudat ex hoc duplici capite, virtute scilicet, & fortuna. *Fatendum est; inquit, cum plurimum virtuti debuerit, plus debuisse fortuna, quàm solus omnium mortalium in potestate habuit.* Hic porro artificia-

is ordo longè plus habet artis, & ingenii, quàm ordo naturalis.

Quenam est series naturalis?

R. Series naturalis ea dicitur, in qua històriae, ac temporis ordo servatur. Hac autem series dividitur in tria tempora; illud, quod vitam antecessit; illud, quò quis vixit; & si naturæ concesserit, illud, quod mortem est consecutum.

Hunc, persapè adhibuerunt Isocrates, & Tullius. Hunc ferme usurpavit Plinius in nobili illo Trajani Panegyrico. Nam illius laudationem orditur ab adoptione, temporis ordinem ferè servans, & ad tertium usque consulatum perducit: Utinam verò seriùs habita fuisset pulcherrima illa laudatio, ut reliquæ etiam optimi Imperatoris vitam haberemus! Cùm enim in tertio, ut diximus, Trajani Consulatu sistat Plinius, nihil prorsus in illo legas de (a) Decebalò victo, unde Dacici nomen retulit Trajanus, quod quarto Consulatu contigit; nihil de tot aliis rebus præclare ab eo gestis. Quæ verò Plinius refert, etiamsi non magnum belli ducem ostendant Trajanum, quia nondum ejus ductu bellum fuerat gestum; tamen signa sunt, ex quibus magnum olim belli ducem

(a) Decebalus, fortis, & industrius Dacorum rex, qui diu fuit Romanorum terror.

cem fore liquido conjici poterat. Verum qua parte nos destituit Plinius, alii Panegyristæ, sed aliis in Imperatoribus, exemplo esse poterunt: ut è Latinis Mamertinus, aliiquæ, qui cum eo pariter solent excudi. Nec planè aspernandus Ennodii (b) Ticinensis Episcopi Panegyricus, dictus Theodorico Gothorum regi.

E. Græcis adendum Julianus, orationibus duabus in laudem Constantii Imper. Juva- bunt quoque plurimum Latinorum Poëtarum Panegyricis; ut ille Tibulli ad Messal- lam librò 4. item seu Ovidii, seu Lucani ad Calpurnium Pisónem, Quibus adde Pa- negyricos Claudiani, Sinodii, & aliorum.

Hinc Naturalis ordo, pertacilis est, sed vulgaris, ac plerumque languidus, nisi ver- borum sententiarumque floribus aspergatur & acutiùs excitetur sententiis: uti factum à Plinio in suo illo eximio Panegyrico, in quem, tamquam in eximium exemplar, in- tueri poterimus.

S. III. De tempore, quod ortum antecessit.

Quid laudare poterit, Orator, in illo primo tē- pore?

R. Tria, nempe genus, patriam, & au- guria, si qua fortè pueri natalem horā præ- cesserint.

Quo

(b) di Pav.

Quomodo laudari quis poterit à genere?

R. Si genus sit illustre, laudabis à splendore natalium, majorumque rebus gestis, quæ sunt quædam virtutis quasi semina, in nobilium animis insita. Dices, majorum virtutem in eum, quem laudas, cum sanguine pariter fuisse transmissam, juxta decantatum illud Horatii verbum: *Fortes creantur fortibus*. Dices, filios impressis majorum vestigiis insistere solere. Hinc illud Claudiani.

..... Nobilitas cunctis exordia pandit
Laudibus, atque omnes redeunt in semina causa.

Hinc Mæro magnificè laudat Camertentem
Æn. 12.

Cui genus à proavis ingens, clarumque
paternæ. (armis.

Nomen erat virtutis, & ipse acerrimus

*Quid factò est opus, si is, qui laudatur, obscure
genere natus sit?*

R. Locum habere poterit illud Minutii Felicis in Octavio. *Omnes pari sorte nascimur, sola virtute distinguimur. Vel illud Velleji Patereculi: Optimus quisque, nobilissimus. Dices quoque cum Seneca; Non facit nobilem atrium plenum fumosis imaginibus. Nemo in nostram gloriam vixit; nec quod ante nos fuerit nostrum est. Animus facit nobilem, cui ex-*

qua-

quacumque conditione, supra conditionem licet
surgere. Usurpabis tritum illud alterius Se-
necæ. Qui genu laudat suum, aliena laudat.
Nihil etiam magis pervulgatum, quam ef-
fatum illud Ulyssis, in certamine cum Aja-
ce: (a)

Et genus, & proavos, & quæ non feci-
mus ipsi,

Wix ea nostra voco.

Cui planè simillimum est, quod ait Ju-
venalis, Sat. 8. (do tu sis

Malo, pater tibi sit (b) Therstes, dummo-
(c) Æacidæ similis, Vulcaniaque arma
capessas; (chilles,

Quàm te Therstæ similem producat A-
Majorum primus quisquis fuit ille tuo-
rum,

Aût pastor fuit, aût illud, quod dicere
nolo,

Denique nè generis humilitas quidquam
de laudibus deferat, erunt in promptu
communia hæc exempla. 1. Augustum pa-
tre avoquæ argentariò natum esse, ut non-
nulli voluere: proavum verò fuisse liber-
tinum

(a) Metam. 13. (b) Therstes, omnium, qui
ad obsidionem Troje navigaverant, animò, &
corpore deformissimus. (c) Achillis, qui fuit Æaci
nepos, & qui armis à Vulcano fabricatis mira
edidit facinora.

tinum: avum autem maternum fuisse pi-
storem Aricia, quod illi non semel repro-
bravit Antonius, teste Syetonio. 2. Agatho-
clem Siciliae regem patre figulo natum teste
Justino. 3. Ptolemaum primum Aegypti
regem, à quo successores omnes dicti sunt,
Ptolemai, e gregario milite, nomine Lugo
fuisse prognatum.

4. Magnum illum Arsacem, primum Par-
thorum regem, unde nem *Arsacidae* dicti
sunt, obscuris omnino natalibus ortum fu-
isse.

5. Demosthenis patrem, gladiatorum fa-
brum fuisse. (10.)

Quò alludit Juvenalis, cum ait Satyrâ
Dis ille (a) adversis genitus, fatòque si-
nistrò,

Quâ pater ardentis massæ fuligine lipp9
A carbone, & forcipibus, gladiosq; pa-
rante

(missis)
Incude, & (b) luteo Vulcano ad rethora
Erit etiam in promptu magnifica illa Tul-
lii vox, cum contemptim *novus Arpinas* ap-
pellaretur. Ego, inquit, *meis majoribus vir-
tute mea præluxi*. Denique poterit usurpari
quoque ingeniosum illud dictum Iphicra-
tis,

(a) Demosthenes, qui sibi venenò mortem in-
ferre coactus est, ne in hostium manus incideret.

(b) A lutosa, & fuliginosa fabri officina.

tis, qui ex tutoris filio, ob summam rei militaris peritiam, factus Atheniensium exercitus Imperator, invidè cuidam generis ignobilitatem exprobranti false respondit: *Meum genus à me incipit: tuum in te desinit. Meorum primus ego sum; tu tuorum ultimus.*

Quomodo ducitur laus à patria?

R. Si ea illustris fuerit, virisque insignibus nobilitata, hoc ipsum in laude poni solet. Hunc laudationis fontem non ignoravit Virgilius, cum ait de Didone:

Multa (a) viri virtus animò, multusque recurvat, Gentis honos.

Quid factò est opus, si patria sit ignobilis, & obscura, vel etiam infamis?

R. 1. Usurpabis memorabile illud Anacharsis verbum, qui cum natus esset, in Scythia, & à Græco, nescio, quo, *Barbarus à Scytha* contemptim appellaretur, perquam ingeniosè respondit. *Mihi quidem patria probro est; tu verò patria.*

2. Dices cum Juvenale, tametsi adeo per vulgata esset Abderitarum stupiditas, ut etiam in communi proverbio versaretur; unde Martialis: *Abderisana pectora plebis habet*: tamen Abderitam fuisse Democritum, Physicum illum subtilissimum, naturæque venatorem acerrimum:

.... Cu-

(a) *Ænea.*

Cujus prudentia monstrat,
 Sūmos posse viros, & magna exēpla duros,
 Vervecū in patria, crassoque sub aere nati:

3. Juvabit enim illud Claudiani, de laudibus Stiliconis: (a)

Lectos ex omnibus oris

Evehis, & meritum, nunquam cunabu-
 la quæris,

Et qualis; non unde fatus

4. Faciet quoque mirum in modum illa
 Ausonii sententia de Severo Imperatore, qui
 natus erat in Africa.

Punica origo illi; sed qui virtute probaret

Non obitare locū, dum valet ingenium:

*Quomodo laudari quis poterit ab auguriis, &
 signis, quæ illius orcum antecesserunt?*

R. Si quid fortè singulare contigerit,
 quō pueri futura claritas, & amplitudo
 quomodocumque portendi videatur, id so-
 lenter in laude ponendum erit. Hujusmodi
 est fax illa, quam Hecūba prægnans uterō
 gestare se somniavit. Ejusmodi est etiam
 vitis illa, quam in somnio vidit Astyages,
 quæ palmitibūs Asiam obumbraret; unde
 Cyri magnitudinem prælagiri ab ariolis re-
 sponsum est. Id genus est etiam illud exa-
 men apum, quod in nascentis vel vagien-
 tis Ambrosii labris consedissee dicitur. His

adde

adde, quod de mirabili S. Joannis Baptistæ ortu narrant Sacræ Paginæ. Nec omit-
tenda est orbicularis illa flamma, quæ na-
scente Joanne Pico Mirandulano, qui po-
stea eruditionis quoddam portentum fuit,
supra caput matris parientis visa est, &
mox evanuit.

§. IV. De iis, quæ in vita ipsa
laudari possunt.

Quanam in hominis vita laudem præcipuam
merentur?

R. Tria hæc in primis, virtutes, scientiæ,
& artes.

Quanam virtutes sunt vel maximè celebranda?

R. Primum, ut par est, locum obtinet re-
ligio, pietasque in Deum, in Parentes, &
Patriam. Ex hoc capite suam ipsius com-
mendationem exorditur Æneas, i. Æn.

Sum pius Æneas, raptos qui ex hoste Pe-
nates.

Classe veho mecum.

Secundum locum sibi jure vendicant cle-
mentia, moderatio, atque justitia. Ex pri-
mo capite Cæsarem mirificè commendat
Tullius pro Marcello: *Animum vincere, ira-
cundiam cohibere, victoriam temperare, adversa-
rium nobilitate, ingenio, virtute, præstantem, non
modo extollere jacentem, sed etiam amplificare
ejus pristinam dignitatem; hæc qui faciat, non*

eum summis viris comparo, sed simillimum Deo judico. De hac eadem clementia sic Antonius Imperator ad Faustinam conjugem: Non enim quidquam est, quod Imperatorem Romanum melius commendet gentibus, quam clementia. Hac Casarem Deum fecit: Hac consecravit Augustum.

5. Laudabitur liberalitas, atque beneficentia, quâ nimirum unâ reges, ac principes propius ad Deum possunt accedere. Commendabitur aurea illa Scytharum legati ad Alexandrum vox. (a) Si Deus es, tribuere hominibus beneficia debes, non sua eripere. Celebrari quoq; poterit facilitas, ac liberalitas Imperatoris Titi, qui nihil cuiquam, quod concedi fas esset, abnucebat; negans, inquit Svetonius, oportere quemquam à Principe tristem discedere. Cùm verò aliquando, inter cœnandum, diem illum beneficiô vacuum abiisse meminisset, conversus ad amicos, amici, inquit, diem perdidisti. Adeo scilicet Principibus vitam, ad bene merendum de mortalibus, datam existimabat proinde quæ summis æquè, ac infimis charus adeo fuit, ut humani generis delicia merito diceretur.

Usurpari etiam poterit aurea illa Virgilii sententia, Æneid 6. sepositum quemdam Ely-

(a) Q. Curtius lib. 7.

Elysios esse locum iis omnibus, qui erga alios fuere benefici:

Quique sui memores alios fecere merendo.

Denique celebrabitur fortitudo in ad-
eundis periculis, & in laboribus sufferendis;
magnitudo animi excelsi, & invicti nihil
extimescentis; constantia, fidesque in pro-
missis; prudentia, celeritas in exequendis;
in adversis verò æquanimitas, & robur mē-
tis semper imperterrita.

*Quomodo laudari quis potest à scientia, & ar-
tibus?*

R. Ex duplici capite. 1. Si liberalium ar-
tium disciplinæ sit instructus is, qui lauda-
tur. 2. Si saltèm literis, & artibus faveat, &
patrocinetur. Ex hoc posteriori capite Im-
peratorem Trajanum magnificè celebrat
Juvénalis Satyrâ 7.

Et Spes, & ratio studiorum in Cæsare
tantum.

Solus enim tristes hac tēpestate Camœnas
Respexit.

§. V. De corporis, & fortunæ laudibus.

Quenam res laudantur in corpore?

R. Lauderetur in corpore pulchritudo,
robur, & sanitas, & his similia. Qui hæc
habuerit, laudabitur, quòd bene sit illis u-
sus. Qui non habuerit, quòd sapienter ca-
ruerit:

tuerit: Qui amiserit, tulerit moderatè.

Cur caduca hæc, & plerumque etiam noxia corporis bona laudantur in homine?

R. Laudantur. 1. Quia, licèt in se veram laudem non habeant, quæ debetur uni virtuti: tamen virtus in eorum usu, atque moderatione vel maximè cernitur. 2. Quia formæ dignitas est optimæ mentis indicium, & simulacrum quoddam, ac flos quoddammodò virtutis. Unde non in scitè dictum est ab Eumenio in Panegyrico Constantini M. *Naturam ipsam magnis mentibus domicilia magna metiri, & ex vultu hominis, decoreque membrorum colligi posse, quantus celestis spiritus intravit habitator.*

3. Quia corporis decor est muta quædam commendatio, & utè eleganter agebat Carneades, *Regnum absque satellitio.*

Gratior, & pulchro veniens in corpore virtus,

Adjuvat.

inquit Maro. Hinc est, quòd olim populi bene multi, & in primis Æthiopes, Indi-que, in dandis Imperiis, proceritatem, ac pulchritudinem spectare solebant, ut narrat Aristoteles, graviterque mulctatus fuit olim è Lacedæmoniis Archidamus rex, quòd exiguam duxisset uxore. Querebantur enim *non reges, sed regulos ex hoc conjugio procreatum*

atum iri. 4. Quia pulchritudo est veritatis non solum indicium, sed etiam adjumentum. 5. Denique, cum vel in ipsis sacris litteris prædicetur David ut *pulcher aspectu, & facie decorus*: quid sanè mirum, si à Cornelio Nepote laudetur Alcibiades, ut *ætatis sua formosissimus*? Si ex hoc eodem capite commendetur à Plutarcho Scipio Africanus, & si de Theodosio M. dixerit Pacatus: *Virtus tua meruit Imperium: sed virtuti addidit forma suffragium. Illa præstitit, ut oporteret te Principem fieri: hæc, ut deceret.*

Quod si subturpiculus fortè fuerit vel deformis is, qui laudatur, tunc sanè corporis vitium egregiis animi dōtibūs solerter compensabis.

Confugies ad illud Ovidianum.

(a) Si mihi difficilis formā natura negavit;
Ingeniō formæ damna rependo meæ,

Dices deformem fuisse Socratem, cæcum Homerū; Cochitem; seu alterō oculō captum Philippum Alexandri magni patrē, itemque Hannibalem. Unde Juvenalis:

(b) Cūm Getula Ducem portaret bel-
lua luscum.

Fluxam, & caducam formæ fragilitatem,
quæ propediem deflorescit, verbis exaggerari,

V 3

rabi,

(a) Sapho ad Phaonem, (b) Elephas e Getulia Libyæ parte.

rabis, unde Socrates ingeniosè aiebat, illam esse *brevem tyrannidem*. Neque fragilem modo tices, sed etiam rem plerumque perniciosam, præcipitem, lubricam, & periculosa alex plenam docebis. Unde festivè Petrarca vocat illam *velum oculis, pedibus laqueum, viscum alis*. Postremò addere poteris cum Petronio: *Raram facit mixturam cum sapientia forma; & cum Ovidio, primò fastorum,*

Fastus inest pulchris, sequiturque superbia formam: (comitem.

Cum Martiali, lasciviam esse perispe illius Insignis formâ, nequitiâque puer.

Cum vanissimo illo milite apud Plautum: *Nimia est miseria pulchrum esse hominem nimis,* Sed in primis dices cum Juvenali Sat. 10.

Sed vetat optari faciem, Lucretia qualem: Ipsa habuit; cuperet Rutilæ (a) Virginia gibbum, (autem,

Accipere, atque suam Rutilæ dare. Filius Corporis egregii, miseros, trepidosque parentes: (formæ

Semper habet: rara est adeò concordia, Atque pudicitæ.

Quenam sunt Fortuna bona?

R. Honores, & divitiæ.

Quo-

(a) Virginia virgo formosissima, nè in potestatem veniret Appii Claudi Decemviri, à patre suâ interempta.

Quomodo commendari quis poterit ab honoribus?

R. Bifariam, si nempe illos promeritus fuerit, beneque illis fuerit usus. Hinc acutè omnino suum Trajanum laudat Plinius, quòd meruerit honores, antequam fuisset illos adeptus: *Soli, inquit, contigit tibi, ut pater patriæ esses, antequam fieres.* 2. Si & meruerit simul, & spreverit, quemadmodum magnanimus ille Frontinus, quem Rufe ita comparat Plinius in Epistolis: *Uterque, inquit, ad gloriàm pari cupiditate, diverso itinere contendat. Alter (Rufus) cum expetit debitos titulos: alter (Frontinus) cum mavult videri contempisse.*

Quomodo commendari quis potest à divitiis?

R. 1. Si possideat, non possideatur. 2. si sint honestis laboribus partæ. 3. Si iis utatur non ad perfruendas voluptates, sed vel ad usus, vitæ honestos, vel ad juvandos amicos, vel ad egenorum inopiam sublevandam, ut Trajanus; de quo ita Plinius: *Nihil magis tuum credis, quàm quod per amicos habes: Non verò, quemadmodum aut luxuriosi, perditique nepotes, aut avari.*

Aut qui divitiis soli incubuere reperitis, Nec partem posuere suis: quæ maxima turba est, (a)

Quòd

(a) *Æn.* 6.

Quòd si fortunæ bonis caruerit is, quem laudas, confugies ad tritos illos, communesque locos, blandientis fortunæ munera potius esse in malis, quàm in bonis numeranda; caduca semper hæc esse, non virtutis, & ingenii, sed incertæ sortis, & temporum muneræ: infelicitatis genus esse, semper esse felicem. Usurpabis aureum illud verbum: *Nescio, quomoda bona mentis soror est paupertas;* (a) Amplificabis Horatianum illud: *Aurum irrepertum, & sic melius situm, cum terra celat.* Dices denique cum Juvenali.

Si fortuna volet, fies de Rhetore Consul.
Si volet hæc eadem, fies de Consule Rhetor.

§. VI. De tempore illo, quod mortem subsequitur.

Superest nunc tempus ultimum, cujus in primis habenda est ratio. Ut enim docet D. Ambrosius: *Ante mortem nulla est perfecta laudatio; neque quisquam in hac vita potest definitò præconiò predicari, cum posteriora ejus incerta sint.*

Quanam res in ultimo tempore laudari possunt?

R. Duæ. 1. Quæ in ipsa morte; 2. Quæ sub ipsum mortis tempus contingere.

Quid in ipsa morte considerare potissimum debet Orator?

R. Duo,

(a) Petron.

R. Duo: genus nimirum, & causam mortis; Genus, si quis piè, ac fortiter obierit, ut sapientem, ac probum decet: Causa verò laudabitur, si nempe vel pro patria pugnans occubuerit; *Dulce enim, ac decorum est pro patria mori,* inquit Horatius; vel pro tuenda religione mortem occubuerit, ut Christi Martyres sanctissimi: vel denique si honestis animi, corporisvè laboribùs, & curis sibi ipse mortem acceleraverit.

Quanam post mortem consideranda sunt?

R. Tria hæc spectari solent. 1. Pompa funebris, & honores habiti mortuo; ut quòd Aristoteli statua fuerit erecta cum inscriptione hujusmodi: *Aristoteles Philosophorum optimus;* vel quòd uni Demetrio Phalereo statuae trecetæ, & sexaginta fuerint Athenis positæ, vel quòd Gorgia Leontino, non aurata, ut cæteris, sed aurea statua fuerit erecta. 2. Spectatur bonorum mæror, & luctus. Quò refer illa Mopsi apud Maronem Eccl. 5.

Non ulli pastus illis egere diebus
Frigida, Daphni, boves ad flumina; nulla
neque amnem

Libavit quadrupes, nec graminis attigit
herbam.

Daphni, tum Pœnos etiam ingemuisse le-
ones

Interitum, montesque feri, (a) silvæque loquuntur.

Sed nihil in hoc genere comparandum cum incredibile, insolitòque omnium ordinum luctu, & acerbissima militum comploratione post Alexandri mortem; quod eloquentissimè ita describit Curtius lib. 10. *Suprema hac vox regis fuit, & paulò post extinguitur. Ac primò ploratu, lamentisque, & plangentibus tota regia personabat; mox velut in vasta solitudine omnia tristi silentiò muta torpebant: ad cogitationes quid deinde futurum esset, dolore còverso. Nobiles pueri, custodia corporis ejus affveti, nec doloris magnitudinem capere, nec se ipsos intra vestibulum regie retinere potuerunt; vagique, ac furentibus similes totam urbem luctu, ac merore compleverant, nullis questibus omissis, quos in tali casu dolor suggerit. . . . Nec poterat victi à victoribus in communi dolore discerni. Persa justissimum, ac mitissimum dominum, Macedones optimum, ac fortissimum regem invocantes, certamen quoddam meroris edebant. Nec mæstorum solum, sed etiam indignantium voces exaudiebantur; tam viridem & in flore ætatis (b) fortunæque, invidiâ. Deorum ereptum esse rebus humanis. Vigor ejus, & vultus educantis in prælium milites, obsidentis urbes, evadentis in mu-*
ros;

(a) Silva cum I. non cum Y. ita veteres omnes lapides, & libri. (b) Anno ætatis 33.

tos; fortes viros pro concione donantis, occurrebant oculis.

Persæ, comis more suo detonsis, in lugubri veste cum conjugibus, ac liberis, non ut victorem, & modò hostem, sed ut gentis suæ justissimum regem, verò desiderio lugebant. . . . Ad Darii quoque (a) matrem celeriter fama perlata est. Abscissa ergo veste, quæ induta erat, lugubrem sumpsit; lacerasque crinibus, humi corpus abiecit. . . . ad ultimum dolori succumbit, obvolutoque capite, accidentes genibus suis neptem, nepotemque aversata, cibò pariter abstinuit, & luce; quinto, postquam mori statuerat, die extincta.

3. Denique spectantur filii superstites, relictæ, unde levare mortis mœror, damnumque aliquo pacto sarciri possit. Ità D. Ambrosius in funere b) Theodosii magni, Ergo, inquit, tantus Imperator, à nobis; sed non totus recessit. Reliquit enim liberos; in quibus eum debemus agnoscere, & in quibus eum cernimus, & tenemus. Intelligit autem Honorium, & Arcadium, qui patri in Imperio successere.

§. VII. Animadversiones quædam circa personarum laudationem.

Quenam observanda, sunt, in personarum laudatione?

R. Tria hæc. i. Nè ad ementitas, fictitiasque laudes recurramus, quæ scilicet non splen-

(a) Sisygam bim. (b) Obiit an: Christi 395.

splendorem afferunt orationi, sed in veris etiam fidem omnino derogare solent; ut olim contigit imprudentibus hinc Poëtis: qui versibus celebrare veritatem non sunt hyacinthinas (a) Stratonices comas, quam non deformem modò, sed calvam prorsus esse nemo non sciebat. Hoc etiam illustrare poteris exemplo Lipsii, qui Alexandrum sapienter effinxit hastam manu tenentem. Appellem reprehendens, quòd eundem fulminantem depinxisset, & ita spoliasset veris, ac propriis insignibus, ut ornaret falsis, quæ nullam apud posteros fidem essent habitura.

2. Cavendum est, nè, in meliorum copia, res confectemur viles, & facta leviora. Ut enim scitè agebat (b) Phavorinus, turpius est exiguè, frigidequè laudari, quàm graviter vituperari. In magnis tamen viris aliquando etiam res minuscule commendare operæ pretium est. Fecit hoc olim Damis in Apollonio suo Tyanxo: eoque nomine reprehensus; argutè respondit: *De mensis Deorum* (c) *analecta quoque colligi sedulo debere,*
nè de

(a) Stratonice Seleuci Syria regis uxor. (b) Phavorinus insignis Philosophus, Arelate in Gallia natus tempore Hadriani, cui fuit, infensissimus. (c) *Analecta*, Cœnarum quisquilia sub mensam cadentes.

nè de illorum ambrosia, quidquam depereat.

3. Denique erit hoc observandum diligenter, ut non communes, ac pervagatas, sed proprias cujusque vel saltem cum paucis communes laudes præcipuè consecremur. Quapropter planè, ac perspecta perfectè tibi esse debent, quæ propria sunt illius, de quo agitur.

De personarum laudatione satis superquè dictum à nobis hætenus. Unde intelligi facile potest, quomodo debeat institui vituperatio, quippe ubi omnia prorsus debent inverti.

J. VIII. De oratione natalitia, seu Genethliaca.

*Q*uid est oratio Genethliaca?

R. Oratio Genethliaca, quæ etiam Genethliacum, vel Genethliacus appellatur, est oratio, quæ alicujus dies natalis celebratur.

Quas partes, seu capita continet oratio Genethliaca?

R. Quatuor, 1. Continet laudes parentum, atque majorum, quæ jure quodam hæreditario pertinere videntur ad prolem. 2. Spem, quam præbet puer vitæ aliquando cum laude peragendæ. 3. Lætitiâ, & gratulationem de prole feliciter parentibus nata. 4. Vota, & preces ad Deum O.M. ut in-

fanti

fanti faustè, feliciter, prosperèquè eveniant omnia, utquè in patriæ decus, & ornamentum adolescat. Hujusmodi vota pro Domitiani filio, licèt nondum nato, facit Martialis l. 6.

(10,
Nascere Dardanio promissum nomen Ju-
Vera Deum soboles, nascere magne puer,
Cui pater æternas, post sæcula, tradat ha-
benas,

Quippe regas orbem cum seniore senex.
Undenam excitari poterit spes illa, atque expectatio de futura prolis virtute, ac gloria?

R. Ex variis circumstantiis; 1. ex genere; 2. ex facie; 3. ex futura educatione; 4. ex signis, ex portentis, ex victoriis, prosperisque aliis eventis; si qua fortè id genus pueri ortum vel antecesserint, vel comitata fuerint, aut subsequuta, qualia de Augusto narrantur, itemque de Pyrrho rege, qui maternis uberibus appensis dixit: *Lionai, volo,* quæ vox transit in omen futuræ audaciæ. Si quis parentum enixè efflagitantium precibus, ac votis concessus à Deo fuerit, habebis uberem benè augurandi campum, ut de Scipione memorat A. Gellius, & ut Ludovico Magno contigisse vidit ætas nostra.

Quanam est dispositio Genethliaci?

R. Exordium erit lætitiæ, & gratulationis plenum, & ductum ab aliqua temporis, loci, vel personæ circumstantia. Ita Maro

eximi-

eximium illud (a Salonini seu alterius Genethliacum, exorditur ab apostrophe, quæ gestientem quandam lætitiã exprimit.

Sicelides Musæ, paulò majora canamus.

Confirmatio continebit parentum laudes, & varias causas, quæ læta omnia de infante sperare jubeant. Vide, quàm magnificè locum hunc tractet Virgilius, quantaquæ non vereatur augurari de puero, ex patris virtute notissima.

Ille Deum vitam accipiet, Divisque videbit

Permistos heroas; & ipse videbitur illis:
Pacatumque reget patriis virtutibus orbem.

(tis,
At simul heroum laudes, & facta paren-
Jam legere, & quæ sit, poteris cognoscere, virtus;

Molli paulatim flavescet campus arista.

Peroratio denique vota, precesquæ pro fih, & parentum incolumitate continebit.

Ita Statius Sylvarum librò 4.

Magnus te manet ordo sæculorum,
Natis longior, abnepotibusquæ,
Annos perpetuâ geres juventâ,

Quos

(a) Saloninus sic vocatus, quod natus fuerit, quò annò pater Asinius Pollio Salonam Dalmatice civitatem expugnavit.

Quos fertur placidos obisse Nestor,
 Quos (a) Tithonia computat senectus.
 Et quantos ego Delium poposci.

Quid est oratio Lustrica?

R. Ea est, quæ à veteribus nonnullis habebatur; quando infanti nomen imponebatur. Vocabatur autem *Lustrica oratio*, quòd dies ille *Lustricus*, seu *lustralis* vulgò diceretur. Verùm quoniam illud orationis genus penitus apud nos videtur obsolevisse, in illo tractando operam, & oleum perdemus.

§. IX. De oratione nuptiali sive Epithalamio.

Quid est Epithalamium, seu oratio nuptialis?

R. Epithalamium, ut vox ipsa satis indicat, est oratio, quâ alicujus nuptiæ celebrantur. Sic autem appellatur à voce Græca *Thalamos*, quæ *cubiculum nuptiale* significat.

Quot sunt partes Epithalamii?

R. Quatuor. 1. Dicitur generatim, & universè de nuptiarum laudibus, & de bonis matrimonii, quòd scilicet hominum societas primùm cœpit, urbes conditæ sunt, genus humanum propagatur, vitæ levantur

(a) Tithonus Laomedontis filius, Memnonis Pater: post longissimam vitam, ab Aurora conjuge reversus in cicadam.

tur incommoda, & mutua charitas, atque benevolentia cognationibus, & affinitatibus serpit, atque diffunditur.

2. Pars, quæ præcipuam quamdam curâ, diligentiamque desiderat, continet laudes utriusque conjugis. Ducuntur autem laudes illæ à Parentibus, à Patria, ab honoribus, fortunisque, à corporis, animique dotibus, & à cæteris illis capitibus, unde laudari homines solent, de quibus fusè diximus supra. Ita (a) Mariam Imperatoris Honorii novâ conjugem laudibus in Cælum tollit Claudianus Epithal,

Salve sidereæ proles augusta (b) Serenæ,
Magnorum soboles regum, parituraq; re-
ges.

Quæ propior sceptris facies, quis dignior
aulâ

Vultus erit? Non labra rosæ, non colla
pruinæ,

Non orines æquant violæ, non lumina
flammæ.

Aurore vincis digitos, humerosq; Dianæ.

Tertiô locô laudatur nuptiarum appa-
ratus, atque celebritas, popularium; & affi-
nium prædicatur lætitia, & aliqua etiam
X laude

(a) Maria Stiliconis filia nupsit Imperatorê Honorio. (b) Serena filia fratris Theodosii magni. uxor Stiliconis.

laude solent aspergi, qui ad nuptias convenere. 4. Denique præcipuis, & faustis omnibus clauditur oratio, & vota Deo Superisque pro felici liberorum ortu, mutuaque conjugum concordia nuncupantur. Ita Statius in Epithal. Stellæ & Violantillæ:

Eja age, præclaros Latio properate nepotes,

Qui leges, qui castra legant, qui carmina ludant.

Acceleret partu decimum bona (a) Cynthia mensem;

Sed parcat Lucina, precor, tuque ipse Parenti

Parce puer; nè mollem uterum, nè stantia lædas

Pectora: cumque tuos tacito natura recessu

Formavit vultus, multum de matre decoris, Plus de patre feras.

Pro mutua conjugum concordia sic vota nuncupat Martialis in Epith. Prudentis, & Claudie l. 4.

Diligat illa senem quondam: sed & ipsa marito

Tunc quoque cum fuerit, non videatur anus.

§. X.

(a) Cynthia nomen Diana à Cyntho monte à Delo insula, ubi nata est.

§. X. De laudatione Funebri.

Q *Uid est oratio Funebri?*

R. Ea est, quæ habetur vel in ipso funere, vel in anniversario funeris die, cujusmodi erant orationes illæ, quas ad Mausoli sepulchrum quotannis haberi iussit Artemisia; itemque quæ Athenis habebantur in laudem eorum, qui in bello pro patria cecidissent, qualis est oratio Periclis apud Thucydidem.

Quanam est origo huiusmodi Funebrium orationum?

R. Illarum inventor apud Græcos fuit Solon, unus è septem Sapientibus: apud Romanos vero Valezius Publicola, qui collegam suum Junium Brutum, in pugna contra Tarquinos cæsum, funebri oratione prosecutus est; tantoque id populi applausu fecit, ut exinde mos ille obtinuerit, publicè laudandi Duces eos, qui in bello cecidissent, & à Romanis mos ille ad cæteras gentes, & ad ipsos etiam Christianos manaverit. Huiusmodi porro laudationibus mendosam factam esse historiam, auctor est Tullius, & post illum Livius, quòd nempe in pra modum res in illis augeri solerent, & benè multa assentatoriè magis, quàm verè dicerentur, ut ferè fit.

Quot partibus constat oratio Funebri?

R. Orationem funebrem tribus omnino partibus constare debere: nimirum laude, consolatione, & paranesi, sive adhortatione: Laude mortui; consolatione Parentum, & affinium; Paranesi verò, seu adhortatione ad superstites, ut in mortui vitam, atque virtutes, tamquam in exemplar intueantur.

De artificio funebris orationis.

Quodnam esse debet, & undenam ducendum est illius Exordium?

R. Magnam quandam mœroris, luctusque significationem præferre omnino debet. Duci autem poterit. 1. ab exclamatione. Tale est Exordium brevis illius, sed perelegantis orationis Tullianæ in morte Crassii Oratoris clarissimi: *O fallacem nostram spem, fragilemque fortunam, & inanes nostras contentiones, quæ in medio spatio sæpè franguntur, & corruunt, & antè in ipso cursu obruuntur, quam portum conspicerè potuerunt!*

2. Duci potest Exordium à descriptione funebris apparatus, vel à mœsto audientium silentio, quæ res utraque sacrum quemdam horrorem audientibus incutiat. Ità nos olim sumus exorsî funebrem laudationem Il. Ecclesiæ Principis Camilli de Nausville Archiepiscopi, & Præregis Lugd. *Quod tristè silentiò, tacitæque mœstitiâ defixos, & rerum à me dicendarum expectatione suspens-*

fos esse vos videam (Auditores) arguit illud quidem dolorem vestrum, cuius vim acerbissimam in vestris animis altius insedisse satis intelligo. At hic vester mœror, hac expectatio tanta, nè mihi, vobisque fraudi sit, est omnino, quod verear. Habent hoc nempe magni dolores, ut superbissimum sit illorum sensus, delicatissimumque fustidium: Habent hoc, ut refricando facile recrudescant, neque si, nisi cautè admodum, ac molliter interpellari patiantur. Verùm opprimar. antè licet officii pondere, quàm illud deseram.

3. Duci poterit Exordium à gravi aliquo apopthegmate, de fragili, caducaque rerum humanarum sorte, quæ nobis, ut cum maximè, ante oculos obversatur.

4. Duci poterit ab adjunctis, quæ fortè laudandi mortem circumstetère. Hinc Imperatoris Theodosii M. laudationem funebrem orditur D. Ambrosius: Hoc nobis motus terrarum graves, hoc juges pluvia minabantur, & ultra solitum caligo tenebrosior denunciabat, quòd clementissimus Imperator Theodosius recessurus esset è terris. Ipsa igitur recessum eius, elementa marebant, Cælum tenebris obductum, àer perpetua horrens caligine, terra quatiebatur motibus, replebatur aquarum alluvionibus. Quidni mundus ipse deslerit eum principem, continud esse rapiendum. per quem dura mundi istius temperari solerent?

5. Denique abruptum exordium ad movendam commiserationem longè aptius esse videtur, quàm temperatum; ac lenè. Vide quomodo M. Antonius Muretus in funere (a) Caroli noni Galliarum Regis exordiat ex abrupto: *Hoc igitur restabat, unum afflictis, ac penè prostratis infelicis Gallia rebus, ut Carolus Rex, quò se illa recreabat, ac solabatur unò; de quo cogitans, in quem intuens, omnium, quas excepit, acerbitatum memoriam deponeret; cum bonorum animos, ad aliquam spem quietis erigere capisset, in ipso ineuntis adolescentia flore, acerbata, atque immatura morte, raperetur. O fallaces hominum spes! O incerta vota! O lubrica & ancipitia humana vite curricula!*

Quid factò opus est in confirmatione?

R. Tribùs illis, quæ supra memoratæ sunt, partibùs constabit Confirmatio; laude, nimirum, consolatione, atque Parænesi; laude mortui, consolatione propinquorum, ac amicorum, & Parænesi ad adstantes. Quòd attinet ad mortui laudes, vide, quæ diximus de Panegyrico, à quo nimirum hoc tantùm differt oratio funebris, quòd audientium voluptatè sequatur, & captet Panegyricus; funebris verò laudatio nihil, nisi mœrori terviat, atque tristitiæ; unde vitandum erit diligenter, quidquid lætitiæ, gaudiumquè posset

(a) Carolus IX. obiit annò 1574.

posset animis ingenerare. Hoc artificium observare poteris in illo Horatii Carmine, ubi (a) Quintili amici, & affinis sui mortem lamentatur:

Ergo Quintilium perpetuus sopor
Urget? cui pudor, & justitiæ soror
Incorrupta fides, nudaque veritas,
Quando ullum invenient parem?

Mœrentium dolorem utcumque consolabitur. 1. Vitæ ab amico laudabiliter actæ felix recordatio. 2. Honores viventi, mortuoque habiti, & omnia, quæ virtutem illius testantur, tum publica, tum privata monumenta. 3. Spes minimè dubia de immortali ævo, quo ille inter felices animas in cælo perfruitur, vel aliquando fruiturus est. 4. Filii, nepotesque superstites, ad quos paternæ virtutis hæreditas transit.

Quòd si fortè pro patria pugnans occuberit is, qui laudatur, tunc enim verò poteris vagari, liberiùs in hoc uberrimo dicendi campo, quem tibi aperit Tullius, cum Martiam Legionem, quæ in (b) Prælio Mutinensî fortiter pugnans cecidit, magnificen-

(a) Quintilius pœtra non contemnendus, Cremonensis dictus à Patria, diversus ab illo Quintilio Varo, qui Legiones amisit in Germania. (b) In bello contra M. Antonium, in quo Hirtilius, & Pansa Consules cæsi.

centissimè laudat Philippicâ. 13. Illi impij, quos cecidistis, etiâ apud inferos penas parricidii luent: vos verò, qui extremum spiritum in Victoria effudistis, piorum estis sedem, & locum consecuti. Brevis autem vobis vita data est, at memoria benè reddita vita sempiterna, quæ si non esset longior, quàm hac vita, quis esset tam amens, qui maximis laboribùs, & periculis ad summam laudem, gloriamquè contenderet? Et post pauca: Sed quoniam, Patres. Conscripti, gloria munus optimis, & fortissimis civibus, monumenti honore persolvitur, consolemur eorum proximos: quibus optima hæc est quidem consolatio, parentibus, quòd tanta Reip. præsidia genuerunt: liberis, quòd habebunt domestica exempla virtutis, conjugibus, quòd virtus carebunt, quos laudare, quàm lugere præstabit; fratribus, quòd in se, ut corporum, sic virtutum similitudinem esse confident.

Deniq; adstantibus, earum, quas celebrasti, virtutum recordatione stimulos admove conaberis.

Quodnam esse debet Perorationis artificium?

R. Hæ sunt Perorationis partes. 1. Æternam apud Superos felicitatem apprecari mortuo. 2. Sempiternam eidem apud Posterios exoptare, ac polliceri memoriam. 3. Summum illius desiderium in auditorum animis excitare, h. e. vel similibus Horatii verbis, de eodem Qui nullo; Quis

Quis desiderio sit pudor, aut modus:
Tam chari capitis? Præcipe lugubres
Cantus, Melpomene, &c.

§. XI. De oratione Eucharistica.

Quid est oratio Eucharistica, seu Eucharistica cum?

R. Oratio Eucharistica dicitur ea, quâ ob acceptum insigne aliquod beneficium, gratias agimus alicui; cujusmodi est luculenta illa oratio, quâ Aufonius orator, & Pœeta Gallus Imperatori Gratiano discipulo quondam suo, gratias egit pro Consulatu ab illo accepto. Traxit autem tum illud Eucharistici nomen à voce Græca *Euchares*, seu gratias agere.

Quot sunt præcipue partes Eucharistici?

R. Tres. 1. Significamus lætitiã obortã ex accepto beneficio. 2. Accepti beneficii magnitudinem amplificamus. 3. Gratum, & memorem animum pollicemur.

Quodnam esse debet exordium orationis Eucharistica?

R. Exordium versari debet in aperto quodam, candidoq; dicendi genere, & magnã grati animi, foras quodammodo erumpere gestientis significationem continere. Duci autem poterit. 1. A beneficii magnitudine, cui, pro eo ac par est, verbis exornando, te imparem profitearis. Sic Tullius in

us in oratione post reditum habita in Senatu: Si, Patres conscripti, pro vestris immortalibus in me, fratremque meum, liberosque nostros meritis, parum vobis cumulate gratias egero; quaeso, obtestorque, ne mea natura potius, quam magnitudini beneficiorum, id tribuendum puteris.

Quæ enim tanta potest existere ubertas ingenii, quæ tanta dicendi copia, quodtam divinum, atque incredibile genus orationis, quod quisquam posse vestra in nos universa promerita, non dicant, complecti orando, sed percensere numerando?

2. Duci poterit Exordium ab excusatione diuturni silentii post acceptum beneficium. Hoc pacto Tullius exorditur suum, illud eximium Eucharisticum ad Cæsarem pro impetrato M. Marcelli reditu: Diuturni silentii, P. C. quod eram his temporibus usus, non timore aliquo, sed partim dolore, partim verecundia, finem hodiernus dies attulit; itemque initiū, quæ vellem, quæque sentirem, meo pristino more dicendi.

Quid factū est opus in Eucharistici confirmatione?

R. 1. Amplificanda est, & in bono lumine collocanda beneficii magnitudo, 2. Laudanda est persona, à qua profectum est beneficium.

Quomodo amplificanda est beneficii magnitudo?

R. Amplificabitur quadrifariam. 1. A persona, quæ gratificabituri si rex, si in amplissimo dignitatis gradu collocata. Hinc enim augetur beneficii magnitudo. 2. A persona cui gratificatur, si beneficium sit egenti collatum, si immerenti, si ad plures pertineat. 3. A re, quæ gratificatur, si honesta, si opportuna, si exoptata, si difficilis. 4. A ratione, & modo; si non agrè, sed libentè animè; si non rogatu alieno, sed sponte; si non redditum sit, sed datum beneficium; si non tardè, sed citò, & opinione citiùs. Utenim est in veteri Proverbio, *Bis dat, qui citò dat*, & interdù etiã beneficii locò ducitur, si citò negetur. Unde in laudatissimo Epigrammate (a) auctoris incerti, sed veteris: *Cæsaris ad valvas sedeo, sto nocte, dieque.*

Nec datur ingressus, quòd mea facta loquar.
Ite, *Dex faciles, & vestro numine saltem*
Dicite divini Cæsaris ante pedes:

Si nequeo placidas affari, Cæsaris aures,
Saltem aliquis veniat, qui mihi dicat: Abi.

Quidnam, in Peroratione, servandum est?

R. Accepti beneficii memoriam nunquã interituram, & trabali, ut ita loquar, clavo figendam esse polliceberis. Ita Ausonius ait, ubi que tibi occurrere beneficia Gratiani,
in tem-

(a) Apud Colomensum, & apud Barthium in *Adversariis.*

in templo, in foro, in curia, in palatio, domi. Sic etiam Mamertinus ad Imperatorem Julianum: *In referenda gratia, hoc tibi polliceor, semperque præstabo mihi, nec in suggerendis consiliis veritatem, nec in audiendis periculis animum, nec in laboribus perferendis industriam desaturam.* Sed nullum, quod sciam, illustrius exemplum afferri potest, quam Eucharisticum Æneæ ad Didonem, Æneid. i.

O! sola infandos Trojæ miserata labores,
 Quæ nos reliquias Danaû, terræque marisque;
 Omnibus exhaustos jam casibus, omnium
 egenos,

Urbe, domo socias: Grates persolvere dignas
 Non opis est nostræ, Dido: nec quidquid ubique est

(orbē.

Gentis Dardaniæ, magnum quæ sparsa per
 Dî tibi (si qua pios respectant numina, siquid
 Usquâ Justitiæ est, & mens sibi conscia recti)
 Præmia digna ferant.

Vide etiam apud Livium lib. 28. orationem Saguntinorum gratias agentium Senatui Rom. quod eorum causâ bellum adversus Hannibalem suscepisset. Vide in Bello Jugurthino orationem Bocchi regis ad Syllam. Habes quoque lectissimam illam epistolam, quâ Tullius agit gratias Marcello ob supplicationem sibi ejus operâ decretam.

§. XII. De Epinicio, & Gratulatione.

Quid est Epinicius?

R. Est gratulatio ob reportatam victoriam. Sic autem nuncupatur à voce Græca Nike, victoria.

Quodnam esse debet illius artificium, & dispositio?

R. Exordium, si unquam aliàs, erit splendidum, floridumque, & hilaritatis plenum, ac lætitiæ. Videtur autem abruptum magis esse debere, quàm temperatum.

In confirmatione amplificabitur. 1. Belli necessitas. 2. Belli difficultas. 3. Æquitas in suscipiendo, diligentia in apparando, virtus in gerendo, celeritas in conficiendo. 4. Enumerabuntur commoda, & utilitates victoriæ, quæ timore populos, direptione urbes, vastitate Provincias liberaverit. Laudabuntur fortissimi viri, qui in bello strenue pugnantes cecidère. Ita Virgilius Euryalum Nisumque laudibus in Cælum extollit Æneid. 9.

Fortunati ambo: si quid mea carmina possunt,
Nulla dies unquam memori vos eximet ævò.
Dum domus Æneæ Capitolii immobile saxum
Accolet, imperiūque pater Romanus habebit.

Sua etiam laus tribuetur præfectis, ducibusque præcipuis, qui in victoriæ partem aliquam

Jacobus

aliquam venere, Ita Rexus (a) hisce inscriptionibus, Augusti sæculi dignis, consecravit nomen illorum, qui bellum Batavicum unâ cum Ludovico Magno administraverant.

LUDOVICO PRINCIPI CONDEO

Tribus ad Senefum Exercitibus Fractis.

HENRICO PRINCIPI TURRENIO

Servatis Regni finibus, pulsâ ultra Rhenum Germanis, eorum exercitu quater caelo.

FRANCISCO MARESC. CREQUIO, delectis incruenta victoria Germanorum copiis, &c.

Peroratio vota continet pro victoris incolumitate, gloria, felicitate, postquam Deo O. M. victoriarum largitori, & bonorum omnium fonti, grates fuerint, ut patet, ritè persoluitur.

Quod si non pro victoria, sed pro adepti insigni quopiam honoris, ac dignitatis gradu, fiat alicui gratulatio; significabis. 1. Quantam conceperis animi voluntatem ex illius nova dignitate. 2. Quanta sit etiam publica hilaritas, & lætitia. 3. Honoris, & gradus amplitudinem verbis extolles. 4. Non casu, non prehensione, & ambitu, non precibus, muneribusque, sed meritis, rebusque gestis fuisse comparatum hunc

(a) P. Carolus de la Rue S. J.

hunc honorem, quem multi ambierint, perpauci obtinuerint.

Pertinent etiam ad demonstrativum genus Soteria, Propempticon, Apobaterion, & Epibaterion.

Quid est Soteria?

R. Soteriam vocamus orationis genus quoddam, quò restitutam alicui sanitatem gratulamur, & pro illius incolumitate, & salute grates agimus Superis.

Quid est Propempticon?

R. Est Oratio, quâ discedentem aliquem faustis omnibus, votisq; prosequimur, cujusmodi luculentum habes exemplum in egregio Horatii Propemptico, ad Virgiliû, Athenas proficiscentem:

Sic te Diva potens Cypri,

Sic (a) fratres Helenæ lucida fidera,

Ventorumque regat pater:

Obstrictis aliis, præter (b) Japyga,
Navis, quæ tibi creditum

Debes Virgilium, finibus Atticis

Reddas incolumem, precor,

Et ferves animæ dimidium meæ.

Quid est Apobaterion?

R. Est oratio, quam habemus discedentes ex patria, vel ex alio quodam loco, ubi
cum

(a) Castor, & Pollux. (b) Japyx ventus flans ab Apulia, qua olim Japygia dicebatur.

cum singulari benevolentia significatione sumus excepti.

Hujus generis est Æneæ discedentis oratio ad (a) Helenum, & Andromachen, Æneid. 3. Hos ego digrediens lacrimis affabar obortis: Vivite felices, quibus est fortuna peracta Jam sua: nos alia ex aliis in fata vocamur.

Vobis parta quies: nullum maris æquor arandum.

Arva neque Ausoniae semper cedentia retrò Quærenda. Effigiem Xanthi, Trojâque videtis,

Quam vestra fecere manus: melioribus opto Auspiciis, & quæ fuerit minus obvia Grajis.

Quid est Epibaterion?

R. Est oratio, quæ habetur ab illo, qui post longam peregrinationem, domum incolumis rediit. Vide Scaligerum lib. 3. Poëtices.

C A P U T II.

De orationibus, quæ pertinent ad genus deliberativum.

Quenam est materia generis deliberativi?

R. Illius materia sunt res omnes in manu, & arbitrio nostro positæ: Ut enim ait (b) Tullius, Tollitur omnis deliberatio, si intelligi-

(a) Helenus Priami filius, vaticiniò clarus, ex captivo factus Epiri Rex ab ipso Pyrrho. (b) In Partitionibus.

velligatur quidquam fieri non posse, aut imponatur necessitas. Neque enim quisquam deliberat, qua ratione perpetuo victurus sit, quoniam intelligit sibi moriendi necessitatem incumbere: neque quisquam deliberat, quomodo volare possit, scit enim sibi alas non vdesse.

Quisnam est finis generis deliberativi?

R. Honestas, & utilitas.

Quanam orationes spectant ad genus deliberativum?

R. Pertinent ad genus deliberativum suasio, dissuasio, hortatio, dehortatio, conciliatio, concitatio, commendatio, petitio, & consolatio.

§. I. De Suasione, & Dissuasione.

Q. Uid est Suasio?

R. Est oratio deliberativa, qua ostenditur, quid faciendum sit. Dissuasionem vero contrarium suadetur.

Undenam ducuntur argumenta Suasioni, vel Dissuasioni propria?

R. Ducuntur ab honesto, ab utili, a necessario, a facili, a jucundo, cum aliquid suadendum est; & e contrariis capitibus, cum est aliquid dissuadendum.

Quid est Honestum?

R. Honestum id intelligimus, inquit Cicero, quod tale est, ut detracta omni utilitate, per se ipsum laudabile sit, & expecte-

tendum; v. g. si quempiam hortemur, ut M. Attilii Reguli exemplis, malit ad mortem vel ad vincula reverti, quam datam hostibus fidem fallere. Ità Tullius in Manilianâ, probat suscipiendum esse bellum Mithridaticum, ut deleatur ignominia, quam Populo R. Mithridates inussit, cum unâ horâ tot civium Romanorum millia iussit occidi. Ex hoc eodem loco Cato apud Lucanum lib. 9. animos militum accendit sola gloriæ commendatione, ad aggrediendum iter periculosum, ac difficile.

O! quibus una salus placuit mea castra secutis

(tes.

Indomita cervice mori, componite mentes.
Ad magnum virtutis opus, summosque labores:

Quam orationem claudit pulchrâ illâ sententiâ:

- - - Serpens, sitis, ardor, arena,

Dulcia virtuti; gaudet patientia curis:

Latius est, quoties magnô sibi cōstat honestū.

Quid vocas Utile?

R. Utile est, quod propter commodum expetitur; sive adjunctam habeat honestatem, ut gloria, honor, dignitas; sive non habeat, ut divitiæ, valetudo, tranquillitas, malorum depulsio, &c. Ex his locis Catilina conjuratos hortatur, apud Sallustium, ad

nefa-

De diversis Orationum generibus. 255

Refarium facinus, quod ille maximum, atque pulcherrimum vocat: Nobis, inquit, est domi inopia, foris res alienum; mala res, spes multo asperior: Denique quid reliqua habemus, prater miseram animam? Quin igitur experisciimini? en illa, quam saepe optastis, libertas; prater ea divitiae, decus, gloria, in oculis sita sunt. Fortuna ea omnia victoribus premia posuit.

Curio (a) similiter, apud Lucanum lib. i. specie utilitatis, Julium Caesarem ad bellum civile, sic hortatur:

Bellantem geminis tenuit te Gallia Iustris,
Pars quota terrarum? Facili si praelia pauca
Gesseris eventu, tibi Roma subegerit orbem.

Quid vocas necessarium?

R. Necessarium dicitur id omne, sine quo salus, aut dignitas stare non potest. Seu mavis cum Scaligero: necessarium dicitur, quod ita utile est, ut sine eo res NEC ESSE possit, unde, & nomen derivatum est. Hujusce porro loci, magna vis est. Multi enim sunt animis adeo segnibus, ut tum quoque, cum aliquid honestum & utile esse norunt, tamen, si res sit cum magno labore conjuncta, facile terreantur: Apud tales, ratio necessitatis est compendiosa via ad persuadendum. Ejusmodi est Ciceronis ar-

Y₂

gu-

(a) Curio homo lingua venalis, ut se ore alieno liberaret, Caesarem ad civile bellum impulit.

gumentum i. 4. Philipp. *Agitur enim, a qua conditione mori, sed victurine sumus, an a supplicio, ig. uniaque perituri?* Ab hoc potissimum loco, itemque ab honesto Æneâ Hector ad fugiendum hortatur, Æneid. 2.

Heu! fuge nate Deâ, teque hâs, ait, cripe flammis.

(Troja.

Hostis habet muros, ruit alto à culmine Sat Patriæ, Priamog; datum; si Pergama dextrâ

Defendi possent, etiâ hâc defensa fuissent.

Quid vocas facile?

R. Facile illud est, quod sinè magno labore, sumptuvè, aut molestia, brevi tempore fieri potest: quæ sanè omnia maximo sunt ad persuadendum momento. Frustra enim suadetur illud, quod vix, aut agrè admodum fieri posse creditur. Ac propterea, si quis hac de re scrupulus hæreat auditoribus, is ante omnia ex illorum animis omnino erit eximendus. Ita Venerem in suam sententiam conatur allicere astuta Juno, Æneid. 4.

Mecum erit iste labor: nunc qua ratione, quod instat,

(bo.

(a) Confieri possit, paucis, adverte, doce.

Quid vocas Jucundum?

R. Jucundum dicitur, quod honestam habet

(a) Confieri, pro confici, vox parùm usitata.

habet voluptatem vel animi, vel corporis; sic nuncupatum, inquit Tullius, à *juvando*, quòd nempe juvet, vel utrumque, vel alterutrum. Hinc ducitur illud argumentum Tullii, *Hoc, velim, tibi persuadeas, si rationibus meis à te provisum esse intellexero, magnam te ex eo & perpetuam voluptatem esse capturum.*

Quanam in suadendo, vel dissuadendo precipue spectanda sunt?

R. Tria. 1. Quid sit, de quo deliberetur. 2. Qui sint, qui deliberent. 3. Quis sit, qui suadeat, vel dissuadeat.

Quid spectandum est in re, de qua deliberatur?

R. Quinque illa, de quibus egimus enucleatè: An sit honesta, an utilis, an necessaria, an facilis, an jucunda.

Quid spectandum est iis, qui deliberant?

R. Caput artis est, nosse penitus animos eorum, qui deliberant, eorumque voluntates, ac naturas festinè odorari, ut possis ambitiosis splendida, avaris utilia, voluptuosis jucunda proponere, & suò, quod ajunt, hamò quemque piscari.

Prudentia ergo Oratoris erit, videre, an agat cum regibus, aut viris principibus, apud quos, ut ajebat Parisatis illa, verbis byssinis opus est; an cum nobiles, quos honesta, ac laudabilia tangunt; an cum plebe, bellua multorum capitum, apud quam

negotium tractare, longè difficillimū est. Neque verò satis est, dignitatem spectare: sed habenda est etiam ingenii, morum, & ætatis ratio, ut rem facilius possis ad exitus optatos perducere. Jure igitur merito de variis variarum ætatum, conditionum, & gentium moribus hic agi solet ab artis Magistris, & in primis ab Aristotele.

§. II. De variis variarum ætatum moribus.

Quinam sunt juvenum, virorum, ac senum mores?

R. Ætatis cujusque mores, graphicè admodum ita pingit Horatius in Arte pœtica:

Imberbis juvenis tandem, custode remoto,
Gaudet equis, canibusque, & aprici gramine campi.

Cereus in vitiū flecti, monitoribus asper,
Utilium tardus provisor, prodigus æris;
Sublimis, cupidusque, & amata relinquere pernix.

Conversis studiis, ætas, animusque virilis
Quærit opes, & amicitias, inservit honori,
Commisisse cavet, quod mox mutare laboret,

Multa senē circū veniunt incommoda; vel
Quærit, & inventis miser abstinet, ac timet uti;

Vel quòd res omnes timidè, gelidèq; ministrat; (tutus)

Dilator (a) spe longus, iners, avidusq; fuf-
Difficilis, querulus, laudator temporis acti
Se puerò. censor, castigatòrque minorum.

Juvenes igitur flagrant cupiditatibus; fa-
cile, & vehementer excandescunt; unde
adolescencia, quidam quasi rationis æstus
appellatur; honestum utili præferunt, aper-
ti sunt, candidi, & misericordes; suâ enim
innocentiâ ceteros metiuntur. Prodigii
sunt, & in sumptus effusi: nondum enim
egestatem sunt experti ad risum, & dica-
citatem sunt propensi.

At dispar omnino est senum ratio. Fa-
cile succensent illi quidem, sed non æquè
parent iræ; quia, ut scite Horatius: *Lenia
albescens animos capillus, litium, & rixa cupi-
dos proterva.* Parum sperant, quia diu vi-
xerunt; pauca moliuntur, præteritis gau-
dent, facetos, ac ridiculos odere, solliciti
sunt officiorum exactores, ad rem attentii,
lenti, difficiles, suspiciosi; sæpè enim aut se,
aut alios delusos meminerunt. Præterea
queruli sunt, morosique, ut ait Tullius: *in
fragili corpore, odio est omnis offensio.*

Denique verbosi sunt, & loquaces, quia
dice-

(a) Tardus ad bene sperandum, ob timidita-

dicere amant. Unde non inſcitè Cornelius Gallius, ſeu potiùs Maximianus;

Deficit auditor, non deficit ipſe loquēdo,
Oſola fortes garrulitate ſenes!

Sed facilè hoc illorum ætati condonandum, ob egregias virtutes, quibùs hoc vitium abundè compenſant.

Virilis ætas ſenectutem inter, & adoleſcentiam interjeſta, ac in quodam quaſi cōfinio poſita, utriuſque virtutum, vitiorumque particeps eſt, & utriuſque indolem, velut ex vicinia, trahit. Juventus fortis eſt, ſed intemperans; ſenectus eſt temperans, ſed timida; virilis ætas fortis eſt, ſobriaque. Juventus nimis credula eſt; ſenectus nimis ſuſpicioſa; virilis ætas, pro rerum natura, vel confidit, vel diffidit. Juventus quærit honeſtum, potiùs quàm utile. ſenectus utile magis, quàm honeſtū, virilis ætas, & honeſtum ſimul, & utile.

Puerilis denique ætas efferveſcit facilè; mutatur in horas; magnam habet indolem ad virtutem; gloriæ, honoriq; mirum in modum velificatur. Audi Tullium lib. 5. de Finibus. *Quanta ſunt puerorum decertantium ſtudia? ut illi efferantur lætitiâ, cùm vicerint! ut ſe accusari nōlunt! quàm capiunt laudari! quos illi labores non perferunt, ut æquarum principes ſint!*

§. III. De moribus Nobilium, Divitum, & Plebeciorum.

Quinam sunt Nobilium mores?

R. Nobiles sunt honoris, ac gloriæ vel maximè studiosi, & si Apuleiana voce uti fas est, sunt in primis honoripeta. Solent autem non solum ignobiles aspernari, sed etiam homines novos, qui primi ex sua gente sunt honores consecuti.

Ita Metellus contempnebat C. Marium, illique Consulatum invadebat. Unde sic de eo Sallustius:

Inerat contemptor animus, & superbia, commune nobilitatis malum.

Quinam sunt Divitum Mores?

R. Divites, si præsertim divitias sunt nuperimè consecuti, contumeliosi ferme sunt, ac superbi. Nempe facile sibi persuadent præstare se cæteris, quia divitias possident, quibus, venalia sunt omnia. Præterea solent mollitiâ, luxuque diffluere, ut notat Juvenalis Sat. 6.

*Prima peregrinos obscæna pecunia mores
Intulit, & turpi fregerunt sæcula luxu
Divitiæ molles.*

Hanc, quam memoravimus, novorum divitum arrogantiam, scite tangit Cicero, cum de T. Roscio ait: *Qui in sua re fuisset egentissimus, erat, ut fit, insolens in aliena, &* Maro, cum ait de Nuniano.

Vociferans, tumidusque novò præcordia
regno.

Qui sunt denique Plebeiorum mores?

R. Germanos plebis mores suis coloribus
scite pingunt, Sallustius, Horatius, Tacitus,
& Seneca, dum ajunt: plebem esse belluam
multorum capitum, plumâ, & vento mobiliorera
esse . . . opinione duci magis, quam veritate
. . . . ire, quò itur, non quò eundum est. . præ-
vatis commodis servire potius, quam publicæ vel
honestati, vel cupiditati. . . . cupidam esse rerum
novarum. . . Denique pessimi argumentum tur-
tam esse.

De variis Reipublicæ formis.

Neque verò in deliberatione satis est æ-
tatis, conditionis cujusque indolem, ac stu-
dia diligenter spectare. Spectandi præte-
rea sunt Reipublicæ mores, qui scilicet,
pro varia (a) politia forma, solent maximo-
perè variare. Aliter igitur agendum apud
Gillos, Hispanosque, & Lusitanos, quibus
Rex unus, summo cum imperio præest: ali-
ter apud Helvetios, Batavosque, ac Vene-
tos, apud quos vel plebs, vel Optimates
dominantur.

Quid est Monarchia?

R. Est unius dominatus, commune u-
tilitatem spectans.

Quid

(a) Reipublicæ.

Quid est Aristocrasia?

R. Est optimatum imperium, cuiusmodi est apud Venetos. Quod si optimates illi, pauci sint, & propriae non verò publicae serviant utilitati, vocabitur. *Oligarchia.*

Quid est Democratia?

R. Est imperium populi, cuiusmodi forma est apud Helveticos. Quod si plebs infirma dominetur, vocabitur (a) *Ochlocratia.* Addi potest *Anarchia*, quae solet ex turbulentissimis temporibus exurgere, cum sine rege, ceterisque magistratibus, fluctuat labefactatum imperium.

De variis variarum gentium moribus.

Varios praeterea gentium mores, ingeniumque accurate cognosces, & illorum germanam indolem perspectissimam habebis, ut possis ad illam, sermonem accommodare, ut monet Horatius.

Intererit multum (b) Davusne loquatur, anheros, Colchus, an Assyrius, Thebis nutritus, an Argis.

Quenam igitur est variarum Europa Gentium indoles?

R. Galli sunt humani, hospitales, candidi, urbani, lautii, audaces, bellicosi, mobiles,

(a) Turba, & dominor. (b), Davus persona comica, & nomen servi.

les, præcipites, longæ spei impatientes, faciles ad obliuiscēdas injurias, æquæ ac benefacta; acribus initiis, injurioso fine, & ut ait Florus, de veteribus Gallis, primo impetu, plusquam viri, secundo non item; magni peregrinatores; unde jure dictum est: *Nullum bellum sine milite Gallo.*

Germani sunt simplices, aperti, fortes, animarum prodigi, veri amici, verique hostes, inquit Scaliger. Belgæ, Batavique medium ferme tenent Gallos inter, atque Germanos. Hispani sunt constantes, sedati, leniti in consiliis, laboris ac disciplinae tolerantes: vile ministerium, etiam si spes magna affulgeat, averfantes. Itali sunt cunctatores, ingeniosi, sapientes, mentis excellæ, ac recondita, & ad regendum omaino nati, ut ait Virgilius.

Tu regere imperiô populos, Romane memento.

Hæ tibi erunt artes,

Poloni sunt feroces, bellicosi, & quos arte magis, quàm vi possis superare; Moscovita contra fraudulenti &c. Longum esset cætera persequi. Plura qui volet, adeat, quæ ingeniosè, & eleganter de præcipuis gentibus disseruit Joannes Barclaius in iconibus animorum cap. 3. & sex proximè sequentibus.

ribus. Adeat item (a) Calvidii Lati Callipediam, ubi versibus elegantissimis, diversarum Europæ gentium, mores, & ingenium diligenter exprimit.

Quid denique spectandum est in illo, qui suadet, vel dissuadet?

R. Tria maximè in illo spectanda sunt, prudentia, probitas, & benevolentia. Prudentia quidem, quia eis fidem habere solemus, inquit Tullius libro de Officiis, quos plus intelligere, ac videre, quam nos, arbitramur. 2. Probitas, quia quò quis versutior, & callidior, hoc invisior, & suspectior detracta opinione probitatis, ait idem Tullius: & si quem, licet peritum, ac prudentem cateroqui, fallacur tamen, & sui potiùs amantem credamus, quam nostri, eius consilium penitus averfabemur.

3. Spectatur in suadente benevolentia, quia ut vel maximè prudens, & probus quis credatur, tamen si odisse nos, vel alteri parti meliùs velle existimetur, neququam nobis benè consulere velle judicabitur. Tria hæc complexus videtur Cicero, cum lib. 2. ad Atticum ait: Nunc mihi, & consilii opus est tuis, & amore, & fide. Quare advoca, expedita erunt omnia, si te habebo. Nam consilium ad prudentiam pertinet, fides ad virtutem, amor ad benevolentiam. §. IV.

(a) Verum nomen. Claudius Quilletus Medicus Gallus, vixit sæculò proximè elapsò.

§. IV. De Hortatione, & Dehortatione.

Quid differt Hortatio à Suasione?

R. Hæc differt, quòd suadeamus ratione, & consiliò; hortemur verò motu, atque impulsu. Unde suasio, propriè pertinet ad intellectum: Adhortatio verò pertinet ad affectum. Suasio docet, eòque plus habet argumentorù; Adhortatio verò inflamat, ac propterea plus habet caloris. Suasio facit, ut scias, quid factò sit opus; Hortatio facit, ut velis, & ausis; illiusque partes sunt, faces, ac stimulos veluti subicere auditorum animis; illosque ad rem bene gerendam inflammare. Denique Suasio pertinet ad cõfirmationem; Exhortatio verò conclusioni reservatur.

Quinam affectus sunt in hortatione concitandi?

R. Excitabis. 1. Spem, & fiduciam. 2. Amorem, & desiderium rei, quæ suadetur. 3. Emulationem alienæ gloriæ, quæ est potentissimum ad feriendos animos telum. 4. Laudabis virtutem illorum, quos hortaris, illosque hortatu nequaquam indigere dicere. Ut enim observat Tullius, in excitando, & in acuendo, plurimum valet, si laudes eum, quem cohortaris. Ità socios recordatione virtutis inflamat **Mæstheus** apud **Virg. Æn. 5.**

At media socios incedens nave per ipsos

Hort;

Hortatur Mæstheus. Nunc nunc intur-
gite remis.

Hæctorei socii, Troja quos sorte suprema
Delegi comites; nunc illas promite vires,
Nunc animos, quibus in Garulis syribus
usi, (undis.

Jonioque mari, (a) Maleaque sequacibus
Non jam prima peto Mæstheus, neque
vincere certo,

(Quamquam oh!) sed superent, quibus
hoc, Neptune, dedisti.

Extremos pudeat redisse. Hoc vincite cives,
Et prohibete nefas.

Illustre adhortationis exemplum habes
apud Curtium, lib. 7. ubi Alexander tre-
centos juvenes adhortatur, ut invadant præ-
ruptam illam, & undique abscissam Sogdi-
anorum petram, quæ in triginta stadio-
rum altitudinem eminebat, & quam A-
rimazes, cum triginta armatorum millibus
obtinebat.

Alexandri hortatio ad trecentos
militis.

Vobiscum, o juvenes & mei æquales, arbiur
invictarum ante munimenta superavi, montium
jaga perenni nive obruta emensus sum: angu-
stias Cilicia intravi; India sine lassitudine, vix
frigo-

(a) Malea promontorium in mare procurrente,
quod periculosam reddit navigationem.

frigoris sum perpeſſus, & mei documenta vobis hedi, & veſtri habeo. Petra, quam videris, unū aditum habet, quem barbari obſident, cetera negligunt, nulla vigilia ſunt, niſi quæ caſtra noſtra ſpectant. Invenietis viam, ſi ſolenter rimari fueritis aditus ferentes ad cacumen. Nihil tam alte natura conſtituit, quod virtus non poſſit eniri. Experiendo, quæ ceteri desperaverunt, Aſiam habemus in poteſtate. Evadite in cacumen, quod cum ceperitis, candidis velis, ſignum mihi dabitis: Ego, capitis admortis, hoſtem in nos à vobis convertam. Præmium erit ei, quæ primus occupaverit verticem, (a) talenta decem uno minus accipiet, qui proximus ei venerit eademque ad decem homines ſervabitur proportio. Certum autem habeo, vos, non tam liberalitatem intueri meam, quam voluntatem.

Dehortationis verò luculentiffimum exemplum habes, apud Livium. lib. 23. in oratione Calavii civis Campani, quæ filium ſuum Perollam, ab Hannibalis cæde hortatur.

Dehortatio.

Per, ego te, fili, quæcunque iura liberos iungunt parentibus, precor, queſoque, nè ante oculos patris facere, & pati omnia infanda velis. Paucas horæ ſunt, intrâ quas iurantes per
quid-

(a) Talentum Atticum reſpondet Realibus ſeu julis Romanis 6000.

quidquid Deorum est, dextras dextra jungentes fidem obstrinximus, ut sacratis de Mensis (a) essemus. Digressi a colloquio, ex templo in eum armamur. Surgis ab hospitali mensa, ad quam tertius Campanorum adhibitus ab Hannibale es; eam ipsam mensam cruentare vis hospitis sanguine? Hannibalem modo pater filio meo potuam placare; filium Hannibali non possum? Unus aggressus es Hannibalem? Quid illa turba tot (b) libertorum, servorumque? Quid in unum intentum omnium oculi? quid tot dextrae? torpescuntne in amentia illa? Vultum ipsius Hannibalis, quem armati exercitus tremunt, quem horret populus R., tu sustinebis? Et si auxilia desint, me ipsum ferire, corpus meum opponentem pro corpore Hannibalis, sustinebis? Atqui per meum pectus petendus ille tibi, transfigendusque est. Detereri hęc sine te potius, quam illic vinci. Valeant preces apud te meae, sicut pro te hodie valuerunt.

§. V. De Concitatione, & Cōciliatione.

Quid est Concitatio?

R. Est virulentum quoddam orationis genus, quod multitudinis, praesertim animi, veluti quodam seditionis flabellō concitantur. Exemplum unum afferam ex Tacito, lib. 1. Annalium, ubi ait fuisse in castris Par-

Z

cenni-

(a) Ita genuina lectio, pro ederemus. (b) Melius quam liberorum, ut vulgò legitur.

cennium quemdam gregarium militem, hominem turbulentum, & procacem, qui commilitonum seditionem conflare conatus est hac artificiosissima concione. *Cur paucis centurionibus, paucioribus Tribunis, in modum servorum obedirent; quando ausuros exposcere remedia nisi novum, & nutantem adhuc principem precibus, vel armis adirent? Satis per tot annos ignavia peccatum, quod tricena, aut quatragera stipendia senes, & plerique truncato ex vulneribus corpore tolerent. Ne dimissis quidem finem esse militiae, sed apud vexillum retentos, alio vocabulo eisdem labores perferre; & paulo post: Denis in diem assibus animam, & corpus estimari. Hinc vestem, arma, tentoria, hinc sevitiam centurionum, & vacationes munerum vedimi; ac Hercule verba, & vulnera duram hyemem, exercitas aestates, bellum atrox, aut sterilem pacem sempiternam.*

Concitatiōni opponitur conciliatio, quae vel nobis amorem alicujus, vel dissidentes partes in cōcordiā, gratiamque reducere conamur. Sic olim Germanicus Cæsar tumultuantes legiones prudenti oratione sedavit; & Julius Cæsar exercitum compescuit, Quirites appellando, pro militibus, qua una voce obortam seditionem repente cōpressit.

§. VI. De Commendatione.

¶ *Q*uot sunt precipua Commendationis capita?

R. Tria. 1. Causas Commendationis exponemus, idque modestè, & verecundè; ut quòd benè quis de nobis, aut de nostris meritis sit: quòd simus cum illo vel sanguine, vel affinitate, vel amicitia conjuncti: quòd perspectissima nobis sit illius humanitas, fides, eruditio, virtus, &c. Addere poterimus, scire nos Horatianum illud Epist. lib. 1.

Qualem commendes, etiam atque etiam aspice: nè mox.

Incutiant aliena tibi peccata pudorem.

Sed viri integritatem, & præclaras a nimis dotes nobis exploratissimas esse. 2. Exponemus negotium, cujus causam commendatur a nobis quispiam. 3. Orabimus, atque obtestabimur, vel dicemus, nos plurimum nolle contendere; nè de ejus, quem rogamus, humanitate diffidere videamur. 4. Denique tum nostro, tum ejus, quem commendamus, nomine, omne grati, ac memoris a nimis officium pollicebimur.

Est, & obliquæ commendationis genus, quò simulamus nos commendare nolle, què interim vel maximè commendamus; ut si dicas non quidem commendare te alteri Sextium, velle; sed orare solum, ut propius hominem noscere nè gravetur. Sperare enim futurum, ut, cum gratias agere soleat,

qui commendârunt; alter tibi gratias agat, per quem viri tanti notitiam sit consecutus.

§. VII. De Petitione.

Quid est Petitiō?

R. Petitiō est oratio, quâ aliquid postulamus vel pro nobis, vel pro alio. Posterior hæc vocatur intercessio. Utriusque artificium paucis complexus est Servius; ubi Junonis ad Æolum orationem enarrat.

Rhetorum, inquit, est in omni petitione hoc observare. 1. Ut facile præstari possit, quod petitur: 2. Ut sit justa petitiō. 3. Ut habeat modum, & adhibeatur in illa moderatio. Hoc est, ut si majora dari non possint, minoribus certè contenti videamur. 4. Ut sequatur expedita remuneratio. Quatuor hæc observare licet in Junonis petitione. 1. Enim docet rem facili negotiō fieri posse:

Æole (namque tibi Divûm Pater, atque hominum Rex

Et mulcere dedit fluctus, & tollere ventos.)

2. Justam esse petitionem ostendit, dum inimicam gentem insectatur:

Gens inimica mihi Tyrrhenum navigat æquor.

3. Adhibet moderationem; dum alterutrâ contenta est: (pes:

Incute vim ventis, submersasque obrue pupas
Aut age diversas, & disjice corpora pontô.

4. Beneficii præmium pollicetur. Sicut

Sunt mihi bis septem præstanti corpore
Nymphæ,

Quarum, quæ formâ pulcherrima, Dejopeiâ
Connubiô jungam stabili, propriamque di-
cabo.

Quàm plurima etiam petitionum exem-
pla suppeditabunt epistolæ Ciceronis: quas
inter, fideris instat, elucet elegantissima il-
la ad Lucejum, quæ est 12. libri 5. ad fami-
liares, quâ Lucejum enixè rogat, ut quæ
in Consulatu suo gesserat Tullius, ea literis
quàm primùm velit consignare. Eam autem
sic orditur: *Coram me tecum*

§. VIII. De Consolatione.

Consolator, vel minor est, vel æqualis, vel
major. Minori cautiùs, & molliùs erit
agendum: Amorem suum in primis testa-
bitur: & nè de suo, plùs alterò sapere velle
videatur, ea, quæ dictu opus erunt, ex quo-
piam Philosopho, vel alio summæ pruden-
tiæ viro se aliquando audisse profitebitur
Æqualis pro communis amicitia jure face-
re se dicet. Major aget liberiùs, adeò, ut, si
quis immoderatiùs dolorem fert, audeat e-
tiam increpitare, sed leniter, & amicè.

Scitè omnino argumentum illud tractat
Scaliger, librò 3. de Arte Pòetica, cap. 123.
*Consolator, inquit, aut est major, aut æqualis.
Magnitudinem intelligo aut imperiò, aut digna-*

rate, aut opibus, aut sapientiâ, aut atate. Aliter enim consolabitur Nasonem Liviam; aliter Liviam Naso. Hoc spectat ad Imperium. Dignitas autem etiam sine Imperio esse potest. Veluti si pater filium, Ciceronem Pompejus. Opibus, ut si de plebe quempiam clientem suum. Crassus. Sapientiâ, quemadmodum Polybium, aut matrem Seneca. De atate, opus est exemplis. Major interponet auctoritatem; etiam objurgabit. Sapiens opponet etiam disputationem, Sententia huic crebriores. Minor ostendet affectum, sese id à sapientibus accepisse. Aequalis testabitur, amicitiam, jus commune benevolentia.

Si morientis dolor sit adeò gravis, & adeò recens, ut medicinam videatur respuere, bipartita erit oratio. Priori parte affirmabimus parùm idoneos esse nos, qui solemur alium, cum vel ipsi quoque consolatione plurimum egeamus. simulque privati nostri doloris causas afferemus. Addeamus non nos modò, sed omnes etiam bonos dolere, quod ipsum tamen quæcumque morienti solatium debet afferre: quia scilicet.

(a) Levius communia tangunt.

Altera verò parte afferemus, quæ leniendò dolori sunt idonea; qualia sunt trita hæc, & pervulgata. 1. Vitæ communis conditio, quæ multis malis sit obnoxia. 2. Ejus, quem
con-

consolamur, doctrina, virtus, animi magnitudo. 3. Inutilitas, & damnum, unde dolor augeatur, non corrigatur. 4. Patientia vis, quæ mitiget omnia, juxta illud Venerabili Poetae,

Durum; sed levius fit patientiâ,
Quidquid corrigere est nefas.

5. Quam sit honestum in altissimo divinæ voluntatis consilio semper acquiescere. 6. Quam sit sapiente dignum, quamque laudabile sit, ratione, consilioque mitigare dolorem illum, qui die ipsa, ac tempore tandem aliquando defervescet.

Ad genus judiciale, quod *bellum togatum* jure vocare possumus, pertinent duæ orationum species; accusatio nimirum, atque defensio; quæ non alia præcepta desiderât, quam quæ sunt hæctenus à nobis allata, cum præsertim veterum judiciorum ratio fuerit prorsus immutata.

Finis Libri Quarti.



A R T I S R H E T O R I C Æ L I B E R Q U I N T U S .

DE PRONUNTIATIONE.

Superest Pronuntiatio, sive actio; postrema quidem oratoriae facultatis pars, si ordinem in tractando consideres: sed tanti tamen momenti; ut primas, secundas, & tertias ei Demosthenes merito, & jure tribuerit.

Quid est Pronuntiatio?

R. Est vocis, gestuumque, pro rerum, verborumque varietate, apta conformatio. Quanta porro sit illius vis, & utilitas, docet Tullius, cum ait, infantes, & indifertos homines, actionis dignitate, eloquentiae saepe fructum, palmamque tulisse: difertos vero pene multos, actionis deformitate, infantes fuisse judicatos. Hinc Pronuntiatio recte vocatur ab eodem Tullio. *Quaedam corporis eloquentia; & alibi, (a) Sermo corporis* ab eodem etiam appellatur.

Quot res sunt ad recte pronuntiandum necessariae, Tres

(a) *Ad Brutum.*

Tres, memoria, vox, & gestus. Est enim memoria quasi fundamentum actionis, de cuius vi, gratiaque multum depercat necesse est, si memoriter non pronuntietur oratio, & si orator non possit à commentariis oculos, & vultum avertere:

Viris tamen principibus, & in publica re vehementer occupatis vitio verti nequit, si recitent è commentario; ut olim Augustus, qui, nè memoriæ subiret aleam, vel in ediscendo sibi tempus abiret; ferè de scripto dicebat; ut auctores sunt Suetonius, & Dio. Itemque Patrum nostrorum memoriâ Carolus V. ad Belgii Proceres orationem è scripto recitavit, cum sese regnò Bruxellis abdicaret, illudque Philippo filio traderet. Datur quoque eadem venia ægrotis, senibusque; aliis verò nequaquam.

§. I. De Memoria.

Quid est Memoria?

R. Memoria, ut est eloquentiæ pars, definitur à Tullio, *Firma rerum, ac verborum recordatio*. Est autem duplex memoriæ genus. Alia est artificialis, alia naturalis.

Quid est artificialis memoria?

R. Artificium memoriæ à veteribus traditum, constat locis, & imaginibus. Loci se habent instar chartæ, imagines verò instar Scripturæ. Hanc artem primus apud vete-

res Simonides prodidisse apud recentiores Raymundus Lullus illustrasse traditur. Ea vero iis, qui memoriâ valent, minimè necessaria est, qui non valent, prorsus inutilis. Tu illam modò exerceto, ediscendis ad verbum, ut ait L. Crassus apud Cic. lib. 1. de orst. quamplurimis & tuis, & alienis; quod facilius fortasse præstabis, si, antequàm cubitum eas, attentè ea, quæ manè voles ediscere, semel, aut iterum legas. Nisi te hæc exercitatio juverit, nihil sanè in arte, quò possis juvari, reperiri.

§. II. De Voce.

AD Actionis usum, ac laudem, maximam sine dubio partem vox obtinet; inquit Tullius de Oratore: neque tam refert, qualia sunt, quæ dicas; quàm, quomodo dicantur.

Quanam igitur circa vocem sunt observanda?

R. Tres hæcè potissimùm leges diligenter observabis. Prima lex hæc est, ut dilucide, articulatum, & sincerè pronuncietur; ita ut integra verba, syllabæque omnes proferantur. Nolim tamen syllabatim sic pronunties, quasi si literas computando annumerares; quod esset molestum ac putidum.

Ad eandem legem pertinet etiã, nè volubili quadam, præcipitiqùe celeritate dicendi incitate feratur oratio: sed vox respi-

ratio.

ratione recreetur, & spiritus inter dicendum suspendatur. idem, & auditoribus spatium aliquod cogitandi relinquatur.

Secunda lex hæc esto, ut pro argumenti, motuumque præsertim varietate, vox etiam opportunè varietur; & utcumque se affectum videri volet Orator, & audientium animos moveri, ita etiam certum vocis sonum adhibeat. Iracundia postulat vocis genus acutum, incitatum, crebrò incidens: miserationis, & mæroris, flexibile, plenum, flebile, interruptum: voluptas effusum, lene, tenerum, hilaratum: metus, demissum, hæsitans, abjectum, &c.

Præterea mutanda tibi vox erit pro variis orationis partibus. Aliam enim vocem flagitat Exordium, aliam Narratio, aliam Cōfirmatio, aliam Peroratio.

In Exordio, nisi fortè indignatione confleret, voce utendum submissa, ac verecunda. Nec debet Orator, simul ac dicturus prodire, perfricare frontem, & in verba statim erumpere: Cæteroque futurum est; ut feroculum Oratorem jure omnes averfentur. Sed oportet, ut paululùm cogitatione quasi defixus mœretur: Idque tum, quòd auditores hæc Oratoris cura delectat; tum ut interea ipse se colligat, & ad dicendum componat. Ita Ulysses apud Nasonem paulisper consi-

lit.

fit, oculis in terram defixis, priusquam suam eloquentiam torrentis instar effundat: (a)

..... Oculos paulum tellure moratos
Sustulit ad proceres; expectatque resolvit
Ora sonò, neque abest facundis gratia dictis.

Ab Exordio paulatim insurgit vox ac in narrando quidem, voce utimur aperta, simplicique, qualis ferè est in sermone familiari. In Confirmatione, & in argumentatione præsertim, voce utimur acriori. In Peroratione demum, quasi partam victoriam, vox solet esse excitatior, ut ita ostendat O-rator, se niti bonitate causæ, magnamque fiduciam in auditorum probitate, prudentiaque collocare.

§. III. De monotonia, & cantu.

GRATÆ huic varietati opponitur è diametro unus ille, infususque vocis tenor; quem Græci *monotoniam* vocant, & qui non modò dicentem enecat, sed etiam audientes exanimat, & undè omnis orationis decor, ac venustas deflorescit:

..... Ut citharædus. - - - -

Ridetur, chorda qui semper oberrat eadem,
inquit Horatius.

Huic, quam tantopere commendamus,
varietati opponitur etiam cantus, qui nihil

(a) *Metamor lib. 13.*

Nihil aliud est, si quæris, quàm clamorosa quædam, & uno fermè tenore subsultans mania.

Quæ ratione huic vitio poterit occurrî?

1. Huic incommodo remedium adhibebitur. 1. Si pueri rebus humilibus, ac quotidianis æquabiliter, & rotundè pronuntiantis afueſcant; neque verò statim ad tragicam granditatem præcurrant. 2. Si eorum, quæ pronuntiant, germanum sensum penitus animadvertant. 3. Si interdum vernaculâ, non inflata, tragicâquæ, sed simplicia, & quotidiana pronuntient.

4. Exerceantur aliquandâ in orationibus illis, quæ varios motus, ac vocis inflexiones efflagitent: ut videant, quid submissè, ac leniter; quid festivè, quid atrociter, quid sedatè, quid concitatiùs dicendum sit. 5. Denique ubi illa pronuntiationis quasi tyrocinia posuerint, poterunt citra periculum in rebus grandioribus, tragicisque versari.

Tertia circa vocem lex hæc est, ut ea pro amplitudine loci, & auditorum multitudine, vel intendatur, vel remittatur; sed tamen nec ascendat ad supremum, nec ad extremum descendat. Nam vox si ima sit, vim non habet; si verò nimium acuta sit, contentaque, delicatas, ac teretes urbanorum hominum aures offendet.

fit. Non equidem hoc esse plebeculæ rudio-
sis ingenium, ut vocalissimum quemque,
& valentissimum lateribus, ita optimum o-
ratorem iudicet, nullamque putet egregi-
am, nisi quæ (a) *pontem indignetur*, actio-
nem, in qua scilicet, & clamoræ fauces, &
vox ululans, & rigidi vulrûs torvitas, &
pedum supplofiones, & brachiorum remi-
gatio, & totius corporis dissoluta quædam,
intemperansque jactatio, & illa denique in-
flata rumpantur.

Ciceroni verò longè alia mens erat. A-
jebat enim venustissimè, clamorosos hujus-
modi *latratores* verius quàm oratores, simi-
les esse claudorum, qui cùm ambulare non
possint, ad equum confugiunt. Ita illi, in
illa (b) *Stentorea* voce tanquam in jumē-
to, suam omnem apud imperitos fiduciam
reponunt; nec magis hoc nomine possunt
Oratores dici, quàm bajulus possit dici ci-
tharædus.

§. IV. De Gestu,

VOcem subsequi debēt Gestus, & varios
animi sensus cum illa simul aperire. Qua
de re colligemus ex veteribus ea tantum,
quæ

(a) *Pontem indignatus Araxes. Virg.* (b)
Stentor quinquaginta hominum clamorem ma-
gnitudine vocis adæquabat. Unde ab Homero
vocatus vocem æream habens.

quæ sæculi nostri moribus sunt accommodata. Multa siquidem ex antiquorum gestulatione prorsus obsoleuisse videmus.

Quid est Gestus?

R. Gestus, inquit Valla, est actio quædam, & quasi pronuntiatio corporis; seu magis cum Quintiliano, *Gestus est totius corporis motus, & conformatio.*

Quid in gestu generatim, & universè cavendum est?

R. I. Nihil in illo sit effæminatum, & molle; nihilominus exquisitum, aut elegans; nihil, quod affectatam quamdam diligentiam, artemque redoleat. Monet enim Fabius actionem non esse deliciis, nimiamque curâ molliendam; & comptis illis, delicatisque Oratoribus sæpenumero solet evenire, quod olim Sybaritarum equitatu contigit. Cùm enim gens effæminata; & chorearum ad insaniam avida, suos etiam, quos ad numerum, symphoniâque saltare docuisset, cùm deinde ex umbraculis in solem, ac pulverem contra Crotoniatis hostes fuit illis prodeundum, histriones illi equi, turbarum, & martis ignari, motibus compositis, saltibusque numerosis repente lascivientes, se, & exercitum totum miserè perdididerunt. Ita umbratiles illi Oratores ab imis unguiculis ad verticem

com usque venustuli, quando ex domestica exercitatione, in medium agmen, in pulverem, in clamorem, in castra, atque aciem forenses prodierunt, & se, & causas suas in magnum quoddam discrimen conjiciunt.

2. Nihil in gestu sit durum, aut agreste, nè dum molliem fugimus, in contrarium rusticitatis vitium videamur incidere. Quamquam, si in alterutro peccandum esset, facilius excusaretur rustica quædam simplicitas, quam putidiuscula gestus, vocis, & habitus affectatio.

Quid de totius corporis motu præcipiendum?

R. Præcipitur. Ut status corporis sit celsus, & erectus, truncus magis totus, virilique quædam laterum inflexione se se Orator moderetur. 2. Nè in morem obrigescat, quasi si verum deglutisset, ut facetè aiebat Epictetus. 3. Ne crebris, & incompolitis corporis commotionibus vehementius agitur, more farentis Sibyllæ:

. . . . Cui pectus anhelum

Et rabie fera corda tument

Vitiosum quippe est huc illuc cursitare, quod olim exprobratum fuit Domitio Afro, qui non agere, sed saragere, non illepide dicebatur. Et cum alius quidam non minus astuosus Orator multum concursasset in dicendo, facetè rogavit eum adversari-

De Pronuntiatione.

us Virginius; Quot demum passuum millia
clamasset: Cassius quoque Severus adversus
circumcurfantes hujusmodi Oratores so-
lebat poscere lineam, quæ immodicas il-
lorum excursionem prohiberet.

Quid in capitis, & oris totius conformatione
servandum est?

R. Vitiosa est frequentior capitis jactatio,
mænâdum instar, de quibus Catullus; car-
mine de Berecynthia, & Athi: Capita Mæ-
nâdes vî jaciunt hederigeræ: aut instar fa-
mosæ illius Mæssalinæ, de qua Tacitus II.
Annalium: Ipsa crine fluxo, Thyrsus quatens,
juxtâque Silius hederâ vindus gerere cothurnos,
jacere caput. Non tamen dedecet aliquan-
do, vel annuendo confirmare, vel abnuen-
do negare: vel capitis in latus inclinatio-
ne languorem, & aversione indignationem;
aut alio simili motu, dubitationem, & e-
jusmodi affectus designare. Sed neque ca-
pite ermus immobili, rigidoque, quod se-
mibarbarum est; ut olim Rufus ille Rhe-
tor, de quo ita Ausonius Epigrammate 50.

Rhetoris hæc Rufi statua est, si saxeæ, Rufus

Cur id ait? semper saxeus ipse fuit.

3. Capite utemur non demisso, & obstipito,
vel in cervicem reflexo; sed recto potius cel-
soque: quamquam hic quoque modus ser-
vandum est, ne audaciæ, ac arrogantia vi-
deatur;

Artis Rhetorica Liber V.

deatur; & capitis demissio potest aliquando tristicium, luctum, mœrorem, pœnitentiam, & iræ divinæ placandæ studium perbellè significare.

Sed in ore, vultuque, & oculis sunt indices, Quapropter pro rerum natura, vultum indues, modò hilarem, modò mœstum, nunc blandū, nunc minacem. Ita Horatius;

Tristia mœstum

Vultū verba decent: iratum plena minarum;
Ludentem lasciva; severum seria dictu.

Frons exporrecta, diffusaque, hilaritatis indicium est: contra verò severitas indicatur fronte corrugata, caperataque, & supercilis vel contractis, vel etiam inæqualibus. Unde Tullius in Pisonem: *Alterò ad frontē sublatò, alterò ad mentum depressò superciliò respondit* & pro Sextio: *Tanta erat gravitas in oculo, tanta frontis contractio, ut illò superciliò, tanquam Rhadamantus ille nisi videretur:* Hinc etiam Petronius Arbiter:

Quid me spectatis constricta fronte, Cætones?

Et post illum Martialis lib. 1.

Contigeris nostros, Cæsar, si fortè libellos,
Terrarum dominum pone supercilium.

Orantem, & aliquid à Deo poscentem indicant oculi in cœlum sublatis, ut res ipsa satis loquitur. Unde Callandra:

De Pronuntiatione.

Ad Cœlum tendens ardentia lumina frustra

Oculos avertere avertantis est, vel fasti-
dientis, vel negantis. Sic misera Didonis
umbra, conspecto apud inferos Æneas:
Illa solò fixos oculos averfa tenebat,

Oculi clausi meditantem, & cogitantem,
animum produunt. Oculos in unum locum
defixos habent, qui præ admiratione stu-
pent. Unde Æn. 2.

Dū stupet, obtutuque hæret, defixus in uno.
Præterea demissi oculi modestiam, pudor-
emque significant. Sic Andromache Æn. 3.
Dejecit vultum, & demissa voce locuta
est:

Quid in Brachii moderatone servandum?

R. Brachia nec deorsum incoïnposita
pendeât, nec immodicè projiciantur, nisi in
affectu vehementiori. Brachium extensum,
ac porrectum, potentiam, auctoritatem, &
robur arguit. Contrà verò continere, ac
cohibere brachium, est pudoris, ac vere-
cundix. Unde Tullius pro Cœlio: *Nobis o-
lim annus erat unus, ad cohibendum brachium to-
gâ constitutis, ut exercitatione, ludôque campe-
stri tunicati (a) uterentur.*

Quid circa manus, digitosque præcipitur?

R. Manus, sinè quibus trunca esset actio, ac
debilis, vix dici potest, quot motus habeant, in-

Aaz

quit

(a) Alii legunt *uteremur.*

284
 ait Fabius. . . Jam cetera partes loquentem
 adiurant: ha, propè est, aut dicam, ipsa loquen-
 tur. An non his poscimus? pollicemur? vocamus?
 dimittimus? minamur? abominamur? timemus?
 interrogamus? negamus? Gaudium, tristitiam,
 dubitationem, confessionem, penitentiam, modum,
 copiam, numerum, tempus ostendimus? Circa
 manus autem certæ quædam sunt, ac defi-
 nitæ leges, quas sequi oportebit.

1. Manus in Exordio non solet extendi.
 Ast ubi paulùm effervescece cepit oratio,
 manus pariter exeritur cum illa, pariterque
 cum illa deponitur.

2. Pectori manus admoventur, cum de se-
 ipso quis loquitur; at cum alloquitur alium,
 ad illum, extenditur.

3. Manus sinistra nunquam sola gestum facit,
 inquit Fabius: dextra se frequenter accommo-
 dat: siue in digitos argumenta digerimus,
 causamque, ut olim Hortensius consueve-
 rat, partimur in digitis (quæ morem hodie-
 que nonnulli non infeliciter, imitantur) si-
 ve aduersas palmas, quasi repellendo, & re-
 pudiando objicimus.

4. Solæcismus gestu committitur, cum a-
 liud voce, aliud gestu monstramus; ut Rhe-
 tor ille, qui cælum appellans, tellurem in-
 tuebatur, gestuque monstrabat.

5. Urgemus crebra manuum impressio:
 ne. Sup-

ne. Supplicamus manibus elatis, junctisque.
Confirmamus manibus pronis, gravi quodam,
& decenti motu depressis.

6. Admirantium est manus tollere. Unde Tullius in Academicis Quæstionibus Hortensius autem vehementer admirans, quod quidem perpetuo Lucullo loquente fecerat, ut etiam manus sæpè tolleret. Et ad Cæsarem, Epistolarum libro septimò. Sustulimus manus ego, & Balbus. Huc etiam pertinet illud Catulli, Carmine. 53.

Admirans ait hæc, manusque tollens:

Eii magni, (a) Salapusium disertum!

7. Manu extenta facimus nobis audientiam, indicimusque silentium. Hinc Persius in Satyris:

Fert animus calidæ fecisse silentia turbæ
Majestate manûs. . .

Lucanus etiam Libro primò de Cæsare,
..... Tumultum

Composuit vultu, dextrâque silentia iussit.

8. Manus ori admota tacentis, & silentium suadentis habitus est, *Digito composce labellum*, inquit Juvenalis; quo etiam gestu simulacrum Harpocratis effingebant Ægyptii veteres.

9. So-

(a) Salapusius nomen compositum ex sale, & pusius sive pusio, quasi dicas pusio plenus salis, & facetiarum, quod de Calvo dictum ob pusillam MENTEM.

9. Solebat Tullius antequam diceret, barbam demulcere, quod hodieque nonnulli solent. Sunt etiam qui aut frontem fricent, aut lacunar intueantur, sed hæc vitiosa sunt. Vitiosum est quoque, manus vel supra caput attollere, vel infra pectus demittere, præterquam in summis affectibus.

10. Pectus ferire, aut femor, propè scenicum est.

11. Manus optimè à sinistro incipit latere, dextroque deponitur.

12. Hoc esse cavendum, ait Cicero; ne nimis sint digitorum argutia, nevé immodica sit illorum gesticulatio, quod vitio laboravit summus Orator Hortensius. Cum enim, inquit Agellius, manus ejus inter agendum, essent arguta admodum, & gestuosa, male ductis, compellationibusque probrosis jactatus est; multaque in eum quasi in histrionem in ipsis causis, atque judiciis dicta sunt.

Has autem omnes, quas hæctenus diximus, Oratoris virtutes, cura, & labore comparari posse liquet mirabili Demosthenis exēplō, qui cum(a) primam artis suæ litteram dicere nequiret, studio, & exercitatione perfecit, ut planissimè diceret, & balbutiem, inditis ori calculis, emendavit, exilitatem vocis, ad fluctus maris declamando,

(a) Litteram R.

do, illiusquæ fremitus voce vincend. su-
stulit; angustias spiritûs, locorum inter de-
clamandum ascensu, tandem aliquando su-
peravit.

Atque hæc de Pronuntiatione monuisse
sufficiat. Reliqua, quæ eodem pertinent,
exercitationi relinquimus: cui scilicet plus
multò, quàm præceptis esse tribuendum e-
xistimavimus.

Finis Libri Quinti.



INDEX

I N D E X

C A P I T U M.

Elementa Rhetoricæ.

CAP. I. De Fabula	pag. 11.
§. I. De variis Fabularum generibus.	2.
§. II. De Fabula Rationali, five Parabola.	Ibidē.
§. III. De Fabula Morali, five Apologo.	31.
§. IV. De Fabula Mixta.	5.
§. V. De legibus, & artificio Fabulæ.	6.
§. VI. De utilitate Fabulæ.	7.
CAP. II. De Narratione.	11.
§. I. De virtutibus Narrationis.	Ibid.
§. II. De Schematis, seu Figuris, quibus illuminari potest Narratio.	17.
§. III. Varia Narrationum genera, & selecta illarum Exempla.	23.
CAP. III. §. I. De Chria.	34.
§. II. Chria verbalis in hanc Virgilio sententiam: Breve, & irreparabile tempus omnibus est vitæ.	47.
§. III. Argumenta Chriarum verbalium ex Horatio.	46.
CAP. IV. De Amplificatione.	48.
§. I. De Amplificatione rerum.	51.

§. II. De Amplificatione per con- geriem Definitionum.	52.
§. III. De Amplificatione per con- geriem adjunctorum.	Ibid.
§. IV. De Amplificatione per con- geriem, seu enumerationem partium.	54.
§. V. De Amplificatione per con- geriem causarum, & effe- ctuum.	55.
§. VI. De Amplificatione per con- geriem consequentium.	57.
§. VII. De Amplificatione per com- parationes, similitudines, & exempla.	58.
§. VIII. De Amplificatione per con- fessionem contrariorum.	60.
§. IX. De Amplificatione per incre- mentum.	61.
§. X.	62.
§. XI.	64.
§. XII.	65.
§. XIII.	Ibid.
§. XIV.	66.
§. XV. De Amplificatione per repe- titionem.	67.
§. XVI. Quid sit in Amplificatione vitandum.	69.
Prooemium Rhetoricæ.	72.
§. I.	

§. I.	De natura, & fine Rhetoricæ.	Ibid.
§. II.	De materia Rhetoricæ.	73.
§. III.	De partibus Rhetoricæ.	75.
§. IV.	De dignitate, & utilitate Rhetoricæ.	76.
	De Imitatione.	77.
D I B E R I		
	De Elocutione.	88.
CAP. I.	De Figuris, seu Schematibus.	89.
§. I.	De Figuris Sententiarum.	90.
§. II.	De Figuris ad movendum idoneis.	Ibid.
§. III.	De Dubitatione.	94.
§. IV.	De Obsecratione.	95.
§. V.	De Imprecatione.	97.
§. VI.	De Interrogatione, & Sub- jectione.	Ibid.
§. VII.	De Præteritione, & Reti- centia.	98.
§. VIII.	De Expolitione.	100.
§. IX.	De Epiphonemate.	101.
CAP. II.	De Figuris ad delectandum magis idoneis.	102.
§. I.	De Apostrophe.	Ibid.
§. II.	De Hypotypossi.	104.
§. III.	De Prosopopœja.	106.
§. IV.	De Ethopœja.	107.
CAP. III.	De Figuris ad docendum idoneis.	110.
		§. I.

§. I.	De Antithesi.	
§. II.	De Sustentatione.	
§. III.	De Communicatione.	Ibid.
§. IV.	De Correctione.	113.
CAP. IV.	De Figuris verborum.	114.
§. I.	De Tropis.	Ibid.
§. II.	De Metaphora.	115.
§. III.	Quid vitandum in Meta- phora.	118.
§. IV.	De Allegoria.	121.
§. V.	De Metonymia.	122.
§. VI.	De Synecdoche.	124.
§. VII.	De Ironia.	126.
§. VIII.	De Sarcasmo.	130.
CAP. V.	De Figuris verborum pro- priè dictis, seu quæ non sunt Tropi.	131.
§. I.	Figuræ per Adjectionem.	132.
§. II.	De Figuris per Detractionem.	136.
§. III.	De Figuris per similitudinem.	138.
§. IV.	Appendix de Transitione.	140.
CAP. VI.	De Periodo.	145.
§. I.	De partibus Periodi.	Ibid.
§. II.	De variis Periodorum ge- neribus.	147.
§. III.	De legibus ac regulis Pe- riodi.	148.
	§. IV.	

§. I.	De artificio Periodi ampli-	
	ficandæ.	150.
§. V.	De numero, & cæteris vir-	
	tutibus Periodi.	152.
§. VI.	Regulæ sex, quibûs reddi potest	
	numerosa Periodus.	153.
§. VII.	Quomodo parari possit facultas	
	numerosè dicendi.	159.
CAP. VII.	De Stylo oratorio.	161.
§. I.	De Stylo sublimi.	162.
§. II.	De Arte cõparandi Styli sublimis;	
		164.
§. III.	De Stylo simplici.	165.
§. IV.	De Stylo mediocri.	166.
§. V.	De usu triplicis Styli, seu Chara-	
	cteris.	167.
§. VI.	De Stylo vitioso.	168.
§. VII.	De Stylo Laconico, & Asiatico.	
		171.

L I B E R. II.

	De Inventione.	184.
CAP. I.	De Locis intrinsecis,	185.
§. I.	Definitio.	ibid.
§. II.	Enumeratio partium.	189.
§. III.	Notatio Nominis & Conjugata.	191.
§. IV.	Genus, & Species, seu Forma.	195.
§. V.	Similitudo, & Dissimilitudo.	197.
§. VI.	Contraria, & Repugnantia.	200.
§. VII.	Adjuncta.	202.

§. VIII.

§. VIII. Antecedentia, & Conseq.	
§. IX. Causæ.	
§. X. Effecta.	
§. XI. Comparatio.	210.
CAP. II. De Locis extrinsecis, seu remotis.	213.
CAP. III. De secunda Inventionis parte. seu de motibus excitandis.	219.
§. I. De Amore, & Odio.	221.
§. II. De Metu, Spe, & Audacia.	224.
§. III. De Misericordia.	229.
§. IV. De Ira, & Indignatione.	231.
§. V. De Mansuetudine.	235.
§. VI. De Æmulatione.	258.
L I B E R. III.	
De Dispositione.	261.
CAP. I. De Exordio.	263.
§. I. De variis, Exordiorum generibus.	264.
§. II. De virtutibus, ac vitiis Exordii.	266.
§. III. De variis Exordiorū fontibus.	269.
§. IV. De officio, ac munere Exordii.	273.
§. V. De paranda attentione.	278.
§. VI. De propositione.	282.
§. VII. De Divisione.	284.
CAP. II. De Confirmatione.	285.
§. I. De Cōfirmatione propriè dicta. ibid.	
§. II. De Syllogismo.	287.
§. III. De Enthymemate.	291.


§. I. De Inductione.	293.
§. II. De Exemplo.	295.
§. VI. De Dilemmate.	296.
§. VII. De Crocodillo, & de argumento insolubili.	298.
§. VIII. De Sorite, & Epicheremate.	299.
CAP. III. De Confutatione.	301.
CAP. IV. De Peroratione.	304.
§. I. De Enumeratione.	ibid.
§. II. De affectuum Commotione.	307.
L I B E R. IV.	
De Diversis Orationum generibus.	311.
CAP. I. De Orationibus, quæ pertinent ad genus demonstrativum.	312.
§. I. De oratione Panegyrica.	ibid.
§. II. De Inventionibus, & fontibus Panegyrici.	313.
§. III. De tempore, quod ortum antecessit.	315.
§. IV. De iis, quæ in vita ipsa laudari possunt.	321.
§. V. De corporis, & fortunæ laudibus.	323.
§. VI. De tempore illo, quod mortem subsequitur.	328.
§. VII. Animadversiones quædam circa personarum laudationem.	331.
§. VIII. De oratione natalitia, seu Gene- thliaca.	333.


§. IX.	De oratione nuptiali, si- v amio.	345.
§. X.	De laudatione Funebri.	345.
§. XI.	De oratione Eucharistica.	345.
§. XII.	De Epinicio, & Gratulatione.	349.
CAP. II.	De orationibus, quæ pertinent ad genus deliberativum.	352.
§. I.	De Suasione & dissuasione.	353.
§. II.	De variis variarum ætatum mori- bus.	358.
§. III.	De moribus Nobilium, Divitum, & Plebeiorum.	361.
§. IV.	De Hortatione, & Dehortatione.	366.
§. V.	De Concitatione, & Conciliatio- ne.	369.
§. VI.	De Commendatione.	370.
§. VII.	De Petitione.	372.
§. VIII.	De Consolatione.	373.
L I B E R. V.		
	De Pronuntiatione.	376.
§. I.	De Memoria.	377.
§. II.	De Voce.	378.
§. III.	De monotonia, & Cantu.	380.
§. IV.	De Gestu.	382.





Handwritten text, likely bleed-through from the reverse side of the page. The text is written in a cursive script and is difficult to decipher due to fading and the texture of the paper. It appears to contain several lines of text, possibly including a name or a title.





Biblioteka Jagiellońska



std r0023937

